

A N N A L E S

*ACADEMIAE RHENO-TRAJECTINAE.*

Ann. 1783—1784.

S U M M A R Y

ANALYST - OIL & GAS INDUSTRY

\$675-

A N N A L E S  
ACADEMIAE RHENO-TRAJECTINAE,

Ann. CCCXXV—CCCXXVI.

IANO RICHARDO DE BRUEYS,

RECTORE ACADEMIAE MAGNIFICO,

IODOCO HERINGA, ELISAE FILIO,

SENATUS GRAPHIARIO.



TRAJECTI AD RHENUM,  
APUD JOANNEM ALTHEER,  
ACADEMIAE TYPOGRAPHUM.

1827.



1870. 10. 10.  
Gardens. 1000 ft. above sea level.

1000 ft. above sea level.

HOC ANNALIUM VOLUMINE  
CONTINENTUR:

Nomina Profesorum et Lectorum in Academia Rheno-Traiectina. §. I.

Quaestiones, ad certamen literarium propositae,  
A. CICCCXXV. §. II.

Series lectionum habendarum. §. III.

Series disputationum, publice et privatim defensarum. §. IV.

Solennia. §. V.

JANNI RICHARDI DE BRUEYS Oratio.

HERMANNI IOHANNIS ROTTAARDS  
Oratio.

Responsiones ad quaestiones propositas:

**SALOMONIS PETRI SCHELTEMAE, ad  
Quaestionem Medicam.**

**GUILIELMI MUURLING, ad Quaestionem  
Historicam.**

**CORNELII HOOYER, ad Quaestionem Theo-  
logicam.**

HVM SAGA ARMANIAE DCL  
RUTANAE CO

AN-

A N N A L E S  
ACADEMIAE RHENO - TRAIECTINAE

**Ann. Taxa** — **Ann. Taxa**

§. I.

*In Academia Rheno-Traiectina, inde a die  
xxvi Martii, A. cicccccxxv. usque ad diem  
xxvi Martii, A. cicccccxxvi. munus obierunt  
docendi,*

## *JURISPRUDENTIAM*

HERMANNUS ARNTZENIUS,  
IANUS RICHARDUS DE BRUEYS, *h. t. Academiae Rector,*  
CORNELIUS ADRIANUS VAN ENSCHUT.

MEDICINA M

IANUS BLEULAND,  
NICOLAUS CORNELIUS DE FREMERY,

BERNARDUS FRANCISCUS SUERMAN,  
 IANUS ISAACUS WOLTERBEEK,  
 PHILIPPUS FRANCISCUS HEYLIGERS, *Professor  
 extraordinarius.*

*PHILOSOPHIAM THEORETICAM ET  
 LITERAS HUMANIORES*

PHILIPPUS GUILIELMUS VAN HEUSDE,  
 IOANNES HENRICUS PAREAU,  
 ANTONIUS VAN GOUDOEVER,  
 ADAMUS SIMONS.

*MATHESIN ET PHILOSOPHIAM  
 NATURALEM*

NICOLAUS CORNELIUS DE FREMERY,  
 GERARDUS MOLL,  
 IOANNES FREDERICUS LUDOVICUS SCHRÖDER,  
 IANUS KOPS,  
 THEODORUS GERARDUS VAN LIDTH DE IEUDE,  
*Professor extraordinarius.*

THEO.

## THEOLOGIAMI

IODOCUS HERINGA, E. F. h. t. Senatus Academicus Graphiarius,

GABRIEL VAN OORDT, honorifice et ex voto suo dimisus,

HERMANNUS BOUMAN;

HERMANNUS JOHANNES ROYAARDS, Professor Ordinarius, inde a. d. 3 Martii, 1826.

## LECTORES:

SAMUEL NYHOFF, Linguae Graecae,

GERARDUS DORN SEIFFEN, Literarum Humaniorum,

MARIE FRANCISCUS XAVIERIUS D'ANGELY, Literarum Gallicarum,

CAROLUS THOMPSON, Literarum Anglicarum,

FREDERICUS LOMBARDI BIANCHI, Literarum Italicarum Lector, qui mortem obiit, a. 1815.

IUSTUS HENRICUS KOCH, Linguae Germanicae Lector designatus, die 31 Oct. 1825.

MAGISTER ACADEMICUS  
EQUITATIONIS.

IOHAN SALENTYN HOFFMAN.

MAGISTER ACADEMICUS  
ARTIS GLADIATORIAE.

LAMBERT DE FRANCE.

§. II.

*Quaestiones ad certamen literarium singulis disciplinarum studiosis, in Academiis et Athenaeis universi Belgii, anno CICICCCCCXXV, fuerunt propositae his formulis:*

QUAESTIO IURIDICA.

*Asylorum apud praecipuas gentes, antiquas et recentiores, origo, usus et abusus tradantur atque exponantur.*

QUAES-

## QUAESTIO MEDICA.

Dilucide et breviter exponantur *Hyoscyami nigri*, primum descriptio Botanica, eiusque herbae, radicis et seminis analysis Chemica, deinde efficacia huius plantae venenatae in corpus animale, porro eius usus medicus, atque tandem noxae ex medicamenti intempestiva adhibitione oriundae.

*Facultas Medica*, iterum hanc quæstionem proponens, monet, imprimis in scriptoribus, qui hoc argumentum tractare velint, desiderari, ut non aliorum tantummodo proferant experimenta et opiniones, sed praeterea illa, quantum eis fieri posit, repetant, has vero ad regulas in Therapia generali traditas prudenter dijudicent, neque negligant scriptoris Latinæ perspicuitatem et puritatem.

## QUAESTIO LITERARIA.

Quæ fuit sub finem Saeculi XI. gentium Europearum conditio? Quid causæ fuisse videtur, ut bella eo tempore susciperentur sacra? Unde explicandum, bella illa, per duo proxima saecula, et tanto ardore, fuisse gesta?

QUAES-

## QUAESTIO MATHEMATICA.

Explicantur praeceps modi, quibus Calculi differentialis principia demonstrare conati sunt Mathematici, et quid de singulis his modis existimandum sit.

## QUAESTIO ZOOLOGICO-OECONOMICA.

Exponatur Apis mellifica Linn. succincta Anatome, Historia Naturalis et Usus oeconomicus, adhibitis et dijudicatis veterum et imprimis recentiorum hac de re observationibus et experimentis.

Quae quaestio denuo proponitur, cum responsio, hoc anno ad Facultatem missa, neque satis accurate et perspicue conscripta fuerit, neque sermone latino commendaverit.

## QUAESTIO THEOLOGICA.

Quibusnam partibus sibi invicem similes sunt sacri lavationis et coenae ritus a Christo instituti? Quis huius comparationis est usus, in iudicio de utriusque ritus indole, legitimo usui ac fructu salutari?

§. III.

## §. III.

*Lectionum, inde a feriis aestivis A.  
ccccxxv. usque ad ferias aestivas A.  
ccccxxvi. habendarum, haec fuit ratio con-  
stituta.*

In FACULTATE IURIDICA,  
docebunt

*Institutiones, Westenbergo duce, H.  
ARNTZENIUS, diebus martis, mercurii, io-  
vis, veneris et saturni, hora IX.*

*Pandectas, eodem duce, H. ARNTZENIUS,  
diebus martis, mercurii, iovis et veneris, hora  
X. et II. die saturni, hora X.*

*Ius Belgicum, ad ductum linearum Iur. Civ.  
Holland. descriptarum a. Cl. N. Smallen-  
burg, I. R. DE BRUEYS, diebus lunae, mar-  
tis, mercurii, iovis et veneris, hora XII.*

*Historiam Jurisprudentiae Romanae H.  
ARNTZENIUS, diebus mercurii, iovis et vene-  
ris, hora XI.*

*Encyclopaediam iuris I. R. de BRUEYS,*  
diebus lunae, mercurii et veneris, hora I.

*Elementa oeconomiae politicae I. R. de  
BRUEYS,* diebus lunae, martis et iovis, hora XI.

*Ius naturae C. A. van ENSCHUT,* diebus  
martis, mercurii, iovis et veneris, hora XII.

*Ius publicum et gentium C. A. van EN-  
SCHUT,* diebus martis, mercurii, iovis et ve-  
neris, hora I.

*Ius Criminale universum et belgicum C. A.  
van ENSCHUT,* diebus martis, mercurii, iovis  
et veneris, hora IX.

*Disputandi exercitationibus, alternis hebdoma-  
dibus, praecrant Professores in Facultate Iuridica.*

In F A C U L T A T E M E D I C A,  
docebunt

*Anatomiam B. F. SUERMAN,* quater per  
dierum hebdromadem, hora IV.

*Physiologiam I. BLEULAND,* quater h VIII.

*Specimina Anatomiae subtilioris, iam hu-  
mana, quam animalium comparatae, in Museo  
Academico, demonstrabit I. BLEULAND, die-  
bus et horis, auditoribus commodis.*

*Dis-*

*Dissectionibus cadaveris Anatomicis, opportuno anni tempore instituendis, praerit B. F. SUERMAN.*

*Pathologiam exponet B. F. SUERMAN, ter per dierum hebdomadem, hora IX.*

*Doctrinam de cognoscendis et curandis hominum morbis I. I. WOLTERBEEK, quinque diebus, hora XII.*

*Therapeuticam alimentorum, et medicamentorum expositionem I. I. WOLTERBEEK, quater, hora III. Pharmaciām vernaculo sermone, N. C. DE FREMERY, diebus martis et veneris, hora III.*

*Institutionibus Clinicis morborum internorum vacabit I. I. WOLTERBEEK, singulis diebus, in Nosocomio Academico. Praxin chirurgicam tradet B. F. SUERMAN, quater per dierum hebdomadem, hora VIII.*

*Operationes chirurgicas demonstrabit B. F. SUERMAN, tempore hyemali, diebus et horis deinceps indicandis.*

*Institutioni clinicae in arte chirurgica, quo-vis die, vacabit B. F. SUERMAN.*

*Theoriam artis obstetriciae I. I. WOLTER-BEEK, ter per dierum hebdomadem.*

*Institutionibus obstetriciis, imprimis practicis, in Nosocomio habendis, vacabit I. I. WOLTERBEEK.*

*Morbos chirurgicos generales Ph. F. HEYLIGERS, diebus lunae et martis, hora II. iovis et veneris morbos venereoos eadem hora docebit.*

*Operationes chirurgicas in cadavere humano publice demonstrabit Ph. F. HEYLIGERS, tempore hyemali, earumque encheiresium rationem, vernaculo sermone, exponet, quater per dierum hebdomadem, hora V.*

*Artem obstetriciam theoreticam et practicam docebit Ph. F. HEYLIGERS, quater quavis hebdomade, hora I.*

*Medicinam forensem tradet N. C. DE FREMERY, diebus mercurii et saturni, hora VIII.*

*Disputandis exercitationibus, alternis hebdomadibus, die saturni, hora I. Professores in Facultate Medica alternativim pra eerunt.*

*MAIORIS. 21. 8. 1666.*

In FACULTATE PHILOSOPHIAE  
THEORETICAE ET LITERA-  
RUM HUMANIORUM;

docebunt

*Logicam* I. F. L. SCHRÖDER, diebus lu-  
nae et saturni, hora II.

*Doctrinam Moralem* I. F. L. SCHRÖDER,  
die iovis et veneris, hora II.

*Literas Latinas* A. VAN GOUDOEVER,  
diebus lunae, martis, iovis et veneris, hora X.  
interpretando cum Ciceronis libro I. de offi-  
ciis, tum Virgilii Aeneidos Lib. XII.

*Ciceronis librum* II et III. de Republica  
interpretabitur A. VAN GOUDOEVER, die  
mercurii, hora I. et die saturni, hora XII.

*Antiquitatem Romanam* A. VAN GOUDOE-  
VER, die lunae hora IX., die mercurii hora  
IX. et XII. die saturni, hora IX.

*Exercitationibus Oratoriis* pra eerit A. VAN  
GOUDOEVER, die saturni, hora I. aut alia  
magis commoda.

*Literas Graecas* tradet Ph. G. VAN HEUS-  
DE, interpretandis cum locis selectis He-  
sio-

siodi et Herodoti, diebus martis et veneris, hora XI. tum Euripidis *Phoenissis*, diebus lunae et iovis, hora XI.

*Historiam Literariam* Ph. G. VAN HEUSDE, diebus mercurii et saturni, hora X.

*Literas Hebraicas* I. H. PAREAU, ita ut *Grammaticam* exponat, diebus lunae et iovis, hora IX. eademque hora, diebus martis et veneris, quaedam tractare pergit capita e priore *Samuelis* libro.

*Literas Chaldaicas et Syriacas* I. H. PAREAU, diebus lunae et iovis, hora XI.

*Literarum Arabicarum initia* I. H. PAREAU, diebus martis et veneris, hora XI. et carmina quaedam *Arabica* tractabit, die mercurii, hora IX.

*Antiquitatem Hebraicam* I. H. PAREAU, diebus lunae et iovis, hora I., diebus martis et veneris, hora IV.

*Historiam gentium, praesertim Orientalium*, Ph. G. VAN HEUSDE, diebus lunae, martis, iovis et veneris, h. XII.

*Historiam Philosophiae, in primis moralis*, Ph. G. VAN HEUSDE, diebus mercurii et saturni, hora XI.

His-

*Historiam Patriae A. SIMONS,* d. martis,  
mercurii, iovis et veneris, hora VIII.

*Literas Belgicas et Eloquentiam A. SI-  
MONS,* d. martis, mercurii, iovis et veneris,  
hora II.

*Mythologiam Gentium Germanicarum A.  
SIMONS,* d. niartis et veneris, hora IV.

*Praecepta styli bene Belgici tradet A. SI-  
MONS,* d. martis, horâ I, mercurii, horâ XI.  
iovis, horâ IV. et veneris, horâ XI.

*Disputandi exercitationibus praeerunt,* alter-  
nis hebdomadibus, die saturni hora I. alternatim  
PH. G. VAN HEUSDE et A. VAN GOUDOE-  
VER.

In FACULTATE MATHESEOS ET  
PHILOSOPHIAE NATURALIS,  
docebunt.

*Elementa Matheeos I. F. L. SCHRÖDER,*  
d. martis, mercurii, iovis et veneris, hora VIII.

*Trigonometriam, atque Geometriae practicae  
elementa I. F. L. SCHRÖDER,* d. martis et  
mercurii, hora II.

*Physicam Mathematicam I. F. L. SCHRÖ-  
DER,*

**DER**, bis per dierum hebdomadem, hora auditoribus commoda.

*Calculum differentiale et integrale* I. F. L. SCHRÖDER, hora deinceps indicanda.

*Physicam experimentalem* G. MOLL, d. lunae, martis, iovis et veneris, hora I.

*Astronomiae primas notitias* G. MOLL, d. lunae, martis, iovis et veneris, h. IX. vel alia, auditoribus magis commoda.

*Astronomiam theoreticam et practicam* G. MOLL, iisd. diebus, hora III.

*Elementa Hydrotechniae*, ad praesentem conditionem Patriae applicata, si sufficiens numerus auditorum adsit, bellico sermone exponet G. MOLL, hora deinceps indicanda.

*Chemiam generalem et applicatam* N. C. DE FREMERY, diebus lunae, martis, mercurii, iovis et veneris, h. XII.

*Botanicam et Physiologiam plantarum* I. KOPS, d. lunae, martis, iovis et veneris, h. XI.

*Zoologiam universam* N. C. DE FREMERY, diebus lunae, martis, iovis et veneris, h. XI.

*Anatomiam comparatam* TH. G. VAN LIDTH DE IEUDE, diebus mercurii et saturni, horis auditoribus commodis.

*Mi.*

*Mineralogiam N. C. de FREMERY*, bis per dierum hebdomadem, horâ auditoribus commoda.

*Oeconomiam ruralem* I. KOPS, diebus lûnae, mercurii et iovis, hora I, et saturni, hora XII.

Disputandi exercitationibus, die saturni, hora I, praeerunt Professores in Facultate Matheseos et Philosophiae Naturalis.

### In FACULTATE THEOLOGICA,

In *Theologiam Naturalem* cum commilitonibus inquiret H. BOUMAN, diebus lûnae et veneris, horâ X. et die martis, horâ II.

*Historiam Ecclesiae Christianae*, in primis antiquam, ad Reformationis usque tempora, tradet H. I. ROYAARDS, diebus lûnae, martis et iovis, hora XI, et die mercurii, hora VIII.

*Historiam Dogmatum Christianorum*, die lûnae, hora I, et mercurii, hora IX, aut aliâ auditoribus magis commoda.

*Generalem V. T. Hermeneuticam* tractabit, secundum priores duas *Institutionis* suae partes, I. H. PAREAU, diebus martis et veneris, hora I;

*Criticas et exegeticas lectiones, tum in ultimos J. C. sermones, tum in Paulli ad Romanos epistolam, habebit H. BOUMAN, diebus lunae, martis, iovis et veneris, horâ IX.*

*Theologiam Dogmaticam docebit I. HERINGA, E. F. diebus lunae, martis, iovis et veneris, hora VIII.*

*Collocutionibus de locis theologicis vacabit I. HERINGA, E. F. die iovis, horis vespert. a. VII. ad IX.*

*Theologiam moralem Christianam docebit H. I. ROYAARDS, diebus martis et iovis, hora X. et die mercurii, hora II.*

*Praecepta homiletica tradet I. HERINGA, E. F. diebus lunae et iovis, hora XII.*

*Exercitationes oratorias sacras moderabitur I. HERINGA, E. F. die saturni, hora I. vel alia magis commoda.*

*Officia doctorum et antistitum in ecclesia Christiana exponet I. HERINGA, E. F. diebus martis et veneris, hora XII.*

*Puerorum doctrinae Christianae initii eruditendorum exercitationem instituet I. HERINGA, E. F. die veneris, hora XI.*

*Com militonibus, orationes habentibus sacras,  
prae-*

praefes aderit I. HERINGA, E. F. die mercurii,  
hora XII. H. BOUMAN, die mercurii, horâ X.  
et H. I. ROYAARDS, die iovis, hora I.

*Disputandi exercitationibus praeerit I. HERINGA, E. F. privatim die saturni, hora XII. vel alia commodiore, publice, die mercurii, hora I. H. BOUMAN, die martis, hora II. et H. ROYAARDS, die iovis, hora I.*

G. VAN OORDT, et si, suo rogatu, honorifice a Rege dimissus est, lubentissime tamen sua officia et consilia, quoad eius fieri possit, offert commilitonibus. Orationes sacras habentibus aderit, die mercurii, hora XI.



G. DORN SEIFFEN, *Human. Lit. Lect*or, diebus lunae et iovis, hora V. *de rhythmicâ ratione in carminibus tam Graecorum quam Latinorum poëtarum aget*; iisdem diebus, hora VI. aut alia auditoribus magis commoda, *exercitationes poëticas Latinas instituet.*

*Literas Francicas tradet F. M. D'ANGE-LY, diebus lunae et iovis, hora V.*

*Li.*

*Literas Anglicas tradet C. THOMPSON,*  
diebus lunae et iovis, hora IV.

*L. DE FRANCE,* Academicus gladiatoriae artis Magister, quotidie aptum et elegantem gladii usum docebit.



*Bibliotheca Academica, diebus Lunae et Iovis, ab hora I. in II. diebus Mercurii et Saturni ab hora I. in IV. et, feriarum tempore, singulis diebus Iovis, ab hora I. in II. unicuique patebit.*

#### §. IV.

Inde a die xxvi. Martii, a. cicccccxxv. usque ad diem xxv. Martii, a. cicccccxxvi. Dissertationes, sive publice, sive privatim, defensae sunt hae.

Anno cicccccxxv.

Die xiv. Aprilis, CORNELIUS ALLARD ABING, Hoevelakenensis, Scholae Hornanae Corrector, Philosophiae theoreticae Magister, et  
Li-

Literarum humaniorum Doctor *creatus est*, publice *defenso* Specimine Literario, de Solonis laudibus poëticis.

*Die xi. Maii, IOANNES DE IONGH, Zaltbos-mela Gelrus, Iuris Romani et hodierni Doctor, publice defensa Dissertatione Iuridica, de adeunda et repudianda hereditate ex iure hodierno.*

*Die xvi. Maii, PETRUS IOHANNES BLOM, Ti-la Gelrus, Medicinae Doctor, publice defensa Dissertatione Medica, de calculi vesicae urinariae curatione in sexu masculino.*

*Die xvii. Maii, CORNELIUS ADRIANUS BERGSMA, Leyardia Friesius, Medicinae Doctor, publice defensa Dissertatione Botanico-Medica, de Thea.*

*Die xxii. Maii, IOANNES GUILIELMUS DE BLOCQ VAN SCHELTINGA, Iuris Romani et hodierni Doctor, privatim defenso Specimine Iuridico, de parte bonorum, quam coniux, cui sunt liberi prioris thori, dare potest secundo coniugi, ex iure hodierno.*

*Die xxxi. Maii, FRANCISCUS CAROLUS BENE-DICTUS FELIX FAEDER, ex Treton prope Aves-nem, Iuris Romani et hodierni Doctor, priva-tim*

*tim defensa* Dissertationē, de lege 2. codicis poenalis, seu de conatu delinquendi.

*Die II. Iunii*, LEONARDUS MASSET, Leodien-sis, Iuris Romani et hodierni Doctor, *privatim defenso* Specimine Iuridico, exhibente Commen-tationem, ad primam partem tituli praelimina-ris Codicis Civilis, de publicatione legum.

*Die III. Iunii*, PHILIPPUS CHRISTIANUS VAN DER PANT, Rheno-Traiectinus, Iuris Romani et hodierni Doctor, *privatim defensa* Disser-tatione Iuridica, de natura atque vi diversarum legati specierum, quae in codice civili occur-runt.

*Die VIII. Iunii*, IOANNES SEBASTIANUS VAN NAAMEN, Lugduno-Batavus, Iuris Romani et hodierni Doctor, publice *defensa* Dissertatione Iuridica, de confessione partis in iudicio facta.

*Die IX. Iunii*, THEODORUS PAULUS BERGSMA, Leovardia Frisius, Theologiae Doctor, publi-ce *defensa* Dissertatione Theologica, de Zoroas-tris quibusdam placitis, cum doctrina Christiana comparatis.

*Die XI. Iunii*, IANUS DUYMAER VAN TWIST, Daventriensis, Iuris Romani et hodierni Doc-tor, publice *defensa* Dissertatione Iuridica, con-tinen-

tinente selecta ex iurisprudentia comparata de iure hereditario.

*Die xiv. Iunii, FRANCISCUS ADRIANUS SNELLEN, Roterodamensis, Medicinae Doctor, publice defensa Dissertatione Pathologico-Medica, de Spondylarthroacacia.*

*Eodem die, PHILIPPUS HENDRICUS BENJAMINUS VAN GOLTSTEIN, Rheno-Traiectinus, Iuris Romani et hodierni Doctor, privatim defensa Dissertatione Iuridica, selecta exhibente de juris necessitudine, parentes inter et liberos legitimos, ex jure hodierno.*

*Eodem die, IOANNES MATTHIAS VAN RUELO, Udenensis, Medicinae Doctor, privatim defensa Dissertatione Pathologico-Chirurgica, de carcinomatæ glandulae parotidis.*

*Eodem die, DANIEL MARINUS DE SUPERVILLE, Medioburgo-Zelandus, Iuris Romani et hodierni Doctor, privatim defenso Specimine Iuridico, de parte bonorum, de qua parens, pro numero liberorum legitimorum, disponere potest.*

*Die xv. Iunii, CAROLUS HENRICUS THIEBOUT, Arnhemia-Gelrus, Philosophiae theoreticae Magister et Literarum humaniorum Doctor, publice*

*et defensa* Disputatione Literaria, in locum L. Annaei Senecae, qui est de sapientis humilitate.

*Eodem die, WILHELMUS CORNELIUS VAN HEURN, Sylva-ducensis, Iuris Romani et hodierni Doctor, privatim defenso Specimine luridico, de iure matrimoniali secundum veteres consuetudines Sylva-ducenses.*

*Eodem die, SAMUEL IPERTUS WISELIUS, Amstelodamensis, Medicinae Doctor, privatim defensa Dissertatione Medica, de aqua frigida, eiusque actione in hominem, cum sanum, tum morbosum.*

*Die XVI. Junii, CONRADUS ALEXANDER DE IONCH, Rotterodamensis, Iuris Romani et hodierni Doctor, publice defensa Dissertatione Juridica, de pactis, secundum iuris, praesertim naturalis, principia.*

*Eodem die, IOANNES CORNELIUS SCHORER, Medioburgo-Zelandus, Iuris Romani et hodierni Doctor, privatim defensa Dissertatione Juridica, de causa iuris et obligationis, quae ex pacto proficiuntur.*

*Eodem die, IOANNES IACOBUS VAN HOEY, Gorinchemensis, Iuris Romani et hodierni Doctor,*

tor, *privatim defensa* Dissertatione Iuridica, sistente explicationem legum 1009. et 1020. Codicis civilis.

*Die xvii. Junii, IOACHIMUS IACOBUS VERWEY MEJAN, Haganus, Iuris Romani et hodierni Doctor, privatim defensa Dissertatione Historico-Iuridica, de iuris antiqui Francici in scriptum et non scriptum divisione, illiusque divisionis in possessione hereditaria (saifine) vestigiis.*

*Die xviii. Junii, WILLIAM MELANCTHON FORBES, ex colonia Curacao, Iuris Doctor, privatim defensa Dissertatione Iuridica, de iudice, eiusque officio apud Romanos.*

*Eodem die, EDZARD HOBBE RENGERS, Leovardia Friesius, Iuris Doctor, privatim defensa Dissertatione Historico Iuridica, de luctu, imprmis viduarum, apud Romanos.*

*Eodem die, ADRIANUS MARINUS BECIUS, Medioburgo-Zelandus, Iuris Romani et hodierni Doctor, privatim defensa Specimine Iuridico, exhibente Animadversiones quasdam ad locum Codicis Civilis de necessitudine inter parentes et liberos, ex iustis nuptiis non quaesitos.*

*Die ii. Nov. THOMAS HENRICUS VAN LIMBURG*

BURG STIRUM, *Pembrokiae natus, Frisius nobilis, Iuris Romani et hodierni Doctor, publice defensa Dissertatione, selectas quaestiones exhibente ex loco de testibus in causis criminalibus.*

*Die xv. Dec. IANUS MENSO, Rhenensis, Iuris Romani et hodierni Doctor, privatim defensa Dissertatione, de probatione, quae fit per instrumenta cum publica tum privata eorumque exempla, ex codice legum civilium.*

*Die xvi. Dec. IOANNES BERNARDUS DE LA COUTURE, Noviomagensis, Iuris Doctor, privatim defensa Dissertatione, de privilegiariis testamentis apud Romanos.*

*Die xvii. Dec. GULIELMUS HENRICUS NOLTHENIUS, Amstelaedamensis, utriusque Iuris Doctor, publice defensa Disputatione, de educatione pauperum in civitate.*

*Eodem die, LUDOVICUS REINERUS TAETS VAN AMERONGEN, Rheno-Traiectinus, Iuris Romani et hodierni Doctor, privatim defensa Dissertatione, de civili, in primis privata, personarum conditione, sive statu, ex codice legum civilium.*

Anno CCCCCXXVI.

*Die xxi. Ian. IACOBUS IOHANNES VAN STEENBERGEN, Rheno-Catyicensis, Iuris Romani et hodierni Doctor, privatim defensa Dissertatione, de conditione, in primis resolutoria, secundum legem 1184. Cod. Civ.*

*Die xxii. Ian. GERHARDUS ANDREAS HOEFHAMER, Elburgo-Gelrus, Iuris Romani et hodierni Doctor, privatim defenso Specimine, exhibente Animadversiones nonnullas ad locum ex codice legum civilium de successione, quae regularis vulgo dicitur.*

*Die xiii. Martii, HENRICUS WOLTHERUS VAN HENGST, Rheno-Traiectinus, Iuris Romani et hodierni Doctor, privatim defensa Dissertatione, de origine et juribus dominii, hujusque acquirendi modis, qui originarii vulgo dicuntur, in primis secundum naturae jus.*

*Die xiv. Martii, HENRICUS IANUS KRONENBERG, Arnhemia Gelrus, Iuris Romani et hodierni Doctor, privatim defensa Dissertatione, exhibente interpretationem quorundam locorum ex Iure Romano et hodierno.*

## §. V.

Anno CCCXXVI.

Die III. Martii.

HERMANNUS JOHANNES ROYAARDS, *Vir Cl. tertio iam anno Professoris extraordinarii munere fungens, provinciam, sibi, tertio Novembris die anni proxime exacti, a Rege serenissimo demandatam, adiit, Oratione habita, de Theologia historica, cum exegetica rite coniuncta, nostris potissimum temporibus in Belgio excolenda.*

Die XIII. Martii.

*In conventu Curatorum, Rectoris, Assessorum et Graphiarii, lecti sunt, in annum academicum subsequentem, Assessores quatuor viri, PHILIPPUS GUILIELMUS VAN HEUSDE, JOHANNES FREDERICUS LUDOVICUS SCHRÖDER, HERMANNUS JOHANNES ROYAARDS et IANUS RICHARDUS DE BRUEYS: Graphiarii munus demandatum est CORNELIO ADRIANO VAN ENSCHUT.*

Die XVII. Martii.

*Academiae Curatores, Viri Amplissimi, in Senatum venerunt, quorum Praeses BERNARDO FRANCISCO SUERMAN, Viro Cl. instantis anni Aca-*

*Academiae Rectori, postquam hic solenne iuriandum praestiterat, novam magistratus dignitatem est gratulatus, et anni mox exacti Rectori, IANO RICHARDO DE BRUEYS, Viro Cl. pro cura et labore, feliciter finito, in Rectoris munere subeundo, gratias egit, cui gratulationi humaniter respondit instantis anni Rector.*

*Mox schedulae a Graphiario combustae sunt, quibus eorum nomina erant inscripta, quibus in certamine literario praemium reportare haud contigit.*

*Post haec Curatores, universo Senatu comitante, Cl. Virum IANUM RICHARDUM DE BRUEYS in cathedram deduxerunt, qui orationem habuit, de Oeconomia politica, si prudenter colatur, optimo civitatis ac civium prosperitatis praesidio. Enarratis, quae se Rectore cum laeta tum tristia Academiae evenerant, novum munus congratulatus est Viro gravissimo LUDOVICO CRAEVANGER, Curatorum Actuario, Viro gravissimo IANO ACKERSDYK, qui hinc Leodium abierat, ut Profesor extra ordinem in Academia Oeconomiam politicam doceret, successori dato.*

*Tum distribuit praemia, in certamine litera-*

*ra-*

*rario victoribus reportata, et honorifica testimonia illis data, qui ad horum laudes proxime accesserant.*

*Praemia igitur sunt tradita,  
in Facultate Medica,*

*SALOMONI PETRO SCHELTEMAE, Med. Cand.  
in Academia Rheno-Traiectina.*

*In Facultate Philos. Theor. et Lit. hum.  
GUILIELMO MUURLING, Lit. Cand. et Theol.  
Stud. in ead. Acad.*

*In Facultate Theologica,  
CORNELIO HOOYER, in hac Acad. Th. Cand.  
Laudis meritae testimonia Rector exhibuit,  
in Facultate Phil. Theor. et Lit. hum.*

*IACOBO CORNELIO VAN THIELEN, in Rheno-Trai.  
Acad. Iuris Stud. et*

*IOHANNI FREDERICO WETTER, in ead. Acad.  
Theol. Stud.*

*Recitatis tandem in proximum annum propositis pro certamine literario quaestionibus, magistratus se abdicavit, et successorem, sibi ab augustissimo Rege datum, proclamavit.*

IANI RICHARDI DE BRUEYS

ORATIO,

DE

OECONOMIA POLITICA, SI PRUDENTER  
COLATUR, OPTIMO PROSPERITATIS  
CIVIUM AC CIVITATIS  
PRAESIDIO.

DICTA PUBLICE,

DIE XXV. MARTII, A. CCXXXVI.

QUUM ACADEMIAE REGUNDAE MUNUS SOLEMNI  
RITU DEPONERET.

ЛІЧЕННЯ ВІД ПІДАГОГІЧНОЇ ТЕХНІКИ

# ОІТАЯ О

Співаки та співачки відмінно

заняттями засвоїли, вивчили

матеріали під час

заняття під час

Quotiescumque ea, in quae aetas nostra incidit, tempora cum iis conservo, quae medii aevi nomine insigniri solent, nostra prae illis felicia praedicare nullus dubito. Sive enim vitae privatae commoda spectemus, sive ingenii cultum, sive morum suavitatem ac mansuetudinem, sive denique legum illarum vim, quibus sanctissima hominum iura vindicantur; nemo, qui vel levi historiae cognitione tinctus sit, inficias ibit, praesentem plerarumque gentium Europaearum conditionem maximopere praestare illi, qua medio aeo usi sunt Europae incolae.

Ubi autem populorum ad humanitatem et ius-

titiam redditum consideramus, plurium causarum coniuncta demum vi feliciorem temporum inclinationem effectam esse videimus. Inter has vero causas principem sibi locum vindicare artium et disciplinarum cultum atque studia, ultro agnoscet, quicunque earum historiam attento animo pervestigaverit. Quid artes mechanicas memorem, quarum ope innumerarum rerum notitia et usu nos piae superioris aevi hominibus gaudemus? Quid philosophiam dicam naturalem, quae sola artes illas ad eum, quem hodie attigerunt, perfectionis gradum evexit; quae exploratis naturae, quas dicunt, viribus, spissas, quibus omnia olim oppresa iacebant, propulit tenebras, et, quae omnium fere animos occupaverat, humanae felicitati inimicam adeo superstitionem? Quid tandem provocem ad philosophiam illam moralem, quae hominis naturam accuratius exploravit; quae iura atque officia humana melius definivit, quae societatis civilis fundamenta rectius posuit; atque, instituenda civitate, non externam tantum quietem, sed et vitae prosperitatem assequi docuit homines?

Verum enim A. A. H. H. nonne earundem artium ac disciplinarum historia nos docet, quam  
len-

lenti fuerint, quos homines in iis excolendis fecerunt, progressus; per quot demum ambages ad veritatis cognitionem pervenerint; quam noxii saepe fuerint et felicitati humanae inimici errores, in quos identidem inducti sunt earum cultores? Unde equidem vobis affirmare posse mihi videor, hominibus in veri investigatione et lente procedendum esse et caute, ne a recto aberrent tramite, ne in tales, qui bono tum publico tum privato nocere possint, rapiantur errores; eoque maiori opus esse prudentia, quo plura sunt et graviora, quae e falsis doctrinis in vulgus enuntiatis, quin etiam e verioribus, sed intempestive ad vitae usum accommodatis, possint existere mala.

Inter illas autem, quae ad hominum felicitatem provehendam plurimum valent, disciplinas, quae vero, nisi cauta admodum adhibeatur prudentia, in uberrimum malorum fontem converti facile queunt; inter illas, dico, disciplinas, eam in primis referam, quam Oeconomiae politicae seu publicae nomine designare solemus. Quae cum ita sint, neque ab hoc loco, nec a meo munere alienum existimavi, hoc ipsum argumentum pluribus persequi. Dicam igitur: de Oeconomia

mia

mia politica, si prudenter colatur, optimo prosperitatis civium ac civitatis praesidio.

Si cuiuscunque disciplinae dignitas ex utilitate, quae inde et in universam civitatem et in singulos cives redundare posit, aestimanda sit, oeconomiam politicam dignissimam esse, quae disquisitionis nostrae materiem constituat, equidem affirmare non dubito. Huius disciplinae vero vel indolem pluribus perscrutari, vel historiam tradere, vel difficiliora loca commemorare, ab hac dicendi opportunitate est alienum. Hoc unum adferre necesse duco, plures hodie cum celeberrimo Storchio latius extendere Oeconomiae politicae campum, cum civium humanitatem ingeniique cultum, non minus hac disciplina contineri velint, quam divitias et rerum externarum copiam; cum alii, summi Smithii vestigia prementes, eius terminos non ita late porrigit, at Oeconomiam politicam definiant scientiam, cuius finis sit, ut res externae homini necessariae vel utiles ut vitam sustineat eamque feliciter degat, in civitate parentur, distribuantur, consumantur, ita ut quam pluri mis bene sit. Quamvis gravissima esse, quae pro Storchii sen-

sententia asserri solent argumenta, ego diffiteri nolim, vel sic tamen de oeconomia strictiori illa significatione accepta nunc dicere mihi propostum est.

Summam esse et dignitatem et utilitatem illius disciplinae, qua efficiatur, ut cives rerum utilium copiam habeant, ut opibus floreat, nemo est, qui negaverit, nisi qui ipsas divitias aspernetur, easque et civibus et civitati nocere existimet.

Si quidem a me vere dictum fuerit, A. A. co maiori prudentia opus esse in doctrinis propagandis, quo maiorem habeant vim ad bonum publicum sive augendum sive impediendum, profecto idem illud oeconomiae politicae studium suminam sibi deposcit prudentiam. Nulli sunt errores, in quos unquam delapsi sunt homines, quin ipsorum felicitati quodammodo nocuerint, attamen multum abest, ut omnes eandem viam in res humanae habeant. Sic recentiores cultores philosophiae theoreticae ostendere conati sunt, antecessores in plures eosque graves incidisse errores: et in veterum, quae systemata dici solent, locum, nova substituerunt systemata. Quid vero de ortu idearum in mente nostra sentiamus, quid de intellectum inter et rationem discrimi-

mine statuamus, non certe perinde est; attamen nemo est qui contendat, opiniones de hisce rebus, quibus vel propugnaverint antiquiores vel propugnant hodierni, tantam habere vim in res humanas, ut inde pendeat bonum publicum, cum opiniones illae civitatis administrandae rationem neque definiant neque commutare possint.

De oeconomia politica aliud est, quod dicimus. Universa populorum historia testis est, quantam vim in rebus publicis administrandis habuerint opiniones eorum, qui rebus publicis praecessent, quantam systemata, quae diversis temporibus praevalerent; unde ultro efficitur, has opiniones, haecce systemata non posse non efficaciter ad civium res vel secundas vel adversas operari. Quid vobis in memoriam revocem doctrinam, vel de metallis pretiosis, auro scilicet et argento, omni ope atque opera conquirendis retinendisque; vel de hoc illove industriae generre, depressis ceteris, colendo; vel de laboris exteri fructibus omni ratione arcendis, et quae sunt id genus alia, quae abunde confirmant, quam cauta in hisce requiratur prudentia, ne tanquam naturae iudicia assumantur hominum  
com-

commenta, quae certe delet dies, sed saepe non delet, antequam longa inde extiterit malorum series?

Itaque iam e me quaeritis, A. A. quomodo igitur studium oeconomiae publicae instituendum sit, ut prudenter institui dicatur; paucis mentem aperiam.

Statim eandem hic tenendam esse viam existimo, quam natura ipsa hominibus in indaganda veritate indicat; ut scilicet ex iis, quae fieri viderint vel observaverint, ad nexus inter effectum et causam, ad regulam igitur, haud temere concludant. Haud scio, an nullus uberior errorum sonis sit, quam ipsa illa ratio, qua ex iis, quae semel vel bis observata fuerint, efficiatur regula. Cautius igitur agat, qui oeconomiae politicae praecepta tradit; videat, num experientia ea, quae observata fuerunt, ita confirmet, ut nexus causam inter et effectum vere adesse dici queat, ac tum demum ad regulam pronuntiandam procedat. Hoc praeceptum nisi illi neglexissent, qui aurum et argentum quovis modo conquirendum existimarent, nisi scilicet ex eo, quod horum metallorum copia possessoribus dilitias afferre viderent, incaute effecissent,

sent, solam eorum possessionem universum populum divitem reddere; nunquam, exportatione prohibendâ, civium suorum industriae nocentissimum attulissent impedimentum, et cum gravissimo boni publici dispendio liberam inter diversas gentes mercaturam cohibuisserent.

Alterum quod oeconomiae politicae cultores constanter ob oculos habeant praceptum, meo iudicio, hoc sit: ne systemati, quod semel probaverint, tenaciter inhaereant. Est ea profecto virium intellectus humani tenuitas, ut non nisi systematica, ut ita dicam, ratione in veritatis investigatione felices progressus facere possit homo; nisi igitur ea, quae cognoverit, inter se iungat, ex principiis deducere studeat, atque ita cognitionem suam in systematis formam redigat. Sed, ne ipsa illa systematum componendorum ratio progressibus nostris obicem obiciat, nunquam quis obliviscatur, systemata illa nihil aliud esse, nisi suae tenuitatis adminicula; quod, si in omnibus disciplinis excolendis tenendum est, anxie profecto tenendum est ratione eius, quae adhuc in infantia versatur, et in qua notum illud, *errare humanum est*, eo minus iustum erranti possit tribuere excusationem, quo graviora

ac

ac publicae felicitati nocentiora ex erroribus, in quos delapsus fuerit, possint existere mala. Hoc praeceptum nisi neglexissent illi, quos oeconomistas dicunt, nunquam adeo tenaciter inhaesissent doctrinae, omnem dvitiarum parandarum rationem contineri agricultura, nec omni omnino industriae humanae tam graviter nocuisent. Et enim intellectus, systematis studio haud abreptus, ultrò cernat necesse est diversitatem inter rerum, quibus utimur, elementa, quae certe omnia praebet agricultura, atque res ipsas hominum usui accommodatas, quas non haberemus et quarum elementa ipsis agri possessoribus verae divitiae, id est, res pretium habentes, non essent, nisi praesto esset artificis manus, quae eas persiceret, nec provida mercatoris cura, quae eas aliis offerret; unde efficitur indulsum illud inter diversas industriae humanae partes vinculum.

Est tandem et aliud, quod, sicuti in ceteris, ita praesertim in hisce rebus, quicunque bonum publicum curae cordique habeat, caute observeat velim praeceptum; ut, quicunque vel nova praecepta tradat, vel quae diu obtinuerunt abolenda ducat, nunquam in gravioris momenti causis periculum facere vel suadeat vel sustineat, ni-

si ad omnia, quae inde oriri possint, animum adverterit; nisi ad civium civitatisque conditio-  
nem bene attenderit; necessitudinem, quae po-  
pulo cum aliis populis intercedat, probe perspec-  
tam habeat; verbo, omnia quae sunt rerum ad-  
iuncta accurate cognoverit. Quot et quam gra-  
ves calamitates plurimi rerum novarum suasores  
vel instigatores, optimo etiam consilio ducti, hoc  
praecepto neglecto, in aequales quin et posteros  
saepius intulerint, vel nimium notum est. In  
illa profecto politices parte, quam oeconomiam  
dicimus, gravia, quaeque aegre sanantur, inde ex-  
stiterunt mala. Quid enim? Si hoc praeceptum  
haud neglexissent, qui publicae rei curam gere-  
rent, non tanta animi levitate in usum deduxis-  
sent theoriam, quae praeciperet, alienae indus-  
triae et laboris fructus omni ope et opera a ci-  
vitate arcendos esse; non ita nobili ac fructuosa  
aemulatione extingueda, artium perficiendarum  
rationi obfuiissent; non rerum utilium, quibus  
omnes frui possent, copiam imminuiscent; ne-  
que ita populi, dum alieno detrimento sua com-  
moda quaererent, simul et aliis nocuissent, et  
suae ipsi prosperitati detraxisserent.

Hac igitur ratione si instituatur oeconomiae po-  
li-

liticae studium, divitiarum augmentum inde sperari posse, affirmare non dubitaverim. Verum tamen, A. A. an ipso illo divitiarum augmento prosperitatis civium ac civitatis incrementum contineri, a me iure affirmatum fuerit, multis dubium videri poscit; immo vero non desunt, qui antiquam illam Spartanam asperitatem frugalitatemque laudent atque commendent, tanquam unicum civitatum praesidium; qui divitiis mores emolliri agnoscant quidem, at vero simul luxuriem gigni, ex ea omnis generis virtus in civitate oriri; atque ita tandem cum singulos homines, tum ipsas civitates in perniciem agi, clamitent. Hi vero sententiam suam non solum philosophorum ac religionis doctorum auctoritate confirmant, verum etiam ad plures, quibus divitiae exitio fuerint, populos provocant.

Si de hisce quid sentiam dicere liceat; fateor equidem, et rei rationem evincere, et gentium historiam confirmare, luxuriem et singulos cives pesundare et civitates; quippe quae enerat homines, eosque reddit saevae servitutis iugo collis supponendis idoneos, omnes denique virtutes civiles in animis civium extinguendo eos pe-

penitus corruptit: Asiaticorum Graecorumque luxuriem, haec omnia effecisse, ecquis negaverit? Neque porro diffiteor, magnas divitias ipsarum possessores ad segnitem luxuriemque facillime allicere; in primis si subito ac sine labore eas nacti fuerint.

Vérum tamen, A. A. H. H. probe notetis velim, hinc non adeo cogitandum esse de singulis, qui divitiis affluunt in civitate, cum maxima pars civium dira egestate prematur, sed de populo divite, de civitate igitur, ubi omnes labore res necessarias sibi comparare possunt; ubi plures ingenio, industria et parsimonia, magnas opes adipisci possunt. At ubi populum ita divitem dicimus, simul honestam divitias parandi rationem cogitamus. Ea enim est rerum humana- rum ratio atque vinculum, ut universus popu- lus in re satis bona lautaque versari haud possit, nisi cives et laboriosi sint et moribus honesti, nisi in civitate et colatur iustitia et fides sancta sit.

Quodsi rem ita concipiamus, A. A., vehemen- ter equidem dubito, anne tetra illa descriptio gentium luxurie corruptarum, in pauperes potius, in quibus pauci divitiis male partis affluant, quam in

in divites civitates quadret. Unam Romanam in exemplum me afferre finite, A. A. Divitesne erant Romani eo tempore, quo apud eos invalescebat luxuries illa, quam procul dubio genuerant divitiae, quo ingravescebat morum corruptela, quae fidem nostram excedit, et o' utinam excedat semper? Longissime a vero aberret, qui id existimet; immo vero erant pauperissimi. Ingentes opes a nonnullis possidebantur: superbi scilicet et parum exculti Patricii opima spolia vi et iniuria victis extorsa Romanum transtulerant; fruendi artis prorsus ignari, cuivis voluptatum generi insani fese tradiderant; maior quae Romanum inhabitabat plebis pars, ab industria et pacis artibus prorsus aliena, ad proletarios pertinere cooperat, et in eam devenerat vitae conditionem, ut panem et circenses efflagitaret, ut dira paupertate quidvis facere et pati cogeretur. An igitur mirum, si male partae divitiae possessoribus ansam praebarent, quam plurimos in corruptelae societatem trahendi? Itaque vere affirmare nos posse arbitramur, non lautam civium conditionem, sed contra indigentiam Romae in primis causam fuisse, qua mores publici corrumperentur, qua libertas civibus libertate indignis eri-

eriperetur, ac tandem superbi terrarum domini, ut servile pecus, a barbaris saevaे servitutis iugo submitterentur. Hac vero de causa tum philosophi tum religionis doctores antiquitus in divitias invecti esse videntur, quod et rationem adipiscendi respuerent, et damnarent eos, quos, fruendi artis ignaros, divitiis in suam aliquumque perniciem abuti viderent.

At, inquiet forte quis vestrum, sit ita, haud noceant hominum felicitati divitiae, nec necessario luxuriem in civitate gignant ac mores ci-vium corrumpant: quaenam vero sunt eximia illa commoda, quae ex earum possestione oriuntur? Qua igitur de causa disciplina, quae ipsarum incrementum sibi finem proponit, digna est, quae laudetur adeo ac tanto studio colatur? Evidem existimo, A. A. et plura esse commoda illa et insignia: praecipua paucis indice-mus.

Non ego is sum, qui mihi persuasum habeam, hominem ideo natum esse, ut nil nisi bona externa quaerat, ut ea solummodo appetat, quibus sensus suaviter afficiantur, ut omnes, quacunque ratione possit, molestias effugiatur. Si homini insiti sunt appetitus, qui ipsum

ad

ad agendum excitant, ipsi concessa est ratio, quae eos regat ac prudenter moderetur, quae iustitiam omniumque virtutum cultum externis opibus praeserre doceat; atque inde profiscuntur officia, tum interioris necessitudinis eorum qui eiusdem sunt generis, tum illius quae unicuique civium cum patria est societatis, tum denique eius quae omnes homines complectitur generis humani communitatis. Ea vero officia identidem praecipient, ut aliena commoda nostris praferamus, ut pro aliis labores sustinere, molestias suscipere, pericula adire haud recusemus. Vel sic tamen immanis quin et impia nobis vindetur illorum philosophia, qui homini eam scribant legem, ut ea effugiat quae ipsius sensus grate afficiant, qui hominem eo meliorem, eo praestantiorum pronuntient, quo magis naturam veluti furca expulerit; immo vero frui iis omnibus, quae sane rationis praceptis haud adversantur, divino consilio consentaneum existimamus. Porro si verum sit, quod sane est verissimum, decere hominem, ut eas, quae ipsi concessae sunt corporis ingeniique facultates, usu atque exercitatione perficiat, non potest non ipsius felicitas eo augeri, quod res possideat,

qnibus denum efficiatur, ut vitam vere humana vivere possit.

Ecquis vero hoc in dubium vocaverit, qui cuncte barbarorum vel egestate oppressorum hominum conditionem cum ea comparaverit, qua utuntur homines gaudentes abundantia rerum, quas manus nostra ingenii lumine veluti ducta confecit, quae ad vitae commoditatem iucunditatemque conducant?

Sed missis quae ad singulos pertinent, ad illam hominum societatem nos convertamus, quam civitatem dicimus. Meo quidem iudicio vix dici potest quantum huius intersit, ut quam plurimi cives re familiari utantur copiosa atque ita opibus affluant, ut populus dives dici queat. Paucis rem absolvere liceat.

Quidquid de civitatum origine statuatur; quidquid porro de optima regiminis forma vel disputatione olim vel etiamnum disputent philosophi, de eo certe inter omnes convenit, nulli civitati bene esse posse, nisi intus tuta sit, foris spectabilis. Certe non divitiae solae salvani efficient civitatem, eamque defendant ab agressione hostium ferocium ac bellicosorum, ubi morum corruptela omnes civium classes invasit

ac

ac cives effecit degeneres. At quomodo quaelo civitas, nostro in primis aevo et in praesenti rerum statu, ad illum potentiae gradum perveniat, quo tuta esse et locum suum inter gentes tueri possit, nisi cives iis affluent rebus, quibus sumtus publicos expleant, nisi igitur adeo sint divites, ut pars divitiarum seponi ac tributorum nomine ad commune aerarium deferri possit; ne scilicet Magistratus, qui res publicas administrent, ne Iudices, qui cuique ius suum assignent et legum auctoritatem vindicent, in civitate desiderentur: ut porro ingentia illa, quae ars bellica tum ad tuendos, tum ad necandos homines invenit opera, extruantur: ut porro, qui patriam tueantur eiusque iura violata vindicent, milites alantur?

Unde non sine causa profecto pecunia dicta est nervus civitatis. Eadem illa lux veritatis, gentium historia, rem plenissime confirmat. Si ipsi illi, qui seculo tertio Italiam invaserunt Barbari, ibi non inopum ac degenerorum hominum catervas invenissent, sed cives excultos opibusque valentes, merito dubitandum, an unquam barbari isti Italiam et cum ea superbam terrarum dominam, Romam, sibi subiecissent.

Sed quid antiqua adeo memorem vel extera? Ad Patriam provocare liceat. Laudantur, et merito quidem laudantur, maiorum pietas et virtus bellica. Quid vero? an existimemus, eos sine opibus, quas possidebant, potuisse fere ab acerbissimo servitutis iugo in libertatem vindicare, eamque diu adversus praepotentium principum agressiones tueri? Num putemus, eos magna illa, quae olim omnium admirationem excitarunt, facinora potuisse perficere? Sic, ut hoc unum afferam, si defecissent opes ad naves bellicas extruendas, an Ruiterus noster, comitante Wittio, potuisset intrare Tamasin, et audacia facti attonitos Londini incolas in stuporem coniicere?

Verum enim A. A. non solum vitae privatae commoda et iucunditatem promovent divitiae, non solum civitatis florem atque tutelam continent; sed etiam ingenii cultum et morum honestatem, sola verae libertatis praesidia, ita adiuvant atque tuentur, ut maximam earum in hisce vim et efficacitatem esse, nullus affirmare dubitem. Quia quaeso ratione colentur et ad maiorem gradum perfectionis perducentur artes et disciplinae, nisi plures inveniantur cives, qui necessitate vitam manibus quaerendi liberati, im-

mo vero curis vacui, sese disciplinarum studiis tradere possint? Ubi porro iuventus ingenuas addiscet artes, et disciplinarum elementa hau-riet, nisi artium quasi officinis sumtus paebeantur publici?

Unde demum existent inferioris ordinis, sed utilissimae scholae, in quibus omnes civi-um classes in iis erudiri possunt, non quae virum doctum efficiunt, sed quorum notitia ei-ibus, quocunque tandem loco in civitate sint po-siti, utilia sunt, in quibus etiam morum ac reli-gionis paecepta iuvenilibus instillantur animis, quae tantam habent vim, ut civis moribus ho-nestus, erga superiores pius, erga inferiores hu-mianus, erga omnes iustus evadat.

Siquidem ad nostra tempora ac hodiernas civi-tates animuni advertamus; ubi quaequo morum corruptela minimos fecit progressus? ubi virtu-tes civiles minime negliguntur; ubi domesticae maxime coluntur? Aut fallor, aut pae-cete-ris laudari merentur illi populi, quorum cives magna rerum copia conspicui sunt. Populos comparare odiosum sit. Inter illos vero, qui sicuti divites sunt, ita et industriae et hones-tatis laudes merentur, Belgas nominare ausim;

o!

o! felicem patriam, si his merito laudibus extollaris!

Si igitur divitiae tantam habent vim, ut singuli beate vivant, ut civitas tuta sit et spectabilis, ut disciplinae et artes floreant, ut omnes honesti sint et boni cives, vos omnes mecum consentientes me habiturum confido, si insignem utilitatis fructum illam in se continere affirmem disciplinam, quae tradit, quanam ratione divitiae in civitate parentur, conserventur, augeantur; quomodo igitur populus honesta ratione dives evadere posse; quae porro doceat, quomodo, sicuti fluminis rivuli terram longe latè que adspergunt fertilemque reddunt, ita divitiae per universum populum distribuantur, ut omnibus in civitate bene sit; quae denique difficultatem illam fruendi artem nobis tradat, quum industriae humanae fructus prudenter consumere et cives doceat et Imperantes. Disciplina profecto, cui beata civium vita proposita est, ut civitas opibus firma, copiis locuples, gloria ampla, virtute honesta sit!

Sed iam ad ea pergo, quae huius diei solennitas a me postulat; quorum primum est ut, quae Academiae nostrae hoc anno tum prospera acciderunt tum adversa, ea paucis exponam.

Externa Academiae forma, ut inde ordinar, non multum mutata fuit. Musea nostra non solum nihil ceperunt decrementi, sed et omnia munificentia Regis ac Maecenatum cura quaedam acceperunt incrementa.

*Laboratorium Chemicum* ut et *Physicum* instrumentis quibusdam novis praeterito anno fuit locupletatum; plura vero exspectantur, ut hodiernae artis conditioni respondeat.

*Museum Zoologicum* pluribus avium Indicarum, Capensium et indigenarum exemplis, nonnullis etiam Europae et Americae mammalibus fuit auctum et amplificatum. Speramus autem fore, ut locus, quo continetur, congruo scriitorum apparatu ita emendetur, ut plurima quae continet Museum eaque pulcherrima obiecta in publicos usus brevi commode disponi possint.

*Museum mineralogicum* in primis locupletatum fuit speciminibus egregiis saxorum compactorum ad declarandam telluris structuram aptis, tum

tum et acceptis a Reinwardtio, Viro Clar. multis speciminibus saxonum, Iavae vicinarumque aliquor Archipelagi Indici insularum structuram egregie illustrantibus.

*Collectio Anatomes comparatae*, cuius usum Regis munificentia Academiae concescit, ab eius auctore Theodoro Guilielmo van Lidth de Iude, Viro Clar. hoc anno tot eximiis speciminibus aucta est, ut haec iam undecim scribia expleant: proximo autem anno haec omnia civium academicorum usui patebunt.

In *Nosocomio* nostro singulis institutionis partibus clinicae internae, chirurgicae, obstetriciae, sic hoc iterum anno satisfactum est, ut ducibus Viris Clar. qui ci praefunt, tam studiosorum progressibus, quam aegrotantium ac laborantium causae consuleretur.

Specimina, quae ad Anatomiam physiologicam pathologicam et animalium comparatam illustrandam in *Museo Bleulandino Academico* servantur, fere omnia in hunc usque diem integra sunt, sed summam requirunt curam, ne illa praecipue quae in phialis in spiritu continentur vel effectu hyberni frigoris vel frequenti motu, quem, ut in auditoriis Professorum praesto sint, subire debent, turbato liquore, corrumpantur.

Ut

Ut autem etiam publicae utilitati omnium Anatomiae cultorum posset inservire haec collectio, auctor eius, probantibus id Viris Ampliss. Academiae Curatoribus, iam descriptionem Musei Anatomici, quod in Academia Rheno-Traiectina est, cum enumeratione specimenum prelo mandare coepit. Speramus fore, ut, septuagenario fere, plurimum venerando seni, vires largiatur Deus optimus, ut opus hocce pro meritis feliciter absolvere possit.

In *Horto Botanico* plantarum numerus hoc anno iterum insigniter fuit auctus, tum permutationibus, sive cum aliis Academias siue cum privatis institutis, tum donationibus ex insula Java ad nos missis; dolendum vero semina 352 ex Indiis orientalibus missa naufragio periisse.

Cultura plantarum e regionibus tropicis allatarum eo felicius procedere potest, quod caldarium novae et longe perfectioris formae extrectum sit. Aestate proxime clapsa, publica plantarum, quas inter plurimae ex horto nostro, exposicio in ipsius frigidario sic obtinuit, ut rerum copia et dispositione spectatoribus admirationem moveret.

Tandem Academiae *Bibliotheca* multis et hoc  
an-

anno aucta est egregiis libris: nec defuerunt etiam, qui eam muneribus ornarent. In quibus maxime nobis commemorandus est Vir gravissimus, Unico Guilielmus Teutonicus Cazius, qui benivolentiam in res nostras declaravit praestantissimo dono, opere Tischbeinii, quo *descriptiones continentur antiquorum vasorum* in sepulcris Neapolitanis repertorum, quaeque theca Hamiltoni asservantur.

Sed quid pulcra nos aedificia iuvant, quid musea lautis studiorum adminiculis instructa et ornata, nisi et sint et valeant, qui res Academicas studiose current, qui Academiae famam docendo discendoque tueantur?

Vos igitur, Academiae Curatores, viri Amplissimi! et vivere et salvos esse impense gaudemus. Vos diu cura vestra et consilio Academiae integritatem tueamini, salutem promoveatis, amplitudinem augeatis; ita vos diu conservet summi Numinis benignitas, precor.

At vero gravis calamitas domum tuam afflixit, Amplissime de Beaufort! morte filii carissimi, Academiae nostrae civis; quo magis ille pietate, observantia, discendi ardore et mihi et ceteris

ris praeceptoribus se commendabat, quo melior-  
rem inde spem de eo concipere licebat, eo  
flebilior, probe sentio, tibi tuisque eius obitus  
accidit. Sed lugere, quos lacrymis nostris dig-  
nos censemus, non minima est consolatio; ad  
quam ut et illa accedat, quae humanae fragili-  
tatis et rerum divinarum cogitatione continetur,  
tibi tuisque toto animo apprecoꝝ.

Non sine tristitiae sensu reminisci possum, hinc  
evocatum esse Graphiarium Curatorum, Virum  
spectatisimum Ianum Ackersdyck. Quo  
enim animo Vir ille humanissimus in Acade-  
miam fuerit, quanta sedulitate ipsius commoda  
promovere studuerit, nos omnes testes sumus.  
Neque tamen solius Academiae causa Ac-  
kersdyckium abiisse doleo, sed, quidni di-  
cam? et mei causa et plurium eorum, qui hic  
praesentes sunt, a quorum latere vel familiaris  
suavisimus vel et amicus integerrimus discessit.  
Sed non omnia, quae dolemus, eodem iure  
queri possumus; eximias, quibus ille valet, in-  
genii dotes, insignem, qua instructus est, eru-  
ditionis copiam sibi vindicabat Pallas Belgica,  
has ipsi addixit provida cura Regis optimi, qui  
ita probavit, quanti ducat, ut studium oecono-  
mia

miae politicae in Academiis Belgicis colatur et floreat, quod huius disciplinae docendae provinciam in Academia Leodiensi detulerit Ackersdyckio nostro. Hic igitur disciplinam ei commissam ibi tradat in Academiae decus, in patriae salutem, in suam felicitatem.

Neque tamen benvolentia Regis, omnia quae institutionem publicam spectant, patria sollicitudine curantis, sivit, ut Graphiarii locus diu relinqueretur vacuus; etenim ad illum tenendum vocavit Virum consultissimum Ludovicum Craeyvanger, quem ipsi ex animo gratulor. Tua autem, Vir spectatisime! in hoc munere gerendo peritia, tua in Academiam studia iam omnibus ita innotuerunt eo tempore, quo Ackersdyckii, tum peregrinantis, partes egisti, ut inde optima quaeque in Academiae causam exspectare nobis liceat.

In nostrum ordinem laeta mente intueor, Collegae coniunctissimi! Etenim toto magisterii mei tempore non solum a morte intactus mansit, sed et nemo nostrum valetudine impeditus fuit, quin partes suas sustinere posset. Precor, ut corpore vigentes et animo, concordes laborum socii in Academiae prosperitatem, in patriae salutem,

iuentutis nostrae institutioni et commodis inservire, nobis concedat summi Numinis prouidentia.

Tibi vero, coniunctissime Roynaards! ex animo gratulor, quod, sicuti optimi parentis reapse successor eras; ita, Regis Augustissimi decteto, etiam titulo successor ipsi nominatus sis, ac nuper hunc honorem solenni oratione capessiveris. Tu in Academiae et Ecclesiae bonum hunc Ordinem eruditione tua et accurata et elegantia diutissime ornas, atque gratisimus et collega et amicus nobis intersis.

Scio equidem atque doleo, non uni vestrum hoc anno gravem obvenisse lugendi causam. Etenim vobis singulis, de Fremery, Heringa, et Oordti, fidelissima carissimaque vitae socia morte erepta est. Ipsi experti estis, quid solatii afferant ratio et religio: haec vos ita recreent, ita erigant, Collegae coniunctissimi! ut ne vos nimis impediatur dolor, quominus Academiae perpetuo consulatis.

Non potest non hac hora mentem meam subire cogitatio eorum, quae ut Proreector expertus es, quaeque praefitisti, cum ego Rectoris partibus sonitac causa abstinere cogerer, coniunctissime Heringa! Cum rem ingratam et arduam

ad

ad finem perduceres, nullis pepercisti laboribus, nullas subterfugisti molestias, et eheu! quo tempore! Iam sinito, Collega amicissime! meum pro hisce tum pro consiliis, quibus ut Prorector et ut Graphiarus nobis adsuisti, universi Senatus et meas praesertim, easque sinceras, tibi agere gratias. Siquidem et meum et horum omnium votum exaudiatur, tu Academiae nostre perdiu et decus eris et praesidium.

Tu etiam, coniunctissime Arntzeni! habes quod lugeas fratrem tibi merito dilectissimum, Ianum Ottone m Virum Cl., quem hac hora compierorare et pietas iubet et officium. Fuit et ille filius Henrici Ioannis Arntzenii, Viri Cl. cuius memoria in hac Academia multis cara, omnibus pia est, cuius in ius Belgicum merita iustum ipsi summi Jurisconsulti famam acquisiverunt; hanc autem famam tecum masculine sustinuit, dum iuris docendi provinciam, secundo huius seculi anno, in Academia Harderovicena ipsi delatam, donec ibi stetit Musarum sedes, egregie ornavit. Dum vero, suppressa Academia, Iudicis partes Harderovici sustinuit, summas iurisperitiae et integritatis laudes demeruit et consecutus est. Fuit autem

idem

idem vir bonus, pectore candido, ab omni fuso alienissimus, qui prodesse cunctis, res aliorum adversas consilio sublevare et opibus, in deliciis habuit, unde ipsius nomen multis cum pia grataque recordatione diu in mente versabitur. E. quidem ob huius fratrī dilectissimi obitum tibi luctum sincere testificor, amicissime Collega! Tu ipse diu incolmis nobis intersis, atque provinciam, quam per quadrantem seculi ornasti, ornare pergas, ac iuventuti academicae et ita patriae egregie prodesse.

Sed et vestro, Lectores peritissimi! quaedam obvenerunt ordini, quae hodie mihi commemoranda sunt. Diem supremum obiit, cui linguae Italicae docendae partes mandatae erant, Fredericus Lombardi Bianchi, Vir solertissimus. Speramus autem fore, ut provida Maecentum cura et Regis benignitate brevi huic successor detur, qui suavissimae linguae Italicae peritia valcat, et qui iuventutis nostrae commodis augendis idoneus sit. In vestrum autem ordinem alleatum esse Iustum Henricum Koch, Virum doctissimum, qui literas germanicas doceat, summa equidem voluptate commemoro, atque tibi, peritissime Kochi! ex animo gratulor honorem,  
quo

quō tibi decernendo nostrorum omnium votū implevit Rex Augustissimus. Tū enim, per triginta et quod excūrrit annos, morum integritatē, candore et humanitatē, omnes tibi conciliasti. Tū ut Bibliothcae Acadēmīcae Custos, indefessa sedulitate, comitate et studio in eos, qui ipsam adeunt, omnes tibi devinxisti, atque ita de Acadēmia nostra optime meruisti. Tu igitur honore, quem benivolentia immo vero iustitia regia tibi detulit, in iuventutis et Acadēmiae commoda laeta mente et prospera valetudine diu fruare.

Neque tē silentio praetermittere velim, doctissime Simons! qui honorifico Observatoris titulo speculae Astronomicae et Instrumentis physicis curandis a Rēge praefectus es. Tuum exemplum testimonio est, quō iuvēnes ducant morum honestas et pietas; indefessa in studiis diligentia et eximia progressum specimina. Tu eo, quō coepisti modo, pergas, iuvēnis egregie! Ita tibi maiores quāeres honores, genti tuae insignieris decori, et optimo patri summo gaudio. Scio equidem, Cl. Simons, Collega amicissime! quō liberos tuos prosequaris amore, quantopere ipsorum commoda tibi cordi sint: itaque tibi de tali filio ex animo gratulor, tu ipsum ad altiora me-

meritis adscendere videoas. Tu ipse felix ipsius felicitatis diu laetus sis testis.

Sed et ea, quae tandem de Academiae nostrae alumnis hodie referre debeo, manifesto indicio sunt, eam esse rerum humanarum rationem, ut non sint bona nisi mixta malis. Sic quidem iuventutis academicae corona hoc anno a morte intacta haud mansit. Praeter eum, quem cum desiderio memoravi, Carolum Antonium de Beaufort, Iuris studiosum, obiit Engbertus Hassink, Theologiae studiosus, qui et morum honestate et discendi ardore Praeceptoribus se plurimum commendabat, quem proinde in flore iuventutis extinctum esse merito lugemus. Obiit item Sebastianus Willebrordus Nicolaus van Cooth, qui Medicinae studio sese addixerat, egregius adolescens, cuius eximiae tum animi tum ingenii dotes optimam de eo spem suscipere iubebant, at vero mortis praematurae casus spem illam abstulit, et gravissimum iustissimumque moerorem afflictis parentibus attulit, et Academiam privavit civi, quem in optimis habebant, et ut talem lugent Praeceptores, quibus observantia, sedulitate et morum honestate, non minus quam progressi-

bus, quos in variis disciplinis, prae aetate insignes, fecerat, se carum reddiderat. Sed nihil est ab omni parte beatum. Sic et alia quaedam tempore magisterii mei acciderunt, quae ut ne accidissent, equidem vehementer optem et mecum omnes credo, quotquot res Academiae curae cordique habent. Sed haec sigillatim haur exponam; quae enim accuratius cognoscere et nemini gratum sit, et expeditat nemini, ea silencio premere ipsa iubet officii ratio. Neque putet quis, me nil nisi mala commemoranda habere; sunt enim et plurima bona. Advenarum numerus hoc anno non solum insignis fuit, sed et tantam civium frequentiam, quam hodie, nunquam vidit Academia nostra. Quodsi porro horum et mores spectemus et studia, quam plurimis iustas easque maximas et sedulitatis et honestatis laudes palam tribuere possumus. Neque nobis deesse iuvenes doctrina egregios, testimonio sunt disputationes publicae, in omni fere disciplinarum genere habitae; testimonio sunt specimen ad honores Doctoris capessendos tum privatim tum et publice in hocce Auditorio defensa; nec denique nobis deesse iuvenes, qui Academiacae nostrae famam et alibi mascule sustine-

tinere valeant, probavit, qui in Academia Leidensi nuper praemium reportavit, noster Albertus Christianus van Eldik Thieme, Theologiae studiosus.

Expositis iam Academiae fatis, ultro devenio ad gratissimas mei munieris partes, ut scilicet egregiis, qui in nostro certamine literario videntes existiterunt, iuvenibus, praemia, quae meruerunt, publice et coram omnibus tradam. Quod autem ut rite fiat, iudicia eorum, qui responsa acceperunt, Ordinum publicè erunt praelegenda.

Ordo Ictorum proposuerat quaestionem: *A sylorum apud praecipuas gentes, antiquas et recentiores, origo, usus et abusus, tradantur atque exponantur.*

Ad hanc quaestionem Ordo non nisi unam accepit scriptionein, in qua pars solummodo quaestonis tractatur; quocirca Ordo nullum de eo aut praemio ornando aut non ornando potuit ferre iudicium. Itaque sequatur:

## IUDICIUM FACULTATIS MEDICAE.

Ad propositam anno superiore quaestione, quia exponantur; breviter et dilucide, *Hyoscyami nigri*, primum descriptio Botanica, eiusque herbac, radicis et seminis Analysis Chemica, deinde efficacia huius plantae in corpus animale, porro eius usus Medicus, atque tandem noxae ex intempestiva medicamenti adhibitione oriundae, etc. Ordo Medicorum duas accepit responsiones, primam lemmate inscriptam: *Etsi desint vires, tamen est laudanda voluntas; alteram elegantissimis Poëtae verbis insignitam:*

*Le même suc changeant de parfum de saveur  
Forme le bois, le fruit le feuillage, et la fleur;  
Donne aux fleurs leur email, sa verdure au  
gazon;  
Tantot est un remede, et tantot un poison.  
De lille.*

*Prima*e dissertationis auctor, quamvis industriae et studii haud improbabilia dederit docu-

men-

menta, in colligendis; quae, ad illustrandum hoc thema, apud optimos auctores invenerat, argumentis, atque nonnullas insuper addiderit observationes, quae ad probandam huius medicamenti virtutem Medicam inservire possint, tamen voto Facultatis, in quaestione, denū proposita, aperte declarato, non satisfecit. Etenim, in explicanda Chemica parte quaestionis, non nisi ieiunam dedit Analysis Chemicae, ab aliis institutae, enarrationem, propria vero experimenta, quae vel confirmarent, vel improbarent aliorum operam, nulla addidit. Insuper desiderantur tentamina auctoris in animalibus facta, ad probandam efficaciam huius plantae in Oeconomia animali.

Quocirca iudicavit Ordo Medicorum, huius scriptoris auctori praemium victoriae tribui non posse.

Alterius commentationis auctor, primum accurate exposuit Botanicam plantae historiam, *deinde*, non improbabilem dedit singularum eius partium Analysis Chemicam, quam indefesso studio ipse instituerat, principia, quae acquisiverat, ordine suo indicavit. *Porro* experimentorum eventum, quae, post aliorum industriam, ipse auctor in animalibus instituerat, ad probandum

dam efficaciam ejus in corpore animali, fideliter retulit. Tandem modeste disputavit, de agendi ratione et forma medicamenti, in morbis fructuose exhibendi.

Quibus tentaminibus cum auctor probaverit diligentiam et iudicium haud vulgare, atque progressus, quos in arte Chemica fecerat, laudabiles, dignus Facultati visus est, qui praemio ornaretur.

Aperta schedula, huic commentationi adnexa, auctor apparuit Salomon Petrus Scheltema, Zutphania Gelrus, et Medicinae Candidatus in Academia Rheno-Traiectina.

Itaque huc adesto, praestantissime Scheltema! Tibi de victoria, quam reportasti, toto animo gratulor: accipe praemium peritiae tuae in Chemicis documentum. Pergas, ut instituisti; ita gentis tuae famam sustinebis, et nomen tuum inter claros Medicos aliquando referebitur.

IUDICIUM ORDINIS PHILOSOPHIAE THEORETICAE ET LITTERARUM HUMANIORUM.

De quaestione historicâ:

*Quae fuit sub finem saeculi XI. gentium Europaearum conditio? Quid causae fuisse videtur, ut bella eo tempore susciperentur sacra? Unde explicandum, bella illa, per duo proxima saecula, et tanto ardore gesta fuisse?*

octo disputationes ad nos missae sunt:

I. *Quamvis desint vires etc.* Opusculum exi-gui et ambitus et pretii. Auctor percurrit ar-gumentum, non tractavit.

II. *Literarum studia adolescentiam alunt etc.* In hac item disputatione studii desideratur assiduitas. Bellorum enim sacrorum causae leviter indicantur, non exquiruntur diligenter et exponuntur.

III. *Ισοπίας ἐὰν ἀφέλη κ. τ. λ.* Scriptio mul-ta continens ad rem pertinentia, sed plura etiam, quae prorsus sunt a proposito aliena. Nec ora-tionis bonitate, nec perspicuitate se commendat.

IV. *Quae prima pericula vite etc.* Hand

tamen suis est destitutum laudibus hoc specimen.  
Probavit nobis auctor haud vulgarem disquirendi diligentiam et disferendi facultatem.

Sed et hanc et praecedentes omnes longo post se intervallo relinquunt disputationes:

V. *Hinc movet Euphrates etc.*

VI. Πολλαὶ μορφαὶ κ. τ. λ.

et

VII. Ἐκ Χάεος δ' Ἐρεβός τε κ. τ. λ. — in quibus singulis eā diligentia exposita est gentium Europaeorum medio aevo conditio, eo acumine et iudicio causae expeditionum sacrarum ex hac ipsa gentium conditione repetitae sunt et declaratae, ea omnino et industriā et doctrinae copiā totum argumentum pertractatum est, ut insignias voluptate legerimus, dignosque censuerimus earum auctores, quorum nomina publicē celebrarentur. Cognovimus autem,

VII<sup>mae</sup> Disquisitionis scriptorem esse:

Iacobum Cornelium van Thielen,  
*Litt. Hum. Cand. et Iur. Stud. in Acad. Rheno-Trai.*

V<sup>tae</sup> Ioannem Fridericum Wetter,  
*Litt. Hum. Cand. et Theol. Stud. in Acad. Rheno-Trai.*

**VI<sup>tae</sup>** Vero auctor latere maluit.

Ne autem harum disputationum scriptoribus praemium assignaremus, fecit praestantia scriptionis

**VIII<sup>vae</sup>** Valeat res ludicra etc. quae illis non cedens rerum pervestigatione caeterisque laudibus, praestare nobis visa est Latinitatis puritate et elegantiæ. Quamobrem hanc iudicavimus praemio esse ornandam. Patuit autem, auctorem eius esse

**Guilielmum Muurling, Litt. Hum. Cand. et Theol. Stud. in Acad. Rheno-Trai.**

Vos igitur, quibus Facultas literarum praemium et testimonia honorifica decrevit, ordine accedatis.

Quos habuisti praestantissime Muurling! in hoc certamine literario adversarios, hi admodum dubiam tibi fecerunt victoriam, sed quo magis anceps fuit, eo tibi gloriosior est; et praemium, quod meruisti, de quo tibi plurimum gratulor. Studium historicum cum exegiō feliciter coniungere pergas ita veri nominis Theologus evades.

Tu ad victorem proxiime accessisti, ornatisime van ThieLEN! Ecce diploma, quod Facultas tibi offert in signum honoris. Vides, quanta

fit

fit, quae in hoc certaminis genere percipiatur gloria: ita masculine pergas, et maiores conqueris honores, quaesitos meritis; hoc tibi ex animo appreco.

De tuo etiam labore honorificum adeo iudicium tulit Facultas literarum, ornatissime Wetter! ut et te dignum censuerit, cuius nomen publice recitaretur. Cuique hocce diplomam in peritiae et diligentiae documentum traderetur. Hoc tibi lubenti animo trado, et spero, fore, ut tibi aditus sit ad alios honores.

### ORDINIS THEOLOGORUM.

Tres accepimus ad propositam quaestionem **Commentationes**, quarum singulæ suis se commendant nominibus. — *Prima*, inscripta lemmate: *ταῦτα ὑμῖν ὑπάρχοντα καὶ πλεονάζοντα κ. τ. λ.* 2 Petri I. 8. in nonnullis quidem nobis placuit, sed vero levi manu plurima tractavit argumenta auctor, alia vero immiscuit ad praesentem causam nihil facientia, in explicandis Sacri Codicis locis minus diligenter versatus est. Quodsi maiorem in hancce scriptionem con-

sum-

sumisset operam, proferre potuisset, quod per quam laudaretur.

Maiorem certe curam et industriam contulit in hancce Quaestione*secundæ* Auctor Dissertationis, quae inscriptam habet sententiam:

„*Ast ego, quid tento? Quorum iam tendere mens est?*”

Varii generis consuluit Antores, et plurima ex iis congesit ad sententias suas probandas: nec tamen cuncta ad rem satis apta et idonea. Desideramus enim in hacce Disputatione subactum iudicium, disputandi subtilitatem, doctrinae Christianae accuratam notitiam, adeo quidem, ut in sacramentorum notione et significatione haeserit auctor, et horum rituum indolem nequam sit assecutus. Denique dictionis Latinae puritas desideratur.

In primis vero nobis placuit *tertia* Disputatio, insignita dicto C. Bonneti:

„*Parce que l'homme est un être sensible, etc.*”

Palingen. Phil. 21. T. II. p. 349.

cuius auctor singulas comparationis notas iusto ordine disposuit, accurate in iis adumbrandis ver-  
sa-

satus est, iudicii severitate in iis diiudicandis fuit usus, ingenii potissimum vim prodidit, et in primis, in altera Diatribes parte, omnium maxime horum rituum indolem expresit. Licet autem illa in parte nonnulla desideremus, uno tamen omnium consensu, dignam iudicavimus hancce Diatriben, quae praemium reportaret.

Aperta vero schedula, nomen invenimus a Cornelio Hooyer, Litt. et Theol. in Academia Rhenoz-Traiectina Cand. qui, instituta disquisitione, abunde sese auctorem probavit.

Tu igitur huc adesto, praestantissime Hooyer! Tibi de victoria, quam reportasti, ex animo gratulor; tibique trado praemium, quod consecutus es. Tuo specimine probasti, quid in Theologicis praestare possis: ita pergas ornatisime! et, sicuti nunc Academiae decoris es, sic aliquando Theologorum ordini ornamento eris.

Vidistis iuvenes ingenui, quam sit gloria certaminis literarii victoria: age nova conceditur opportunitas vires experiundi in tractandis quaestionibus, ad certamen e Regis decreto propositis. Sunt autem huius argumenti:

### QUAESTIO MEDICA.

Exponantur singulae causae praedisponentes, in primis ex fabrica partium continentium derivandae, quae diversis herniis abdominalibus ansam dare possunt.

### QUAESTIO LITERARIA.

Quae fuerunt Ciceronis plicita de origine, proposito et felicitate civitatum?

### QUAESTIO PHYSICO-MATHEMATICA.

Comparentur et diiudicentur methodi, instrumenta, formulae, quibus inquiratur in solidorum corporum expansionem per calorem.

QUAES.

*QUAESTIO BOTANICO-  
OECONOMICA.*

*Detur accurata descriptio Botanica et Oeconomica arborum, Ulmi campestris, Aesculi Hippocastani, Tiliae Europaeae, Quaercus Roboris, Fagi sylvaticae, Iuglandis regiae, Pini sylvestris, Linn., Salicis viminalis, Populi moniliferae, nec non Ribis rubri.*

*QUAESTIO THEOLOGICA.*

*Demonstretur doctrinam morum Christianam, neque monachicam esse dicendam, neque mysticam.*

Requiritur, ut ex *indole et argumento* doctrinae morum Christianae ducatur, eam nequam congruere cum doctrina mōrum, quam proposuerunt vel Monachi vel Myſtici. In hisce vero non ad singularum illorum sententias respiciatur, sed ad eam doctrinam et praecepta, quae univerſe vel Monachis vel Myſticis fuere propria.

*QUAES-*

## QUAESTIO IURIDICA.

*Quæritur, quæ vis fuerit cum iuris consuetudinarii, tum vero scripti sive Romani in leges Codicis civilis Francici.*

Ita ad quaestionem respondeatur, ut, generaliter tradita divisione in regiones, quae vel iure scripto vel consuetudinario in primis utebantur, huiusque diversitatis causis expositis, dicatur de diversorum illorum iurium iyi in universa legum capita, ut inde appareat, in quibus maxime Codicis locis seu capitibus ius Romanum, in quibus vero ius consuetudinarium probaverit legislator.

Peractis igitur hisce solennibus, hoc unum superest, ut munus, quod gessi, deponam et in successorem mihi designatum conferam.

Itaque e Regis Augustissimi Decreto, Te, Franciscum Bernardum Suerman, Academiae Rectorem in sequentem annum dico, proumuntio, proclamo.

Tu igitur accede, Vir Clarissime! et sedem, quam ego vacuam feci, occupa.

Sal-

Salve Magnifice Academiae Rector! atque iterum salve! Honores et imperium, quae mea fuerunt, tibi lubentissime trado. Si honorificum sit Rectoris munus, spinis non caret; at vero, si difficultates inciderint, insigni illa, qua tu valles, animi prudentia eas superabis feliciter. Ne autem illae incident, atque tuum magisterium placidum sit atque iucundum, tibi toto animo appreco.

Ita Dei Optimi Maximi Numine floreat haec Academia, et in columnis servetur, cum Rege nostro dilectissimo, universa Patria.

HERM. IOH. ROYAARDS

O R A T I O ,

D E

THEOLOGIA HISTORICA ,  
CUM SACRI CODICIS EXEGESI RITE CONIUNCTA ,  
NOSTRIS POTISSIMUM TEMPORIBUS  
IN BELGIO EXCOLENDA .

M A B I T A

DIE III. MARTII , A. CCCCCXXVI.

C U M

ORDINARIAM THEOLOGIAE PROFESSIONEM  
IN ACADEMIA RHENO - TRAIECTINA  
SOLENNI RITU AUSPICARETUR.



# O R A T I O ,

D E

THEOLOGIA HISTORICA ,

CUM SACRI CODICIS EXEGESI RITE CONIUNCTA ,

NOSTRIS POTISSIMUM TEMPORIBUS

IN BELGIO EXCOLENDA .

---

T ristis sane me subit cogitatio , reputan-  
tem , quid sit , quod dicendi causa in huncce lo-  
cum processerim . Ante triennium fere hocce ,  
optimo , superstiti id temporis , Patri socius da-  
tus , publica Oratione paternam in me suscep-  
pi provinciam . Videor mihi etiamnunc optimum  
aspicere virum , ad lacrymas usque com-  
motum , laeta illa opportunitate Deo gratias  
agentem . Videor mihi etiamnunc illum audi-  
re , hilari , ut solebat , vultu , ante actae vitae

memoriam recolentem, plurimos vitae referentem casus, et divinam praedicantem in regundis ipsius fatis curam. Simul tamen animo repraesento labefactatas corporis vires, et languescentem adeo mentis vim; animus sensim sensimque, corpore relicto, ad altiora et coelestia tendebat. Sic ille tandem ad beatas transit, beatorum sedes; nos autem hic reliquit, ut illius insisteremus vestigiis, et paternam memoriam grato recolremus animo. Et nunc quidem ego, carissimi Patris titulum in me collatum videns, legis iusu publice hic sum dicturus.

Quid est, quod disitear, A. A., hancce dicendi opportunitatem vehementer animum commovere et perturbare? Patris enim, cui iam plane succedo, imaginem totam mihi ob oculos ponit hodiernus dies. Paternum vero suscipiens titulum, nihil est, quod antiquius habeam, quam ut pro viribus illius exemplum imitari studeam. (1)

Quid-

(1) Non est, quod pluribus dicam de optimo Patre. Viri beati memoriam rite celebravit Collega coniunct. I. Heringa, E. Fil. V. C. in Oratione de Auditorio Acad. Rheno-Traiectinae, variam olim fortunam experto, nunc praesenti eius conditioni adaptato; obvia in Acad. Rhen. Traj. Annalibus 1825-1826. p. 25-32, et in notis

Quidni igitur hacce dicendi opportunitate idem peragam? Prouti autem ille in Orationibus, publice habitis, ut plurimum e Theologiae suis temporibus ratione dicendi solebat materiem capere, sic et, Patris ad exemplum, hodie hanc mihi legem scriptam putavi. Namque hodiernam consideranti Theologiae conditionem, eamque in Belgio cum ea in ceteris regionibus comparanti, illa materiam praebuit, cum disciplinis, quas profiteor, arctissime coniunctam. Dicam igitur de Theologia historica, cum sacri Codicis Exegesi rite coniuncta, nostris potissimum temporibus in Belgio excolenda. Cuius quidem argumenti disquisitio quo rectius procedat, *primum Historiae Theologiae*

et

46-48, 58, 60-63. — De eius vita, scriptis et meritis reculerunt Academiae nostrae alumni, in Annuario Literario, ab is conscripto: *Utrechtsche Studenten-Almanak* 1826. p. 82, 98-104. uti etiam Nieuwenhuis in *Woordenboek van Kunsten en Wetenschappen*, Vol. VI. p. 134, 135. in voce. — Ipse publice gratiam mihi Patris memoriam recolui in Oratione sacra, in lucem emissâ: *Leerrede over 2 Cor. V: 1. uitgesproken na het afterven van wijlen den Hoogl. H. Royaards*; door deszelfs Zoon H. J. Royaards, Utr. 1825.

et indolem et ambitum describam, *deinceps* illius, cum Exegesi coniunctae, laudes recensem, ut eam *tandem* nostris temporibus et Theologis Belgicis commendem.

Nulla vere dici potest Theologia Christiana, quae non e Sacro Codice dicitur. Ex hoc, veluti fonte perenni, singula manarunt, tamquam rivuli, dogmata; ex illo singula petita sunt sapientiae, honestatis, pietatis, virtutis, praecepta. Quippe Codicem huncce Sacrum legerunt et meditati sunt Christiani: hunc ad regundas actiones adhibuerunt; hunc viri doctiores, doctrinae, quam aliunde petierant, ope explicuerunt, et suis notiōnibus sive philosophis, sive asceticis ornarunt, amplificarunt. Sic quidem singulis suum constuerunt locum dogmatibus, mutuumque illorum vinculum observarunt. Sic exstitit sensim *Theologia*.

Hanc autem deinde varia ratione pertractarunt Theologi. *Disciplinas* excoluerunt *theologicas*, quarum singulæ *Theologiae* nomine hodieque compellari solent. Uti enim antea Dogmaticam discernebant et Exegesin, ita nostra aetate ad varias clas-  
ses,

ses, et *Theologiae genera* eas retulerunt. Quam enim in luce posuit, quam illi dicunt, *Theologia Exegetica Religionis doctrinam*, hanc *Dogmatica ad disciplinae formam composuit*, eamque veram ac divinam docuit; sed vero ad vitae usum, ad hominis emendationem convertit *Theologia Practica*. Tales, A. A sunt veluti formae, quibus doctrinam de Religione Christianâ proposuit ingenium humanum!

Verum antequam eatenus essent excultae, sua habuerunt disciplinae theologicae fata et vicissitudines. Historia tradita est cum disciplinarum, tum ipsius doctrinae. Ita aliud exstitit Theologiae genus: *Theologia historica*.

Scilicet Theologia iam pridem in disciplinae formam est redacta. In disciplinis vero pertractandis Historia in usum vocari solet. Cum enim Historia *testis sit temporum, lux veritatis, vita memoriae, magistra vitae, nuntia vetustatis*; cum *nihil dicere soleat falsi, nihil dissimulare veri, sine suspicione vel gratiae, vel simultatis scribere soleat*, haec demum veram disciplinarum aperuit rationem. Docet illa, quomodo ortae sint disciplinae, et quanam habuerint fata. Illarum auctores et variam doctrinarum rationem nobis proponit. — Neque aliter, in dis-

ci-

ciplinarum, quam in gentium fatis enarrandis versatur. Praeterita et praesentia nobis repreäsentat. Varias percurrit aetates et generis humani et gentium commune exquirit vinculum; quo nihil dici potest suavius, utilius nihil. Viros e mortuis excitat praeclaros, et strenua eorum celebrat facinora. Hos autem non solum ipsos spectare solet, sed tanquam auctores considerat summarum commutationum, quas subierunt et secula et gentes et disciplinae. Sic quidem Muhammedem non tantum ut virum considerat in Arabia fanaticum et bellicosum, variis quasfatum calamitatibus; verum ab eo immutatam orbis Orientalis faciem repetit, neque illum tantum forte fortunâ haec effecisse docet; origines et progressus ingentis huius commutationis coniunctim declarat, et renatas Arabum literas, et recentiora Hispaniae fata cum iis coniungit. Neque tamen veritatis illa lux *ingenio* nos indulgere finit. Magistra enim vitae ab hypothesibus abhorret, vanis illis et inanibus, sed fontes ipsos adit primarios, ex iisque et hauriendum praecepit et haurit omnia. Simul vero per secula eundo disciplinarum exponit fata.

Quid quaeso aliâ incederet viâ Theologia?

Hacc

Haec in usum vocare solet Historiam; neque tamen historica Theologia a ceteris separata est disciplinis theologicis, sed eas omnes historice pertractat. Age! paucis haec adumbremus!

Historia, sua procedens via, per seculorum decursum res Christianorum persequitur. — Testis illa temporum fuse exponit, quaenam fuerint divini illius in genere humano instituti fata, quinam potissimum illius causam promoverint, et qua ratione adversariorum tela averterent. *Historiam* nempe tradit *Religionis, Ecclesiae et Dogmatum*, et coniunctim cum illa *Apologeticam* et *Patrum interpretationem*. (1) Non autem eo consilio in hisce versatur, ut tricis et spinis tempus consumat, ut separatim tradat sententiarum discrimina, et nude narret lites atque quaestiones, tritas illas et obsoletas. At vero in medium procedit genus humanum; gentes advertit, quae summam exseruerunt vim et efficaciam; orbem dispicit terrarum et gentes; vario cultu Deum Deosve

(1) *Patristicam* vulgo dicunt.

suos prosequentes. Inquirit in politicam et moralem gentium conditionem; ac prae ceteris populis diligentissime attendit gentem quondam celebratissimam, Iudaicam. In hac vero est, quem unum omnium intime studet cognoscere, divinus Religionis Christianae auctor, Iesus, mirifica Ille et auctoritate insignis, et pari animi submissione insignis. Hunc huiusque verba unice attendit illorumque verborum per seculorum decursum propagationem ac vim et efficacitatem, historiae exhibita face, illustrat. Sic, Geographiâ duce, propagationis sequitur progressionem, et quae in Europa et Asia fuit dispersa Religio, hanc coniunctim proponit cum illa, quam Alexandriae et Carthaginis incolae profitebantur, Religione. Societatem Christianam in Ecclesia cum Graeca, tum Latina, ortam et stabilitam et ad civilis Imperii rationem informatam adumbrat. — Doctores inter Christianos primarios in memoriam revocat et dogmata ab iis proposita. Sic in Patribus Ecclesiae philosopham admiratur Clementis Alexandrini rationem, de singulis philosophantem dogmatibus, et stupendam Origenis doctrinam, qui „*Ubi bene, nemo melius, ubi male, nemo peius*“ scripsisse dicebatur a veteribus, et nativam illam

Chry.

Chrysostomi eloquentiam, et severam Tertulliani disciplinam, et studia Cypriani ad unitatem, quam dicebat, Ecclesiac firmandam et stabiendum. Imo vero in Graecis Latiniisque hisce scriptoribus gentium discrimen in indole, doctrina et scriptis attendit. — Adit in media orbis Europae barbaric instauratores philosophiae et doctrinac Christianae, Scholasticos. Ut enim aevo ferreo X omnis doctrina, qualiscunque tandem, e religione processerat, ita illi, licet subtilibus disputationibus dogmata et doctrinam replaverint, suscitarunt tamen; quae a Patribus inde obdormiverat, doctrinam et eruditionem inter Christianos. Aristotelicam philosophiam sua i. e. scholastica forma protulerunt, ut ad altiora tendereret genus humanum. — Et ad altiora. tetenderunt revera Christiani. Quae enim latebant in Europa Germanica studia maiora, a Reformatribus excitabantur, inque variis Europae regionibus simul prodierunt. Eodem fere animo atque ardore imbuti, surrexerunt Wiclefus et Erasmus, Lutherus et Melanchthon, Zwinglius et Calvinus. Sic quidem sub cinere latent igniculi, quibus suscitatis flammæ prodeunt, quaquaversus lumen diffundentes. Neque aliter sane surrexerunt, ducibus Reformat-

toribus, Germanicae gentes. Ipsam aggressae Ecclesiae et Conciliorum doctrinam, fundamenta vasti illius aedificii, quod per decem fere secula in altum processerat, labefactarunt, quibus sublatis, ecce! mole ruit sua Hierarchia Romana; saltem in Europa Germanica auctoritatem fere amittit. Iam nova lux affulget Europae. Instauratur et priscam sectatur puritatem Ecclesia Christiana. Temporum utitur opportunitatibus. Dein autem novis disrumpitur litibus et sectis; verum simul cultioris Europae conditionis et literarum moderatrix exstitit Religio Christiana.

Neque tamen putet aliquis, unam Ecclesiae et Dogmatum historiam referri ad historicam Theologiam, quae nonnullorum fuit et etiam nunc est sententia. Est illa *Theologia*, sed quae *historica* procedit via. Quid igitur eam arctioribus hisce circumscribamus limitibus, cum latioris sit ambitus? Recentiori enim tempore illius notio in dies magis magisque fuit exulta. Ut vero Theologiae notio hodieque ad omnem referri solet disciplinarum Theologicarum ambitum, sic e nostrâ quidem sententiâ Theologia *historica* dici a nobis meretur: *historica* per-

*pertractatio omnium disciplinarum theologica-  
rum.* Haud igitur tantum Ecclesiae et dog-  
matum, non doctrinae tantum et dogmati-  
ces historiam refert; non tantum versatur in  
singulis disciplinis historicis, *Apolegeticam* pu-  
ta, *Patrum interpretationem*, et *Archaeolo-  
giam Christianam*, sed vero ipsas doctrinas,  
exegeticas, dogmaticas, practicas historice per-  
tractat.

Scilicet nuntia illa vetustatis cum hodiernam  
dogmatum et praceptorum rationem et formam,  
tum hermeneuticas, quae hodieque vigent, leges,  
et interpretandi rationem, ut plurimum e Philo-  
sophiae et Literarum ratione repetendam, non  
omni obtinuisse tempore docet. In *Exegesi* item  
historice versatur. Sic Grammaticā utens inter-  
pretatione verborum et formularum, e temporum  
illorum ratione, ex erroribus hominum, a lo-  
quendi sentiendique ratione, germanum eorum  
sensem repetit, quem nisi indagassent, prorsus  
errassent Interpretes; quin et fata tradit, quae  
habuit Exegetica disciplina ac varias interpre-  
tandi formas recenset. — In condenda *Dogma-  
tica* non illa e philosophici systematis forma  
omnem illius componit rationem, sed vero ipsa Sa-  
cri

cri Codicis dogmata et doctrinam ita explicat, ut peculiarem ipsius Iesu, Iohannis, Petri, Paulique proponat doctrinam, quibus tandem expositis unam hinc dicit doctrinam Christianam. — Non est, quod in tradenda *morum doctrina* e Philosophia morali formam repetat, et ad illius normam accommodet Christi effata; sed vero sententiae memor: „*Pectus est, quod disertos facit,*” ex animo Iohannis, τοῦ ἀγάπητου, primarium illud amoris explicat praeceptum, quod in illius scriptis dominatur, et commine velut præbet centrum, ad quod singula apud eum referuntur et officia et virtutes, et quale sit discrimen, quod Paulum inter et Iohannem obtinet, docet. Tum vero, hinc procedens, illa Iesu et Apostolorum effata humanas suscepisse formas ostendit, et historiam duce, illustratur, quomodo sensim sensimque ita increverint dogmata, placita et præcepta, uti hodiernâ tandem prodierunt formâ.

Haec est, quam dicimus hodieque, *Theologia his-*

*historica.* Quid vero tu — sic aliquem me interrogantem audio — quid hospitem et peregrinum in disciplina theologica his nostris temporibus sic te prodis, ut nescias, quantum *historica* haecce ratio nocuerit *Theologiae*? Nonne nostra satis superque probarunt tempora, quam noxia illa fuerit verae Religioni? *Historiae* opem implorarunt prudentiores Reformatores sec. XVI., at vero eadem nostrâ aetate utebantur temerarii *Theologi*, ut *historice* explicarent, quae *dogmatice* a Iesu erant tradita. Levi manu et temeraria ratione Viri, ceteroquin doctissimi, *Theologiam* pertractarunt, et quidquid displiceret, *historiae* ope, missum fecerunt. Quis quaeso ignorat, quam acute et calide Iesum et Apostolos sese accommodasse hominum erroribus statuerint, quo magis deinde ex illo accommodandi studio explicarent gravissima de Iesu morte et in vitam reditu, aliaque dogmata? Quid, quod Esenorum institutum scholam dixerunt, e qua Iesus doctrinam petiit suam; quod hypothesibus faverunt incertis; quod abusu Critices, in primis Critices sublimioris q. d. resecuerunt singula, quae *historiae* ope explicari posse iis viderentur; quod mythos dixerunt

et fictiones cuncta illa, quae interpretandi rationem superarent; quodque historiae ope, plurimis refecatis, cum Zoroastris et Platonis placitis ita composuerunt Iesu doctrinam, ut nullam *huius* dicerent prae *illis* praestantiam, nisi quae maiori popularitate cernatur. Fontes aperuerunt doctrinae Iesu *historicos*, at impuros illos et turbulentos, et ex impuris hisce fontibus errores manarunt et vitia. Nullam fere habebant dogmatum Christianorum praestantiam, cum e fontibus, mere humanis eam derivarent. Nonne ipsa *historica* pertractatio Deistas peperit in Anglia subtiliores, audaciores in Germania? Nonne haecce divinae Religionis auctoritati obesse videbatur? — Sed quid plura! — tune hancce Theologiam impense laudandam censes?

Multum sane abest, A. A. ut nullam hac in re cautionem adhibendam censcamus, aut daimna negemus et errores, quos nostra aetate in Germania attulit methodi historicae abusus. At hominum vitia non ad artium vituperium sunt referenda. Neque illam, quam hi adhibebant, *Theologiam* dicimus. Haec enim Sacri Codicis rationem habet; quem neglexerunt illi. Neque etiam

etiam *historica* dicenda est illa ratio, quae hypothesibus, non factis, nitebatur, quae ingenio indulgebat, non experientiam testem vocabat. Prouti enim saepius ad Systematis et Philosophiae rationem explicare solebant Theologi Codicis Sacri formulas et phrases, sic ad historicam rationem, q. d. contorquebant illi effata Iesu et Apostolorum. Nos vero tum demum summas eius recensemus laudes, si vere sit *historica*, et cum *sana coniuncta interpretatione*.

Ea sane vivimus tempora, quibus ad crisi revocata sunt singula Codicis Sacri effata et Ecclesiae placita; simul vero crisi instituerunt nonnulli arbitriariam, cuius fundamentum dicerent *historiam*. Hypothesium studio tantopere indulserunt, ut, quae dicebatur Critica, ingenii lusibus summopere faveret, et ἀρπίζεις defec-  
tu notarentur, qui dici malent Critici. Hinc quidem in constituendo textu historicam Codicum auctoritatem ad sua singuli figmenta commutarunt. Hinc grammaticum parvi habentes sensum, historicum ei tribuerunt. Hinc dogmata habue-  
runt, cum rationis effatis accurate composita, sed veram evertentia doctrinae Christianae indolem. Hinc historice explicuerunt huius Religionis ori-

ginem, missa vera locorum sacrorum interpretatione, eamque vel e Religione Orientalium, vel e Graecorum Philosophiâ et mysteriis repetebant. Quid? quod infesta illa Eberhardi, Wunschii, Richteri, aliorumque conamina vi critica et exegetica et praesidio historico erant destituta. Sane possit ita exstrui Religionis doctrina; at vero *Christiana* non item. Sin igitur e progressu disciplinarum explicanda sit Theologia historica, doleamus huncè progressum; accelerat enim ruinam Theologiae Christianae.

Caveamus autem, A. A. ne ea inter se confundamus, quae rite discerni debeant. Sanam enim Codicis Sacri interpretationem, in qua est fundatum omnis Theologiae, arctissime coniungas cum Theologiâ historicâ; sin minus ea arbitrio pertractabitur. — *Ducatur* igitur e *Sacro Codice Theologia*, *explicetur* autem historiae ope. Tum demum omnes illi evitantur errores, firmnititur fulcro Theologia, et docta eruditaque eius pertractatio unice commendatur.

Verum, missis ratiocinationibus, exempla afferamus, quibus evidentius pateat, quam egregie bina illa iun.

iungantur, quantaque redundant ex illa coniunctione in veram Theologiam emolumenta. Uti enim ad varias disciplinas Theologicas referatur Theologia historica, sic *nulla*, habetur *iusta interpretatio, nisi historicae per tractationis operatur.* Ne enim dicam de Theologo, sive allegoricae sive mysticæ sive mythicae interpretationis studiis abrepto, fingamus Interpretem, grammaticam interpretationem sectantem, historicam negligentem plane. Nonne dubius haeret, quemnam eligat sensum vocum et phrasum, nisi scriptentis noscat indolem et rationem? Ad remotionia accedens tempora, quid Iesaiam intelliget, aut Ezechielem, oracula proferente, nisi vel in patriâ degentis, vel exsulis populi Israëlitici, aut aliarum gentium et moralem et politicam rite attenderit conditionem? Hospes per Scripta Sacra obambulat, nisi Iesu praecepta et monita, pro hominum ratione diversa, e variis vel Pharisaeorum vel Sadducaeorum moribus, aut e festinanti Petri ingenio, vel e benevolo Iohannis animo explicare possit. Dum in Areopago verba facit Paulus, nonne obscurus nobis erit Orator, nisi omnem Athenarum, et placitorum, illic excultorum, rationem perspiciamus? Quid est,

quod Codicem Sacrum eiusque vel integros libros, vel peculiares dictiones intelligat, nisi historiae cum gentium, tum Exegeseos, ope? Quippe phrasibus Codicis Sacri, quas avide arripuerunt Christiani, Ecclesiae usus, aliam continuo concessit significationem. At vero suorum temporum notiones Codici Sacro illi tribuerunt Interpretes. Hinc illae lacrymae! Hinc superstitiosa dogmata, quae Religionem turbarunt! Iam vero haecce demum historica interpretatio limites posuit allegiarum studiis, et tenebras dispulit Mysticorum. Iuncta vero Exgesi, illa historicō-grammatica interpretatio, quae una vera est dicenda, mysticam respuit interpretationem, quam argumentis mere historicis probarunt illius patroni.

Quae si convenient probae Codicis Sacri interpretationi, in primis illa valent in ipsis dogmatibus. *Dogmatum enim historia insignem* habet Theologiae historicae partem. Namque *discernimus* illius ope, *quaenam in Theologia Christianā sint divinae, quaenam humanae* dicenda originis. Per plura iam secula, sua addiderunt homines placitis Christianis. Irrepererunt vel supersticio, vel Hierarchica studia, vel auctoritas for-

mularum et Synodorum, ut virtutis Christianae  
veram depravarent indolem, et Ecclesiae, falli  
nesciae, dogma componeant, quod ingravescen-  
te aevi barbarie continuo ulterius excoletetur,  
quodque invaluit tandem ut primarium doctrinae,  
quae dicebatur, Christianae caput. Sua contu-  
lerant in eam studia Orientales; siue Iudei, si-  
ue philosophantes Persarum more, et Graeci,  
maxime Alexandrini, uti et Latini et Afri.  
Sic quidem sponte exstitit Theologia, in variis  
Ecclesiis diversa. Tum vero dein irrepererunt aevi  
cuiuscunque studia, vel philosopha, vel mysti-  
ca, quae componere tentarent cum effatis Iesu.  
Hinc Scholasticorum ieunitas et perversa distin-  
guendi subtilitas, Thomam Aquinatem ducem  
sequentium; hinc pia illa, sed tenebris involuta  
Mysticorum sentiendi ratio, quae immutaret  
continuo Theologiae formam. Quantum, eheu!  
discrepant Theologiae systemata, variis aetatibus  
in diuersis scholis condita? Hanc autem purgatam  
continuo, verum dejiceps commaculatam homi-  
num erroribus et praeiudicatis opinionibus, hancce  
contortam saepe ad recentiorum Philosophorum  
systemata, hanc nobis tradiderunt proavi doctri-  
nam Christianam. Quo quæsto pacto humana  
illa

illa dignoscamus a divinis? Una forte interpretatione Codicis Sacri? Quasi nesciamus singulis formulis aliam tribuisse significationem variis temporibus Christianos! Verum Historia dogmatum, exegesi nitens, exponit, quomodo processerint Christiani in adornandis placitis; missa facit plurima, ex aevi superstitione orta, discernit inter Christiana et Ecclesiae dogmata; et huius quidem ope ad integrum illum doctrinae fontem revertimur.

Depositis igitur ab humanis divinis, *vera* de-  
mum doctrinae *indoles* percipitur. Ut enim in  
varias partes abierunt Theologi, ita in medium  
nos reducit illa viam. Historicam Theologiam  
hostem habuerunt et adversariam varii generis  
Theologi, qui antiquam colerent et novam Theo-  
logiae formam. Nec mirum sane! Quippe Ra-  
tionalistae, doctrinam denegantes, quam dicunt,  
*positivam*, historiam non indigent in explicandis  
iis, quae una Ratione evincuntur. Philosophantur  
de dogmatibus, et quando Philosophia iis usum  
praestare non potuit, missa illa faciunt. Hi vero  
oppugnant tantum historicam Theologiam, Exe-  
gesi iunctam. Ipsi enim, sanâ neglectâ interpre-

tatione, philosophantes de formulis Codicis Sacri, lubenter gentium aut placitorum philosophorum historiam testem invocant. Verum non illa dicitur Theologia Historica. Contra qui Syndicorum ab ore pendere solent, periculum metuunt doctrinae Eccllesiasticae, siquidem historia eam humanam esse evicerit. Positiva sane dogmata, non ad Ecclesiae tantum, sed ad Iesu verba exacte composita, Historiae adhibita face, puredemum proponuntur. Haec demum Theologia Iesum positivam (quam vulgo dicunt) docuisse doctrinam docet. Quid? quod Mysticī, sensibus et phantasiae indulgentes, sensui morali et spirituali cum Deo unioni faventes, experientiae et historiae vilipenderunt testimonium, dum internum Spiritus Sancti lumen praeserrent testimoniis hominum, qui sua, quae iis videbantur, oracula protulerunt. Illa vero Theologia, Mysticismi fata enarrans, luce clarius Sacri Codicis testimoniis ostendit, respuendas esse Mysticorum tenellas, neque Iesum, (quod praedicarunt hodieque Mysticorum plurimi,) fuisse Mysticum.

Neque tamen hic subsistimus in illius recentendis Theologiae laudibus. Imo vero illius de-

demum ope ad *Theologiam* pervenimus vere liberalem. Non illa est liberalitas dicenda, quae a multis praedicatur, ut in licentiam abeat *Theologus*, et, nullis constrictus terminis, suam auctoritatem divinis praeferat *Oraculis*, et ipsius Iesu anteponat auctoritati; verum ille potius, qui liber a partium studio, praecognitis non abruptus opinionibus, in veritatem inquirit, et Deo fidem habet. Iam vero, quomodo quaeso per labyrinthum dogmatum, haeresium, sententiarum, Canonum Conciliorum et Decretalium tutam sibi parabit viam, nisi ad Historiae filum progrediatur? Hocce ductus, veluti Ariadnes filo, tutam sibi parat viam, neque amplius

„*Ianua difficilis filo est inventa relicto.*”

Sed onere suo privat *Theologiam*, suamque sibi propriam ei tribuit materiam; rite edoctus, non unam tantum viguisse *Theologiam*, sed illam Iesu vehementer discrepasse ab ea, quam in Scholis suis docte proposuerunt *Theologi*. Haecce historica ratio obicem ponit praecognitis opinionibus; hacc dubia tollit Christianorum in profitenda fide. Non amplius auctoritate ducitur sententiarum avitarum aut recentiorum *Theologus*, sed interpretatus Codicem Sacrum,

erum, historicâ viâ inquirit, quid verum sit et iustum, quid docuerit Iesus, quid deinceps affirmaverint Christiani.

Sin vero (ne longus in his sim) *doctrinam* ad eas *moralem*, quamnam eligemus Ethices Christianae rationem? Pro variis variarum Scholarum studiis, aliam nobis illam informabimus. Philosophorum abducti ἀνθρώπεις et subtilitate, Christiana placita materiam habemus, cui formam dedit Philosophy. Sic vero tandem eo pervenies, quo pervenerunt nostra aetate plurimi, ut e Scholae tuae principio, q. d. morali omnem exponas doctrinam Christianam. Celebratum quoddam scholae principium sive sit Hobbesianum, sive Wolfianum, sive Kantianum, sive Fichtianum, unicum habebis doctrinae tuae praesidium; at vero doctrina hinc oritur moralis, aliis innixa fundamentis, quae eadem pertractat officia, sed ratione longe diversâ a Iesu ratione. Vae tibi misero! qui per mare illud. fluctuabis, dum ab alterâ scholâ ad alteram perducaris. Nulla tuo erit animo quies! — Quodsi vero eam cures quietem, mira vi te ad se trahit Mysticorum pietas. Hanc tu quidein forte excitandam et com-  
men-

mendandam putas; cum sensus excitet pios et morales, et animi internos sensus regere instituat. Quid mirum, nostris temporibus, eosdem illos, qui antea, eheu! Philosophorum abducebantur subtilitate, iam in hac, quam tu dicas, Mysticorum doctrinâ acquiescere sibi vide ri? Hinc salus exspectanda videtur. — Verum aperiuntur oculi! Ad inania quaeque per venerunt phantasiae lusus; haud amplius satiatur animus inanibus illis sensuum et phantasiae figmentis; altiora petit, et ea, quibus diutius satietur. Quorsum abripieris, miser! qui frustra veritatem quaeris et salutem? In Oceano huc et illuc verteris, donec tandem maris aestuosi flumina prorsus te abducant. Nullane igitur superest retrogrediundi via? — Superest omnino. Historice exponamus placita moralia et officia, et observabimus, quantopere a Iesu placitis aberraverint et Philosophi et Mysticci; quantopere humanae sapientiae decreta immutaverint simplicissima illa et naturae humaniae accommodata placita moralia Iesu; quantopere historia Ethices errores referat et abusus hominum. Revertimur historicâ haccè viâ ad Codicem Sacrum; quaeque de virtute humanâ, de libertate morali, de offi-

eiis nobismet ipsis praestandis, statuit Christus, et statuerunt Christiani, facilius reperimus. Hac demum viâ ad exegeticam revertimur Ethicam, quae nostrorum temporum conditioni accommodatur.

Quid plura? A. A! Hisce si extollenda sit laudibus *Theologia historica*, nostris sane temporibus Belgis quidem *Theologis summopere* est commendanda. Non est, quod oculos convertamus ad duodeviginti secula, quibus vulgaritiam iam Religio, ut observemus alias fere formas singulis aetatibus ei dedisse homines, adeo ut Apostolis incognita prorsus foret medii aevi et recentioris aetatis Theologia. Cavendum enim, ne ea tantum sequamur, quae nostrae aetati placent. — Alto insidens monte, quos per agrasti agros spatiose, quos pervasisti fluvios conspicis, et iustum et breviorem viam ob oculos habes. Haud aliter Theologus. Attendit Theologiae campum, et missis, quascunq; homines attulerunt, spinis, hac una veraque via Religionem investigat et disciplinas Theologicas.

Ne.

Neque tamen in hisce moremur diutius. Eo enim in primis nos invitat *recentioris Theologiae conditio*. Testes vos ipsos invoco, qui quas satam vidistis Theologiam. Cum enim Deistae in Angliâ fundamenta labefactarent Religionis Christianae, eamque ipsam penitus evertere studerent in Gallia bene multi, Theologi in Germania in varias abierunt partes. E novis, quae vigerent, disciplinis, et aevi progresu, ex emendationi crisi, e liberaliori studio Theologiae orta fuit conversio, in qua caute nonnulli, temerarie processerunt alii. Quippe puriores adierunt, quos credebant, fontes; sed ita quidem evertenda erant, quae summo labore extruxerant proavi, systemata, ecclesiasticâ auctoritate sancta, formulae et phrases, usu receptae. Quid multa? Historicâ viâ processerunt, ut hypotheses suas firmarent, sustulerunt *Dogmatismi* aedificium; ad suam sentiendi normam composuerunt omnem doctrinam Christi. Egregia multa constituerunt, verum enimvero ad extrema processerunt nonnulli et damna intulerunt summa Doctrinae Christianae sibique oppositos habebant Theologos, doctrinae Iesu auctoritati divinae fidem habentes, Codicis

ëis Sacri vindicantes doctrinam, Religionis agentes adversus Philosophiam causam; sed et hi pariter ad alterum extremum nonnunquam prouidentes. Sic hostiliter fere in se invicem agebant nostrâ aetate Rationalistae et Supranaturalistae; longae lites excitabantur, magno animorum aestu agitatae, quae si aliis obtinuissent temporibus, in varias profecto sectas abiissent Theologi. Tandem vero litium eos taeduit. Pacem componendam esse, hodieque clamant; de Rationalismo et Supranaturalismo disceptant, dissertationes scribunt bene multas, quibus sententias, toto coelo diversas, secum invicem componendi periculum faciunt. Exemplum præbuerunt aetate provectiones; imitati sunt Novitiis Theologi. Hinc quidem hodieque mixtura veluti exstitit Theologiae, e partibus dissimillimis composta, diversis constans, cum principiis, tum dogmatibus.

Iam vero quaenam tutior esse posse via, quæ procedamus inter medios hosce errores et abusus; et cuiusvis generis extrema evitemus, quam historicæ Theologiae cum exegeticâ coniunctæ studium. Cavemus hoc pacto a Systemate illo, siue sit Rationalistarum, sive Supranaturalistarum;

hi-

historice dogmatum conversionem observamus, et Exegeeos ope eligimus, quid Iesus docuerit quodque recentioris aevi subsidia attulerint. Sic Scyllam inter et Charybdim tuti iter perficimus.

Quodsi vero haec ulla in gente obtineant inter Theologos, nostra haecce tempora officium illud Theologis potissimum Belgis imponunt! — Quae enim naturalis est Belgis indoles, hanc prodiderunt imprimis in Theologiae hodiernae conditio-  
ne. Inest Belgarum genti iudicii severitas, agendi prudentia, qua a nimiâ retinentur festinatione; prudentia simul, qua de singulis anxie et caute deliberare solent, et singula ad calculum reducere, qua iura, sibi concessa, tueri student, et patria retinere instituta; verum liberalitas simul, quae nullis feso emancipavit. Quae quidem Bel-  
garum indoles, summa praestitit, Historiâ cele-  
brata, facinora; illâ ducti, ingenii, qua value-  
runt, vi fuerunt usi ad condendam et confirman-  
dam Rempublicam, ad moderanda populorum  
et gentium fata, ad aequilibrium potentiae Euro-  
paeae stabiendum, ad politica regunda Euro-  
pae fata. Ea valuerunt Principes Arausiaci,  
Guilielmi atque Frederici, ea Oldenbar-

ne.

neveldi et Slingelandi, Beuningii atque Fagelii. Haec sese commendarunt Ordines Provinciarum in conventibus suis. Haec invaserunt in artibus et literis, inque disciplinis, et ea, ut plurimum, conspicui fuerunt seculi XVIII viri doctiores. — Eandem autem illam indolem in Theologiâ prodiderunt recentiori. Cum enim saltibus non soleant procedere, et perturbare disciplinas, nec celeres illos aliarum gentium progressus continuo imitari, lentius, sed simul prudentius constantiusque progrediventur, Belgae. Antestor nostri aevi historiam! Cum alibi vehementer quassata fuit Theologia; ecce! placida exstitit in Belgio commutatio. Neque Rationalistas fere peperit Belgium, neque Supranaturalistas, quales alibi prodierunt. Principiis, quibus adhaerent Supranaturalistæ, universe addicti, non ad extrema prouerunt nostrates. Medium tenuere heati, et medii intercesserunt inter eos. Sic quidem ipsi suâ sponte eopervenerunt, quo tandem mixturâ illâ Theologiae pervenire student alii. **Commutata** fuit apud Belgas Theologia, non *conversa* penitus. Quid? anne ab hisce desisterent posteri? Contra, hac demum, quam commendamus, Theologiâ, eo per-

ve-

venerunt, ut prudentem illam et liberalem rationem excolant, et una cum aliis gentibus procedant.

Sacra porro habetur in Belgio *proavorum memoria*; et sane proavorum manes hiocce pietatis officium a nobis exigunt, ut eorum ad exemplum hancce pertractemus Theologiam. Laetemur, A. A! nos ex illa progenie esse natos, quae non tantum Theologos tulit doctissimos; sed Interpretes simul, quorum ab ore penderent ceteri, nec vero minus eos, qui in commendandâ et pertractandâ Theologiâ historicâ seculo iam XVII. exemplum dederunt aliis gentibus. Quod, ne cui mirum accidat, reputetis, quot quantaque in Historiâ Ecclesiasticâ adumbrandâ, inque antiquitatibus Ecclesiasticis exponendis praestiterunt. Quid Bollandium eiusque socios, quid Triglandios atque Brandtios, Spanheimios atque Basnagios, Clericos atque Venemam aliosque clari nominis viros, vobis in memoriam revoçem? Reputetis stupendum illud Hugonis Grotii ingenium, qui, quum fanae interpretationis regulas exemplo scriberet gentibus, illiusque ab ore ad nostra usque tempora pependerint Interpretes primarii, *histori-*

ce dogmata contra Socinum explicit historicanque illam rationem aliis commendavit. Nonne Altingius *Theologiam* dedit *Historicam*, inaudito illâ aetate titulo? Quid? quod Vossius exemplum sere dedit, peculiarem sectae illiusque dogmatum historiam exponendi in *Historia*, quam dedit, *Pelagiana*. Nonne medio seculo XVII. Theologos Lugduno-Batavos reperimus, laudantes *Theologiam*, quam ipsi dicunt, *historicam*, (1) cum „Viro Theologo” (ita scri-

(1) Ex allatis hisce exemplis satis superque patet, haucce *Historiae Theologiae* formulam iis iam temporibus Belgis placuisse Theologis, atque ab iis fuisse probatum. Ne enim dicam, Henricum Altingium (quem Maresius dixit *Theologum Biblicum ac scripturarium*, quiq[ue] celebratur inter praecipuos huius aevi Theologos, qui non e lacunis Scholasticorum doctrinam petierat) scripsisse *Theologiam historicam c. Systematis historici loca quatuor*. Amst. 1654, in primis *Theologi* Lugduno-Batavi, I. Polyander, I. Triglandius et Frid. Spanhemius, diserte *historicae Theologiae* laudes praedicarunt. Dignus est locus, e quo plura asferantur. Iudicium suum de Forbesii Opere *Instructio- num Historico-Theologicarum* ita ferunt: „Quam pri- „mum illae (Instructiones) ad manus nostras pervene- „re, gratulati fuimus publico, quod Deus desertum il- „lud propemodum *Historicae-Theologiae* studium et quod

scribunt, iudicantes de Forbesii opere historico-theologico), nihil saepe magis conduceat, quam-

„, inu-  
„, apud multos, vel ut inutile. ac inglorium, vel ut ar-  
„, duum nimis et operosum iacet, huic servo suo inspira-  
„, rit, qui hanc Theologicae eruditionis partem, a paucis-  
„, simis retro occupatam, suam faceret, et curis suis, sive  
„, a contemtu, sive a neglectu saltem, vindicaret. Iam-  
„, dudum sane hoc a magnis Viris serio desideratum fuit,  
„, ut quae Dogmaticae Theologiae felicitas est, ea etiam  
„, Historicae esset." Deinde „, Et tamen, ut Consultis  
„, Iuris Historia Vetus Interpres est difficillimarum le-  
„, gum et claris ad conciliationem eorum, quae prorsus  
„, videntur ἀδιάλλοχτα, — sic Viro Theologo nihil saepe  
„, magis conductit, quam mutationum in doctrina et dis-  
„, ciplinā fontes, perspectos habere, et observare, qua  
„, occasione, quibus technis et gradibus mendacii Candi-  
„, dati in veritatem coelestem incursum annisi fuerint.

„, In magna itaque felicitatis parte praesidium cense-  
„, mus, quod Deus excitavit Spiritum Clarissimi huius  
„, Viri, ut in hanc curam cum curā incumberet, et cum  
„, Dogmatico Instructionum Theologicarum genere,  
„, Theologiam Historicam solide et methodice, quoad  
„, praecipua capita, exsequeretur." Cf. Facultatis Theol:  
Lugduno-Batavae iudicium super Instructionibus Hist.  
Theol. praemissum Joh. Forbesii a Corse Operum  
T. II. contin. Instructiones Historico-Theologicas de doc-  
trina Christiana. Amst. 1702. Sic iam scribebant A°.  
1645. Theologi Belgae. Neque in desuetudinem deinceps  
abiit

„mutationum in doctrinā et disciplinā fontes per-  
„spectos habere?” Quin hoc ipsum Forbesii opus

abilit haecc formula; quam enim probarunt, praeter  
alios, Noeseltus, Ernestius (*Prol. de Theol. hi-  
storicae et dogmaticae coniungendae necessitate et moda  
universo; obvia in eius Opusc. Theol. p. 565.*) Plan-  
ckius (*Einf. in die theolog. Wissenschaft. V. II. p. 183  
sqq.*) aliique Viri laudati, haec nostris temporibus,  
quibus in disponendis Theologiae disciplinis inprimis  
occupati sunt Theologi, ubivis fere in libris ency-  
clopaedicis, methodologicis, ac universe hodogeticis,  
fuit recepta. Quā quidem, cum antiquorum, eorumque  
Belgarum, tum recentiorum auctoritate frēti, usi sumus  
formula, quā melior aptiorque nondum existat. Licet  
enim in eā definiendā diversam variū inierint viam, om-  
nium maxime apta videtur ea denominatio uberiori ambi-  
tut, quem nos in hacce Oratione Theologiae Histori-  
cae dedimus. Hanc enim veniam; alijs datam, vicissim  
nobis petimus. Ceterum praeter laudatos in primis legan-  
tur, quae de historicā Theologīa scripsit Noeseltus.  
*Anweisung zur Kennniß der besten allgem. Bücher in  
allen Theilen der Theologie. §. 288 sqq. p. 379. et §. 388.  
p. 513. nec non §. 214.* Porro scripsit H. Grotius,  
*de Satisfactione Christi contra Socinum, et Ger. Ioh.  
Vössius Historiae de controversiali, quas Pelagius eius  
que reliqua moverunt, libros septem. Anst. 1655.*  
De Henr. Altingio, praeter Marefii in Altin-

in Patriâ nostrâ prodiit. Sic quidem illud officium imposuerunt posteris, ut ipsorum premerent vestigia, ut illam una cum sana interpretatione coniungerent, neque, tali stirpe indigni, desisterent ab excolendâ disciplinâ, quae in Germaniâ hodieque a multis excolitur: quae illic suos habuit Munscheros, Staedlinos, Vateros, suosque habet Augustios, Neandros, Illgenios, ne alios nominem; sed ad quam excolendam, et Exgesi coniungendam, prae omnibus apti videntur et idonei Belgae, qui tamen, (quid est, quod diffiteamur?) in nonnullis Theologiae historicae partibus, non pari passu processerunt cum aliis.

Quod quidem eo magis inculcandum duximus, cum antea plurimi illius abusus e polemica ra-

gii obitum Orationem funebrem, vid. *Effigies et Vitae Professorum Acad. Groningan.* et *Oml.* p. 96, quique ea fuerunt usi, Bayle *Dict. hist. et geogr.* in voce, V. I. p. 216. Kok, *Vad. Woord.* in voce, Vol. II. 727. uti et Ypey et Dermout *Geschr. der Nederl. Herv. Kerk.* II. 404. et in *Annot.* p. 479 et 505.

tione, qua eam pertractarent, fuerint exorti. Nos igitur abusus illos evitantes, ad recentiorē rationē eam componamus; quin *optimum praeberet illa tuendae Religionis Christianae præsidium*. Nimirum non levi manu sua dimittere solent Belgae. Quae ipsi fuerunt nati iura, haec tueri et vindicare solent. Hinc iura politica acriter vindicarunt et religiosa. Quae sane, quantopere Belgis eorumque Theologis insint tuendae Religionis studia, docuit polemica, quae praecedenti ævo dominabatur, ratio; docuerunt Theologorum libri, qui in polemico et apologetico Theologiae genere versabantur; docuerunt Societates, quæ prudenter satis et liberaliter dogmata Christiana vindicarunt, inter quas Hagana illa, et Teyleriana et Stolpiana suis sunt praedicandae laudibus. Quomodo igitur hisce nostris temporib⁹ ea rectius vindicabimus placita, quam illos, qui historicis usi sunt praesidiis, iisdem oppugnantes armis? — Sed alios potissimum significamus, verae doctrinae Christianae adversarios, Jesuitarum gregem. Horum si fraudes, historiā teste, detegimus, horum si insaniam interpretandi rationē, si dogmata, Iesu Eu-

Euangelio et verae virtuti noxia, exponimus, si historice evincimus, quaenam fuerit scelerata illorum praceptorum  $\pi\rho\acute{\alpha}\xi\varsigma$ , nude proponuntur eorum flagitia, e Christianâ Societate pelluntur homines, a Iesu nomen, ab ipsorum astutiâ et calliditate omen habentes.

Quodsi Theologorum quispiam stimulis etiam nunc indigeret ad excolendam Theologiam illam liberalem et prudentem, quodsi dubius haereret quis, utrum illos oppugnemus, qui Theologiâ historicâ, Exegeſi iunctâ, omnium maxime refelluntur, profecto admoneremur Regis Augustissimi exemplo, qui, quidquid moliantur in variis regionibus Iesuitae, extra regni sui terrenos eorum satellites habitare iussit; qui Sacerdotibus curam mandavit instituendi Christianos; qui ministros iusserit regiones suas coecis hisce Christianorum doctoribus purgare; qui in Collegio instituendo Philosophico Lovaniensi, fausto illo, ut speramus, liberalioris doctrinae omne! historica potissimum studia in futuris Euangelii nunciis excitare studet; qui suo iure celebratur inter Europae Principes, populi commodis consulens, subditisque exemplum præbet;

in

in quod intuentes, ad veram tendent liberalitatem et iustam prudentiam.

Quod quidem Regis Augustissimi exemplum continenter intueamur! A. Gratam enim hancc subditis imposuit legem, ut singuli, qua valent ingenii vi et facultate, in eundem tendant finem; hanc Theologis maxime paraciam videntur, ut historicā Theologiā veram promoveant Religionis notitiam, et temporibus accommodatam Theologiae progressionem. Hanc mihi mandatam video, *Curatores Amplissimi!* quum novo titulo me ornavit Rex Augustissimus. Vestrum expertus sum per triennium fere favorem, et benivolentiam Vestram, neque Vobis gratias referre non possum, quod Regi suosores fuistis, ut paterni tituli heredem me redderet. Stimulos mihi addidistis, ut, quantum potero, Academiae commodis inserviam, et in disciplinis, quas profiteor, eam discipulis indicem viam, quae maxime ad veram conducit Theologiam. Certi

es.

estote, me illud curaturum, ut pro viribus meis  
hancce excolam historicam Theologiam, quae,  
Exegesi juncta, nostrorum temporum Theologis  
est utilissima, quaeque viam parat ad caeteras  
disciplinas theologicas, cum eâ arctissimo vinculo  
coniunctas.

In his Vosmet sane mecum consentientes ha-  
beo, Viri Clarissimi! Collegae coniunctissimi!  
*Theologiae Profesores!* Provincia, quam gessi,  
novo hocce titulo neutiquam mutatur, neque  
adeo in Ordine vestro ullum mihi paratur novum  
munus. At vero quidni confidam, fore ut in pos-  
terum illi, quem humaniter excepistis, eandem  
praebeatis amicitiam, benivolentiam? Coniunctis  
viribus in illud tendainus, ut hîc Theologiam  
profiteamur, ad Sacri Codicis effata exactam pla-  
ne et compositam.

Quin Vobis omnibus, cuiusvis disciplinae  
Profesores, Collegae amicissimi! pietate duc-  
tus, gratias debeo maximas, pro amicitia, qua  
Patrem carissimum ad vitæ usque terminum  
estis prosecuti, quamque in Filium conferre  
non recusastis. Arctissimum nos iungat in pos-

te-

terum amicitiae vinculum! Cara Vestra conser-  
vet capita Dei provida cura! Vobisque conce-  
dat, ut florent hac in Academiâ, Vobis docto-  
ribus, literarum studia!

Nec vero ab hocce mihi descendere loco licet,  
Vobis insalutatis, optimi Commilitones! discipuli  
*carissimi*! Vobis potissimum commendatum ve-  
lim historicae Theologiae studium, quod veros  
informat nostrâ aetate Theologos. Exemplum  
vobis praebent in aliis regionibus Theologi, et  
Vos sane proavorum memoriam sacram habere so-  
letis. Sed quid est, quod Vobis illud commen-  
dem, ô boni! qui acriter in illud incumbere  
soletis, et studio illius ducimini? Sane illud mihi  
innotuit per triennium fere hocce, quo iucundum  
mihi et gratum fuit Vobiscum in scholis versari;  
innotuit inprimis hocce cursu academico, quo  
scholas Vobis aperui historico-dogmaticas. No-  
vistis enim, Commilitones! me pro viribus  
illud instituisse, in singulis, quas profiteor, dis-  
ciplinis, ut historica hacce viâ procedamus  
ad Sacri Codicis doctrinam exponendam. Per-

D

ga-

gamus in hisce ! et vero eam tantum colamus Theologiam historicam, quae cum ceteris disciplinis Theologicis arctissime est coniuncta. Haec una coniunctio veros informat Theologos ; et sane, mutato titulo, eo magis me obstrictum sentio, ut vestros in usus singulas conferam facultates, quas mihi concessit Deus. — Sic quidem floreat in Academiâ Traiectinâ vestris conatibus Theologia historica ! at illa quae ex uno sapit Codice Sacro. Antiquas sustineatis Belgarum laudes, et auspice Deo, hic universe excolatur Theologia Christiana !

---

#### E R R A T U M.

p. 10. l. 6. et auctoritate insignis, *lege* et auctoritate.

SALOMONIS PETRI SCHELTEMAE,  
IN ACADEMIA RHENO-TRAJECTINA  
MEDICINAE CANDIDATI,

R E S P O N S I O

A D

Q U A E S T I O N E M ,

A

FACULTATE MEDICA PROPOSITAM :

„ Dilucide et breviter exponatur *Hyoscyami*  
„ nigri primum descriptio botanica, ejusque  
„ herbae radicis et seminis analysis chemica,  
„ deinde efficacia hujus plantae venenatae in  
„ corpus animale, porro ejus usus medicus,  
„ atque tandem noxae ex medicamenti intem-  
„ pestiva adhibitione oriundae.”

QUAE PRAEMIUM REPORTAVIT.

*,, Le même suc , changeant de parfum de saveur.  
Forme le bois , le fruit , le feuillage et la fleur ;  
Donne aux fleurs leur email , sa verdure au gazon  
Tantot est un remede et tantot un poison." —*

DELILLE.

## I N T R O I T U S.

Videnti quæstionem de Hyoscyamo nigro, a Nobilissima Facultate Medica iterum propositam, mihi videbatur haec dignissima, ut laborem in responsum impenderem. Juveni erat quæstio proposita; offero opus juvenile, atque ideo silentio praetereo, quæ forsitan proferre possem plurima, de difficultate argumenti, de virium tenuitate, cum talia nec juvent nec delectent.

De materiae divisione aliquid monere vix opus erit, cum quæstionis formâ haec sponte indicetur. Primum igitur exhibebitur descriptio botanica, dein analysis, porro vis venenata, tandem usus et abusus medicus.



## DESCRIPTIO BOTANICA.

**H**yoscyami nomen derivandum est ab ὄς et κύαμος, unde Latino sermone dicitur *faba porcina*, quia, ex nonnullorum sententiā, porci inpune edunt capsulam, quae fabae formam exteriorem refert. (1) — Synonyma sunt, apud Graecos, Hioscyamus, Adamenon, Adamante, Atamon, Emmanes, Dithyambrium, Hypnoticon; apud Pythagoram, Xeleon; apud Zoroastrem, Tephionion; (2) apud Aegyptios, Saphho, quod significare dicitur *obnubilans*, caput turbans; (3) Arabibus dicebatur Altercum,

(1) Cf. *Glossologie de Botanique*, par Alexandre Theis, Paris, 1810. p. 235.

(2) Cf. *Cruydtboeck van Rembertus Dodonaeus*, tot Leyden. 1618. p. 737 en 738.

(3) Cf. Kurt Sprengel, *Gesch. der Botanik*. Alt-dorff und Leipz. 1817, T. I. p. 127.

Altercangenum; in Phrygia, Remenia; in Tuscia Fabulonia, Faba lupina; Latinis Faba suilla, Insana, Alterculum, Symphoniaca, Calycularis, Dentaria, Mania, Fabulum, Fabulum Priapea, Herba Herculea, etiam Apollinaris, quia verisimiliter haec herba dabatur Pythiae, ut haec mania corriperetur, qua oraculum ederet; (1) apud Gaulos vocabatur Belen vel Belinuntia; quia erat Beleno sacra, qui Celtis erat idem ac Apollo; (2) Gallis Bellinuntia; Italos Hyosquiamo, Histurbio; Hispanis Veleno, Meimandro; Ungaris Belende; Turcis Benze vel Beze. (3)

Genus *Hyoscyami* in systemate naturali Celsus si eu, ponitur inter plantas dicotyledones, lanaceas. Charakteres: Calyx monophyllus persistens quinque partitus; corolla monopetala infundibuliformis, tubo brevi, limbo oblique secto in quinque lobos inaequales; quinque stamina, filamentis inclinatis, insertis basi tubi corollae; ovarium superum, ovale, obtusum, cui stylus impositus filiformis, stigmate capitato instructus; capsula ovalis, ab omni parte sulcata, duobus loculis polyspermis, lateraliter operculata.

(1) Dodonaeus, l. l.

(2) Cf. A. Theis, l. l.

(3) Dodonaeus, l. l.

culo instructa. — *Hyoscyami* genus est herbaeum, foliis alternantibus, floribus axillaribus, in parte caulis ejusque ramis superioribus. Species cognitae sunt duodecim, indigenae in Europa et Asia minori. (1)

Secundum systema sexuale Linnaei, pertinet ad pentandriam monogyniam. Ejus character est: corolla indisfundibuliformis obtusa, stamina inclinata, capsula bilocularis. (2)

*Hyoscyamum* antiquitas jam cognovit. Hippocratem enim (3) de illo locutum invenimus. — Ab eo inde tempore, quo libros Historiae Naturalis scriptos habemus, etiam de *Hyoscyamo* in illis agitur. *Columella*, de *Hyoscyamo* albo, tempore Tiberii et Senecae, (4) Dioscorides, saec. I. nostrae aerae, de *Hyoscyamo* reticulato, *Hyoscyamo* aureo et albo, loquitur. (5) Secundum Casparum Bau-

hi-

(1) Cf. *Dictionnaire des Sciences Nat. par plusieurs Proff. du Jardin du Roi et des principales ecoles de Paris.* T. XXIV. à Strasbourg et à Paris, p. 293.

(2) Willdenow, *Species Plant.* Tom. I. Pars 2. p. 1010.

(3) Cf. Hippocr. *Opera omnia Föesii*, Genev. 1657. p. 474.

(4) Kurt Sprengel, l. l. 127. (*Columella, de re rustica*, 40. 185.)

(5) Cf. Idem l. l. p. 140.

hinum; Dioscorides loquitur de uno semine nigro, floribus pene purpureis; de altero semine subflavo, floribus luteis; et de tertio mitissimo, floribus et semine candidis. (1) Plinius, anno 23 aerae nostrae, loquitur de Hyoscyamo albo; (2) de Hyoscyamo semine nigro; de Hyoscyamo semine candiore; de Hyoscyamo semine Irionis semini simili; de Hyoscyamo candidi seminis in maritimis; item de Hyoscyamo rufi seminis. (3) Inter Arabes etiam Avicenna, et Serapion, saec. secundo nostrae aerae, locuti sunt, de Hyoscyamo Pusillo, Mutico et Reticulato, primo habente florem flavum, secundo album, tertio rubrum. (4) Hieron. Braunschweig, Chirurgus Argentoratensis, anno 1500, de Hyoscyamo nigro egit. (5) Hieron. Tragus, Argentoratensis, anno 1539. Hyoscyatum album in Germania detexit. (6) Conradus

Ges.

(1) Cf. Casp. Bauhini, Pinax Theat. Bot. S. index in Theophrasti, Diose. Plinii, et Botanicorum, qui a saec. scripserunt opera, Lib. 5. Sect. 1. p. 169, Basilia 1671. (Diose. Lib. 4. C. 69.)

(2) Cf. Kurt Sprengel, I. l. p. 167.

(3) Cf. Casp. Bauh. I. l. Plin. Lib. 25. C. 4.)

(4) Kurt Sprengel, I. l. p. 215.

(5) Destillirbuch, edit. Eucharii Rhodionis et Christ. Egenolfii, 1535 et 1536.

(6) Cf. Idem p. 271.

Gesner, hocce tempore, *Hyoscyamum reticulatum*, et Petrus Andreas Matthioli, *Hyoscyamum scopolia* detexit in Germania. (1) Dodoneus dicit, veteribus tantum tres hujus generis species, nempe nigrum, aureum et album; suo tempore autem plurimas cognitas fuisse. (2)

Caeterum de *Hyoscyamo* eodem fere modo loquuntur omnes scriptores Botanici sequentes, ita ut in eorum libris nil memoratu dignum inveniatur.

Ex dictis patet, *Hyoscyami* genus, jam dum et abunde in Europa notum fuisse, nec non in Asia minori, neque ejus vires latuisse, cum nomina plurima ejus vim in sistema nervosum et sanguiferum indicent.

Nomen genericum nobis innotuit: specificum est *niger*, a semine griseo-nigricanti, vel forsan etiam a striis atro-purpureis, corollam pingentibus, derivatum.

Synonyma sunt *Hyoscyamus vulgaris*, *Gesn. Hort. Thal.* — *Hyoscyanus secundus*, *Galen. i.* — *Hyoscyamus flavus*, *Fuchfii.* — *Altercum*, *Fallopii de vuln.* — *Apollinaris Cordo in Diosc.* — *Zigeuner kraut*, *Rindeswürzel*, apud Germanos.

(1) Cf. Idem p. 277.

(2) Cf. Dodoneus, l. l.

nos. (1) — Hyosc. Camerar. Epit. p. 807. Revin monop. irreg. t. 102. Amplexicaul. Henbane, Hill. t. VIII. t. 50. (2). — Apud Gallos, Jusquame noire. — Apud Belgas, zwart Bilzenkruid.

*Hyoscyamus niger* in methodo naturali sic describitur: Radix crassa, annua; caulis cylindricus, ramosus, altus unum et dimidium vel duos pedes, aequa ac folia tectus pilis multis ad tactum laevibus; folia ovato-lanceolata, sinuata vel descisa, coloris pallide viridis: radicalia magna, basi in petiolum attenuata; caulina sessilia et amplexicaulia; flores satis magni, flavi, venis atro purpureis, axillis foliorum superiorum sessilibus et dispositis ad extremitatem caulis et ramorum. (3)

Accurata Bergii descriptio est haec: Radix primi anni fusiformis, undique alba, parenchymate carnosum, albido, post sectionem transversalem, centro medullari orbiculato, rugoso, cincto disco annulato, annulis subapproximatis,

(1) Cf. J. Bauhinus, Hist. Plant. Univ. 1665. T. III. C. 3. p. 627.

(2) Cf. Alb. v. Haller, Hist. Stirp. Indig. Helvetiae. Bern. 1768. T. I. p. 253. et Willdenow, Spec. plant. I. I.

(3) Cf. Dictionnaire des sciences Naturelles I. I.

tis, obsoletis; caulis (secundi anni) erectus, teres bipedalis, villoso-lanatus subglutinosus, superne ramosus; rami alterni erecti; folia alterna, sessilia, amplexicaulia, ovato oblonga, acuta, minutim tomentosa, mollia pinnatifida, dentata, laciniis lanceolatis acutis integris; flores axillares solitarii, ad latus alterum axillae siti, subpedunculati, calyx Perianthio monophyllo campanulato turbinato subtomentoso, basi lanata, apice quinquesido, laciniis lanceolatis acutis, carinatis, concavis, subaequalibus; corolla infundibuliformis, tubus cylindricus, villosus, longitudine calicis, inferne albus, superne striatus, purpurascens; limbus ex tubo sensim ampliato erectus patens, colore tristi sordido, sublutescens, venis rubicundis undique pictus, extus subpubescens, quinquesidus, laciniis obtusis, quarum duae superiores ovatae, tres inferiores paulo maiores obovatae; faux purpurascens, staminum filamenta quinque filiformia alba villosa recta, ad latus corollae sursum flexa, tubo paullo longiora, quorum duo inferiora brevia, arcuata; antherae cordato-lineares eretacae; pistilli german superum ovatum obtusum glabrum superne albidum inferne lutescens; stylus filiformis, pubescens, violaceus, staminibus longior, flexura eademi cum staminibus, basi albidus, stigma capitatum albidum, subexsertum,

cap-

capsula infra calycem persistentem, ovata, obtusa, glabra, obsolete tuberculata, bilocularis, tecta operculo obtuso, mucronato, horizontaliter circumscisso; semina numerosa cinerea, ovata, obtusa, utrimque compressa, undique foveolis reticulata. — Planta biennis in locis incultis et ruderibus et viis crescens. (1) — Huic descriptioni aliquid addere superfluum videtur: tantum characteres secundum sistema Linnaeanum exhibendi, ubi describitur *Hyoscyamus niger*, foliis radicalibus pinnatifido-sinuatis, superioribus amplexicaulibus; floribus subsessilibus, corollis reticulatis. (2) A Willdenovio describitur foliis amplexicaulibus sinuatis floribus sessilibus. (3) Alia descriptio invenitur, parum a memorata differens, apud varios auctores. (4)

Dis-

(1) Cf. P. J. Bergius, *Mat. Med. e regno vegetabili*, Tom. I. Stockh. 1782. p. 121 sqq.

(2) Cf. C. a Linné, cur. Joh. Jac. Römer et Jos. Aug. Schultes, Vol. IV. Stuttgart, 1819.

(3) Cf. Willdenow, *Spec. Pl. I. I.*

(4) Cf. de Gorter, *Flora Septem Provinciarum*, Belg. Foed. Harl. 1781. N°. 266. Meesius Swensk. Bot. 21. Smith, *Flora Britann.* p. 254. Sturm, *Flora Germ.* fasc. 3. *Flora Danica* T. 1452. *English Botan.* 591. Catalog. Plantarum Amer. Septentr. Indig. et Cicurum, cur. Joh. Muhlenberg, Lanc. 1813. p. 23. De Candolle, *Synops. Plant. et Flore Franc.*

Disentient, an veteres cognoverint Hyoscyamum nigrum. Dicitur in libro, cui titulus : *Dictionnaire des sciences Medicales.* — „ Ce nom figure souvent parmi les medicaments employés dans l'antiquité, mais notre Jusquiamme noire, n'est pas celle des Anciens, elle n'est pas même du nombre des trois espèces, que mentionne Dioscoride, et qui doivent être rapportées aux *Hyosc. reticulatus*, *Hyosc. aureus* et *Hyoscyamus albus* de Linné.” (1)

Attamen dicit Dioscorides, tria ejus esse genera, et unum habere flores pene purpureos, folia Smilaci proxima, semen nigrum etc. — Dodoneus etiam dicit, nigrum a veteribus rejici, ob efficaciam nimiam. (2) Etiam Suidas, ut et Galenus, describit Hyoscyatum, uti plantam valde nocivam et nigrum semen proferens.

Caeterum non video, cur *Hyoscyamus niger*, qui omnium est efficacissimus et vulgatissimus, a veteribus ignoraretur, quamvis negari nequeat illos loqui, in descriptione de spinis albis, quibus ob-

Paris 1813. T. III. p. 607. Van Halt, Flora Belg. Sept. T. I. p. 196. Amst. 1825.

(1) Cf. *Diction. des sciences Medic. par une Société de Chirurgiens*, Paris, 1818. T. XXVI. p. 562.

(2) Dodoneus, l. l. et Joh. Bauhinus, l. l.

(3) Joh. Lindestolpe, liber de Venenis, Francofurt. et Lips. 1739. p. 59. Galenus, lib. 8. simpl. 2

obsitus esset caulis, (1) quae non in descriptionibus recentioribus inveniuntur. Ob vagam tamen describendi methodum, quia scientia botanica nullis limitibus erat circumscripta, nullum systema, nulli characteres distinctivi erant positi, aut universaliter assumti, nil certum hac in re proferre possum. Probabile tamen mihi videtur, *Hyoscyamum nigrum* antiquis fuisse cognitum, atque constat, secundum Cl. Sprengel, anno 1500. *hyoscyamum nigrum* in Germania notum fuisse. (2)

Bauhinus loquitur, de varietate *Hyoscyami nigri*, foliis modo integris, modo dissectis, modo in ambitu in lacinias acutas divisis. (3) Roemer et Schultes de *Hyosc. pygmaeo*, varietate agunt, etiam dubitantes, an continentalis noster et meridionalis revera idem sit cum Suecico et Anglico, anne hi potius sint species, quae dicatur agrestis. — In nostro folia sunt decurrentia, calyces fructiferi sere pungentes, corolla sordide et luride flavescens, fundo purpureascente, venis lividis; flores demum inserti sunt spicis unilateralibus foliosis. In varietate radix fibrosa perpendicularis, caule pollicari, fo-

(1) Cf. Joh. Bauhinus, I. I.

(2) Cf. Hujus Commentat. p. 3.

(3) Cf. Joh. Bauhinus, I. I.

liis inferioribus ovalibus, caeteris ovato-lanceolatis, integerrimis, floribus reticulatis, subsessilibus. In arvis prope Wansleben versus stagnum invenitur. (1)

Icones inveniuntur in Flora Danica 1452; Engl. Bot 591. Fl. Batava Vol. 5. icon, quae tamen mala dicitur, (2) et in libro antea laudato, cui titulus est Destillirbuch.

## A N A L Y S I S C H E M I C A.

Si utilitatem agnoscimus, quam universæ Medicinae attulit Chemiae studium, ejusque diligens atque prudens applicatio, praecipue rāmen illam commoda accepisse et lūcem videmus ex opere Chēmico, quod principia proxima determinat, quam ex eo, quo remotiorum examen repetitur. Cujus rei ratio facile invenitur in imperfecta et Medicinae et Chemiae scientia. Et enim neque Medicus jam cognovit ipsam principiorum remotiorum in corpore humano mixtionem et actionem propriam, neque Chēmicus, ex cognita horum principiorum indole et quantitate, si bi compertam habet conditionem, qua in substantia quavis examinanda juncta existant. Longe

(1) Cf. Roemer et Schultes, I. I.

(2) Cf. Van Hall, I. I. p. 196.

ge quidem abest, ut quoque principiorum proximorum exāmen Chemicum certam semper et indubitatam in Medicina conclusionem permittat; sed hoc saepius tuto ducinur et applicacionem aliquando certiorem illa ferunt. Gaudeamus igitur his emolumentis, accipiamus certa incertis mixta, ut, his rejectis, illis prudenter uti possimus.

Ob ea, quae diximus, indagationem principiorum remotiorum supervacuam et labori nullo modo respondentem omittere potuimus, et censuimus illam instituendam esse tantum, quae principiorum propiorum indolem spectat.

*Herbae Analysis.* — Succum ex recentibus foliis ante florescentiam expressum ad siccitatem evaporavi balneo aqueo. Hunc in finem adhibui retortam apposito excipulo, et accepi omnem liquorem evaporatione emissum, qui colorem habebat albescensem, odorem specificum foliorum hyoscyami prodente, saporem nullum, qui chartam, succo Heliotropii tintam, leviter rubore inficiebat, praecipitatum nullum edens cum hydrochlorate calcis, album parvum cum acetate plumbi, cum aqua calcis aliquod praecipitatum leve, quae acido carbonico contento tribuenda sunt. Tinctura Gallarum praecipitatum efficit leve floccosum, non facile in aqua subsidens, quod alcohole non erat solubile,

cu-

cujusque naturam non eruere potui. Ammonia nullum in illo liquore effecit praecipitatum. Hic liquor post hebdomades nonnullas erat odoris fatui vel mucidi et deposuerat floccos albos non magna quantitate, hi flocci collecti constituebant massam mucilaginosam, albicanem, saporis nullius, aqua, alcoholē et acidis insolubilem; erat naturae organicae, caeterum diversa experimenta nil certi de hujus materiae natura docuerunt. — Odorem aquae tribuendum esse oleo cūdam aethereo credidi, quod ut compertum haberem, tria kilogrammata herbae recentis, odore maximo viroso praeditae, destillavi, addita parva aquae quantitate, auctoque celeriter igne. Cuticula apparuit minima et quidem tam parva, ut affirmare non ausim, oleum fuisse, sed aderat odor ille virosus fortissimus. Extractum, nunc in retorta residuum, erat viridi-fuscescens, odoris dulcis, saporis salino-amari, aliquantum deliquescens; non tota massa aquâ erat solubilis; solutio aquosa erat profunde fusca, saporis et odoris ejusdem ac extractum; erat acida, quod rubore chartae Heliotropii impositae patuit; acetas plumbi in eo effecit praecipitatum albicans, aliquantum griseum, copiosum; etia tintura gallarum; non vero sulphur ferri; potassâ liquidâ liquori additâ, nil apparuit, sed majore quantitate solutionis sumta, et cum illa se-

po-

posita, post aliquod tempus praecipitatum appa-  
ruit floccosum, parvum tamen, fuscescens; etiam  
parva observavi puncta crystallina, quae parieti-  
bus vasis adhaerebant. Ita mihi sufficiebant indi-  
cationes, ut in accuratiore examine pergere pos-  
sem, nec alia reagentia adhibui; cum ex illis  
nunc jam exhibitis pauca aut forsan fallacia effi-  
cere potuissem; plane enim ignoramus actionem  
reagentium plurimorum mineralium, in di-  
versas adhuc commixtas regni vegetabilis sub-  
stantias. — Ut igitur de principiis proximis,  
quantum possit, scirem, acidum hocce, quod  
indicabatur charta Heliotropii, segregare co-  
natus sum; hoc acetatis plumbi ope, quo sci-  
mus multa acida vegetabilia praecipitari, feci.  
Praecipitatum ita productum copiosum, griseum,  
a liquore limpido flavo supernatante separavi;  
aquâ purâ ablui, hydrogenio sulphurato decom-  
posui; liquorem citrinum; post sulphureti plum-  
bi secessionem ebullire curavi, ad pellendum  
acidum hydro-sulphuricum adhaerens; liquo-  
rem habui citrinum, acidum, quem balneo aqueo  
ad siccitatem evaporavi; crystalla orta alcohole  
ebulliente disolvi, et evaporatione accepi crys-  
talla aciformia, maxime impura; hisce aquâ so-  
lutis, accepi evaporatione spôntanea prismata  
rhomboidea satis alba; aëre haec non mutaban-  
tur; erant aquâ frigidâ et alcoholę servido non

autem aethere solubilia; solutio aquosa praecipitatum edidit album cum nitrate argenti, nitrate plumbi, hydrochlorate calcis, aquâ calcis, aquâ barytae; nullum vero cum ammoniâ, tincturâ gallarum, sulphate ferri aliisque. Decomposita est calore massa crystallina; etenim mis-  
sa in ferrum rubro candescens primum fundebatur, dein fumum spargebat corporibus vegetabilibus combustis similem, dein carbonem relinquebat, cuius sapor nullam habebat aciditatem; Hoc acidum crystallinum, cum nullis aliis vegetabilibus acidis plane conveniens, non denominare potui. Basin, cui junctum suspicari poteram hoc acidum, et cum qua constituere supersal erat probabile, accipere conatus sum, addendo solutioni aquosae extracti rursus acetatem plumbi, separando praecipitatum a liquore citrino limpiido, quem hydrogenio sulphurato a nimio plumbo liberavi, evaporavi ad siccitatem et accepi massam crystallinam fusciam, spargentem odorem maxime foetidum. Erat haec deliquescens, alcohole affuso partim solubilis; ammonia solutioni aquosae addita, ortum est praecipitatum, tantum postero die conspicuum, fuscescens, floccosum, magis albicans factum temporis lapsu, solubile acidis praesertim fortioribus, erat aquâ et alcohole insolubile, e solutionibus praecipitatur rursus potassâ et ammoniâ floccorum forma,

ma; oxalate ammoniae ejus solutiones non turbabantur; ab omni materie organica colorante liberare id non potui; calore non decomponebatur; nullus erat ejus sapor; videbatur magnesia. Alia hujus liquoris pars sibi relictam, crystallorum duas species edidit. Una erat cuborum forma, aliquantum etiam tetraëdrum pyramidale, album, pellucidum saporis salini; haec aquâ soluta nitrate argenti praecipitatum ediderunt, aliis plerisque reagentibus nil ortum est, hoc forsan erat murias sodae. Alterum sal erat aciforme coloris fuscescentis; aderat minima quantitate; dotes habebat praecedenti similes et de ejus natura nil certi statuere potui. Potassae praecipitatum floccosum, de quo locutus sum p. 15. simile erat praecipitato floccoſo, quod ammoniae ope ex liquore praecedente accepi. Puncta tamen crystallina, quae observaveram, ulteriore indagatione digna videbantur; hunc in finem quantitatem majorem extracti aquâ disolvi, solutioni filtratae potassam addidi, et seposui miscelam; post hebdomadem crystalla parva vasis parietibus affixa vidi; haec videbantur rhombi rectangulares, erat illis nec sapor nec odor, neque aquâ, nec alcohole, nec aethere erant solubiles, facile efflorescebant, solvebantur acido aceticò acidisque fortioribus sine effervescentia, color non mutabatur acido sulphurico maxime concentrato, et non nisi hujus acidi dilutione solvebantur;

potassa liquida in horum solutione in acido acetico praecipitatum efficit floceosum album, quod tempore non mutabatur, etiam praecipitabatur nitrate plumbi, et acetate plumbi, colore non mutabatur, nisi quod efflorescens album factum est. Ex his aliisque experimentis mihi patuit, id esse phosphas magnesiae.

Extracti aquosi parte alchohole digesta, aucta temperatura, evaporatione accepi massam saporis fortis amaro-salini, quae, ad syrupi consistentiam evaporata et calefacta, odorem foetidum edebat. Massam aquâ dissolvi, qua insolutae remanserunt partes resinosa; evaporata hæc solutione aquosa, massam rursus alchohole ebulliente dissolvi, et accepi crystalla bene multa formæ irregularis; his desumtis, siccatis et rursus aquâ solutis, accepi evaporatione spontanea cubos congregatos albos; erat hoc sal deliquescens, nitrate argenti praecipitatum edebat copiosum album, quod ammoniâ plane solvebatur, chlorureto platini praecipitatum flavum faciens, etiam acetate plumbi praecipitatum parvum, album, et tincturâ gallarum praecipitatum, flavum, non alchohole, sed acido quidem acetico solubile; nullum praecipitatum edidit cum hydrochlorate calcis, nitrate plumbi, carbonate potassae alkalino, nec cum ammoniâ liquidâ, aliisque; ex hisce conclusi, esse muriatem potassae.

Ammoniâ additâ liquori residuo ortum est praecipitatum fuscum, parvum, post diem tandem conspicuum, magnesiae materiei coloranti mixtae non dissimile. Materies amara, fusca, alcohole et aqua solubilis, mihi visa sicut plane conuenire cum materia extractiva amara; qualis Pfaffio describitur. (1)

Remanserat in filtro, post solutionem extracti aquosi in alcohole, materies fusca, satis magna quantitate, quae maxime aqua solubilis erat, sine sapore, odore aliquantum dulci, non deliquescens, etiam caeteris proprietatibus erat similis materiei extractivæ gummosæ, quae Pfaffio describitur, (2) si saltem hæ materiae extractivæ inter principia jure nominantur. — Hacce materiâ extractivâ gummosâ remotâ, remansit materies sicca, grisea, aquâ et alcohole nulla temperatura solubilis, omnibus proprietatibus amyli, mixti cum albumine indurato, similis.

Tandem in folia expressa alcohol infudi, calide digessi, et massam calidam filtravi. Erat solutio profunde viridis; refrigeratione deposita est massa ceracea viridi-flava; solutioni alcoholicae evaporatae dein aquam addidi et materies

re-

(1) Cf. C. H. Pfaff, *Handbuch der Analyt. Chemie*, Altona, 1822. C. 2. p. 606.

(2) Cf. C. H. Pfaff, l. l. C. 2. p. 607.

resinosa viridis aquâ levior illi innatavit; filtro immisfa ad siccitatem non facile perducebatur, sed mansit balsamica; habebat nullum saporem, sed odorem manifestum peculiarem, fere omnibus foliis non aromaticis contusis proprium. Illam materiam resinam credidi, constituentem colorem foliorum viridium:

Ut salia detegarem, folia Hyoscyami siccata in crucibulo combussi, cinerem ferè album in aquam immisi, solutionem evaporavi et in hac inveni hydrochloratē potassae et potassam liberam. Quod in aqua insolubile in filtro remanserat, cum subcarbonate potassae concoxi et filtro immisi, liquor filtratus continebat acidum phosphoricum et sulphuricum. Massa, nunc in filtro adhuc residua, acido hydrochlorico pro parte soluta, erat magnesia et calx, dum pars insolubilem silica constitueret.

Ex hac analysi igitur efficimus, herbae Hyoscyami inesse: acidum vegetabile, materiem extractivam gummosam, materiem extractivam amaram, materiem ceraceam, materiem resinosam viridem, hydrochloratē potassae, phosphatē magnesiae, sulphatē calcis, potassam, calcem, silicam. Vix opus est monitu, quantitates materialium organicarum difficulter definiri posse; saepius enim aliquid aquae retinent, quod non facile ab illis remoyerī potest; saepius siccatione ad tem-

pe-

peraturam aquae ebullientis aliquid ipsius materie deperditur. Dein potassa et calx liberae acidis certe fuerunt junctae; sed haec determinare non potui. Etiam illa, quae tam parva quantitate adsunt, minoris nobis sunt momenti, cum et saepe fortuita est eorum praesentia, et in medicamento parum efficiunt. Huic defectui analyseos meae certe facilius veniam dabit, quicunque chemiam experimentalem usu ipse suo cognovit.

*Radicum Analysis.* — Radices recentes, mense Junii collectas, eodem modo tractavi ac herbam. Aqua, destillatione accepta, easdem habuit dotes, exceptis sequentibus. Oriebatur, addita tinctura gallarum, praeter praecipitatum floccosum, etiam color laete viridis, quem explicare non potui: etiam aqua, ex tribus kilogrammatis destillatione accepta, nullum praebuit oleum, sed odorem fortissimum habebat.

Extractum radicum habebat colorem fusco-nigrum et non deliquescebat, sapor magis amarus erat quam salinus, Heliotropii chartam rubro colore tingebat, praecipitatum ciebat in illo acetas plumbi, ammoniae additione praecipitatum oriebatur fuscum floccosum, quod magnesia colorata mihi visum est, muriatem potasae in eo inveni, et caeterum omnes habebat dotes extracti foliorum; atamen non inveni ma-

teriam resinosa viridem, sed fusco flavescentem sine odore; aequo non inveni materiam ceraceam. Materies gummosa extractiva majore aderat quantitate, etiam odorem foetidum in solutione alcoholica calefacta observavi, amyli etiam aliquid inveni.

Radices, mense Septembris ad finem vergente collectas, eodem modo tractavi. Accepi extractum flavum adspectu gelatinosum, non deliquescens, saporis fatui, chartam Heliotropii rubro colore tingens, aquâ facile, alchohole difficiliter solubile. Tractavi hocce extractum alchohole calido, refrigeratione in vasis fundo apparuerunt crystalla, prismata rhomboidea constituentia, quae erant congregata. Horum solutio in aqua erat nec acida, nec alcalina; acetate plumbi, ammoniâ liquidâ, aquâ calcis, oxalate potassae, sulphate ferri, hydrochlorate platini, aliisque in ea nullum praecipitatum ortum est; deutochlorureto mercurii, post aliquot dies, praecipitatum protochlorureti ortum est. Praeterea solutio-  
nis sapor dulcis, odor nullus, immutabilitas ad aërem, solubilitas multo major in aquâ quam in alchohole, indicaverunt id esse saccharum; materies gummoso-gelatinosa coloris flavescentis magna quantitate hic aderat, etiam amyllum multum, muriatis potassae et materiei extractivae amarae parum; odor ille foetidus in solu-

Solutione alcoholica calefacta non observatus est.  
Ammonia in solutione alcoholicâ praecipitatum effecit satis magnum, fuscum, floccosum, quod nec alcoholē nec aqua solvebatur; cuius solutio in acido hydrochlorico potassâ liquidâ decomponebatur, qua decompositione floccii copiosi, nondum tamen ab omni materia colorante liberati, oriebantur, dotibus caeteris id mihi rursus magnesia esse visum est.

Incineratas radices eodem modo ac folia trac-tavi; muriatem potasae, potassamque libera in, phosphatem magnesiae, sulphatem calcis nec non ferri indicia habui.

Radicibus, mense Junii collectis, inesse mihi visa sunt: acidum vegetabile, materies extractiva amara, materies resinosa flava, amyrum, hydrochloras potasae, phosphas magnesiae, sulphas calcis, silica, potassa et ferrum.

Radicibus, mense Septembris collectis, inesse visa sunt: acidum vegetabile, materies gummoso-gelatinosa, amyrum, saccharum, materies resinosa flava, hydrochloras potasae, phosphas magnesiae, sulphas calcis, silica.

*Seminum Analysis.* — Aqua destillatione accepta nullis dotibus erat conspicua.

Extractum paravi decoquendo semina; separavi oleum in decocti superficie praesens multum. Erat extractum fuscum, odoris rancidi ole-

oleosi, saporis ejusdem fere ac extractum foliorum, non ita salini, magis vero amari, chartam Heliotropii rubram reddebat; caeteris dotibus ab extracto foliorum non multum differebat; aderat tamen materies extractiva amara majore, murias potasae minore quantitate. Alcoholicâ solutione evaporatâ materies clara fusca aderat, cui addita ammonia praecipitatum efficit floccosum coloratum, magnesiae impurae praecedentium simile. Albumen, amyrum et farinosa massa aderat, nec non aliquid resinæ flavae e cortice seminum oriundæ, etiam ceræ minima quantitas.

Cineres continebant muriatem potasae, phosphatem calcis et magnesiae, nec non sulphatem calcis.

Inveni igitur in seminibus Hyoscyami nigri: acidum vegetabile, materiem extractivam gummosam, materiem extractivam amaram, amyrum, albumen, materiem farinosam, resinam flavam, oleum pingue, muriatem potasae, phosphatem calcis et magnesiae, sulphatem calcis, silicam.

Analysis haec ad finem nunc perducta, non mihi illa producta omnia dedit, quae speraveram. Illa enim, quae hac de re scripta sunt, mihi dederant spem inveniendi principium narcoticum, quod omnes Hyoscyami vires contineret, quod esset alcali organicum; cum nunc hocce non invenerim, dicam breviter, quid hac

hac de re scriptum viderim, ut sic de existentia probabili hujus materiei judicium ferri possit.

Primus analysin instituens Pharmaceuticus Berlinensis Kirchhoff, principium activum quae-  
sivit in acido hydrocyanico, quod tamen non  
invenit. (1)

Postea doctissimus Brandes seminum analy-  
sin instituit amplam, et detexit materiem alca-  
linam, omnem viam narcoticam Hyoscyami con-  
tinente, acido malico junctam, et sic sal consti-  
tuentem, quod Malatem Hyoscyamii vocat, cuius  
Hyoscyamii aut Malatis Hyoscyamii dotes non  
describuntur. Corpora caeterum bene multa  
inveniuntur, et accurate describuntur. (2)

Alio loco praeparationis modus a doctissimo  
Brandes sequenti modo describitur. — Semi-  
na decoquantur cum aqua, tunc cum magnesia usta  
digerantur; residuum insolubile alcohole coqua-  
tur, et solutio alcoholica servida filtretur, basis  
tunc refrigeratione, forma floccorum alborum  
vel crystallorum, non distinctorum, praecipita-  
tur. (3)

Doc-

(1) *Berlinisches Jahrbuch für die Pharmacie.*

(2) *Neues Journal der Pharmacie für Aerzten, Apotheker und Chemiker, von D. Joh. Bartholomä Trommsdorff, C. 5. 1 St. Leipzig, 1821. p. 35 sqq.*

(3) *Berl. Jahrbuch für die Pharm. XXI. p. 280 Berl. 1820.*

Doctisf. Brandes in literis loquitur de crystallisatione salium ortorum e combinatione Hyoscyamii cum acido nitrico et sulphurico; dein dicit „alcaloidum istud magno calore vel incandescentiâ, cum carbonibus non decomponi et nil mutari; hocce alcaloidum accepit, addendo potassam solutioni aquosae, quo praecipitatum est. Etiam alio sequenti modo hocce paravit. Extractum Hyoscyami alcohole extraxit; evaporavit solutionem, massam aquâ dissolvit, et ope acetatis plumbi, omne colorans praecipitavit; tunc plumbum nimium acido Hydro-sulphurico demisit, et tandem liquori calefacto potassam adjunxit; quo facto alcaloidum praecipitabatur, quod etiam calori resistebat. (1)

Non tantum doctissimus Brandes, sed etiam Doct. F. Runge hocce alcaloideum invenit. Videlicet hicce, liquorem narcoticum amittere hanc vim additione alcali cujusdam caustici, et praecipitatum ortum hisce alcalibus, etiam non esse narcoticum. Ex hisce concludit, narcosin destrui hisce alcalibus causticis, et ad alcaloideum narcoticum separandum adhibuit hydratem magnesiae, sequenti modo. Commiscuit sulphat-

(1) Cf. *Journal für Chemie und Physik*, herausgegeben von Dr. Schweigger und Dr. Meinecke XXVIII<sup>a</sup>. Neurenberg, 1820. p. 91.

tis magnesiae et potassae purae solutiones, ita ut sulphatis magnesiae adeset major quantitas; tunc extractum aquosum huic compositioni commiscuit, et ad siccitatem evaporavit; residuum siccatum et ad pulverem redactum alcohol ebuliente 42°. B. tractavit; accepit liquidum coloris flavi, clari, quod evaporatione spontanea massam crystallinam depositum, quae leviter coeruleam reddidit chartam Heliotropii rubefactam, aquâ solvebatur, et pupillarum dilatationem produxit maximam: combinationes hujus materiei cum acido sulphurico, muriatico et nitrico, eosdem effectus in oculos habuerunt: proprietates hujus materiei non enunciantur. (1) Ad hanc baseos praeparationem adhibuit belladonae extractum, in experimentis tamen praecedentibus adhibuit et Hyoscyami et belladonae extractum, quae in omnibus sibi invicem similia fuerunt, igitur haec praeparatio etiam pro Hyoscyami extracto valebit.

Hisce addo, Cl. Doeberiner dicere, facile falli posse Pharmaceuticos, querentes basin alcalinam plantarum narcoticarum, praeferenti in succo Hyoscyami, et Cicutae; ibi enim adesse phosphatem magnesiae, qui praecipitatur Ammoni-

(1) *Annal. de Chemie et de Physique par M. M. Gay Lussac et Arago, T. XXVII. Par. 1814. p. 32 sqq.*

niâ liquidâ e solutione extracti Hyoscyami et Cicutae, et proprietates nonnullas alcalinas habet; (1) tum etiam: dicere Cl. Vauquelinum, sibi valde probabile videri, alcalia vegetabilia, multis solanaceis enunciata, nil aliud esse nisi combinationes materiei organicae cum alcali, aut salia cum baseos excessu; (2) et tandem Doc-tiss. Le canu observasse, in parandis alcaloidibus facile falli posse chemicos, etiam tum si magnesiam adhibeant, quia parva carbonatis sodae quantitas fere semper magnesiae juncta est, et eluendo non nisi difficulter ab ea separatur; quaeque igitur vel per se, vel ammoniam formans cum corpore quodam azotato, characterem alcalinum corporibus non alcalinis dare posset. (3)

Si attendimus ad praecipitata, quae potasâ et ammoniâ accepi e solutione extracti Hyoscyami, (4) tunc certe Hyoscyamii existentia, aut saltem inventio, dubia videbitur. Hoc ut nunc plane confirmaretur, secutus sum accurate Hyoscyamii praeparationem, uti a Cl. Brandes

(1) *Journal fur Chemie und Physic.* I. I. 94.

(2) Cf. *Journal de Pharm. et des Sciences accessoires par M. Boullion la Grange etc.* N°. 2. Fevrier, 1825. Paris, p. 24.

(3) Cf. *Journal de Pharm.* 1825. N°. 7. Juillet p. 351.

(4) Cf. hujus Comment. p. 19, 20 et 21.

des describitur, (1) et accepi materiem albescentem amaro salinam, facile alcohole calido non vero aqua solubilem, nec acidam, nec alcalinam, adspectu pinguem; puncta crystallina post aliquod tempus in illa observavi, quae muriatem potassae constituebant erantque aquâ solubilia; alia pars oleosa mihi visa est: multum igitur distat talis materies a corpore alcalino crystallino.

Etiam methodum Doctiss. Rung e (2) secutus sum: accepi materiem fuscam, crystallis parvis cubiformibus mixtam, perparum alcalinam. Materies fusca erat amarissima et narcotica, materiei extractivae amarae antea descriptae non dissimilis; crystalla saporis erant maxime salini, valde aquâ, minus alcohole solubilia, caeteris dotibus murias potassae constituere hoc sal mihi visum est.

Has materias non esse Hyoscyamium purum, dictu non opus est, quod, si non purum elicetur, non ut Hyoscyamium agnosco: etenim facile materiei amarae, crystallis mixtae, partes narcoticæ multae adhaerere possunt, quod illud tantum demonstrat, Hyoscyami principia organica propiora constituentia, narcosin continere. —

Cae-

(1) Cf. hujus Comment. p. 28.

(2) Cf. pag. 28.

Caeterum ex ipsis dictis Cl. Brandes, id calore non mutari, patet, illum non invenisse alcaloidum organicum, sed saltem inorganicum: et quia inveni, crystalla, e solutione extracti, potassae ope praecipitata, esse phosphatem magnesiae; etiam alcaloidum indicatum ab hoc parum differre posset: hunc subphosphate magnesiae e superphosphate magnesiae solubili decompositione ortum credo, et hoc sal ammoniâ plane decomponi, et inde oriri defectum crystallorum, et maiorem copiam praecipitati fusci floccosi, vel magnesiae impurae.

Male igitur in libro chemico invenitur, Hyoscyamum accipi praecipitatione decocti aquosi Hyoscyami nigri, potasae ope, id facile crystallisari, uti et salia sulphurica et nitrica eo producta. (1)

Doctiss. Brandes, forsan experimentorum et inventionis perscrutans fundamentum, aliud invenit alcaloideum vel Hyoscyamum. Divulgavit inventum suum hocce anno. Invenit nempe principium narcoticum, in omnibus fere narco-

ti-

(1) Cf. *Chimie organique appliquée à la Physiologie et Médecine, contenant l'Analyse des substances animales et végétales, par Leopold Gmelin, Doct. en Med. à Heidelberg, traduit par Inrichen, Prof. de Phys. à Lucern, avec des notes par Virey, à Paris, 1824.*

ticis indigenis, belladonna, Hyoscyamo, cicutā, conio, stramonio, chelidonio, digitali, aconito, aliis. Pura haec materies facile aqua, alcohole et aetherē, solvitur, odoris est maxime nauseosi, qui périt, si acido saturatur. Haec materies non libera in plantis adest, et parva quantitate. Praeparatio non indicatur, quia auctor, morbo nervoso afflictus, a faciendis experimentis desistere debuerat, (1)

Et sic rursus nobis difficultates et incerta spes supererant.

Quia odor talis ingratus nobis maxime observatus erat, in massa, résidua post evaporatiōnem lentam liquoris, accepti post praecipitationem acidi et materiarum gummosarum ope acetatis plumbi, iterum eandēm viam ingressi fuimus, majore tamen extracti quantitate. Sumsimus uncias sedecim extracti Hyoscyami venalis praeparati secundum Pharmacopoeam Belgicam; huic addito acētate plumbi; omnēm materiem coloranteū gummosam ut et acidum praecipitavi; liquorem limpidum residuum hydrogenio sulphuratō ab omni plumbo liberavi; et lente evaporavi; sed nullus apparuit odor; nec etiam addita solutione dilitatā potasfæ liquidae; hoc forsan extracto tribuendum, quod (ut in-

(1) Hufeland, *Journal der prakt. Arzneyk.* Tom: 601. I. p. 134.

inter experimenta mihi patuit) magnam gummi tragacanthi quantitatēm continebat.

Quamvis igitur nobis non contigerit praeparare basin narcoticam, tamen ejus existentiam non negamus, et si quae in posteris aderit occasio, huic operam dabimus, cum nunc tempus, huic operi possum, esset elapsum. Hucusque nil aliud possumus, quam illud principium, quamvis impurum, ponere in materia amara, accepta secundum methodum doctiss.

Runge, quae notabiles satis, ut sequentibus patebit, habebat vires. Materiae amarae narcosin tribuere etiam Vauquelinus ausus est, quod patuit in foliorum nonnullorum analysi, ab eo instituta. (1)

Et sic huic parti Chemicae finem imponimus, cuius difficultas pro desiderandis veniam imperiet.

## EFFICACIA HUJUS PLANTAE VENENATAE IN CORPUS ANIMALIS MALE.

Haec eruenda, tam ex historiis relatis apud omnes fere, qui de Hyoscyamo nigro scripserunt, quam

(1) Cf. Thenard, *Traité de Chimie*, T. III. Ed. 3<sup>a</sup> Paris 1821. p. 452.

quam ex experimentis in corpus animale institutis.

*Experimenta.* Cl. Störckius cani mediocrem  
ingessit bolum granorum decem extracti hujus  
plantae, quod ipsum e succo expresso, leniter  
evaporato, paraverat. Nullam prorsus mutatio-  
nem observavit; cucurrit alacriter canis, et  
oblata bono appetitu devoravit. — Tertio die  
eidem cani grana viginti data sunt, nec aliquid  
inde ortum est. Sexto die binas drachmas hu-  
jus extracti vi ingessit in ejusdem canis ventri-  
culum. Meticulosus erat per aliquot minuta,  
dein vero babit copiosam aquam, et carnes  
oblatas devoravit, post dimidiam horam languit,  
oculis apertis et pupilla maxime dilatata, eun-  
do titubavit, impegit in obstacula, et fere nihil  
vidit; composuit se dein ad somnum. Anxius  
erat in somno, scrobiculum cordis saepius vi  
introrsum trahebatur. Post binas horas coepit  
vomere omnia ingestā, stando tremuit, eratque  
debilis; postquam ter vomuit, solvebatur quin-  
quies alvus; prodierunt faeces liquidae subfus-  
cae, magna copia, et multum foetentes; oculi  
manserunt immobiles, et pupilla valde dilatata,  
visus fere deletus; dein iterum dormivit, spas-  
mi circum scrobiculum cordis diminuebantur,  
et penitus cessarunt, somnus durabat per qua-  
tuor horas, non agitabatur. Post somnum

oculi naturales bene videntes, vires bonae, canis alacer sanus mansit. (1)

Ipse Cl. Störckius sumsit per octiduum quotidie matutino tempore jejuno ventriculo, granum unum; nulla symptomata observavit, alvus tantum liberior erat et appetitus longe major. (2)

Cl. M. P. Orfila multum hac in re fecit, experimentis quatuordecim in canibus, diversae magnitudinis institutis. Dedit radices et folia, diverso anni tempore; extractum alcoholicum, aquosum foliorum et radicum in stomachum introduxit, telae cellulosa imposuit, diversis locis corporis, et in venam jugularem introduxit, et invenit:

1°) Succum et decoctum radicis Hyoscyami nigri, plena vegetatione parata, multo maiorem effectum edere, quam si ineunte vere adhibeantur.

2°) Foliorum succum minorem habere vim.

3°) Extractum decoctione plantae siccatae, vel

(1) Cf. Ant. Störck, Libellus, quo demonstratur stramonium, Hyoscyamum, aconitum, non solum posse tuto exhiberi usū interno hominibus, verum et ea esse remedia in multis morbis valde salutifera Vindobonae 1762. p. 26, 27 sqq.

(2) Cf. Störck, Libellus l. l. p. 30, 31.

minus evolutae, paratum, minus efficax esse, quam id, quod evaporatione in balneo aquo, succi expressi e recentibus plane evolutis plantis, accipitur.

- 4°) Extractum eodem fere agere modo, sive applicetur telae cellulosa, sive immittatur stomacho; minorem tamen requiri quantitatem ad mortem inferendum, quum venis injiciatur.
- 5°) Absorberi, circulatione circumvehi, in sistema nervosum agere, modo non diverso ab alienatione mentis, sequente stupefactione.
- 6°) Ventriculi tunicas non eo inflammari.

Et ex comparatione historiarum cum suis experimentis concludit, eodem modo agere in homines ac in canes. (1) (2)

## G M E-

(1) Cf. *Toxicologie Générale*, par M. P. Orfila, Tom. II. p. 1. Paris, 1815. p. 153—165. Et traductio germanica: mit Zusätzen und Anmerkungen von Dr. Sigism. Fr. Hermbstädt, Tom. III. Berl. 1818. p. 177—188.

(2) Cl. Orfila conclusionibus nil objiciendum habeo, nisi quod judicium fert de viribus foliorum et radicum, ex comparatione experimentorum institutorum, quod autem valde incertum esse debet, si (ut factum fuit) experimenta in canibus diversis instituuntur, qui canes ob diversam idio syncrasiam etiam diverse ab Hyos.

cya-

Gimelinus etiam refert multa symptomata, ex usu Hyoscyami orta, majore tamen numero, quam ut hic enumerentur. (1)

Hahnemannus multa et certe utilissima hac in re divulgavit, enumerans symptomata, ab Hyoscyamo, nigro in hominibus sanis producta, quae symptomata, saepè contraria et efficacissima, vehementem Hyoscyami vim denotant; videmus depressionem et incitationem, alvi obstructiōnēm, et alvi fluxūm, somnum altissimum et furorēm dirissimum, sitim et hydrophobiam etc. quibūs nervorum anomiae et virium vitalium directio turbata indicatur, et probatur sic, variis causis accedentibus, omnis generis morbos oriri posse.

Experimenta a me in cane instituta sunt:

1°) Aquam, a tribus kilogrammatibus herbae Hyoscyami destillando acquisitam, maxime praeditam odore Hyoscyami specifico, dedi cani maxime sitienti; noluit bibere; quo-vis momento aquae visu attractus repellebatur ejus odore; dimidiam litri partem

tunc

eyamo afici debent; igitur major radicum vis venenata nondum hisce experimentis probata est.

(1) Cf. *Algern. Geschichte der Pflanzengifte entworfen von Joh. Fr. Gimelin, Neurenberg 1803.* p. 439—445.

tunc vi ingessi, sed effectus notabiles inde observare non potui.

- 2°) Cani parvo dedi extracti foliorum recentium, expressione et evaporatione lenta accepti, grammata duo. Somniculosus post dimidiam horae partem factus; appetitus minutus est; nulla excitationis phaenomena; corpus contractum; ad somnum se composuit, et elapsis quinque horis, sanus restitutus; dein faeces demisit nigros.
- 3°) Dedi eidem cani extracti ejusdem, alcohole calidâ exhausti, grammata quatuor; somnolentia aliqua, post horam fere, apparuit, sed brevi post nulla amplius phaenomena visa sunt.
- 4°) Tunc dedi eidem cani grammata duo mas-  
fac, acceptae evaporatione solutionis alco-  
holicae, ex extracto aquoso paratae, et  
aqua nunc solutae. Post quartam horae par-  
tem somnolentus factus est, stare non nisi  
difficulter potuit, eratque quasi temulen-  
tus; caeterum multum dormivit et tremuli-  
motus in posteriori corporis parte praeser-  
tim apparuerunt; post horas septem sanus  
restitutus.

Eodem modo egi cum extracto radicum, et actionem multo majorem esse inveni extracti radicum, mensē Junio collectarum; quam

ex-

extracti radicum carptarum mense Septembris ad finem vergente.

Seminis extractum quodammodo minorem effectum edere, quam foliorum et radicum, mihi iisdem experimentis visum est.

Etiam materiem amarissimam profunde fuscari, quam ex Hyoscyami foliorum extracto separaveram (1) aqua solutam, dedi cani quantitate grammatum duorum aqua solutorum. — Post quinque fere minutas horae primas, vomuit spumam fuscam, continentem materiem illam amaram introductam, quo vomitu igitur actio perdebatur. Iterum hujus materei dedi cani grammata duo, ligavi os, et brevi post sponorosus factus multum tremuit, praesertim abdomen multis contractionibus et expansionibus abnormalibus, statum spasticum manifestum reddidit; per totum diem somnolentus, nullum cibum assumere voluit, sed tremens et frigens, ignem quaequivit. Tandem extracti foliorum dedi cani grammata viginti, ligavi os; post fere decem minutas horae primas, maxime somnolentus factus, valde tremuit, dein convulsivo motu caput retrosum trahebatur, nonnunquam ejulavit, stare non potuit, sed assiduo decubuit, et sic

(1) Cf. p. 31.

totam diem transegit; sequenti die faeces nec non vermes dimisit; sanatus iterum apparuit.

Dedi cani eidem uncias duas extracti aquosi, post duas horas conatus est vomere; alternatim convulsiones habuit, et sine motu decubuit; brevi post mortuus est.

Cadaveris dissectione inveni ventriculum versus cardiam inflammatum, quod rubro fuscescente colore indicabatur; pulmones non mutatos, cordis ventriculos ambos sanguine repletos, magis tamen, ventriculum venosum; cerebri vasa sanguine non valde repleta: servavi ventriculum inflammationis indicia habentem.

Quae experimenta mea si aliquid efficiunt, plus tamen desiderandum relinquunt; sed difficultas, quae ab hisce experimentis physiologicas separari non potest, et quae tironi praesertim multum augetur, impedivit, quo minus plura et accuratiora instituerem.

Ex hisce concludo:

- 1º) Aquam distillatam vim aliquam habere venenatam, si saltem instinctui animali aliqua tribuenda est fides.
- 2º) Extractum foliorum, si non magna quantitate datur, nullum excitationis phænomenon edere et vim habere magis laxantem quam obstruentem.
- 3º) Alchohole partes extracti Hyoscyami activas.

- vas plerumque solvi; itaque extractum alcohol exhaustum non nisi parvos edere effectus; extractum alcoholicum vero aquâ solutum multo efficacius esse.
- 4°) Radicum effectus fere eosdem esse ac foliorum.
  - 5°) Radices, autumnali tempore carptas, multo minus efficaces esse, quam radices, media aestate carptas.
  - 6°) Seminum effectus aliquantum minores esse.
  - 7°) Materiem amaram, methodo Doct. Runge (1) acceptam, valde activam esse.
  - 8°) Majori dosi, praeter effectus depressionis, etiam excitationis observavi.
  - 9°) Inflammationem ventriculi ex Hyoscyamo oriri posse.
  - 10°) Hyoscyamo nigro non valde augeri sanguinis affluxum ad cerebrum. — Paralyсин equidem non observavi.

*Historiae.* Praecipuae sequentes referuntur. (2)

Causidicus quidam, sumtis drachmis duabus semenum contusorum loco anethi in colicis doloribus, statim insanire coepit, sed vomitorio intra semihoreum convalusit. (3)

Ri-

(1) Cf. Hujus Comment. pag. 31.

(2) Joh. Murray, Apparatus Medicaminum, Vol. I. Gött. 1776. p. 444 sqq.

(3) Cf. Heimont, Ort. med. p. 306.

Rixosa deliria nata sunt ex vaporibus , effo-  
diendo radicem sparsis.

A minori dosi granorum viginti quinque , stu-  
diosus aliquis , seminibus caeteroquin ad somnum  
conciliandum adsuetus , insignem lasitudinem ,  
tormina , convulsiones , stuporem , pulsum exi-  
guum , sensitatem abolitam perpessus est , sen-  
sim tamen vomitoriis , purgantibus , venaefectio-  
ne , servatus est , in sudorem sponte incidentis . (1)

Non mitiores ex comesta radice effectus ob-  
tinuerunt.

Omnes cuiusdam caenobii monachi , ex coc-  
tis prae errore radicibus cum radice cichorei ,  
post ardorem oris et faucium molestissimum ,  
dementiam correpti sunt ; in uno , visus debilitatus  
insigniter , ut perspicillis postea illi opus es-  
set. (2)

Etiam novem variae aetatis et utriusque sexus  
homines , inter quos femina grava , radices loco  
pastinaceae in juscule comedebant , unde quidam  
loquelâ orbati , omnes convulsionibus et distor-  
tionibus oris et membrorum , risu Sardonio , fu-  
roreque dirissimo correpti , et , postquam remediis  
resipuerant , primum visu duplicato laborarunt ,  
dein

(1) Cf. *Essays et Obs. Phys. et Litt.* Vol. II. p. 243.

(2) Cf. Reyserus in Wepf. hist. cicutae aquat.  
pag. 230.

dein quaelibet objecta colore scarlatino tineta sibi repraesentarunt.; sanati integre tamen. (1)

Ex usu radicum etiam aliquot rustici perierunt. (2)

Nuperrime duae radices crudae, comestae pro pastinaca a servo, crearunt illi ardorem ventriculi, sicut intolerabilem, pervigilia, insaniam et visus imminutionem, quae ipsa quidem mitigavit aceti potus. Sed postero die copia macularum et vesicularum gangraenosarum, in corpore erupit; auxilium tandem ferente natura benefica diarrhoea profusa. (3)

Folia pariter deleteria esse, docuit historia septem hominum, qui in juscule ea coixerunt. Insania tamen cum reliquis malis, in quibusdam vomitione et diluentibus cum oleo, in aliis profusis sudoribus et largo lotii profluvio, devicta.

Inter magis insueta symptomata recensenda tumor et rigiditas manuum in femina. (4)

Delirium ferox ortum est ex enemate, quod Hyoscyami folia continuit. (5)

In urbe Carlstadt, anno 1682. faber quidam

(1) Potovillat, in Phil. Trans. Vol. XL. p. 456.

(2) Simon Pauli, Quadr. p. 384. ed. Fickii.

(3) Blom, Koninkl. Vetensch acad Handl. 1774. p. 52.

(4) Phil., Trans. Vol. LXVII. p. 194.

(5) Grunwald, in Ephem. Nat. Cur. Dec. III. A. 9, 10. App. p. 179. sqq.

ferrarius, nomine Benedicti, cum conjugae et liberis, fraude alterius, comedit radices Hyoscyami nigri; paulo post omnes surere inceperunt, gestusque varios ridiculos non minus quam horrendos exhibuerunt, linguis labiisque aridis, fauciibus asperis, siti immodica et febre, donec somnus altior stertorosus opprimeret, tandem longa quiete sani restituti. (1)

Succi libra una, per alvum injecta, hominem omni sensu privavit. (2)

Hallerus tradit, se meminisse sodalem Simonium, cum Lugdunum Batavorum ad scholas Boerhaavia, anno 1727 ventitaret, sine noxis devorasse Aconitae, Apocynae et Belladonnae ubaccas, ab Hyoscyami vero semine victimum nimiae curiositatis poenas dedisse, atque mente alienatum alteroque latere resolutum tamen a praceptorre servatum fuisse.

In lotione adhibitus deliria fecit.

Narrat Boerhaavius, se temulentum factum, parando emplastrum Hyoscyami.

Dicit Hallerus, anserculos Hyoscyamo occidi; cani robusto radicis decoctum non nocuisse, neque vaccis porcisve; in cadaveribus hominum, ab Hyoscyamo enectorum, vasa meningum tumida et

(1) Cf. Joh. Lindestolpii Liber de venenis. Franco. et Lips. 1739. p. 559—560.

(2) La Serre, l. c. dec. 2. Obs. 28 ann. 6 p. 168.

in ventriculo maculas nigras repertas fuisse. Dicit ille, hanc plantam suae classis (nempe Solanacearum) maximas possidere vires, et, magis quam reliquas, mortem afferre. (1) Ab aliis contrarium affirmatur. (2) In illa turpida ab Auriga, postquam ederat folia Hyoscyami nigri, post aliquod tempus, capite obnubilato, visum habuit turbulentum. (Frigus et rigiditas talis erat illius brachiis et cruribus, ut vix stare posset et brevi post incidet in magnum virium dispendium, fanatus emeticis et lacte.) (3) Hyoscyami seminis quidam vir summis tribus diebus novem doses, quarum quaeque erat pondēris duorum scrupulorum. Primum symptoma erat capitis dolor et gravitas continua, vexabatur insomniis, convulsiones tum brachia tum crura tum totum corpus occupabant, appetitus deletus erat, vires diminuebantur, quod ita remissionibus nonnullis per quinque hebdomades duravit, dein mania et convulsionibus corripiebatur. Medicus causam ignorans venae sectiones, emetica et purgantia administravit; non diminuebantur accessus, choreae Sancti Viti species apparuit.

(1) Cf. Haller, l. l. p. 253.

(2) Cf. *Algem. Botan. Bibl. des 19ten Jahrh.* Erlang. 1802. p. 259.

(3) Cf. *Journal de Med.* anno 1756. Vol. 4. p. 113.

Causa tandem medico cognitâ, acida praescripta sunt et vesicatoria; accessus perduraverunt plus quam octo dies, in sensuum abolitione completa jacebat aegrotus, febris accessus habebat vehementes cum magnâ sudoris profusione, ita ut vitae spes amitteretur; tamen novis purgationibus multum seminis evacuebatur, et levamen acidis medicamentis afferebatur. Tandem sanatus est. (1)

Milites Baudouin et Laudet comederunt, horâ nonâ matutinâ, surculos parvos Hyoscyami nigri, coctos in oleo olivarum. Statim terra sub pedibus recedere videbatur, aspectus eorum stupidus fiebat, lingua paralytica, et membra rigida. Choquet medicus illos invenit hora pomeridiana secunda; oculi erant concavi pupilla maxime dilatata, adspectus fixus et stupidus, respiratio difficultis, pulsus parvus intermittens. Aderat aphonia, trismus, risus Sardonicus, sensus abolitio, intellectus vitiatus, quae somnolentiae juncta, faciebant illos typhomanos. Extremitates frigidae, membra abdominalia paralytica, membra thoracica agitata motibus convulsivis, quibus et carphologia accide.

(1) Cf. *Uitgezochte verhandelingen*, 8ste Deel, Amsterd. 1763. ibi p. 557. *De schadelijke uitwerkingen van het zaad van Bilzenkruid*, door den Heer Planchon.

cedebat. Vomitoriis et clysmatibus purgantibus sanati sunt tandem. (1)

Homines dormientes in cubiculo, ubi sparfae erant radices Hyoscyami nigri ad pellendos mures, correpti sunt stupore, cephalalgia; unus illorum vomuit, habuitque haemorrhagiam narium copiosam. Eodem libro (2) invenitur historia vetulae, quae, doloribus habitualibus vexata, applicabat parti dolorosae Hyoscyamum nigrum, sacculis tribus immissum; hi post breve tempus desumebantur, ponebantur in decoctum Hyoscyami calidum, et tunc denuo applicabantur. Femina haec aliquantis per delirabat, sed duae ancillae, quae mutare illos saccos calidos continuo debebant, verbis et verberibus se invicem obruebant et plane delirabant. Apud Pharmacopolem Dresdæ, duo juvenes se verberibus ad mortem usque obruerunt, fumo seminum Hyoscyami ustorum per laboratorium sparso; unus horum, cum non bene sanitatis curam gerebat, per totam vitam variis temporis intervallis deliravit.

Hactenus historiae, quae notatu dignae mihi visae sunt.

Ex

(1) Cf. Orfila, Toxicologie Generale I, i. T. III.  
p. 187.

(2) Dict. des sciences med. I, I. p. 559.

Ex omnibus, tum experimentis, tum historiis relatis, patet, in homines eodem fere modo ac in canes agere Hyoscyarium nigrum; credo tamen, hominibus plerisque minorem dosin requiri, quam animalibus ejusdem et majoris magnitudinis, ut idem effectus obtineatur. Quod dicitur de animalibus Hyoscyarium sine noxa ferentibus, tribuendum est forsan, vel organismo fortiori horum animalium, vel vomitui, vel alvi dejectionibus, quibus emissus fuerit; caeterum omnia animalia non simili modo Hyoscyamo affici, si dosis ratione ipsorum organismi illis exhibeat, inter alia probat insectum, quod Hyoscyamo nigro nutritur, Cimex Hyoscyami dictum. (1)

Videtur Hyoscyamus niger hujus plantarum generis esse maxime venenatus, uti etiam a veteribus describitur. Galenus, ob vehementem Hyoscyami nigri vim venenatam, Hyoscyarium album praetulit. Forsan etiam vis venenata Hyoscyami nigri major erit in regionibus calidioribus, quam in nostris, quod cum multis plantis venenatis obtinere scimus. Certum est, Hyoscyarium in nostris regionibus aquosis non tam esse venenatum, quam in Germania sicciori et calidiori.

His-

(1) Cf. Gmelin, l. l.

Hisce addendam puto methodum, qua effectus venenati optime eluduntur. Sequenti modo igitur agendum: 1°) Vomitus ciendus; 2°) Venaesectio, jugularis praesertim, adhibenda; 3°) Potus aciduli; 4°) infusio coffeae; 5°) Clysmata camphorata. Si venenum non amplius in ventriculo est, sed jam in intestino crasso, clysmata purgantia sunt adhibenda.

Hanc curandi methodum optimam esse, suis experimentis probavit Cl. Orfila. Acida vegetabilia, infusionem coffeae, chlorium, aquam camphoratam omnia nociva esse, idem probavit, nisi venenum vomitu vel clysmatibus purgantibus expulsum est; quia illa venenum non in ventriculo destruunt, potius vero ejus solutionem promovent, et effectus reddunt pejores. Expulso tamen veneno et venaesectione adhibita, juvant ut symptomata minuantur, morsque praecaveatur. (1)

Tandem ex dictis conclusio de Hyoscyami vi. ribus facienda erit. Ex hisce igitur patet, Hyoscyarium nigrum jure poni inter narcotica stricte dicta, quod fere non excitat, sed directe sedat, quod sedando non primis viis paralysin inducit, prouti sit opio, quod igitur, minus corporis vires destruit, quam opium, bel-

la-

(1) Cf. P. Orfila l. l. p. 203 et 229.

lædonna etc. 1°) Cum digestio (virium magnus fons) servetur. 2°) Cum vires excitatione p्रæternaturali non diminuantur. — Quantitate igitur ita disposita, ut vis sedativa sit aequalis, opio aliisque narcoticis turbæ multo majores excitabuntur in corpore humano, quam Hyoscyamo nigro, quod certe multis in casibus momenti est. (1)

### U S U S M E D I C U S.

Ut quodam ordine progrediamur, primum dicere velim de modo, quo *Hyoscyamus niger* agat in corpus humanum; tum de usu, primum ratiocinio explorato, dein observationibus probato; tandem, de formis diversis, quibus datur, earumque dijudicatione et de dosi.

1. *Modus, quo Hyoscyamus niger agat in corpus humanum.*

Propior agendi modus certe non est, uti Cl. Linde stolpe monet, inducendo amentiam par-

(1) Non objiciat quis, ortas esse *Hyoscyami* usu obstructiones, congestiones, inflammations et deliria; tunc enim quaerimus, quale malum non oriri possit, si in corpore antea sano nervorum actio plane abnormis facta est, usu narcotici immodico?

particulis suis acribus nonnihil et pungentibus; (1) quae explicatio nimis mechanica videtur.

Bertele, *Hyoscyamum constitutum* dicens e multa materie narcotica, parva materiae acris quantitate involutae in quadam mucilaginis specie, (2) ab illarum materierum quantitate diversa deducens agendi modum, meliorem certe et veritati magis consentaneam sententiam statuisse videtur.

Magis tamen veritati accedere mihi videatur id, quod ex ipsa plantae analysi deducitur nempe:

Vim sedantem tribuendam esse principio narcotico. (Sive sit illud amarum quod accepimus, sive aliud.)

Vim tonicam, aliquantum laxantem, muriati potassae, magna quantitate in ea praesenti, tribuendam credimus.

Si sequi vellemus illos, qui dividant actionem medicamentorum (et forsitan jure) in directam et indirectam, (3) actionem sedantem vocaremus prima-

(1) Cf. Joh. Lindestolpe, I. l. p. 561.

(2) Bertele, *Handb. der Dynam. Arzneimittellehre*. Landshut, 1805. p. 428.

(3) Cf. *Journal v. Hufeland*, B. 2. St. 3. bl. 435. ibi: *Versuch über ein neues Prinzip zur Auffindung der Heil-*

mariam sive directam ; indirectam vero seu secundariam actionem diceremus promoventem excretiones et secretiones , qua ejus vis tonica et laxans comprehenditur.

Actionis modum remotiorem pluribus Philosophis multum operis dedisse , patet e diversis theoriis , quae forsitan majori jure conjecturae vocarentur.

Richteri opinio ponit , mutationem oriri in mixtione irritabilitatis cum sensili fluido , (1) quorum aequilibrio sanitatem constitui credit , quod aequilibrium , cum in spasmodicis morbis semper sit destructum , aucta sensilitate , ita Hyoscyamo mutatur , ut sensilitas deprimatur , et inde restituatur aequilibrium. Richteri etiam conjectura est , an forsitan in cerebro producerent narcotica mixtionis mutationes leves , quibus oritur illa , quae saepe observatur , stupiditas , remanens ex abusu narcoticorum , praesertim apud infantes. (2)

Theoria illa , qua supponunt , sensilitatem augmentam

*Heilkräfte der Arznei-substanzen , nebst einige Blätte auf die bisherigen , von Hahnemann , etiam Hahnemann , fragmenta de viribus med. P. I. p. 4. Einl.*

(1) Cf. Richter , *Die specielle Therapie* , Berl. 1822. B. VII. p. 190.

(2) Cf. Richter , I. I. p. 193.

tam esse statum hyperoxydandum, illumque curari narcoticis antispasmodicis, quia (cum haec hydrogenii majorem quantitatem habeant) decompositio adeset, qua hydrogenio cum nimia oxygenii quantitate aquam formante, status sanguinis desoxydatione rediret, non admittenda vel nullius momenti videtur. „ Non excogitandum sed inveniendum, quid natura ferat et faciat.”

Alia adest opinio, cui praeferim favet W. H. Bloemröder. (1) Convenientiam iste inter magnetismi animalis actionem et narcoticorum tantam invenit, ut horum eandem supponat actionem. Videtur magnetismo augeri sensus internus, externus vero diminui, quod et saepe narcoticorum actione fieri dicit; dolores magnetismo sedantur, etiam narcoticis; actio narcoticorum phantasiam auget, delirium gratum, ideas jucundissimas efficit, idem in somno magnetico saepe observatur. Addit: facultates intellectuales *Hyoscyamo* eriguntur, ita ut prae-dominentur, et deprimant vim vegetativam et ani-

ma-

(1) Cf. *Onderzoek over den Hyoscyamus niger*, door W. H. Bloemröder, Med. Doct. te Amsterdam, in *Bijdr. tot Theor. en Pract. Geneesk.* door het Genootschap Arti Salutiferae. Amst. 1813. p. 62—64.

malem, quod idem in somnambulatore adest, et tam narcoticis quam magnetismo producitur.

Alia adhuc theoria, praecedentibus non certior, construi potest. Cum nervi aliquod liquidum albicans ducere videantur, et cum compressione nervorum dolor imminui possit, imo ipse epilepsiae accessus, (1) certe conjectura oriri potest, an haec doloris imminutio oriri posset stagnatione liquidi nervei, et ex eadem causa forsitan effectus a narcoticis editus explicari posset, nempe ex diminutione motus liquidi nervei. Sed, ne hypothesibus abducatur, hic sistendum esse credo.

2. *Usus, primum ratiocinio exploratus, dein observationibus probatus.*

Liceat, cum Sprengelio, (2) morbos dividere, in morbos systematis reproductivi, irritabilitatis et sensitatis, eo tamen sensu, ut supponamus, quamvis haec tria semper simul affici soleant in omnibus morbis, tamen unum horum praecipue vi morbi a norma deflecti.

In omnibus igitur morbis primum videndum, quidnam horum trium systematum praecipue af-

fec-

(1) Cf. Hufeland, *System der Pract. Heilk. B. I. Therap. general.* 1800. p. 349.

(2) Cf. Curt. Sprengel, *Inst. Therapiae generalis*, Lips. 1816. p. 63-71.

fectum sit, quo modo reliqua momenta eo sint mutata, et quae tunc sint regenda, inque viara reducenda.

*a.* In morbis functionis reproductivae, 1°) restituendi sunt partium affectarum positus, cohaerentia et continuitas. 2°) Vis sensiferae abnormitates, et inaequalis distributio sunt corrigendae. 3°) Humorum indoles est emendanda, peregrina sunt amovenda.

Hyoscyamus, cum sit sedans, in hisce optime convenit, cum inserviat ad corrigendas vis sensiferae abnormitates inaequalemque distributionem.

Idem prae aliis narcoticis sumendum, quia fordes in primis viis praesentes, eo non retinentur; quia vi sua tonica digestioni faciet, quo sensu, in humorum indole emendanda et peregrinis amovendis, (Nº. 3.) utilis est; tandem, quia congestiones non facit notabiles.

*b.* In morbis irritabilitatis vel vis muscularis, in quibus cum peccat vis contractiones alternans et expansiones, 1°) Motus sanguinis est regendus; 2°) Nutritio regenda, secretio idonea facienda; 3°) Peregrina omnia nociva amovenda vel modificanda; 4°) Restituendum aequilibrium inter sensitatem et irritabilitatem.

Motus sanguinis melius Hyoscyamo nigro, quam multis alijs narcoticis excitantibus, moderatur, quia nimirum non excitat neque congestiones facit.

In

In regenda nutritione, *Hyoscyamus* melior est, quam alia multa narcotica, ob vim tonicam jam expositam, quae aliis narcoticis deest; dein in restituendo aequilibrio inter sensilitatem et irritabilitatem, *Hyoscyamus* remedium constituit specificum; ideo prae aliis hic indicatus est, carens aliorum proprietatibus nocivis.

c.) In morbis sensilitatis vel vis nerveae: 1°) Inquisitio instituenda, an irritabilitatis auctae vel imminutae causa oriatur vi sensifera abnormali. 2°) Distributio vis sensiferae aequalis facienda. 3°) Ratio inter sistema sensiferum et sensum organicum restituenda. 4°) Reproductio regenda, moderatione motus humorum. 5°) Mens prudenter dirigenda.

Rursus, praesertim in facienda distributione aequali vis sensiferae, in restituendo aequilibrio sensilitatis et irritabilitatis, *Hyoscyamus* favet, quo peracto nutritio per se ad normam redibit, eliminatis sordibus, si adfuerint, quod aliis narcoticis obstruentibus prohiberetur. Haec enim in plurimis casibus contraindicantur, quia nimis digestionem debilitant, et proinde toti curationis methodo nocent; praeterea saepius multum turbant antequam sedant; nocere etiam tali modo facile possunt. — Haec generalia.

In practica medicina, nec divisio, nec regulae  
prae-

praecedentes sufficiunt; quin et hoc sensu non magnae sunt utilitatis, sed egregie inservire videntur ad ideam universalem paucis exhibendam.

Ut proprius et magis specialiter rem consideremus, videamus de illis, in quibus vires vitales mutandae sunt, et quidem ubi aequilibrium inter vim sensiferam et irritabilem est restituendum, idque sedantibus stricte dictis, ab aliis, quae roborando, evacuando, resolvendo, incitando, humectando, sedant, diversis.

Vis sensiferæ intentio vel nimia auctio probatur doloribus et spasmis; horum causa et effectus propiores vel remotiores sunt nutritio depravata, emaciatio et mors lenta; vel omnium functionum perturbatio et mors subita; vel mentalium tantum functionum aberratio, perversus agendi modus, unde delirium, quod corpori plus vel minus nocebit, cum saepe ceterum vegetatio corporis sit illæsa. — Erigendum igitur est momentum irritabile; deprimendum sensile momentum; restituendum aequilibrium.

Somnum optime huic inservire, experientia docuit; digestionem bonam huic mederi, etiam notum; cum hisce, consumenda consumantur, restituenda restituantur; igitur tale sedans optimum esse debet, quod utrisque maxime faciet. Probatum est, vires Hyoscyami esse placide sedantes, somnum allicientes satis quietum;

xum ; etiam probatum , digestionem iis non minui ,  
potius incitari , eas augere excretiones et secre-  
tiones , et ideo plane convenire : et , quia Hyos-  
cyamus jungit remedium sedans et remedium to-  
nicum , illum magni aestimandum credo , uti hoc  
nimirum in morbo hysterico aliisque affinibus  
requiritur , ubi tunc causalis curatio esse potest .  
Ad sedandum etiam Hyoscyamo opus est , quum  
inflammationes sthenicae activae adsunt , quibus  
excitatio quaedam multum nocet , ac proinde di-  
recte sedandum est ; itaque solus Hyoscyamus in-  
dicator . Dein , in morbi inflammatorii primo stá-  
dio , antequam inflammatio passiva facta fuit , an-  
tequam concretiones polypofae ortae fuerunt .  
Etiam specialiter praferendus , cum non tan-  
tam defatigationem relinquat , quantam alia nar-  
cotica , quia ejus actio est mitior ; quam ob  
causam ejus usus apud infantes et debiles aliis  
narçoticis est praferendus , dum in corporibus  
tterioribus digestio ab illo non turbatur .  
Tandem ejus usus indicatur , ubi dolores adsunt  
tam atroces , ut functiones turbentur ; secretio-  
nes et excretiones impedianter vel abnormes  
reddantur ; tunc praesertim dolores et spasmi sunt  
sedandi , si organis nobilioribus periculum infe-  
runt , si vires infringunt , si metus existit ne  
alii morbi eos excipient , si morbi natura nos  
plane latet , vel insuperabilis est , quibus in casi-  
bus ,

bus, quamvis curatio plerumque sit symptomatica, tamen in nonnullis etiam causalis esse potest, si nempe sedatione incitamenta amoveantur, fibrae roborentur, stases abdominales resolvantur, impetus humorum cohibeantur. In deliriis, in epilepsia, talibusque mentis et corporis perversis agendi modis, qui in obstructionibus variorum in variis corporis locis, in vi sensifera et irritabili male modificata, existere debent, multum expectari potest, et jure, a medicamento, quod cum vi anodyna, sedante, jungit vim resolventem, tonicam.

Sed medicamentum, eximiis et magnis viribus praeditum, si in vehementibus morbis adhibetur, oportet omnino medicum esse sui munieris **conscious**, ingenio claro et firmo observante, non timente, nec tamen audacia aut temeritate illa praeditum, quae ignorantiam comitari solet; qui bono ratiocinio comparet experimenta bona; medicamentum morbis et aegrotantibus accommodet, non vero morbos et aegrotantes medicamento; tamdiu dosin augeat, donec effectus viderit; tum etiam, morborum causis cognitis, hisce obtemperet, in medicamenti praescriptione. Idonea igitur administratione **Hyoscyamum** prodesse debere, illis in morbis in genere, ubi peccat sensilitas aucta, in deliriis, morbisque epilepticis, ex dictis praecedentibus.

dentibus patet, tunc nempe, quum causa morbi non est in organismi parte destructa, vel male conformata.

Hoc tamen, ut non tantum ratiocinio, sed et experientia certiore demonstretur, hisce addo praecipuos casus, quibus patuit, Hyoscyatum profuisse. Incipiam enarrare antiquiores, ut ordo adsit, cui simul historica quae-dam utilitas inesse potest.

Hippocrates, in febre quartana, utebatur semine, post purgationes necessarias, (1) nec non in sanguinis sputo, post venae sectionem.

Volunt, Serapionem et Heraclidem id jam interne dedit, nec non Asclepiadem. (2)

Ab insula Creta Romam delatus ibi, cum Atropae Mandragorae succo, commendabatur ut antidynum. (3)

Cum sudorificis in venenationibus a veteribus interne dabatur. (4)

Celsus aquam Hyoscyamo coctam in mania adhibebat. (5)

Ga.

(1) Cf. Hippocr. *Opera omnia*, Foësii, Genev. 1657. p. 474.

(2) Cf. W. H. Bloemröder, l.l. p. 33.

(3) Cf. C. F. Ruttty, *Mat. Med.* p. 240.

(4) Cf. J. G. Eckhardt, *Diss. de Hyosc.* Jen. 1715. p. 36 et J. H. Stoker de Neufern, *Diss. de Hyosc. vigr. virtute med.* 1797.

(5) Cf. Celsus, *de Med. Lib. 3. c. 18. Lib. 2. cap. 25.*

Galenus, ut jam vidimus, album magis quam nigrum commendabat, dicens nigrum nimis venenatum esse. (1)

Bauhinus refert, plantam siccatam rusticis adhiberi, ut manutum tumores et inflammations frigore ortas dimitterent. (2)

Tourquet de Mayerne illum in epilepsia adhibebat. Rhenard, in renum morbis. Lenttin, in febribus nervosis. Gesner et Arneman, in tetano, hysteria aliisque nervorum morbis. (3)

Antonius Störck, Medicus Germanicus, anno 1762 edidit libellum, in quo demonstravit, Hyoscyamum non tantum tuto exhiberi posse hominibus, usu interno, sed et multis morbis remedium esse utilissimum. (4) Quod tredecim experimentis accuratisime descriptis, cum morborum et curationis expositione, probavit, quod tamen multis nimium visum est Medicis, quos inter praesertim Joh. Ernestus Greding, qui, observationibus quadraginta editis, minorem Hyoscyami virtutem, praesertim in mania et epilepsia, probare conatus est. (5)

Cul-

(1) Cf. Galenus, l. l.

(2) Cf. I. Bauhinus, l. l.

(3) Cf. W. H. Bloemröder, l. l. p. 48.

(4) Cf. A. Störck, *Libell. de Hyosc. nigr.* p. 27-69.

(5) Cf. *Adversaria Medico pract.* a D. C. Gottl.

Cullenus etiam Hyoscyamo non magnam tribuit utilitatem. (1) Alii Störkio sese junxerunt, praesertim Collinus. (2) Difficile certe, inter tantos viros litem componere; magis accuratae Gredingii descriptiones, minus accuratae Gredingii descriptiones, efficiunt, ut major Störkio tribuenda videatur fides. Praestantiam etiam majorem Störckii dictis adjicit Voltelenus, (3) dicens, Gredingii effectus minus felices tribuendos esse refractariis forte et insanabilibus causis morborum, in quibus adhibebatur, vel nimis magnae remedii heroici copiae intemperantius adhibitae; cuius auctoritate liceat Störckii dicta preferre, et effectus minus salutares, nonnunquam observatos, tribuere adhibendi methodo, non vero medicamento. Ceterum Gredingii experimenta probant Hyoscyami vim resolventem, attenuantem et aperientem.

Etiam Doct. N. v. d. Eem et L. v. Leeuwen (4)

non

Ludwig, Vol. I. P. 1. Lips. 1765, p. 71. de Hyosc. virib. praef. in Melanch. et Epileps. ad p. 118.

(1) Cf. *Treatise of the Mat. Med.* by Will. Cullen, Med. Doct. Vol. II. Edimbg. 1789. C. 6. p. 273.

(2) Cf. Collini *Obs. de Morb. acut. et chron.* p. 2.

(3) Cf. F. J. Voltelen, *Pharmacologia Univ.* Part. 3. Lugd. Bat. 1820. p. 130.

(4) Cf. *Handelingen van het Geneesk. Genootsch. Serv. Civibus*, X Deel, over de Vergiften, 1785. bl. 377.

non consentiunt Gredingio, spernenti Hyoscyamum: laudant Hyoscyamum in omnibus morbis nervosis. Whytio asentientur, ad curandam digestionem et dolorem intestinorum, Hyoscyamum commendanti. (1) Hyoscyamum tunc praesertim adhibent, si indicantur antispasmodica cum resolventibus vel laxantibus. Affirmant tandem, Hyoscyamum praesertim, in morbis nervorum convulsivis, prodesse, qui nondum sunt inveterati; observant, Störckii casus enumeratos plerumque esse recentes, unde ejus bonus succesus partim repetendus videtur.

Nuperime et Doct. Egeling, Medicus Harleensis, parvi aestimavit Hyoscyami vires; in dia-  
rio enim Belgico, (2) leguntur ejus observationes, de Hyoscyami effectu vario et incerto. Saepe illi effectum optimum sedantem antispasmodicum edidit, saepe tamen incomoda multa attulit, dolorem et tumorem faucium, capitis dolorem et oculorum caliginem. (offuscationem) Dosis erat a gr. decem ad drachmam unam et ultra; quantitas minor quam decem grana nullum edidit effectum; saepe nil effecit majore dosi, imo semel, ad drachmam unam et ultra administratus, sine effectu man-

(1) Over de zenuwziekten, vertaald door Bicker,  
bl. 244.

(2) Hippocrates, Magazijn enz. VI. Deel, 3 Stuk,  
p. 178 seqq.

Inansit. Ex observatis bene multis, per biennium collectis, concludit auctor, Hyoscyamum non laudandum esse ob ejus actionem tam incertam, et ita sententiae Störckii calculum non adiicit.

De quibus observationibus lector judicium efferre vix potest, ignorans aegrotantium morbum et constitutionem; melius observata Störckii sunt notata. Neque mirandum nobis videtur, Hyoscyamum probabiliter in variis terris, in vicinia Harlemi cultum, in locis nempe siccis et humidis, elevatis et depressis, dein quoque a variis Pharmaceuticis paratum, administratum a discipulis junioribus, saepe imperitis, etiam varium et incertum edidisse eventum. Magis mirandum nobis videtur, medicos velle, Hyoscyamum in Hollandiae paludibus cultum, iisdem viribus pollere, quibus gaudet crescens in Germaniae montibus. Fere omnia caetera medicamenta activa a nobis petuntur e regionibus, ubi vires eorum esse constantes et maiores patuit, sed Hyoscyamus fere a quovis in suo horto colitur, et tamen in isto eadem vires desiderantur. Ex quibus concludimus, haec observata non multum in Hyoscyami detrimentum probare.

Apud Votelenum invenitur, Hyoscyamum multum profuisse in colica spasmodica et Saturnina, in tussi quoque et asthmati-

te, quibus addit auctor, Hyoscyamum nigrum adhiberi posse multis in casibus, in quibus opium adhibetur, sed variis auctoribus p<sup>r</sup>a<sup>e</sup> opio p<sup>r</sup>aefstantem fuisse visum.

Cl. Wendt usus est extracto Hyoscyami, bono successu, in uteri indurationibus scirrhosis dolorosis. Oleum foliorum infusum, quod p<sup>r</sup>aeparatur infundendo duas ad quatuor partes olei amygdalarum, vel olivarum<sup>1</sup>, in unam partem foliorum recentium contusorum, p<sup>r</sup>aesertim bonum p<sup>r</sup>aestit<sup>t</sup> effectum, in intestinorum inflammatione, in pleuritidis speciebus nonnullis; illo oleo dolores brevi sunt deleti. In renum inflammatione, tum etiam testiculorum et uretrae, in retentione urinae dolorosa, in haemorrhoidibus caecis, non minus utile fuit; utilius tamen decoctum foliorum Hyoscyami cum lacte. In artuum rigiditate illud commendat et muscularum brevitate, quod exemplo allato feminae probatur, quibus in casibus semper externe adhibebatur. Dein ab eodem usus internus, a parca dosi incipiendus, commendatur. (1)

Interne oleum Hyoscyami coctum utilissimum  
es.

(1) Cf. Hufeland, Journ. der Prakt. Heilk. etc.  
T. 5. St. 1. 1797. Beobachtungen über den Gebrauch  
des Hyoscyamus besonders des Oleum Hyoscyami, von Herrn  
Hofrath Wendt in Erlangen. p. 381.

esse in tussi cum sanguinis sputo, multis experimentis probavit Cl. Harles. Speciatim quidem in illa, quae e nimia irritabilitate, irritatione et actione spasmodica aucta vasorum praesertim arteriosorum, oritur; tunc oleum, cum foliis Hyoscyami coctum, extracto preferendum esse dicit; hoc enim prorsus non excitare, quod, quamvis perparum, tamen aliquantum in extracto observatur; etiam oleo blandities augetur, vis excitans diminuitur. Hujus usus in casu indicato semper morbum sustulit, additis temporis progressu aliis medicamentis, e. g. Hyoscyami extracto, venaef sectione, aliisque. Effectus bonus primo momento hocce oleo semper editus, eo majoris est momenti, cum medicamenta hoc casu juvantia tam pauca sint, et plane contra indicatur opium ob vim magnam ejus excitantem. Praeparatur oleum illud, concoquendo uncias octo olei olivarum cum duabus unciis foliorum contusorum. (1) Herba Hyoscyami, in typhosa oculorum inflammatione, fomentationis forma applicata utilis fuit, auctore Cl. Himly. (2)

In

(1) Cf. Hufeland, *Journal* I. I. B. 9. St. 3. anno 1800. über die Wirksamkeit des inneren Gebrauchs des Oleum Hyoscyami im Bluthusten, von Prof. Harles zu Erlangen. p. 47.

(2) Cf. *Journ. von Hufeland*, 1811: B. 5: St. 2: p. 46.

In convulsionibus nervosis, ex hydropē cerebri ortis, Hyoscyami extractum cum Moscho et Aſa foetida laudatur a Cl. Heyneken, Prof. Bremensi. (1)

Descripsit J. A. W. Hedenus curationem vulneris cornea pellucidae, cum prolapsu iridis, facti vitro cadente. Erat cornea transparens lacerata duas lineas a parte superiori, inferiora versus; instrumenta propter sensitatem nil perficere potuerunt; hoc vulnus plane novem diebus sanatum, sine ullo visus detimento, quod Hyoscyami infusione sola et extracto Saturni externe applicatis factum est. Amplius legitur in Hufelandi diario. (2)

Similis casus legitur, eodem loco, feminae, quam curare belladonnae ope conatus est auctor; dolores orti sunt, et non nisi applicato Hyoscyamo sanata est sine visus noxis.

Post cataractae operationem doloribus spasmodicis ortis sanguis e vulnere guttatim stillabat; simplex solutio extracti Hyosc. opem ferebat; eodem loco invenitur observatio Cl. Himly, belladonnam hac in re minus valere quam Hyoscyimum, ob vim illius nimis excitantem.

In cataractae operatione maxima utilitatis est

(1) Cf. *Journ. von Hufel.* 1821. B. 5. St. 3 p. 34.

(2) Cf. Idem 1814, B. 12. St. 1. p. 64.

est, (1) praesertim ad prohibendum iridis prolapsum, qui operationem nonnunquam sequitur. (2)

Ad resolvendum cataractam Hyoscyamus adhibebatur a Doctiss. Nortier, Roterodamensi, in plurimis casibus: nonnullis ita profuit, ut lentius formaretur macula, apud duos vero homines tota fuit resoluta.

Primus ex iis in oculo sinistro maculam incipientem flocco similem habuit; erat puer annorum 13 scrophulosus; administrabat illi anti-scrophulosa interne, et dedit illi balneum oculi

R. Extr. Hyosc: dr. ii.

Solve in aq. deft. unc. vi. Add.

Sp. antiparalytici dr. i.

m. f. Collyr.

Apponebatur exsutorium inter maxillae inferioris angulum et processum mainmiformem, ob nervos ibi statim infra cutim positos; balneum apponebatur quater vel quinques die: post quatuordecim dies macula erat magis pellucida; nunc balneum applicabatur septies de die, et post decem hebdomades nil maculae supererat, sine ulla iridis laesione.

Secundus erat vir annorum 40 non morbo-

(1) A. G. van Onsenoort, *Verh. over de grauwwe Staar*, Amst. 1818. p. 19 et 49.

(2) Cf. Idem, l. l. p. 96.

bosus, qui laborabat utriusque oculi macula incipiente ad internam iridis partem; hic eodem modo, aucta aliquantum Hyoscyami quantitate, post quatuor menses sanatus est. (1)

Commendatur Hyoscyamus in contractionibus spasmodicis; sic in haemorrhoidibus clysmata parva cum extr. Hyosc. prodesse possent; et extr. Hyosc. unguenti forma applicari posset in ostio uterino in partibus laboriosis. (2)

Doctiss. Kortum observationem communicat, ubi quotidie assumebatur emulsio, parata ex seminum recentium drachmis sex ad unciam unam, non valde nocivis sequelis. (3)

Clar. Matth. v. Geuns multum laudavit extractum Hyoscyami, in tussi spasmodica et mucosa pertinaci. Doctiss. v. d. Bosch uxori, vehementi tussi convulsivae laboranti, dedit extr. Hyoscyami a tribus ad novem granis de die, quo medicamento intra tres hebdomades sanata fuit; in variis infantibus et tribus adultis eodem morbo affectis effectum edidit optimum,

mag-

(1) Cf. Hippocrates Magazijn, l. l. p. 197 seqq.

(2) Cf. Beobachtungen im Gebiete der Heilkunde von Joh. H. Kopp. 1821. p. 337.

(3) Cf. Beschrijving van den aart en kenmerken van onderscheidene ziekten etc. door G. F. Kortum, uit het Hoogd. door J. A. Saxe, Med. Doct. te Amsterdam, Utr. 1801.

magnum semper in phtisicis attulit levamen, multoque melius quam opio ferebatur. Gravibus catarrhis a duobus, quatuor, imo sex pilulis hujus extracti, tussis brevi est suppressa. Narratur casus tussis spasmoticae, intra quatuordecim dies sanatae, usu extracti Hyoscyami, quae nullis aliis antispasmodicis fugari potuerat; utebatur primum sex, dein duodecim granis de die. Vir asthmaticus pituitosus annorum quinquaginta et octo, usu granorum sex de die, multo magis liberam habuit respirationem, sputa faciliora, tussim imminutam. Prudentia tamen commendatur et jure, maximi momenti certe est attentio in idiosyncrasia tam diversa, qua sit ut nonnulli non ferant granum unum sine noxis. (1)

Maximi momenti mihi videntur, quae notata in Hufelandi diario invenimus. (2) Puerilla rustica annorum viginti duorum, robusta, a refrigerio, menstruationis tempore, habuit febrem cum pulmonum inflammatione vehementi, congestiones maximas ad caput et pectus, tussim et asthma vehemens; horis viginti quatuor summis fit

(1) Cf. Geneesk. waarnemingen door H. v. d. Bosch, Med: Doct. te Rotterd. p. 57. 1808.

(2) Cf. Hufeland, I. I. 1816 B. 43. St. I. p. 120. Merkwürdige Erfahrungen über den Gebrauch des Hyoscyamus in sehr stärken Dosen bei Entzündungen, vom Herrn Dr. von Tribolet, zu Bern.

sit quatuor scrupulos extracti Hyoscyami, duobus diebus insequentibus drachmam de die, cum finapismis in extremitatibus inferioribus; sine venae sectione brevi sanata fuit, et morbus plane resolutus.

Casus duo adhuc enarrantur puerorum, angina exsudativa sthenica laborantium; primo in casu, puer nondum tres annos natus, spatio trium horarum viginti granis extracti Hyoscyami usus est, dein intra duodecim horas duodecim granis, et solo hocce remedio sanatus est. In secundo casu ejusdem morbi vehementissimi, puer, duos annos natus, quinque horis sumvit grana viginti quatuor; intumescentia abdominis, urinae retentio et paralytica extremitatum inferiorum affectio inde secutae sunt; sed puer sanatus est.

Etiam maniacus furens octo diebus sanatus est, sumens quotidie unciam unam extracti hyoscyami.

Addit tandem idem medicus, **Hyoscyamum** in talibus casibus vehementibus brevibus temporis intervallis dandum esse, medicum videre debere aegrotantem omni bihorio; auctis symptomatis, semper danda est nova quantitas.

Quod si vera esset Hahnemannii opinio, illa, quae producuntur ab *Hyoscyamo nigro* in hominibus sanis, ab illo medicamento sanari posse, tunc etiam ejus experimentis, in hominibus

bus sanis institutis, probatur Hyoscyami vis, in mania, epilepsia, convolutionibus, hydrophobia et aliis morbis spasmodicis. (1)

Omnes conscribere laudes, quae ab Hufelando Hyoscyamo dantur, nimis longum es-  
set; dicam tantum, illum enunciare: „ Nulla ad-  
est affectio spasmatica (qua omnes nervorum  
anomalias intelligo, sive in cogitandi, sentiendi,  
vel movendi facultate) in qua non hocce reme-  
dio usus sum cum fructu; saepe si tantum ano-  
malia actionis nervosae erat causa, plane cura-  
vi; si aliae causae aderant remotiores, semper  
mitigavi, et profui praesertim in intestinorum  
affectionibus convulsivis, cardialgia, vomitu,  
cholera, diarrhoea, dysenteria, ileo spasmodi-  
co, tenesmo, colica, similibus viarum urina-  
riarum affectionibus, spasmo vesicae, strangu-  
ria et ischuria, tussi spasmatica; in uteri spas-  
mis, menstruis dolorosis, moliminibus abortivis,  
doloribusque partum sequentibus, optimos ab eo  
medicamento vidi effectus, saepe non aliud me-  
dicamentum in curatione requirebatur; sed dosis  
satis magna est danda, incipiendum semper pru-  
denter, cum uno grano pro dosi, quae quavis  
hora repetenda vel duplicanda, tamdiu quamdiu  
nul-

(1) Cf. Sam. Hahnemann, *Reine Arzneimittel-  
lehre*, Tom. IV. Dresden 1818. a p. 26-75.

nullum adest symptoma narcoticum, et affectio non remittit, ita ut saepe intra viginti quatuor horas ad unum scrupulum pervenerim; praesertim in illis, qui fibram habent sicciam tensam, qui atrabilarii vocantur, egregie agit." (1) — Alio loco dicit: „Est unicum narcoticum, quod cum magna sedandi, sensibilitatem diminuendi vi, nullam plerumque irritabilitatis auctorinem producit, nec sanguinis motum incitat, nec secretionibus et excretionibus obstat." (2)

Richterus vocat *Hyoscyamum nigrum* antispasmodicum optimum, prorsus in medicina necessarium, sensilitatem morbose auctam tam celeriter deminuens, ut fere antiphlogisticum vocari possit. (3)

Richteri tandem addere dicta de modo, quo *Hyoscyamus niger* in quovis morbo sit adhibendus, nimis longum foret; patet hisce amplissimus in medicina *Hyoscyami* usus.

Et sic, ut spero, satis demonstravimus *Hyoscyami nigri* utilitatem, tam ratiociniis, quam observationibus, summorum medicorum sententia firmatis. —

De

(1) Cf. *Journ. von Hufeland*, 1800. B. 9. St. 3.

(2) Cf. Idem B. 43. St. 1. p. 123. 1816.

(3) Cf. Richter, *Spec. Therap.* B. 7. p. 210.

3. *De formis diversis, quibus datur, earumque dijudicatione, et dosi.* —

*Formae, ut jam patuit, variae sunt.*

In nostra Pharmacopoea Belgica, extracti praeparatio sequenti modo invenitur praescripta: „succus, expressus ex herba recenti ante florescentiam lecta, leni igne evaporetur, donec quarta pars pulveris herbae siccatae sufficiat, ut habeat extracti consistentiam.” (1)

Secundum Schwartze, tinctura Hyoscyami praeparatur, ex uncia una foliorum siccatorum cum tribus alcoholis et tribus aquae unciis, digestione trium dierum; melius habetur ex quatuor unciis herbae recentis contusae, cum quinque unciis sp. vini purif. digestione septem dierum. Oleum infusum Hyoscyami, ex una parte foliorum recentium contusorum et tribus partibus olei olivarum.

Emplastrum Hyoscyami, ex una libra cerae flavae, libr. dimid. resinae communis, libr. dimid. olei oliv., libr. una Hyoscyami foliorum pulv.

Unguentum Hyosc. ex ung. plumb. dr. 6. olei Hyosc. cocti dr. 2. camphor. scr. 2. Croci scr. i. (2)

Ex-

(1) Cf. Pharm. Belg. Hagae Comitis, 1823. p. 156.

(2) Cf. G. W. Schwartze Pharmacol. Tabellen B. 2.  
abs.

Externe etiam cataplasmata foliorum cum lacte coctorum imponuntur; etiam sumi forma adhibetur, ad sopiendam odontalgiam.

Horum crederem extractum praeparatum secundum Pharmacopæam Belgicam usui valde aptum; etiam emplastrum locis dolorosis aptum.

Valde bonum credo oleum infusum, praesertim in inflammationibus pectoris et viarum aëriferarum, interne adhibitum; etiam externe, quia lenitatem chemicam Hyoscyami sua lenitate mechanicâ auget, quod magni mihi videtur momenti.

Hoc vitium in tinctura Hyoscyami adest, quod vehiculum nimis excitans et stimulans est, quamvis, ut patuit antea, Hyoscyami vires egregie spiritu vini assumantur.

Unguentum satis bonum credimus, sed oleum e seminibus expressum parum activum semper fuit, et facile fit rancidum.

Quod si quis vellet praeparatum valde activum Hyoscyami nigri habere, hic alcohole extrahat extractum aquosum; solutionem evaporet ad siccitatem, et habebit massam, continentem omnes Hyoscyami vires parvo volumine, et aquâ facile solubilem, servandam vase bene clauso.

De

*abs. 1. Leipz. 1822. p. 160-163. etiam Murray, Appar. Medic. Vol. I. Goett. 1776. p. 444 sqq.*

De *dosi* nonnulla monere vellem. — Hujus definitio nullo modo accurata esse poterit, quamdiu Pharmaceutici multi non dubitent dare praeparata, varias ob causas inactiva, et quamdiu medicus, qui praescribit istud medicamentum, non accurate cognoverit vim extracti aliasve praeparati, uti in ipsa Pharmacopole officina praescriptionis momento adest. Quae si fieri possent, definitio tamen multis exceptionibus esset subjecta, ob varias idiosyncrasias, quibus sit, ut dosis huic individuo mortifera sit, illi inactiva, et ob vires ipsius plantae tam diversas pro terra, in qua culta est, quare in regionibus calidioribus et siccioribus probabiliter erit magis activa, quam in humidis et frigidis. Nonne hisce omnibus magna pars disputationum de vi Hyoscyami esset tribuenda?

Multae difficultates auferri possent, si medicus cognovisfer efficaciam praeparati e Hyoscyamo, praescriptionis momento; tunc enim sufficit, ut medicus doses accommodet idiosyncrasiae diversae, diversisque affectionibus Pathologicas.

Vulgaris, quae notatur, extracti dosis est ab uno ad decem usque grana, quam tamen parcam credo, cum observationes praecedentes nos docuerint, quanta copia certis occasionibus a natura humana feratur.

Pru-

Prudentis semper erit medici incipere grano uno; activi medici erit celeriter adscendere, donec viderit effectum nocivum; saepius enim patuit, prudentiam solam nil juvare nisi activitati sit juncta, et cum notum sit, multis in casibus, aequo peccari nimis cunctando, rati nimis festinando; erit aequo medico culpare, si aegrotans moritur defectu medicamenti activi, quam si nimia quantitate obierit. (1)

## NOXAE EX MEDICAMENTI INTEMPESTIVA ADHIBI- TIONE ORIUNDAE.

Contraindicatur *Hyoscyamus niger* tum *spesi-*  
*ciatim*, si adest status inflammatorius passivus  
qui vocatur, in quo laxitas et atonia adest,  
qui etiam asthenicus vocatur; ibi enim cum adsit  
laxitas et inertia, atque vasorum sanguiferorum  
actio imminuta, haec non augenda est; tunc  
enim orientur facile haemorrhagiae passivae e-

va-

(1) Cf. *Journ. v. Hufel. B. 9. St. 2. 1800. p. 59:*  
*Von der Schwierigkeit die Dosen einiger wirksamen*  
*Arzneimittel genau zu bestimmen, vom Prof. Hecker*  
*zu Erfurt:*

vasorum laxorum ruptura oriundae, (1) et hoc experientia probatur.

Dein in diarrhoea vehementissima non prodesse, magis vero nocere crederem, cum promoveat excretiones; quibus tamen nonnunquam mederi videtur, si sententiam Richteri assumamus, qui illum adhibendum esse dicit in diarrhoea habituali, (2) in diarrhoea illa epidemica, quae dentitionis periodo infantibus saepe supervenit, (3) nec non mucilaginosis junctum in diarrhoea frustranea. (4) Forsan tamen opium, in plurimis talibus casibus parca dosi praescriptum, magis juvaret. Certe tunc Hyoscyamus rejicendus, quum vires continuo profluvio celerrime consumuntur, et quum periculum in mora est, ubi narcotica obstruentia, uti opium, adhibenda putaverim.

Illa sunt etiam Hyoscyamo contraindicantia, quae oriuntur e naturae moliminibus salubribus; male enim sedabit quis spasmos, dolores, aliaeque molimina, quae saluti sunt, et tunc demum illa sunt vi compescenda, si vitam vehementia suâ extinguerent.

Etiam

(1) Cf. *Journ. von Hufel.* B. 9. St. 2. p. 51, 52.

(2) Richter, *Sp. Ther.* I. I. T. 4. p. 138.

(3) Idem I. I. p. 137.

(4) Idem I. I. p. 119.

Etiam tum non adhibendus est Hyoscyamus, quum irritamenta adsint mechanica, quae nulla vi resolvente amoveri possunt; etiam ubi fabrica organismi est morbi causa, tunc enim aliis remediiis causa primum dirimenda, antequam aliquo successu methodus sedans adhiberi posit. — Nonnunquam tamen, ubi causa amoveri non potest, egregie palliative agere observatur.

Et haec sunt contraindicantia Hyoscyami praecipua, quorum minor numerus ejus virtutem probat, cum cujusvis medicamenti activi praestantia certe maxime probatur minore contraindicantium numero: non enim plurima, quae aliis narcoticis sunt contraindicantia, de Hyoscyamo valent, uti sunt impetus humorum, plethora, humorum corruptio, fordes primarum viarum, irritabilitatis excitatio; neque nutritio labefactata, quae in aliorum narcoticorum usu contraindicans jure habetur, Hyoscyami adhibitionem prohibet, praesertim si oriatur (ut saepe) ex aucta sensilitate, uti hoc praesertim in hysteris videmus.

Demonstratum igitur credimus, Hyoscyamum, quamvis nonnullis casibus aliis narcoticis postponendum, in plurimis aliis jure praeferri mereri, quippe jungentem talia, qualia requiruntur per risque in casibus, ubi quies et harmonia functionum in organismo restituendae sunt.

His.

Hisce tandem addimus, Hyoscyamum, cum sit  
indigenum, exoticis ideo praferendum, quia et  
magis purum a nobis accipi potest et minores  
sumtus exigit, quod etiam fieri non dubitarem,  
si non verum esset dictum: „homines semper  
id minimo studio petere, quod prope est.”

## E R R A T A.

pag.	4. lin.	6. Hioscyamus	leg.	Hyoscyamits
—	5. —	1. Altercangenum	—	Altercangum
—	—	11. Histurbio	—	Disturbio
—	—	16. lanaceas	—	folanaceas
—	8. —	22. Hyoscyanus	—	Hyoscyamus
—	12. —	17. proferens.	—	proferens. (3)
—	13. —	1. discriptionibus	—	descriotionibus
—	29. —	15. belladonae	—	belladonnae
—	—	17. belladonae.	—	belladonnae

GUILIELMI MUURLING;

THEOL. STUD.

IN ACADEMIA RHENO-TRAJECTINA;

COMMENTATIO,

DE

QUAESTIONE LITERARIA,

AB ORDINE PHILOSOPHIAE THEORETICAE ET  
LITERARUM HUMANIORUM PROPOSITA:

*Quae fuit sub finem seculi XI. gentium  
Europaearum conditio? Quid causae fuisse vi-  
detur, ut bella eo tempore susciperentur sa-  
cra? Unde explicandum, bella illa, per duo  
proxima secula, et tanto ardore, fuisse gesta?*

QUAE PRAEMIUM REPORTAVIT;

D. XVII. M. MARTII, A. MDCCXXVI.

Valeat res ludicra , si me  
Palma negata macrum , donata reducit opimum.  
**HORATIUS.**

*Instituenti mihi, Viri Clārisimi! ad Quæstiōnēm a vobis propositam respondere, ejusque gravitatem saepius mecum reputanti, vestra mihi facilitate inprimis opus esse, satis superque patuit. Sum enim juvenis, et tiro in vestris hiscē literis, a quo nullum opus, quod plane absolutum sit, proferri, nēc idcirco exspectari possit. Eām igitur in hoc opusculo cū legendo benevolētiā, tum recensendo benignitatē a Vobis efflagito, quae et auctoritati vestrae convenit, et meae aetati. Cum enim semel me ad scribendum invitassent Quæstionis utilitas jucunditasque, quantum conniti animo potui, quantumque curae conferre, tantum, ad ejus explicationem, studiose effeci. Quod, qualecunque tandem sit, lubentissime*

tamen vestro submitto judicio. Modo industria mea id effecerit, ut Vobis de me meliora liceat sperare, et meus ita literarum amor scientiaeque cupido augeatur; neque Vobis ingratum, nec mihi inutilem laborem me perfecisse, probe mihimet ipse conscius sum.

Hac autem in praefatione paucis monere licet., de ipsius Disputationis ordine et dispositione. — Cum ipsa Quaestio sua sponte in tres partes dividatur, hanc divisionem, utpote Quaestionis per tractationi facile aptissimam, integrum retinui. Sed quoniam medium illud aevum, ut barbariei caligine obductum, ad cognoscendum non est facillimum, et tamen, quod probe cognoscatur, ad bellorum sacrorum causas, omnium maxime interest, in prima Quaestionis parte tractanda paulo diutius sum versatus. Est autem illa de gentium Europaeorum conditione, sub finem seculi undecimi. Itaque in Introitu, primum ac historia, deinde de rebus politicis, ac tandem de cultu et moribus gentium Europaeorum, illa praemittenda esse duxi, quae ad nostrum institutum pertinere viderentur. Ac propterea hac in re ita nobis agendum esse videbatur, ne, ex inopinato in obscuriora illa bellorum sacrorum tempora inci.

cidentes, tanquam hospites, oberraremus; tum enim saepius recurrentum nobis suisset, et vero a proposito aberrandum; sed, ut nobis, inde a lapsō Romanorum imperio ordientibus, et graviores quasque res paulo accuratius contemplantibus, ipsi veluti viam muniremus, quae ad bellorum sacrorum tempora sponte nos adduceret. — Tum vero ad primam progredientes Disputationis partem, in illa horum temporum rationem, in qua potissimum bellorum sacrorum causa quaerenda sit, quam studiosissime, qualis eset, conati sumus exponere. In secunda autem, ipsam Quaestionem ducem sequi, primariam causam odorati sumus, et varias indicavimus opportunitates. Denique, quod horum bellorum diuturnitatem attinet, ac summum, quo gesta sunt, ardorem, hujus rei quid causae fuerit, in ultima peruestigavimus Disputationis parte.

De fontibus, quibus usus sum, pauca quoque dicantur. — Ex plurimis, quae a viris, hoc in genere literarum versatissimis, aut antiquiori, aut maxime recentiori aeo, conscripta sunt opera, non adeo multa, sed potius quae optima vulgo habentur, elegimus. In quibus primo loco memorandum est opus illud, quod in-

*inscribitur : Dei gesta per Francos. Varii ,  
quos continet , de bellis sacrisscriptores , cum  
vel ipsi iis interfuerint , vel eodem , aut pro-  
ximo certe , tempore vixerint , optime de illa  
aetate , iisque , quae in eam incident , rebus me-  
moriae mandare potuerunt . Sacra illius tem-  
poris ratio in hoc opere plane dominatur .*

*Huic acceserunt Ville Hardouin et Join-  
ville . Quorum uterque in expeditionis , cu-  
jas ipse particeps fuit , descriptione , plurima  
tradit , quae ad illorum temporum cognitio-  
nem egregie valere videantur . Duos priores  
efficiunt Tomos operis quod edidit Petitot ,  
sub titulo : Collection complet des memoires  
de l'histoire de France .*

*Quibus ex antiquioribus monumentis adjun-  
ximus Epistolas Gregorii VII. Pontificis  
Romani . Hujus enim viri , cuius tanta vis  
fuit in Europaeorum gentium sub finem seculi  
XI. conditionem , varia , quae secutus fuerit ,  
consilia , quippe ad bellorum sacrorum causas  
maxime pertinentia , operae pretium videbatur  
ex ipsius Epistolis indagare . Habentur autem  
in Labbei et Cossartii s. s. Conciliorum  
Tomo X.*

*Denique quod opus Anna Comnenae con-  
scripsit , Alexias dictum , quodque Tom. XII.*

continetur scriptorum Byzantinorum, hoc ibi consuluiimus, ubi de sacrorum bellorum agit aetate. Nec vero mirum, mulierem hancce Graecam, doctamque et eruditam filiam Imperatoris Byzantini, mores illudere Cruciatorum nostrorum, eosque summa saepius afficere ignominia. — Atque haec de antiquioribus.

Ex recentioribus autem, in primis quod ad primam attinet Quaestionis partem, plurima summo debeo Robertsoni. Quod, quicunque eximiam illam Introductionem legerit in vitam Caroli V. vel me non monente, sponte intellexerit. Nec vero minus ex celeberrimo Cl. Heereni libro, in quo agit de Cruciarum expeditionum effectibus, me optima quaeque hausisse, atque in meum usum convertisse, gratus agnosco.

Ut autem, per omne quod in scribendo tempus consumsi, et legerem de illa aetate, et ita tandem veluti medios inter illius aevi populos versarer, alios etiam libros tractavi, a doctis viris, eodem hoc de argumento conscriptos. In quibus maxime censenda sunt Kampenii nostri, de historia bellorum sacrorum; et Regenbogenii. de eorum effectibus; tum etiam Planckii, Herderi aliorumque scripta, sua quaque loco laudata.

Ex

Ex his igitur fontibus utrum, in opusculo  
meo confiendo, boni quid hauserim, vos, Vi-  
ri Clarissimi! dijudicetis. Tullianum illud  
antiquum, quidquid agas, agere pro viribus,  
ut semper mihi maxime placuit, ita hac etiam  
in re diligentissime sum secutus.

Omnes

DIS-

# DISPUTATIONIS CONSPECTUS.

---

## I N T R O I T U S.

### C A P U T I.

HISTORICA PARS . . . . p. I

§. 1. <i>Imperium Caroli Magni.</i>	4
§. 2. <i>Francia.</i>	6
§. 3. <i>Germania.</i>	8
§. 4. <i>Italia.</i>	11
§. 5. <i>Anglia.</i>	14
§. 6. <i>Suevia, Norvegia, Polonia, Hungaria, Russia.</i>	16
§. 7. <i>Hispania.</i>	18
§. 8. <i>Imperium Graecum.</i>	20

CA-

## C A P U T II.

## RERUM POLITICARUM CONDITIO.

§. 1. <i>Regimen feudale.</i>	p. 24
§. 2. <i>Effectus regiminis feudalis in hominum conditionem.</i>	28
§. 3. <i>Quo cultior erat hominum conditio, ealenior feudalis regiminis ratio.</i>	33

## C A P U T III.

## DE CULTUS ET MORUM CONDITIONE.

§. 1. <i>Misera fuit et cultus et morum conditio. Hujus rei causa et opportunitates.</i>	p. 41
§. 2. <i>Inopia antiquorum scriptorum.</i>	46
§. 3. <i>Supersticio.</i>	50
§. 4. <i>Scriptorum testimonia de morum et cultus conditione.</i>	53
§. 5. <i>Melior et cultus et morum conditio.</i>	57

---

 P A R S P R I M A.

Q U A E F U I T S U B F I N E M S E C U L I X I . G E N -  
T I U M E U R O P A E A R U M C O N D I T I O ?

## C A P U T I.

S A C R A E R A T G E N T I U M E U R O P A E A -  
R U M C O N D I T I O .

§. 1. Religio Christiana. . . . .	p. 66
§. 2. Hierarchia Romana. . . . .	70
§. 3. Gregorius Septimus. . . . .	73

## C A P U T II.

E R A T A E T A S H E R O Ï C A G E N T I U M E U -  
R O P A E A R U M .

§. 1. Heroïca gentium aetas. . . . .	p. 81
§. 2. Pugnandi ardor universe observan- dus in gentibus Europaeis, maxime ante bella sacra. . . . .	84
§. 3. Equestris ratio. . . . .	91

P A R S

## P A R S   S E C U N D A.

QUID CAUSAE FUISSE VIDETUR, UT BEL.  
LA EO TEMPORE SUSCIPERENTUR  
SACRA?

## C A P U T I.

## C A U S A   P R I M A R I A.

*Repetenda illa ex heroïca et simul sacra  
gentium Europaearum conditione.* p. 95

## C A P U T II.

## O P P O R T U N I T A T E S.

§. 1. <i>Capta a Turcis Hierosolyma primam dedit expeditionum sacrarum op- portunitatem.</i>	
<i>Itinera sacra.</i>	p. 101
§. 2. <i>Petrus Eremita.</i>	104
§. 3. <i>Pontificum conatus de summa in omnes Christianos acquirenda po- testate.</i>	107
§. 4. <i>Patefecerunt expeditiones sacrae li- bertatis viam.</i>	113

## P A R S   T E R T I A.

UNDE EXPLICANDUM, BELLA ILLA, PER  
DUO PROXIMA SECULA, ET TANTO  
ARDORE FUISSE GESTA?

## C A P U T I.

DE P R A E C I P U I S . E X P E D I T I O N I -  
B U S S A C R I S . . . . . p. 116

- |  |     |
|--|-----|
| §. 1. <i>De expeditione suscepta a Ludovicō VII. Francorum Rege, et Conrado III. Imperatore Germaniae, a. 1147.</i>  | 117 |
| §. 2. <i>De expeditione, quae suscepta est a Friderico I. (Barbarossa) Germaniae Imperatore, Philippo Augusto, Rege Franciae, et Richardo I. Henrici II. Angliae Regis filio, a. 1189.</i> | 124 |
| §. 3. <i>De ultimis expeditionibus.</i>  | 129 |

## C A P U T II.

## CAUSA PRIMARIA.

*Quaerenda illa in eodem heroico ardore et gentium conditione sacra.* p. 133

## C A P U T III.

## OPPORTUNITATES.

- |   |     |
|---|-----|
| §. 1. <i>Pontificum conatus, retinendi non tantum semel acquisitam in Oriente potestatem, verum eam in Occidente magis etiam augendi.</i> | 142 |
| §. 2. <i>Privilegia, quae dicuntur, Crucitorum.</i>   | 148 |
-

# INTROITUS.

---

## CAPUT I.

### HISTORICA PARS.

---



Debilitatum illud, ac fractum Romanorum imperium, barbarae gentes, ex Europa superiori, torrentis instar, proruentes, magna cum strage occupaverant et conturbaverant. Ubicumque venerant, ibi sedes sibi collocaverant, aut fugatis, aut manu occisis, aut etiam relictis antiquis incolis. Quovis enim caedes portantes et ignem, ut solent barbarae gentes, omnem cultum, qui antea obtinuerat, presumidare studuerant. Ubi antea de orbe terrarum egerat senatus populusque Romanus, jam signa videbantur cohortium, bella spirantium et praedas opimas; adeo ut

A

to.

tota Europa novam formam induisse videretur. Quuin enim aliquamdiu indulsisserit ardenti illi furori, novaeque illae gentes quieti sese tradere coepissent, immensum illud Romanorum imperium, in maiores minoresve ditiones ita inter se dividebant, ut fine sec VI. Gothi et Lombardi Hispaniam atque Italiam, Franci Galliam, Pannoniam Hunni, et Saxones optimas Britanniae partes sibi subjectas haberent.

Quippe barbari, summam ubivis propagaverant barbariem; quo factum, ut omnis Romanorum cultus, omniaque quae cum eo conjuncta esse solent, penitus fere perirent. Ita leges filere coactae, nec justo inservire poterant nec aequo. Artes et litterae odio habebantur gravissimo, quippe quae juvenum corrumperent animos, et totum populum enervarent. (1) Regiones, antea cultu et fertilitate insignes, desertis similes erant. Italia, ab Horatio cum optimis Graeciae tractibus comparata, sec. VIII. nulla fere in re praestabat Syrtium regionibus, vel Scytharum tractibus, calore torridis et friiore. Sylvae luporum asyla immensa: stagna ex fluininum vel maris inundatione orta, ibi habebantur, ubi, florente Romanorum aetate,

op-

(1) Vid. Robertson, *Historie van Keizer Karel V.* Tom. II. pag. 3.

optimi cecinerant poëtae, vel cultissimorum  
ingeniorum opera extiterant magnificentissima. (1)  
Ipsa Imperatorum splendidissima sepulchra sta-  
tionibus inserviebant barbarorum; cum capita et  
manus a corpore statuarum, ab optimis Graeco-  
rum artificibus confectarum, avellerentur, quibus  
homines se defenderent, et repellerent oppugnan-  
tes. (2) Ac tale quid non mirandum, si verum est  
quod ait Luitprandus, ubi de barbaris illis  
agit: „ hoc solo,” inquit, „ id est Romani no-  
„ mine, quicquid ignobilitatis, quicquid timidita-  
„ tis, quicquid avaritiae, quicquid luxuria, „  
„ quicquid mendacii, imo quicquid vitiorum  
„ est comprehendentes.” (3)

Et ita, ni fallor, quodammodo judicare pos-  
sumus de magna, quam Europa subierat, com-  
mutatione, et de summa, cui obnoxia fuit,  
barbarie; quae quidem, quamvis tarde, tamen  
pedetentim mitigata est, atque ad meliorem re-  
duit conditionem. His igitur praemisis, pau-  
cis videamus de diversarum gentium historia;  
ut eo facilius, ea perspecta, de earum condi-  
tione judicare possimus. Iuvat autem, ne diu-  
ti-

(1) Ibid. p. 15.

(2) Vid. Winkelmann, *Hist. des arts etc.* Tom. II.  
p. 455. et Procopius, *de bello Gothicō* Lib. I. Cap.  
22. sub fine.

(3) Cita ut a Roberts. l. l. Tom. II. p. 3.

tius in rebus minoris momenti versemur, a  
Carolo Magno ordiri.

## §. I.

## Imperium Caroli Magni.

A Pontifice Romano Imperator creatus, imperio suo subjectam habuit Franciam, Germaniam, Hungriae magnam partem, Barcelonam, et Italiae terram continentem, usque ad Beneventum. Idem ille, qui ab aliis barbarus habetur, et rerum tantum bellicarum peritus, aliis prudentissimus et sapientissimus visus est. Nobis autem utrumque verum esse videtur. Barbarus enim haberi potest, pro nostri temporis ratione, quamquam omnium illius temporis fuisse cultissimus. Tantum vero, quantum in tali rerum conditione perfecit Carolus, certe perfecerit nemo, nisi qui non rerum bellicarum magis peritiā, quam politicā prudentiā atque sapientiā polleat. Magna enim opus est in bello virtute, non tantum ad imperii fines extendendos, ut fecit Carolus; verum etiam ad immensum tale regnum rite contra hostium vim defendendum. Qua in re, unum se in paucis maxime fortitudine valuisse, in propellendis irruentibus Normannis, luculenter prodidit. Nec minor etiam

etiam requirebatur politica prudentia, ad impotentiam Principum in regno ipso comprimendam, animique fervorem sedandum eorum, qui nil nisi suam auctoritatem et increcentem spectabant potestatem. Nimis, quae post ejus mortem acciderunt, testes sunt, eum non inane *Magni* nomen meruisse. Optima enim instituta, quibus meliori consulere cooperat rerum conditioni, una cum optimo Imperatore perierunt et evanuerunt fere omnia. (1) (814) Itaque dissolutum est magnum illius imperium, atque in diversas partes divisum. Caroli enim successores, parvam certe avitac prudentiae, sapientiae et fortitudinis partem possidentes, immensum illud onus sustentare non poterant. Quod non mirum illis videri solet, qui probe illorum temporum rationem perspectam habent. Non enim, uti vel antiquorum vel recentiorum regna, legum vinculo, illud regnum erat conjunctum; sed populis constabat maximam partem barbaris, qui Caroli tantum nomine conjugebantur atque continebantur.

(1) *Vitam et res gestas* Caroli M. descripsit Eginaldus, quod opus edidit, suisque et aliorum notis illustravit Schminckius. Cuius item lectu dignum est, quod fecit de Carolo Magno judicium, in operis dedicatione, pag. 2.

bantur. Illo autem mortuo, barbari, antea vix magno illo nomine conjuncti, ita discedebant a se invicem, ut summa, quae inde exstetit, anarchia Europam tenebris premeret gravioribus etiam, quam quibus antea fuerat obducta. — Ex hoc autem dissoluto imperio, separata exstiterunt regna, Franciae, Germaniae, Lotharingiae, Navarrai, Burgondiac et Italiae.

## §. 2.

## Francia.

Caroli successores Franciae Reges, Imperatores erant Romani; donec Pontifex Romanus Germaniae Regem, Ottone m *Magnum*, (962) magis dignum judicaret, quem imperatoriā ornaret auctoritate. Ludovicus enim *Pius*, qui patri successerat in regno, (814) non nisi pietate sua obsistere valebat internis contentionebus, quae potentium ambitione indies augebantur, ut tandem fere omnis regia potestas in umbram abiisset. Quum enim Ludovici successores, *Lotharius*, *Ludovicus Germanicus*, et *Carolus Calvus*, paternum inter se distribuisserent regnum (840), novum hac distributione ape-

aperuerunt rerum disturbandarum fontem, quas omnes enumerare longum est. (1)

Ita diversis hisce litibus debiles facti Caroli successores, Hugoni Capeto, summam rerum affectanti, nequaquam resistere potuerunt; quin etiam pati debuerunt, ut ex hujus familia deinceps crearentur Franciae Reges.

(987) De quibus hoc affirmandum videtur, eos, neque in rebus gerendis animi magnitudine, nec in consiliis prudentia, priori Regum stirpi multum esse praeponendos. Anathemata enim, quae jam Pontificum manu magis magisque, fulminum instar, torqueri coepabant, omnes metu et sacro quodam horrore percellebant. Illa enim vel sanctissima naturae vincula disruimpere valebant, et firmam labefactare imperiorum fundamenta; adeo ut fortissimi etiam et audacissimi, iis percussi, priorem suam conditionem vix, aut ne vix quidem, recipere possent. Exemplo sit Robertus II, Franciae Rex (996), qui uxorem sibi carissimam in exilium mittere, et aliam in ejus locum recipere debuit, jussu solummodo Pontificis Gregorii Quinti.

Hujusmodi erat Francici regni conditio, quo tempore Philippus I. rerum adiit moderamen,

(1066)

(1) Vid. Millot, *Algem. Gesch.* Tom. V. p. 154—169.

(1066) cuius imperium ita attritum fuit magna potentia vasallorum potestate, ut non longe ultra Lutetiae Parisiorum adjacentes regiones sese extenderet. Illi enim, et in primis Normandiae vasalli, eodem gaudebant jure, eademque auctoritate, qua ipse Rex. Quos tandem superare potuit Philippus Augustus, post spatium trium paene seculorum.

## §. 3.

*Germania.*

Post dissolutum imperium Caroli M., meliori rerum conditioni operam dederat in Germania Henricus I. (909) Tutum reddiderat regnum suum ab irruentibus Hungris, lacerficantibusque populis Sclavonicis, urbibus maxime conditis in imperii finibus, et emendata re militari, quantum pro tempore posset. Optimum hujus Regis exemplum, quem Graeci, ut ait Mullerus, (1) in coelestium concilio collocassent, strenue secuti sunt successores. Quofactum, ut firmitas quaedam et vis virilis adderetur Germanico regno, p[ro]ae caeteris regnis Europae.

Fi-

(1) Vid. ejus *Algem. Gesch.* Tom II. p. 155.

Filius enim Otto (936), quainvis non iisdem insignis animi dotibus, non minus tamen regni salutem cordi habebat. Qui, postquam Italiae regnum suae adjunxerat ditioni, Lombardiae Rex creatus est, et a Pontifice Romano, quum ducem opponebat, studeret Normannis et Hungris, novis incursionibus imperium Romanum vexantibus, Imperatoriam ornatus auctoritate. (962). Vis enim politica, quae in Francia, cuius reges antea fuerant Imperatores Romani, languebat, eo tempore magis vigebat in Germania. Et ita, auctore maxime Ottone, iterum instauratum Romanum imperium, in Europaeis gentibus, cum inclarescere tum invalescere coepit. Quot vero quantaque ex illa Italiae cum Germaniae regno conjunctione, ortae sint contentiones, Imperatores inter et Pontifices, quorum habebant, ne illorum nimis augeretur, et sua decresceret adeo auctoritas, non in hujus loci est uberior exponere. (1)

Post Ottонem III. et Henricum (1002) Germani Regem sibi crearunt Conradum II. Duxim Francicum. (1024) Fuit ille bonus Rex, qui omni modo internae atque externae sui regni consuluit saluti. Adjunxit enim Germaniae magnum Burgondiae regnum:

(1) Vid. Millot, l. l. Tom. V. p. 228.

num, confirmavit feudalem regiminis formam, et sancivit etiam sua auctoritate *Treugam Dei*, quā infontium clamores parcii audiebantur, et pro quotidianis illis litibus et caedibus pax aliquantum restituebatur. Anno autem 1039 morte oppressus, melioris conditionis spem Germaniae reliquit, quam quā usū est sub imperio Henrici IV. Quum enim Henricus III. Conradi successor, optimum patris exemplum secutus, imperium Romanum ad tale, pro ejus temporis ipsiusque populi ratione, evexerat fastigium, quale post Carolum M. nunquam attigerat: quum multos, pro singularibus eorum meritis, magnis ornaverat ditionibus imperiisque: quum Pontificum auctoritate ex arbitrio usus erat, quorum tres fugaverat, aliosque in eorum locum suffecerat; verbo: quum, Imperatoris jure, quantum posset, vindicato, alia etiamnunc animo volveret, optimo Rege digna, (1) mortem cum vita commutavit, (1056) et imperium, quod tali erat conditione, ut potentis prudentisque rectoris moderamine, ne per diei quidem spatium, carere posset, impuberi filio reliquit. Itaque tamdiu regnum tenuit mater Agnes, donec filius Henricus IV. ipse imperium adipisceretur. Quod temporis spatium

po-

(1) Vid. hujus disput. Part. I. Cap. II. §. 3.

potentes vasalli opportunum sibi ducentes amplificandae potestati suae, indies auxerunt rerum conturbationem. Déserentes enim Reginae partes, sua jura vindicare coeperunt; quibus Henricus melius sese opponere valuisset, si, una cum patris imperandi studio, caeteras ejus conjunxisset animi facultates. Nulla vero ei inerat animi constantia, parva politica prudentia, judicandi sollertia fere nulla: quibus animi facultatibus si reges careant, non facile aptos illos dixeris, ad imperium rite tenendum. Illicius enim juventutis magister, inde a pueritiâ futuram ei proposuerat dignitatem majestatemque. Itaque talibus de semetipso opinionibus, et speciosa futurae potentiae exspectatione, rerum adiit moderamen, quo sapientissimus rex vix, vel ne vix quidem, rite fungi potuisset. (1) Quae vero inde secuta sint, alio loco videbimus.

## §. 4.

## Italia.

Jam antea vidimus, Ottone m. l. Italiae regnum sibi subjecisse, atque Lombardiae Regem

(1) Vid. Pöltz. *Algem. Gesch.* vers. Belg. Tom. III. §. 328.

fuisse creatum. Lombardi enim, in Italiae superiori parte, quieti sese dederant atque sedem firmaverant suam. Quiçunque antiquorum reliqui fuerant incolarum, ad extremas sese receperant regni partes, ut ibi vitam ducere possent tutam ab hostium armis. Loca in primis paludosa, vel fluminibus, vel mari adjacentia, optima patebant malorum refugia, ibique continuo a novis incolis, libertatis amore ductis, meliora studia excitata sunt, quae magnam vim et efficacitatem in barbaros Lombardorum animos, habuisse videntur. Venetiae enim, Genua, Pisa aliaeque urbes, navigatione florentes atque mercaturâ, optima præbuerunt Lombardis exempla, melioris vitae rationis. Quae studia, cum prorsus ab arbitraria regiminis formâ abhorserent, Regum augendae potestati non magnopere profuerunt. Multas enim urbes jam mature res publicas sibi constituisse legimus; (1) et Aistulphum etiam, per tres tantum annos, exarchatum tenuisse, quum Pepinus, Franciae Rex, (755) eomunere donaret Episcopum Romanum. Alias etiam urbes, Genuam v. c. et Pisam, maritimis in primis expeditionibus, ditiones suas extendisse, accepimus. — Ex quibus omnibus rite conficitur, illam Italiae partem, præ caeteris

(1) Vid. Heeren, *Gevolgen der Kruistogten*, p. 110.

Europae regionibus , nobile libertatis studium  
aluisse.

Inferiorem contra Italiae partem diversi in-  
ter se diviserant populi. Aliam enim partem  
Lombardi, aliam Graeci, Saraceni aliam, tene-  
bant; qui, et linguae et religionis discrimine,  
hostes erant inter se infestissimi. Quo factum,  
ut Normanni, qui, summo vincendi ardore duc-  
ti, nihil fere viribus suis majus credebant, si quid  
eset, quod suae reddere vellent potestatis, in eâ  
regione sibi subjicienda, magnos facerent progres-  
sus. Pristinis ita incolis maximam partem vel  
fugatis vel sibi subjectis, eo processerunt, ut  
ipsum Pontificem Romanum Leonem IX. cap-  
tivum facerent. (1053) Hunc vero, religione  
quadam et tanti viri veneratione ducti, in liber-  
tatem restituerunt, imo Dominum agnoverunt ter-  
rae subiectae.

Hi vero Normanni , ex superioribus Europae  
partibus oriundi, jam inde a sec. VI. totam fere  
Europam vexaverant expeditionibus suis mariti-  
mis, et gravibus bellis multa penitus quasave-  
rant regna. Quos enim vix comprimere value-  
rat Carolus M , timebant illius successores;  
adeo ut haud exiguum iis Franciae partem, Nor-  
manniam inde dictam, usui concederent. (1) Ar-  
den-

(1) Quod fecit Carolus Simplex, anno 912.

dente etiam eorum bellandi atque lucrandi studiō factum est, ut in Angliam, e regione proxime iis adiacētem, magno cum impetu prouerent. Quod, quomodo factum sit, jam videamus.

## §. 5.

## Anglia.

Quamquam Alfredi imperium (872) Angliae tam fuerat salutare, ut meliora quaeque studia in illa regione vigere inciperent, et ipse Rex inter p̄aeclarissimos et sapientissimos omnium fere populorum moderatores, merito habendus videtur, tamen, ut in optimis saepe regnis accidere solet, iuccessorum ejus ignavia effecit, ut pauca illorum relinquerentur vestigia, aut evanescerent prorsus. Successores enim, cum Danorum impotentiam nullo modo coercere neque perferre possent, pro internâ regni quiete, externae tantum defensioni studere cęabantur. Qua tamen in re plus semel eorum vires defecerunt. Danorum enim Rex Sueno (1013) Angliam ingressus est, ejusque regionis imperium filio reliquit, Canuto Magno. (1017) Virtus enim antiqua perierat; perierat antiqua fortitudo: cum aurum, quo pacis foedera cum Danis inire solebant, ad novas continuo alli-

ce-

ceret irruptiones, novasque praedas faciendas. Cum vero homines omnia, quae naturâ omnibus cara sunt, summo tum in primis aestimare incipient pretio, quum eorum usu carere coguntur; ita reviviscere coepit Anglorum libertatis sensus, ut Danorum excuterent jugum, quod diutius ferre nolebant. Eduardus igitur, ex Alfredi stirpe natus, profugus Normanniae, revocatus paternum rerum moderamen adiit, et avitae libertatis speciem secum reduxit. Verum, quum coelebs obiisset, voto obstrictus nimis fanatico, nullosque reliquisset filios, regni successores; Anglia, gravissimis vexata internis discordiis, egregiam opportunitatem dedit Normannis, ad eam regionem occupandam, et, antiquâ libertate oppressâ, gravissimum inducendum feudale regimen. (1) Armorum autem vi, atque politicâ prudentiâ, hoc sibi Normannorum Reges ita vindicabant imperium, ut, nec metuentes principes vasallos, neque Pontificem Romanum, eodem tempore, nusquam alibi ita incresceret atque invalesceret regia potestas, quam in Anglia, Normannis subjecta.

§. 6.

(1) Auctore Guillelmo Debellatore, anno 1067.

## §. 6.

*Suevia, Norvegia, Polonia, Hungria,  
Russia.*

De caeteris illis septentrionalibus Europae regionibus, paucis agere sufficiat. — A quo tempore ibi propagata erat religio Christiana, saluberrimis ejus institutis, mitigata erat propria harum regionum barbaries, Sueviae in primis et Norvegiae. Harum enim regionum incolae, abstinentes a piraticâ illâ arte, qua Normanni tantopere delectabantur, navigandi illo studio usi fuerant ad novas detegendas regiones, aut agris se se dederant colendis. Temperatum erat Halstani in Suevia regimen. Ibi enim aequi justique aestimatio feudalem arcebat rationem; quo factum, ut rustici eodem, quo cives, jure gauderent.

Nec item Polonia multa praebet, quae nos possint morari. Boleslaus, Poloniae Rex, exemplum praebet, qua fortuna illi saepius uterentur, qui se se opponere auderent Pontificum voluntati. A Gregorio enim VII. anathemate percussus, in exilium se recipere coactus est non tantum, sed Regum etiam creandorum auctoritatem cedere Pontifici Romano. Et ita factum, ut per duo secula, et quod excurrit temporis, nullus

aut

aut Rex extiterit, aut Princeps, qui Poloniae Regem se nominare auderet.

Hunni, qui per centum et quod excurrit annos terrorem injecerant populis Occidentalibus, auctore Geyfa, operam dare coeperant agriculturae. Stevenus, Geyfae filius, (1000) fidem habuit religioni Christianae, eamque in regionem suam admisit. Illo autem, cuius ope maxime stabilita fuerat regia auctoritas, morte oppresso, Hunni, ad barbaros adhuc mores propensi, a doctrina Christiana abhoruerunt, atque ad pristinam paene recesserunt conditionem. Tum vero inter eos neque concordia habebatur, nec legislatio invalescere poterat. Qua opportunitate Henricus III. aliquique Imperatores Germanici saepius de hoc debilitato imperio victorias reportarunt. Unde victi Hungri, antiquae memores libertatis, odio habebant maximo quidquid novi, vel suae conditionis saluberrimum, a victoribus induci viderent. Mox autem extitit Ladislaus, (1079) qui, sibi vindicata regia dignitate, dilatavit imperium suum, civiumque, etiamnunc prorsus barbarorum, legibus maxime datis, meliori consuluit atque prospexit conditioni. Quo factum, ut inde ab eo tempore cultus, quamquam lento gradu, procederet tamen, et simul evanescerent antiquae barbarie indicia.

Immensum illud Russiac regnum parvam adhuc in Europae res vim exserebat. Princeps quidem Wladimirus (1) ita sese praestiterat, ut suae aetatis (sec. X.) Petrus Magnus dici mereatur; lites autem et discordiae, quae, ipso mortuo, inter filios exstiterunt, tanta fure re et mercaturae et cultui impedimenta, ut aliquam fere reducerent barbariem.

## §. 7.

## Hispania.

Jam ad aliam procedamus Europae partem, Hispaniam. Saraceni, vincendi atque propagandae religionis suae ardente studio ducti, Africa reicta, in Hispaniam trajecerant regionem proxime Africæ adjacentem. Hujus regionis alteram sibi vindicarunt partem, (711) cum Pelagius, heros e stirpe Visigothorum oriundus, a Saracenis Asturiae montibus vindicatis, ibi parvum Christianorum regnum condiderat. Mauri vero, Hispania non contenti, transcederant etiam in Franciam; ubi tamen

(1) Matrimonium, quo juncti erant Wladimir filius et filia Henrici Germaniae Regis, anno 1031, mirum profuit Russorum conditioni, quippe qui ita faciliter cum cultioribus populis conjungi possent.

ita intrepidam : Caroli Martelli virtutem experti sunt , ut plane profligati recedere deberent. (732) Itaque , animis quodanmodo sedatis , intra Hispaniam se continuerunt , eamque regionem , jam inde ab Almanzoris (1) tempore , et cultu et industria mirifice prae caeteris evexerunt Europae regionibus . Florentissima autem aetas habetur seculo X . quo tempore Abdoulramman et Al-Hakan , Hispaniae Califi , regnum tenebant vigore memorabile et cultu insigne.

Ab altera vero parte Christiani magis magisque viribus increverant , et parva condiderant regna. (2) Semper autem consilium agitantibus Saracenos debellandi , atque terras ab iis occupatas recuperandi , evocatus ab Alfonso Equitum flos sese conjunxit ad Saracenos expellendos . Ab utraque parte fortiter pugnatuir est ; ita tamen , ut urbs Toledo , quam aggressi erant Christiani , diu , tam naturae ope quam militum fortitudine , defensa , cederet tandem mirae Christianorum constantiae. (1085) Quia victoria re-

(1) Hic enim , qui anno 778 Hispaniae praesesse coepit , eam Orientalium Califorum subduxit potestati.

(2) Asturiae nempe , Lügduni , Castiliae , Navarre , Aragoniae , Cataloniae .

reportata, duo majora orta sunt regna Arragoniae nempe et Cataloniae; Christianique dein, de, magis animo viribusque conjuncti, majores quam antea de Saracenis victorias reportarunt. — In hisce autem pugnis, non minus dominandi cupiditate, quam religionis defendendae studio suscepit, praelusionem quasi atque praeexcursionem quandam videmus expeditionum sacraruin.

### §. 8.

#### *Imperium Graecum.*

Restat ut videamus de imperio Orientali, ejusque urbe Constantinopoli. Imperium hocce vel integrum paene manserat, vel parcius certe quam Occidentale quassatum fuerat ab irruentibus populis septentrionalibus. Situ enim suo longe distabat a solita via, quam illae gentes, in Europam descendentes, sequi solebant. Quum igitur caeterae Europae urbes, in quibus ipsa Roma, aut penius afflictæ essent, aut, incolis mutatis, barbaros intra moenia tenerent, Constantinopolis gaudebat antiqua sua gloria et antiquo vigore. Ibi enim conjunctus erat Orientalis luxus cum Romana majestate; adeo ut hoc im-

imperium et magnificentia, et divitiis, et luxu, orientali imperio cederet nulli. (1)

Uti autem Romae, ita etiam Constantinopolis Episcopus habebatur in Ecclesia summus; inter quos, ab eo inde tempore, quo, Carolo M. imperatoria dignitate insignito, imperium Romanum speciem antiquae suae gloriae prae se ferre coepit, magna exstitit aemulatio, quia uterque altero superior evadere gestiebat. Ortae enim sunt lites et controversiae, de rebus minimis gravissimae; quibus, cum omnia inter utrumque imperium disrupta essent conjunctionis vincula, forte ab utraque parte prius arrepta fuisse aggredicendi atque experiundi hostem

(1) Omnes scriptores, qui de bello sacro egerunt, mox in admirationem abripiuntur, ubi de urbe Constantinopoli mentionem faciunt. „ Excedunt quae Constantinopoli habentur, nostrarum rerum modum et dignitatem,” ait *Guilielmus Tyrensis* Episcopus, in opere: *Dei gesta per Francos* p. 657. E simplicibus *Fulcherii Carnotensis* verbis patet urbis magnificentia. „ O! quanta,” inquit, „ civitas nobilis! quot monasteria quotque palatia sunt in ea, opere miro fabricata! — Taedium est quidem magnum recitare, quanta sit ibi opulentia — auri et argenti” etc. in opere citato, p. 386. „ Structuram,” ait *Guentherus*, „ aedificioram — vix ullus describere potest, vel credere describenti” etc. Citatur a *Robertsono*, L. h. p. 77. cf. *Ville Hardouin*, apud *Petitot*, *Collect. complet. des memoires de l'histoire de France*, Tom. I. p. 230 sqq.

tem suum quaesita occasio, nisi imperii interna conditio utriusque obstitisset. Latini enim populi nondum satis erant conjuncti ad tale quid, communibus viribus, suscipiendum. Graeci autem cultu quidem praestabant, Occidentali item luxuriosius erat imperium Orientale; at simul etiam vexatum atque ita dilaceratum internis discordiis factionibusque, ut impetum Saracenorum vix repellere posset. Haec vero restituit quodammodo placidum Alexii Comneni regimen; (1081) qui, multis turbis sedatis, et fugatis, qui ex Italia eum aggressi fuerant, Normannis, paci consuluit, et quocumque modo novas addidit imperio vires. Quid mirum autem, tale imperium, cuius Imperator stulte quondam gloriatus fuerat, se Orientales barbaros, nisi armis intra fines suos tenere, tamen pecunia sibi posse conciliare; cuius interna vis et luxu dissoluta erat, et otio ignaviaque torpebat: quid mirum, inquam, hujus imperii vires plane defecisse, quum universa velut Europa, ex inopinato exsurgens, se, convulsis sedibus, tumultuario cursu in Asiam transferret?" (1)


Haec

(1) Sunt verba ex interpretatione Annae Comnenae, ubi de primis agit expeditionibus sacris. Quae videatur de hujus regni conditione, *Alexiados* p. 283, apud Byzant. Scriptores, Vol. XII. cf. Regenbogen, *de Bello Sacro*, p. 4. sqq.

Haec igitur pauca illa sunt, quae de Europae historia usque ad finem seculi XI. dicenda videbantur; pauca tantum, ne modicos excederemus limites; praecipua vero, quae referenda nobis visa sunt ad nostrae disputationis argumentum.

## C A P U T II.

### RERUM POLITICARUM CONDITIO.



#### §. I.

##### *Regimen feudale. (1)*

**P**atet e Tacito, Caesare et Ossiani carminibus, gentibus istis, quae Europae Occidentalis maximam sibi subjecerant partem, ardens fere fuisse libertatis studium, cum animi magnitudine et

(1) De significatione vocis *feudum* sive *feodum* vid. Robertsonus, l.l. Tom. II. p. 47. qui citat Wachteri et Du Cangii Glosfaria, hac voce: *composita nempe ex feo quod merces, et od, quod eodem teutonico sermone possessio agrorum significat. Vox* *feudum* *igitur est idem, quod possessio* ~~ut~~ *agrorum pro mercede accepta. Alodium, quod idem fere significat, composita est ex an, terra, et lot, sors; est igitur terra sorte designata.*

et generositate conjunctum. (1) Cohortes constabant liberis hominibus, qui Principei quemdam sequebantur, non tanquam dominum, qui ipse illos suo regere posset arbitrio, sed solummodo tanquam ducem in bellis, quocum comilitonum instar vincerent et vincerentur. (2) Subactae terrae concedebant militibus habitandae, vel forte etiam distribuebantur; ex qua regionum distributione, feudale illud regimen primum ita sponte exortum suis videtur, quod postea ad extrema quaeque et pessima pervenit. Quamdiu enim libera illa, quam modo diximus, ac naturali gaudebant conditione, ne minimum quidem apud eos invenimus indicium feudalis rationis. Haec enim, si quid aliud, penitus ab illa abhorret, qua, nullo cultu nec humanitatis indicio insignes, neque ullo junctae vinculo civili nec item impeditae, excurrunt gentes atque vagantur, ipsum libertatis sensum tanquam ducem sequentes. (3)

Quamquam vero in illa terrarum distributione summa habebatur aequalitas, ita quidem, ut milites eodem fere, quo ipsi Principes, jure uterentur; sponte tamen intelligitur illos plura con-

ces-

(1) Tacitus, *de moribus Germ.* Cap. 7. Caesar, Libro VI. C. 23.

(2) Vid Roberts. I. l. Tom. I. p. 50. Tom. II. p. 27

(3) Ibid. I. l. Tom. II. p. 29.

cessisse et meliora Principibus suis, quibus ducibus bene res sibi succesferant. Hi igitur majorem quandam partem accipiebant, et una cum ea majorem auctoritatem, sua sponte deinde confirmatam atque auctam adeo. Terrae enim subjectae non solum ab irruptionibus defendendae erant deinceps irruentium barbarorum, sed etiam ab antiquis incolis, qui primum quidem, hostium metu, loca magis remota petiverant, deinde vero terras ab iis devictas, iterum sibi vindicare conabantur. Opus igitur erat cum Principe quodam, qui res in primis bellicas administraret, tum etiam perpetuis copiis militibus, qui aras et focos defenderent. Cogebantur adeo Principes, ut eos, qui subactae terrae partem, suum in usum, acceperant, obstringerent jurejurando, ad quaecunque tandem officia, patriae et communi quieti salutaria, praestanda; in primis autem ad eum adversus quoscunque aggressores vindicandum, a quo agros acceperant colendos. (1) Unusquisque igitur ruris colonus qui agros feudo acceperat, militaria praestare debebat officia, quum tempus illud posceret aut Principum convocatio. Qua in re si quis deficeret, magnam pecuniae vim solvere debebat. Erat igitur feudalis regiminis ratio pror-

(1) Vid. Robert. I. l. Tom. I. p. 32 Tom. II. p. 30.

prorsus militaris. Rex enim habebatur Princeps summus, cui obediebant Principes regni, qui Regis erant vasalli. Hi vero alios sibi subiectos habebant vasallos, qui Principibus suis quodcumque ferre debebant auxilium. Qua ratione, quamdiu integra manebat, omnis et summa regni potestas ad ipsum Regem sponte rescrebat. Quod vero proprium est hominum generi, ut, plerumque non sorte sua contenti, majora sibique meliora visa affectare soleant, quam quorum usus cuique fuit concessus, illud etiam magis magisque apparuit in principibus illis feudorum dominis. Non amplius enim regi, sed ipsi regere cupientes, ipsa Regum jura ita sibi arrogare coeperunt, ut parvam vel nullam potius obedientiae umbram relinquenter. Ipsi enim jus dicere cooperunt, et in suis ditionibus ex arbitrio res egerunt civiles quascunque; cum nullam fecerint legem, neque imperii et judicii normam agnoscerent, praeter sui ipsorum arbitratum atque auctoritatem. Quo factum ut hoc regimen feudale in tot dividetur monarchicas formas, in totidemque abiret tyrannidas, quot habebantur principes feudorum domini. — Qui autem hujus regiminis effectus fuerit in hominum conditionem, jam videamus.

## §. 2.

*Effectus regiminis feudalis in hominum conditionem.*

Maximus extiterat potentissimusque feudi dominus *Carolus Magnus*. Quem, cum, propter politicam prudentiam et rerum gestarum gloriam, veneratione quadam secuti sint et Principes regni et cives, ad summam etiam sui temporis et auctoritatem et potestatem admiserunt. Ipse enim, cum probe videret, res maximas discordia dilabi, concordia parvas crescere, dissentientes et infestos inter se sui regni nobiles principesque, quocumque modo, reconciliare cooperat atque placare. Atque ita maxime effecit, ut, eo tempore, per totum suum regnum melioris conditionis indicia ubivis adparerent. Haec vero perierunt iterum una cum *Caroli morte*. Etenim totus populus, ejus tantum nomine conjunctus, nimis illo fragili disrupto conjunctionis vinculo, discessit a se invicem atque ad pristinam rediit conditionem; cum Principes, tamdiu aegre cohibiti, opportuno tempore usi, nunc arma suum in usum avide converterent, et veluti ad opes augendas raperentur. Qua pessima Principum accumulatione ortae sunt litigies

tes gravissimae, imo summa anarchia exstitit. Nullus enim cum civis a cive; aut vasallus a vasallo tutum se existimaret, cuique opus erat domino ac principe quodam, cuius signa secutus ita ab inimicis defendenteretur. Multi adeo fuerunt terrarum possesores, qui, cum ipsi impares essent praedatorum irruptionibus, una cum agris se Principi cuidam, optimo sibi viso, traderent, ut eoduce se defendenteret et vitam magis tutam degere possent. (1)

Eorum autem miserrimam fuisse conditionem, qui ex effrenatis istis Principibus prorsus penderent, facile intelligitur. Non tantum enim quod raro quiescebant pugnantium arma, quae quisque pro feudi sui domino ferre debebat, verum etiam quod ipsi domini, uti diximus, eo per venerant, ut suo arbitrio tyrannicam in eos exercerent potestatem, quos sibi haberent subjectos. Vulgus enim, uti ait Robertsonius, (2) civitatis copiosissima pars atque utilissima, ad servitutem gravissimam redacta, sumimam experiebatur dominorum impotentiam. Quis autem est, qui non in tali rerum conturbabatur?

(1) Vid. Robertson. I. I. Tom. II. p. 43. Quo factum etiam, ut permultae propriae possessiones, (Aldiales) in feudales abierint.

(2) I. I. Tom. I. p. 35.

batione, quia potentissimus quisque maxime imperare studet, et nobiliores a se invicem continuis bellis vexantur; sub tali regiminis forma, quae ne Rex quidem valet insontes defendere, ubi leges silent, cujusque ea propria est indoles, ut, quo quis potentior, eo durior esse debat; (1) quis est, inquam, qui non miseram ibi fuisse vulgi conditionem sponte sua assequatur?

Infima vero civium pars *servis* constabat; quorum, uti semper, ita hoc tempore in primis horrenda erat conditio. Plerumque enim non majore, quam bestiae, habebantur pretio; quia non tanquam homines, natura libertatis amantes, sed *glebae adscripti*, tamquam res, unacum agris vendebantur. O infelices illos, quibus ne minimum quidem vel naturae vel hominum jus relinqueretur! (2)

Alterum civium genus, a villis, quibus adscriptum erat, *villani* dictum, leniore quadam gaudebat conditione. Vectigalia agris imposita seu stipendia solvere debebant; ita tamen ut industriae suae fructus ipsi capere possent.

Qui vero maxima inter parentes libertate solebant uti, erant *liberi* ita dicti *homines*. Praeter

(1) Vid. Heeren, l. l. p. 119.

(2) Vid. Robert. l. l. Tom. II. p. 56.

ter agros enim sibi proprios, alios etiam a dominis acceperant colendos. Pro quibus, quippe in seudum acceptis, vectigalia solvere debabant, vel officia etiam minora praestare; in prato v. c. in messe, in aratura, vel in vinea.

At forte jam habentur, qui me nimis gravem universam parentium conditionem expofuisse, redarguant. Et revera; quamvis plures haberentur servi, permultos etiam villanos et liberos homines adfuisse patet. Sed audiamus, quae-  
so, Robertsoni verba, (1) quorum summa  
huc redit. Quamquani magnum intercedebat ser-  
vos inter et liberos ita dictos homines discri-  
men, tamen dominorum tyrannica agendi ratio libe-  
ros illos saepe eo adegit, ut, libertate sua repudia-  
ta, sponte servorum sese numero adscriberent: (2)  
Juga enim, quae ferre debebant, graviora erant,  
quam quae cum iis servorum nollent commutari.  
Etenim ipsi domini magnam servorum cu-  
ram habebant, quippe qui possessionum partem  
efficerent pretiosissimam; liberos vero homines,  
qui nihil ad se pertinerent, nequaquam curare  
solebant, nisi quod grandia vectigalia solverent,

et

(1) I. l. Tom. II. p. 55.

(2) Forte etiam militiae fugiendae causa. Cui muni-  
ti, quod servis indignum habebatur, eo modo se subdu-  
cere possent.

et gravissima quaeque praefstante officia. — Ex quibus, me quidem judice, luculenter patet, illam libertatem ne umbram quidem sui reliquise, et inani tantum verborum sono constitisse. Feudorum enim domini, omnes fere flagrantes insatiabili opum augendarum cupidine, et incensi studio dominandi, non poterant non, siquidem sibi vellent prospicere animique indulgere cupidini, quos sibi subjectos habebant, gravi compressos tenere servitutis jugo. Et inde repetendum videtur id, quod dicit Heerenus, hanc feudalis regiminis propriam indolem suisfe atque rationem, ut, quo quis potentior esset, eo durior esse deberet. Nimirum meliora quaeque studia, quae in parentibus possent oriri, opprimenda erant et penitus subruenda, ne illis res novas molirentur ipsis dominis perniciosas. O miseram hominum conditionem, quorum libertati praestet gravissima servitus!

Ne vero putemus, eundem ubivis obtinuisse Principum arbitratum, ubivis eandem hominum miserrimam conditionem. Hic, de quo nunc exposuimus, universus quidem erat regiminis feudalis effectus; veruntamen animadvertisendum est quod subsequenti paragrapho adjecimus.

## §. 3.

*Quo cultior erat hominum conditio, eo lenior feudalis regiminis ratio.*

Si verum est, quod nemo historiae peritus dubitat, talem tyrannicam agendi rationem obtinere et vigere tantum posse in populis nondum magnopere exultis; eam vero formam adipisci eo liberalioreni, quo liberalioribus ipse populus studiis ducatur, sponte inde sequitur, medii hujus aevi cultiores etiam Europae populos, vel prorsus nullum, vel admodum certe mitigatum admississe regimen feudale. Quo quis enim cultior est, eo liberius cogitare solet atque agere cupit. Et inde magnam partem repetendum videtur, quod, et in Italiae regionibus superioribus, et in iis Franciae partibus, quae mari adjacent mediterraneo, et universe in urbibus, etiam melior quaedam nobis occurrat hominum conditio. Etenim, quicunque ex antiquis incolis ad mare habitatum concesserant, mox operam dare coeperrant navigationi atque mercaturaे, quarum ope cultus in primis excitari solet, et augeri libertatis studium. Quod vero ad meliorem illam urbium attinet conditionem, illud tantum hoc loco mihi observandum videtur. Cum jam progressionis ad humānitatem sit indicium, quando populi, conjunctionis studio ducti, in

loca coeunt a feris et hostibus rite munita , quae urbes appellant vel oppida , non posunt non deinceps etiam , ex ejusmodi conjunctionibus , optima quaeque studia et oriri et ali continue. Etenim convictū atque societate semet invicem cognoscere , atque invicem sibi veluti auxiliari incipiunt homines ad explicandas et excolandas animi facultates. Tum vero magni facere jura , eaque sibi vindicare discunt , quae , ipsis naturā concessa , tam diu neglecta jacuerant. Unde quodammodo certe repeti potest , quod semper civium conditio longe praestare soleat eorum conditioni , qui , per agros dispersi et ab hominum societate seclusi , servile quoddam opus praestare coguntur. De his igitur regionibus ad mare sitis , et universe de urbibus videamus.

Proxima Alpibus Italiae pars , ex illa , quam supra memoravimus , causa , non tam gravi oppressa fuit feudalī regimine , quam illae Europae regiones , quae nec navigationis neque mercaturae erant participes. De saluberrima enim vi et efficacitate , quam Venetiae , Genua et Pisa , urbes , ab antiquo inde tempore , navigationi et mercaturae deditae , in finitimas exercuerint , quas Lombardi tenebant , regiones , nemo dubitaverit. (1) Quod supra memoravimus , Lom-

bar-

(1) Veneti jam tempore Caroli M. forum habebant  
P2.

bardos non diutius, quam per tres tantum annos, Exarchatum tenere potuisse, Italorum libertati maxime profuisse videtur. Vox etiam **feudum**, quae in Franciae remotioribus partibus, ut et in Germania, ubi vis audiēbatur, in Italiae scriptis non prius occurrit quam initio seculi undecimi. (1) Ad hoc enim usque tempus omnes possessiones ibi *alodiales* fuere, adeoque propria mansere liberorum hominum bona; quae, ut supra vidimus, in Francia in primis et Germania, magna ex parte, in feudalia abierant, ob tyrannicam dominorum agendi rationem. Eandem quoque vocem in Languedociae scriptis vix reperias. In hac enim regione, ut et in Provincia, sec. IX. X. et ineunte XI. omnes possessiones *alodiales* fuisse videntur. (2) Quae utraque regio ad mare sita, ob

Paviae, ubi merces suas vendebant. Vid. Heeren, l. l. p. 109. Pisa anno 1063 opulens dicitur urbs.

(1) Vid. Roberts. l. l. Tom. II. p. 46.

(2) Observanda quae citat Heeren, l. l. p. 104. e Paponii *Hist. Génér. de Provence* II. p. 208. Il y avait plus de personnes libres en Provence, que dans aucune province. Cf. Roberts. l. l. Tom. II. p. 45. Ubi addit, apud Belgas diutius etiam possessiones fuisse *alodiales*. Nec mirum. Prouti enim Normanniae Duces equites proferre studebant fortissimos, ita Hollandiae et Flandriae Comites civibus favebant et

ob causas supra allatas, cultu processerat et libertatis adeo soverat studia. Massilia, urbs illa Romanorum tempore jam cultu insignis et literis, magnam impendere solebat operam in res nauticas et mercaturam; ita quidem, ut sec. X. una cum Genua et Pisa classem pararet, qua Saraceni fugarentur. Neque minus Telo Mar-tius navigatione florebat.

Haec vero cum ita sint, quid mirum, in tanta reliquarum barbarie, in iis regionibus prima cultus indicia et apparuisse et eluxisse praeclare. Qua de re mox agemus, postquam de caeteris Europae urbibus, quae, a cultus fede magis remotae, pro ipsis in diversis regionibus feudi conditio-ne, vel graviore vel minus gravi oppressae fuerunt regimine, ad instituti nostri rationem, vi-derimus. Etenim, quae in antecedentibus de feu-dorum ortu, vigore et lapsu diximus, in om-nes quide[m] regiones, quae illud regimen ali-quando admiserunt, quadrare videntur. Hic vero diutius viguit; illic citius collabefactum est, et in pravam degeneratum anarchiam. Ubi hoc obtinuit, ibi deterior erat urbium condi-tio. (1) In Franciae v. c. regionibus, remotio-

rūsticis. Vid. Muller, *Algem. Gesch.* versl. Belg. Tom. II. p. 210.

(1) *De burgerstand,* ait Heerenus, l. l. p. 108.

ribus a mari mediterraneo, paucae quidem maiores urbes speciem antiquae civilis regiminis formae retinuerant, Burdegala v. c. et Rothomagus; reliquae vero suberant imperio judicis, quem feudi dominus creaverat, quiue eas tyrannorum more tractare solebat. Erant igitur urbes, non vero civitates: loca moenibus munita, in quibus templa erant, cum cives essent vasalli.

Quamquam autem Germani natura sua abhorrebant a locis moenibus cinctis, eaque servitutis habebant carceres, procedente tamen aestate, conjunctionis studio duci coeperunt, et magis magisque convenerunt in urbes habitatum. Non enim in Germania tot habebantur urbes, quot in iis regionibus, quas antea Romani coloniis suis frequentaverant, et passim ornaverant urbibus. In quibus, cum umbra quaedam antiqui cultus et libertatis remansisset, cives etiam ad humanitatem facilius celeriusque progrediebantur. Germani vero, veluti natura duce, non tam imbecillitate, quam naturali quodam conjunctione

*is op en door zich zelve, van elken leenstelligen regeringsvorm, een volstrekt vreemd bestanddeel. En juist deswege kon hij zich het eerst vormen, waar de banden van dit leenstelsel het minst knellend waren; en integendeel etc.*

tionis studio ducti, semetipsos ad meliorem quandem conditionem quasi informare debuerunt. Secus enim atque in Europa Latina, nulla iis aderant, e praecedentibus seculis, exempla, ex quibus aut urbium aut civium jura efficere possent. Utraque vero in re multum profecit Henricus I. qui inde, summo jure, etiamnunc habetur urbium conditor conditumque emendator. Urbes aedificavit permultas, ut regionem suam tutam redderet ab hostium irruptionibus; civium conditionem emendavit, sollicitando regni nobiles ad urbes habitandas; et urbium adeo earumque incolarum copiam magnopere auxit. (1) In quibus, quamvis subjectae essent ipsis Imperatoribus, eorumve Comitibus vel Misis, non potuerunt tamen non meliora humanitatis studia excitari. Principum enim potestas nequaquam in Germania tanta fuit, quanta in Francia. Nam ipsi Imperatores sua cognoscebant jura, iisque cum modestia quadam utebantur, cum ipsis quoque, quippe potentissimi feudorum Domini, nullam Principibus vasallis occasionem preeberent, quam, uti in Francia, ad augendas opes, magno cum fructu, arripere possent. Omnes enim Germaniae Reges, inde ab Henrico I. usque ad

(1) Vid. Roberti I.I. Tom. II. p. 99. sqq.

ad Henricum III. firmitatem quandam ac masculam vim conciliaverant imperio suo, et integra fere servaverant feudi jura, quae in Francia jam mature sibi arrogaverant Principes regni. Urbes adeo non tali erant subjectae tyrannidi, nec cives tantopere premebantur feudali jugo. Cujus rei optimi testes habeantur plurimi servi, qui sec. XI. manumissi, recepta libertate, veluti suribundi urbes habitatum adierunt. Quod ideo certe fecerunt, quod in iis liberius vivere, liberius agere possent.

Quae huc usque de rerum politicarum conditione disputavimus, omnia pertinent ad illas regiones, quae feudali regimini subjectae fuerunt. Ita Hispaniae etiam alteram partem, quam Visigothi tenebant, eandem regiminis formam habuisse, eandemque incolarum conditionem, diversam pro temporum et locorum ratione, quam caeterae Europae regiones, de quibus egimus, veri est simillimum. (1) Quod vero Hispaniae urbium incolis, ineunte sec. XII. privilegia concessa sint, caeteris Europaeis hoc tempore prorsus ignota, (2) forte e Saracenorum vicinitate repeti potest, quibuscum continua bella gerebant Hispani enim

(1) Vid. Roberti l. l. Tom. II. p. 104.

(2) Ibid.

enim non poterant non a Mauris, omnium eo tempore gentium cultissimis, nonnulla sibi assumere, atque diligenter in suum usum convertere. Nimirum, continuis illis bellis, quae cum iis gesserunt, magna ex parte, factum fuisse videtur, ut, sensim sensimque propria barbarie depulsa, excolerentur, humanioribus imbuerentur sensibus, et inde, multis in rebus, caeteris etiam praestarent Europae populis.

Felix fuerat Anglia, Alfredo summam rerum tenente. Gravissimam illam, et optimo quoque rege dignissimam, vocem in ore habebat, Anglos, uti libere cogitabant, ita libere agere debere. Quod non verbis magis quam factis declaravit. Nam, quo tempore tota fere Europa gravissimo feudali regimine opprimebatur, Angli magna libertate gaudebant, quam literarum et mercaturaे studia sedulo fovebant. (1) Egregium autem illum libertatis sensum, qui, ab eo inde tempore, veluti animis Anglorum impressus, secundum variam temporum conditionem, magis minusve viguit, Guilielmus *Debellator* comprimere potuit, extinguere potuit nullus. Saepius enim a Danis devicti,

fæ-

(1) Vid. van Kampen, in nota ad Mulleri *Allgem. Gesch.* Tom. II. p. 212.

saepius item, denuo excitato libertatis sensu, ab hostium vi sese expedire potuerant; donec tandem, mortuo Eduardo III. Normannus ille *Debellator* eam regionem, diu libertatis quam altricem, occuparet, et liberos Anglos gravibus subjiceret feudorum dominis.

Jam autem, nisi fallor, satis superque patet, regimen feudale, quemadmodum, medio aevo, in omni fere Europa cernitur, ab omni cultu plane abhorrende. Non solum enim per se tyrannicae agendi rationi ansam praebuit, cui, si quid aliud, illi profecto obstant liberaliores sensus, qui cultu demum excitantur; verum etiam omnia illa, quae arcte cum tali regimine cohaerent, juris v. c. neglectus, legum contemtus, et regnantium libido, barbarae sunt gentium aetatis, nullo cultu insignis. Quae, quo magis ipsae gentes ad humanitatem progrediuntur, eo magis recedunt, evanescunt, et frustra tandem quaeruntur. Quod nos in cultioribus Europae regionibus jam continuo obtinuisse, vel in iis etiam locis, ubi cultus ope major increscere et invalescere cooperat humanitatis sensus, indicare conati sumus. — Pessima autem illa cum obtinerent et fere summo essent vigore, quid universe de hujus aetatis cultu, quid de moribus, quid de humanitate sperandum? Aderat fere nullus neque cultus nec humanitatis sensus; at qua-

quatenus aderat, eatenus multum profuit ad emendandam miseram hominum conditionem, et meliora studia excitanda.

Ex iis autem regionibus, quas navigatione et mercatura florentes, praeceteris, optimis artibus et libertatis amore excellere vidimus, prima quoque prodierunt cultus indicia, et studia morum emendandorum. — Qua de re jam nobis agendum est.



## C A P U T III.

DE CULTUS ET MORUM CONDITIONE.

### §. I.

*Misera fuit cultus et morum conditio.*

*Hujus rei causa et opportunitates.*

Quae de Europaearum gentium vinculis veluti compressa, vel arctis circumscripta limitibus, libertate diximus, vetant nos bona sperare de earum cultu et moribus. Neque enim majorem cultum, nec morum emendandorum conatus admittere poterant potentes, et majorem potentiam semper affectantes, feudorum illi Domini, quippe sibi suisque finibus omnium perniciosissimos. Quodnam autem fuit tempus, quo plures simul tales extiterunt Principes, qui in pessimum illum tyrannorum modum agerent? Opportunitates adeo magni requirebantur momen-

menti, quibus horrendum illud et jam tempore inveteratum malum amoveretur, misera illa gentium conditio emendaretur, et adeo induceretur agendi dicendique libertas: majores etiam quam quibus et Romani usi sunt, cum, expellendis Tarquiniis, meliorem sibi constituerent regiminis formam; et pro avi nostri, cum, excusso Hispanorum jugo, libertatem sibi vindicarent et restituerent; et vero majoris etiam momenti, quam quibus Americani usi sunt, qui, Washingtone duce, eo pervenerunt, ut maximum illud, a natura homini datum, munus recuperarent, agendi nempe dicendique libertatem. Verum, ad talia perscienda, temporis quoddam requiritur spatium, vel magis vel minus longum, pro naturali ipsius populi conditione, vel pro adjunctis etiam, quae aut prodesse solent aut obesse tali rerum commutationi. Per quod tempus, veluti crescunt homines et maturessunt, et eo perveniunt, ut ipsi videant, quae, natura sibi concessa, a Dominis denegentur, quaeve, hominum juri contraria, ab iis impontantur. Sed eo nondum pervenerant hae gentes Occidentalis Europae. In septentrionali enim Europae parte natae fere omnes et educatae, rigidae frigore, tectae ferarum pellibus, et quam maxime omnem Romanorum, vel cultum, vel luxum aversantes, his omnino diurno temporis spa.

spatio opus erat, antequam ad humanitatis quendam gradum pervenire possent. Ad quem verisimile est, celerius eas faciliusque perventuras fuisse, nisi tot tantaque adsuisent, quae meliorem, tam politicam, quam moralem, conditionem impeditisent. Regimen dico feudale, et pesima quae cum eo erant conjuncta: Graecorum et Romanorum scriptorum inopiam; magnam superstitionem, qua plurimi etiam Sacerdotes premebantur, alia. Attramen ejusmodi omnia facile superant homines, si modo maturi sunt, et idonei ad meliorem vitae rationem ducendam. Ad quem finem; si semel conjunctis animis tendere coeperint, illum ingenii humani cursum nulla vis retinere potest, impedire nulla. Exemplo sint proavi nostri, Americani, alii. Contra autem frustra populo cuidam quid proposueris, omnesque vires intenderis ad finem, optimum etiam ipsique populo saluberrimum, exsequendum, nisi ipse populus idoneus sit, et maturus adeo ad talia consilia et admittenda et perficienda. Quid, quaequo, profecit Carolus M. optimis suis institutis, quae una cum eo ipso fere omnia evanuerunt? Quid seculo jam XIII. profuit Angliae magna illa Charta, cum ipsi Angli talem regiminis formam neque vellent admittere, neque possent?

Est igitur humilis cultus conditionis et morum

rum corruptorum causa, in ipsa gentium indeole quaerenda; quae natura barbarior erat atque ab omni cultu aversior, quam quae citius meliora quaeque sequi potuisset. Cui accesserunt opportunitates, dignae quae hoc loco exponantur.

## §. 2.

*Inopia antiquorum scriptorum.*

Si vera est illa doctorum hominum sententia, omnem ingenii cultum et liberalem disciplinam ex Graecis Latinisque auctoribus petendam esse, non mirum alicui accidat, si parvam eam vel nullam potius in Europa Occidentali inveniat, per omne medium hocce aevum. Erant paucitatum ex populo, qui artes et literas cordi habebant iisque favebant; sed quamquam aderant, nihil paene reperiebant, quo studiis suis indulgere et satisfacere possent. Nam summa habebatur antiquorum auctorum inopia. Quo factum, ut non nisi ditissimi, eorumve avidissimi, maxima cum difficultate, libros sibi comparare possent. Exemplum praebet Lupus, Abbas Ferrariensis, ex cuius verbis, ubi in epistola quadam Benedictum III. Pontificem Romanum, rogit, (855) ut sibi Tullii, *de Oratore*, et  
Quinc-

Quinctilianis libris, *de Institutionibus Oratoriis*, mittat; ex Lupi igitur verbis probe, post Muratorium, collegisse videtur Robertsonius, eum, quamquam frusta quaedam horum librorum passideret, integrum tamen manuscriptum in tota Francia nullum reperire potuisse. (1) Præterea, qui tandem quis, mediocris possessio-  
nis, libros sibi comparare potuit, qui, cum pauci tantum adessent, centum constarent ovi-  
bus et magna copia frumenti? (2) Duces igi-  
tur solummodo vel Comites potentiores id face-  
re potuissent, et fecissent certe, nisi longe aliis,  
et magis sibi jucundis, rebus occupati fuissent  
et delectati. At vero via nondum strata erat  
bellorum ope sacrorum, per quam facilior pate-  
ret Graecis literis in Occidentem aditus. Qui  
viri dacti et eruditi multo scientiarum genere  
Constantinopoli degebant, nondum coacti fue-  
rant, ut, relicta patria, in superiore Italiae par-  
te et sibi asylum quaererent et artibus doctrin-  
isque, quas ubivis secum ferebant. (3) At  
seculum XI. illa jam gremio fovebat, quae  
post-

(1) Vid. Muratorii *Antiqq. Ital.* Vol. III. p. 835,  
laudatae a Robertsono, l. l. Tom. II. p. 60.

(2) Ibid. p. 61. ..

(3) Vid. Heeren, l. l. p. 355, sqq. in primis p.  
365, sq.

postea inservirent ad magna illa studia alenda , maturanda , et ad magnam provehenda perfectio- nem. Quod enim inventum est , papyrus nobis dictum , et manuscriptorum copiam auxit mirifice , et vero hoc effecit , ut libri , nunc modico constantes pretio , in plurimorum manus possent venire. (1) Quam utilissimam , et vero , his tem- poribus opportunissimam , inventionem , si quis rite celebrare vellet , plane ipsi deficeret oratio.

Pauci igitur habebantur , qui artes et literas tractabant , inter paucos vero illos plurimi Sacerdotes et Monachi. Hos autem , ob vitae solitariae religionem , majorem iis quam Sacerdo- dotes operam dedisse , veri est simile ; cum , quod temporis de sacris faciendis vel agricultura supererat , in diversis aequae sacris atque profanis manuscriptis conficiendis plerumque consumere solerent. Nam , prouti apud omnes fere gentes , primus cultus proficisci solet a Sa- cerdotibus , quippe doctoribus et magis quam vulgus eruditis , ita et hocce medio aevo , ar- tium doctrinarumque quae aderat peritia , in Mo- nachis maxime et Sacerdotibus reperiebatur.

Sed nolit quis nimis splendide hac de re existi- mare. (2) Multa certe , si non omnia , iis de- be-

(1) Vid. Robert. l. l. Tom. II. p. 62.

(2) *Wissenschaften und Künste* , ait Herderus , (*Ideen. Samt.*

bemus, quae de Graecorum Latinorumque scriptis nobis supersunt; multum profuerunt etiam Europae incolis, una cum religione; melioribus quibusdam studiis propagandis; at nimia religio, quae in summa vulgo superstitionem abibat, saepius illos ita cepit. ut, deleta optimi cujusdam Philosophi vel Oratoris scriptura, in eadem membrana historiolam conscriberent Sancti cujusdam, vel hymnos in illius honorem. (1) Quae fata fuerint Ciceronis operis *de Republica*; in vulgus notum est.

Pro ratione temporum, nonnulli certe docti erant atque erudit; at quid de eorum scientia existimandum atque cognitione, de quibus Robertsonus narrat, eos nomina sua ecclesiasticis canonibus subscribere haud potuisse; (2) vel de quibus Alfredus M. queritur, cum dicit, se, inde a fluvio Abō ad Tamesin usque, nullum invenire, qui sacra intelligere posset latine facienda, vel ullum locum latinum interpretari? Quodsi haec de Sacerdotibus vera sunt, quid tandem de laicis existinemus? —

Re-

*Samtlich. Schrift. Tom. VI. p. 246.) waren dahin; den unter den Gebeinen der Märtyrer, dem Gelaut der Clocken und Orgeln, dem Dampf des Weichrauchs und der Fegefeuer Gebeten wohnen keine Musen.*

(1) Vid. Robertson. l. l. Tom. II. p. 59.

(2) Vid. Robertson. l. l. Tom. II. p. 58.

Regum et Principum etiamnum habentur diplomata, ab ipsis signo crucis notata, prae ignorantia litterarum. (1) Herbaudus, Francici palatii Comes, sec. IX.) qui, muneris sui dignitate, in principibus regni viris adnumerabatur, scribendi artem prorsus ignorabat: imo Guesclinus, politicis insignis muneribus, et sec. XIV. gravissimus in Francia vir, ne scribe-  
re quidem poterat, nec legere.

## §. 3.

*Superstitia.*

Praetera, quae ubivis dominabatur superstitione summa, non tantum cultui atque humanitati vehementer obstitisse, sed inscitiam atque morum licentiam mirifice aluisse videtur. Ea enim religio, quae simplex et incorrupta, ut ex ipsis Christi ore prodierat, ab Apostolis erat pervulgata primisque conservata temporibus, jam tot tantisque horridis referta erat placitis, ut veram illius formam vix agnovisses. Talis tantaque ipsorum Sacerdotum, quos vulgus coeca quadam opinione sequebatur, erat supersticio, et vero ipsis Codicis Sacri imperitia. De qua

ne-

(3) Vid. Robert. Tom. II. p. 57.

nemo profecto dubitabit; qui et istorum temporum rationem diligenter attenderit, et cognovet etiam, quem tandem Episcopus quidam Eligius (sec. VII.) optimum praedicaverit atque felicem Christianum. Ex hujus enim sententia is tandem magno illo nomine dignus et esse et haberi poterat, qui sacras conciones frequentaret; qui Deo sacrificia quotidie daret; qui subito *credo* recitare posset et *Pater noster*; denique, qui pecuniae vim satis magnam solveret, ad animum suum a gravissimis poenis liberandum Scilicet is, qui hisce officiis strenue functus esset, verus deum Christianus impavidus adire posset sumimum Dei tribunal; et dicere: da nobis Domine, nam tibi dedimus." (1) Quid ergo opus erat virtute, quid Dei amore? Etenim, qui gravi Principum dominationi subjecti erant, iis patientiae praemium promittebatur in vita futura; cum tyrannici illi Principes, mo ibundi, omnium peccatorum acciperent absolutionem. Quid plura? Ita debilitatum erat Dei in hac terra regnum, ut, eo tempore, merito de illo desperases. (2) Quod quidem instaurare conati fuerant Carolus et Alfredus Magnus, quaque in re multum omnino profecabant;

ve-

(1) Vid. Roberti. l. l. Tom. II. p. 65.

(2) Vid. Herder, l. l. p. 245.

yerum, iis mortuis, summa iterum invasit insci-  
tia increvitque superstitione summa; adeo, ut mul-  
tis locis graviore etiam quam antea tenebrae Eu-  
ropae incumberent.

Quis autem est, qui non, omnibus hisce rite  
perpensis, in tali rerum statu, jam continuo mi-  
seram exspectet morum conditionem? Universæ  
enim artium literarumque aestimatio, atque trac-  
tatio, quæ ceteroquin tantopere valent ad ve-  
rum illum cultum internum excitandum et alen-  
dum, nullæ erant, vel parvi certe momenti.  
Perierat moralis doctrina religionis Christianæ;  
nam Dei cultus, maximam partem, ritibus con-  
stabat externis, quibus nec vera virtus, nec Dei  
hominumque amor gignuntur neque aluntur. Libe-  
re vagabantur enses, insontium madentes sanguine;  
cum jus pugni, quod dicebatur, seu jus  
vindictæ privatae, omnes dies et caede notaret  
et devastatione. (1) Ipsos autem illorum tem-  
porum adeamus scriptores, eorumque colligamus  
testimonia, ne forte inconsiderate et perverse adeo  
hac de re judicasse videamur.

(1) Vid. disputationis nostræ Part. I. cap. III. §. 2.

## §. 4.

*Scriptorum testimonia de morum et cultus conditione.*

„ Patentissima erat,” ut ait Jo. Campanus,  
 „ Germania ac potentissima; sed ea totum unum  
 „ latrocinium; et inter nobiles ille glorioſior,  
 „ qui rapacior.” (1) De Francia vero quomodo  
 nus melius existimemus, vetant Guiberti *Ab-*  
*batis* verba; qui, quippe ejusdem temporis scrip-  
 tor, optime hac de re judicare potuit. „ Erat,”  
 inquit, „ eo tempore, ante quam gentium fieret  
 „ tanta profectio,” (in terram scilicet sacram)  
 „ maximis ad invicem hostilitatibus totius Fran-  
 „ corum regni facta conturbatio. Crebra ubi-  
 „ que latrocinia, viarum obfessio passim audie-  
 „ batur, imo siebant incendia infinita. Nullis,  
 „ praeter sola et indomita cupiditate, existenti-  
 „ bus causis exstrebantur proelia; et, ut brevi-  
 „ totum claudam, quicquid obtutibus cupido-  
 „ rum subjacebat, nusquam attendendo cuius es-  
 „ set, praedae patebat.” (2) „ Maxime,” ait  
 Guibertus.

(1) Citatur a Clar. Haug, *Over den geest der middel-eeuwen*, in Politii, *Algem. Gesch.* versl. Belg. Tom. III, initio.

(2) In opere: *Dei gesta etc.* p. 482.

Guilielmus Tyrensis, ubi de Europae, proxime ante bella sacra, conditione ita disserit.  
„ Maxime,” inquit, „ inter eos, qui fideles dicebantur, fides defecerat, et Domini timor erat de medio sublatus. Perierat de rebus iustitia; et, aequitate subacta, violentia dominabatur in populis. Fraus, dolus et circumventio late invaluerant universo. Virtus omnis locum dederat, et cesserat quasi inutilis, malitia subintrante. Videbatur sane mundus declinasse ad vesperam, et filii hominis ad ventus secundus fore vicinior. Nam multorum refixerat caritas, et fides non inveniebatur super terram. — Confusis ordinibus cuncta sepebantur, et in chaos pristinum mundus videbatur redire velle. Majores enim Principes, qui subjectos ad pacem tenebantur dirigere, neglecto pacis foedere, pro causis levibus contendentes ad invicem, regiones tradabant incendiis; praedas passim exercebant; pauperum bona impiis satellitibus suis exponebant ad rapinam. Non erant tutae alicujus facultates inter tot insidias; causa sufficiens putabatur, ut ad carceres quis traheretur aut vincula, et in proprio corpore indignos sustineret cruciatus, quod aliquid habere credetur. — Non distinguebat sacrum a profano manus sacrilega; sed, sublata differentia, prae-  
„ dae

„ dae patebant altarium vestes , amictus Sacer-  
 „ dotum et vasa Domini. — Vias quoque pu-  
 „ blicas , accincti gladio , grassatores improbi  
 „ obsidebant ; nec urbes , nec oppida ab iis im-  
 „ portunitatibus vacabant , in quibus sicarii vi-  
 „ cos omnes et plateas suspectas reddebat in-  
 „ nocentibus. Quo quis erat insontior , eo plu-  
 „ ribus subjacebat insidiis. Fornicationum enim  
 „ genus quodlibet , quasi res licita . passim et  
 „ sine rubore exercebantur impune. — Quid  
 „ plura : ut in summa dicatur , omne in praeci-  
 „ cipiti vitium stetit , et omnis caro corriperat  
 „ viam suam." (1) Neque ille vir profecto ,  
 cui nullam non fidem habent in hoc genere lite-  
 ratum celeberrimi quique viri , hanc rerum con-  
 ditionem auxisse habendus est. Omnia enim om-  
 nium ejusdem temporis scriptorum et Germani-  
 corum et Graecorum testimonia , hac in re mi-  
 trifice conspirant. (2) Attendamus tantum Sa-  
 cerdotum et universi Cleri mores , quoad eos ex  
 antiquorum scriptis nobis cognoscere licet , ut  
 ex iis satis superque efficiamus , quid tandem de  
 ho-

(1) I. l. p. 634.

(2) Vid. Roberti I. l. Tom. II. p. 76. Quae autem Annae Comnenae Alexiados loca citavit , inveniuntur in editione , quae prodit Parisis , a. 1651. maxime pagina 286 seqq.

hominum moribus vulgo sit existimandum. Alanus, qui scripsit de barbaris illis temporibus, (sec. IX. verisimiliter vel X.) teste Robertsono, (1) hoc modo ironice disserit, de Clericorum inscitia: „Potius,” inquit, „dediti gulæ, quam glosse; potius colligunt libras, quam libros; lumbentius intuentur Martham, quam Marcum; malunt legere in Salmone, quam in Salomonem.” Ex quibus verbis, non magis eorum inscitia, quam et malitia et mores corrupti dilucide planeque nobis patere videntur. Guilielmus Tyrensis, postquam populi seculo XI. ejusque morum miseram descripsit conditionem, ita pergit: „Nec Clerus, a populo vita nobiliori differebat; sed, ut in Propheta legitur, sic ut populus, ita et Sacerdos. — Nam Episcopi negligentes facti erant, canes muti, non valentes latrare. Personarum acceptores, oleo peccatoris impinguantes capita sua, commissa ovilia, lupis venientibus, mercenariorum more deserebant.” (2) Atque haec hactenus.

(1) I. I. Tom. II. p. 58.

(2) I. I. p. 634.

## §. 5.

*Melior et cultus et morum conditio.*

Pessima autem illa, quamvis locum habuerint in Clero, tamen, quod quisque sponte assequitur, tanquam arcana, studiose abscondita sunt, quae populo credere nefas fuisset. — Quidquid est, sacra sua auctoritate, et Sacerdotes, et Clerici universe, maximam saepe et saluberrimam vim in hominum animos habere solebant, et multo majorem, quam Principes vel Reges. Illi enim, plerumque a juventute, religionis Christianae doctrina erudit*i*, quae, quamvis hominum perversitate et injuria, multum labis contraxisset, optimis tamen et sublimibus quibusque praecipientiis abundabat; hujus igitur monitis sanctissimis informati, licet non prorsus imbuti, scholarum umbra in vitae lucem progredientes, non poterant non miserrimam hominum conditionem, quodammodo certe, cordi habere, quo tempore omnis fere sensus humanus extinctus videbatur, et negligebatur naturae pariter atque hominum jus. Et revera hujus rei plus semel optima inveniuntur documenta. — Quum enim *liberi homines* feudi Dominorum impotentia eo adigerentur, ut, missa libertate, sese sponte in ser.

servitutem traderent, (1) semetipsos suaque bona lubenter Episcopis vel aliis Clericis commiserunt, ut apud eos malorum haberent refugium, eaque tutela utearentur, qua monasteriorum et Ecclesiae vasalli et servi gaudere solebant. (2) Quid? quod iidem illi, quum seculo XI. nullum jus haberetur, quam quod quisque ense sibi vel gladio conciliaret; quum omnes lites et dissidia armis dirimerentur, et quotidie caedes committerentur et devastationes gravissimae; quid? quod iidem illi, inquam, rerum, tam diu optatae, commutationi prospicerent, ratione huic temporis plane accommodata. Etenim Episcopus aliquis, gentis superstitione sagaciter usus, sibi per Angelum epistolam ex coelo missam esse perhibebat, quae omnes homines adhortaretur atque invitaret, ne diutius invicem sibi tam crudeliter inimici essent, verum arma deponerent, et placidam adeo, tranquillam quietamque vitam agerent. Quae res, quamquam per se maxime superstitionis, optimum tamen exspectatumque habuit eventum. Primum enim per omnem Aquitaniam, in quam Franciae regionem missa erat pacifica illa epistola, (1032) pax universa constituebatur, ibique integra servabatur per septem

an-

(1) Vid. hujus disp. p. 31.

(2) Vid. Roberts. l.l. Tom. II. p. 56.

annorum spatum. Nempe, foedere initio, constitutum est, ut nemo, neque per illud anni tempus, quod festis majoribus Ecclesiae celebrandis dicatum esset, nec per tres integros cuiusvis hebdomadis dies, inimicum suum armis peteret, aut hostilem in modum aggrediceretur. Hoc igitur foedus, deinceps per omnem Christianorum orbem et Regum et Pontificum auctoritate sanctum, propter inducias, quae ejus opportunitate factae sunt, tum vero etiam propter maximam jucundissimamque, quam tulit, rerum commutationem, et *Treuga* et *Pax Dei* nominari coeptum est. Etenim post habita (1034) concilia, „in „quibus” ut ait Glaberus, „pax universis in- „dicta est,” hujus foederis ope factum est, „ut nemo seditionem ageret, nullus per viam „(al. vim) raperet, nullus, ut solebat, quasi „propter justas querelas pugnam inire consi- „ueret” etc. (1) — Ita vero illi viri, aut humanitatis quodam sensu incitati, aut etiam re-

(1) Apud du Fresne, in *Glossario med. et infim. Latinitatis*, voce *Treuga*. Quem etiam vide de diversis *Treugae Dei* statutis diebus, ut et de vario modo ac tempore, quo a variis recepta fuerit populis Christianis. — Vocem origine Germanicam esse et *inducias*, *ferias belli*, ab otio armorum sic dictas, quasi *indotias*, significare putat Wachterus, *Gloss. Germanic.* eadem voce. Caeterum vid. Roberti. l.l. Tom. II. p. 131 seqq.

rerum augendarum cupidine ducti, et insontes recrearunt, et ferventes compescuerunt animos.

Veruntamen apud populum etiam non ubivis ita corruptos fuisse mores, neque tam parum cultum profecisse, ex dictis jam quodammodo patet, ac deinde docebit historia. Inferiores enim, de quibus diximus, Franciae partes, et superiores Italiae, eodem hoc tempore, uti libertate, ita et cultu et moribus, caeteris Occidentalis Europae regionibus multum excellebant. Quum enim omnis Europa inscitiae atque superstitionis erat veluti obducta caligine, ibi cultus et humanitatis oriebantur indicia; quae, cum optima et pro temporibus praeclarissima quaeque proferrent, mox per omnem Occidentem mirifice et increverunt et invaluerunt. Non tanta vero fuit Italiae, quanta Franciae hoc tempore vis in incolas Europae. „Itali quidem in consiliis circumspecti erant,” ut ait Jacobus Vitriacus, „in re sua publica procuranda diligentes et studiosi; sibi in posterum providentes; aliis subiicii renuentes; ante omnia libertatem sibi defendentes;” etc. (1) attamen cultus ille veluti Alpium montibus arcebatur a reliqua Europa, donec, post captam Constantinopolin, indies incrementa capiens, sensim etiam se in totam

ef.

(1) In opere: *Dei gesta*, etc. p. 1085,

eisfunderet Europam. Nunc vero animum ad Franciam advertamus ; quam, uti Romani coloniis suis frequentaverant, ita et participem reddiderant cultus, legum et morum suorum. Barbari vero, qui in illam regionem, magna cum strage, prouerant, omnia spernentes quaecunque Romanorum essent, penitus etiam omnem cultum, qui ibi obtinebat, subvertere studuerant. At semper occupati caedibus et rapinis, ardenti suo animi fervori jam quodammodo satisfecisse, et magnum cohortium numerum a tergo reliquise videntur, antequam ad ultimas hasce regiones pervenissent. Quo factum, ut, vel pauciores numero, vel animo certe sedatores eas sibi subjicerent regiones, ibique satis magnam antiquorum incolarum copiam relinquenter, qui, et sua jura quodammodo vindicare, et rei nauticae atque mercaturae operam dare possent. Urbs enim Massilia, quae, ab antiquissimo inde tempore, Graecis frequetata fuerat incolis, et Romanorum tempore artibus et literis erat insignis, nunquam plane intermissam cum Italos et orientalibus populis mercaturam egerat. Urbes quoque Provinciae et Languedociae mercaturae favebant, et libertatis fovebant studia; quibuscum, ut sponte intelligitur, insignem conjungebant cultus amorem. In Francicis enim Annaibus de Provinciae incolis memoriae proditum est, eos,

et

et vestitu, et armis, et vitae ratione, et moribus  
denique caeteris, in primis septentrionalibus,  
Franciae populis longe praestitisse. Atque in iis-  
dem finitimarum regionum incolae, jam circa an-  
num millesimum, homines dicuntur omni levita-  
te vanissimi et veste distorti (1)

In his autem regionibus, quid mirum, aut  
primum prodiisse, aut in primis sese informasse  
Equestrem rationem; ibique ita cultas fuisse tum  
musicam, tum vero poësin, ut ipsas Musas ibi se-  
dem suam collocasse jurares? Utraque enim res  
arcte fuit conjuncta. Nempe Equites illi ju-  
vencs erant nobiliores, qui, optimis studiis imbui-  
ti, priusquam in lucem prodirent atque in Eques-  
trem ordinem reciperentur, vota facere debe-  
bant, quibus solvendis, de patria, de religio-  
ne, de foeminiis, imo de semetipisis optime me-  
reri judicabantur. (2) Jam vero quum Equites  
creati et splendidis armis inuti essent, evola-  
bant fere, ut strenue officiis fungerentur. Quae  
quidem fortitudine nimiam saepius degeneravit in  
protervitatem; adeo ut fortes se praestandi et  
vota solvendi quascunque tandem quaererent et  
arriperent occasiones. Quod cum ita se haberet,  
Europæ tamen multum profuisse videntur. Pa-  
triae

(1) Vid. Heeren, l. l. p. 104. sqq.

(2) Vid. Herder, l. l. 269.

triae enim fortissimos se praebuerunt defensores; emendarunt justitiam, cum ipsi judices essent, et equestre nomen multo majori honore habetur, quam nomen regium; tum vero etiam, quippe cultiores, multo majori humanitatis sensu imbuti, nec minus summo honoris studio excitati, quam praeclarae virtutis amore, saepius beneficia praestare solebant miseris illis atque insontibus, quorum causam ab aliorum impotencia atque petulantia defenderent.

Ex quibus paucis, cum plura postea dicenda supersint, quisque jam quodammodo intelligit, Equites illos primos fere tenebras, quibus Europa oppresa jacebat, removisse, atque multum contulisse ad emendandam miseram hominum conditionem. (1)

Iudem illi fuere, qui poëseos quoddam genus, Romanticum ulgo dictum, tractare coeperunt. — Sospes enim Eques ab expeditione quadam reversus, vel foeminis placens, vel sui honoris studio satisfaciendi causa, suscepta, ita vocales impellere chordas solebat, ut, cum dulcibus sonis suum cantum conjungens, honorifica enarraret et celebraret facinora, a se ipso vel aliis perpetrata. Quo factum, ut, in Provincia in primis et Languedocia, omnium fere Comitum et Principi-

(1) Vid. Heeren, l. l. p. 179.

cipum palatia, musicae fierent atque poëseos receptacula. (1) Celeberrimi sunt Provinciales illi Musici atque Poëtae, (*Troubadours*) qui, vel in Comitum palatiis, fortes Equites laudibus celebrabant, vel per varias regiones errantes, omnium ad se advertebant animos, in quibus facile ejusdem generis studia vel excitarent vel magis etiam alerent. — Et haec quidem seculo undecimo.

Neque tantum in Francia, verum etiam in Hispania superiori, hoc invaluit Equestre institutum, atque cum eo conjuncta poëseos et musicae tractatio. Quam in rem, quantam Maurivm habuerint, non hujus loci est disquirere. Hoc tantum addamus, poësin illam Provinciallem, quae et Limosinia dicebatur, aequa in Aragonia, Valencia, et Barcelona floruisse, atque in inferioribus Franciae regionibus. (2)


Atque ita videmus, inde a disrupto Romanorum imperio, miseram universe Occidentis Europae fuisse conditionem. Hoc autem teneamus oportet, inde a fine seculi XI. melioris conditionis vel majora vel minora studia ubi vis fere apparuisse et invaluisse.

Haec

(1) Vid. Heeren, p. 105 nota.

(2) Vid. Herder, l. l. p. 265 sqq.

Haec igitur pro introitu sufficient. Plura , quae de hoc argumento dicenda supersunt , ad nostrum institutum , alio loco trademus . Haec autem pauca , qualiacunque sint , eo valeant , velim , ut nemo , postquam ea legerit , aut queratur se nihil nostra legendo profecisse , aut multis in causis perverse cognovisse Europae conditionem , usque ad finem seculi undecimi . Tum demum quodammodo præparati ipsam adibimus disputacionem.



PARS PRIMA.

QUAE FUIT SUB FINEM SECULI XI. GEN.  
TIUM EUROPAEARUM CONDITIO?

---

CAPUT I.

SACRA ERAT GENTIUM EUROPAEAE-  
RUM CONDITIO.

§. I.

*Religio Christiana.*

**Q**uum confederant gentes septentrionales in terris devictis, earumque animi, tanto furore agitati, quodammodo requieverant, iis continuo annuntiabatur religio Christiana. Cujus quamvis divina indoles multum jam eo tempore affecta erat hominum injuriis, haud minorem deinde jacturam fecit, talium barbarorum ope. Hoc enim, quod barbararum aut nondum magnopere cultarum gentium esse solet, ut rebus

bus externis delectentur admodum et moveantur, hauid dubito, quin novos etiam hos Europae incolas eo sponte adegerit, ut, non solum minus puram quam eam acceperant, conservarent religionem Christianam, verum magis etiam, neglecto paene interiore sensu, ad externam componerent speciem, et ritibus onerarent et caeremoniis. Quae res effecit, ut religio Christiana tandem in summam degeneraret superstitionem, et pluribus simul placitis imbueretur prorsus ab ea alienis.

Veruntamen longe praestabat Christiana haecce, quamvis corrupta, barbarae atque paganae religioni. Non tantum enim mirifice profuit gentibus Europaeis, quod illas excoleret atque ad sedatiorem vitae adduceret rationem; verum etiam, quod sacrum necteret vinculum, quo deinde, etiam in summa politica conturbatione, omnes continerentur. Cujus rei initia e nimia quadam religione repetenda videntur, cui incultissimi quique populi maxime obnoxii esse solent. Si verum enim est, quod nemo dubitat, prae ratione longe dominari in hominibus phantasiae vim, priusquam ad cultum quemdam pervenerint illi, quo explicare animi facultates iisque ad rite vivendi rationem uti didicerint, sequitur inde, eodem illo tempore earum etiam rerum dilectum haberi, quae maxime huic phantasiae satisfacere, et novas veluti vires addere possint. Jam vero, cum ad summi

Numinis aut metum aut reverentiam quandam naturam insita sit hominum animis proclivitas quaedam, quae facile eos ad Numen illud et agnoscendum adducit et colendum, non mirum cultum illum, nulla fere adhibita ratione, ad propriam hujus aetatis institutum esse phantasiae indolem. Cum vero phantasia quascunque res sibi congruas atque in deliciis habitas, mirifica sua vi, centies augere atque amplificare soleat, eundem etiam hunc summi Numinis cultum, quippe per se sacrum, ad tantam eamque superstitionis sanctitatem adigere solet, quantam rationis ope nunquam attigisset. Inde vis illa et auctoritas magna, quam in gentes parum exultas exercuit religio, adeo ut, superstitione ductae et coeca quadam opinione, ad eam omnia referrent. Tum enim aedificantur templa, non tam precantium aedes, quam ipsorum Deorum habitacula. Circumhabitare incipiunt homines, ut proprius adsint locis illis sacris, et tutius vivant sub tutela veluti Deorum. Sacerdotes, non tantum quippe populo cultiores, summo honore prosequuntur; sed sanctissimos eos habent viros, et, tanquam Deorum interpretes, humanam natum fere superantes, maximopere colendos. His igitur de causis accidit, ut, cum religionis ope primum conjuncti sint homines, diu etiam conjunctionis illud vinculum *sacrum* fuisse, ubivis fe-

fere videamus. Aetatem autem, qua haec studia in primis vigeant, *sacram* merito appellaveris. Ea fuit Graecorum aetas, qua religio, phantasia duce, ad poëseos sublimitatem rapiebatur; qua oracula bellum aut pacem vel suadebant vel dissuadebant; qua tota Respublica veluti ex ore pendebat Sacerdotis. Eadem etiam fuit Romanorum conditio, qua Numa Pompilius leges suas, populo saluberrimas, a Nympha tamen acceptas referre debebat, ut eoque majorem iis fidem conciliaret. Ut autem antiquae illae gentes, sic Germani quoque, primis temporibus, coeca quadam opinione, omnes res ad sacra vel Dei cultum pertinentes, anxia religione colebant et amplectebantur. Tum enim neque vincire nec verberare nisi Sacerdotibus permisum erat; imo quum Civilis cum Batavis suis de bello age-re vellet et pace, convocabat eos in *sacrum* nemus, epularum *sacrarum* specie. (1)

Ex quibus facile jam conficiatur, qui factum sit, ut tantam vim habuerint Pontifices non solum, verum universe etiam Clerici in eorum animos, qui, parum adhuc ab antiqua barbarie remoti, religionem acceperant Christianam. Qui enim illam propagabant, non tan-tum

(1) Tacitus, *de morib. German.* Cap. 7 et 9. cf. Lipsius, ad h. l.

tum Jesum praedicabant, hujus religionis conditorem, et omnipotentem coeli terraeque Dominum, verum etiam Episcopum Romanum, ipsius Jesu in terra veluti vicarium, summaque praeeditum in omnes Christianos potestate. Quo factum, ut universæ inter eos superstitione quaedam orioretur opinio, tum de ipsis Sacerdotibus et omnibus sanctis viris, tum vero maxime de Pontifice Romano, omnium sanctissimo et adeo divini Numinis instar habito ab omnibus. (1) Qui bus de causis quis est, qui jure miretur, quod, cum haec opinio per totam eset propagata Europam, una facile exstiterit medio aevo gentium Europæ Christianarum civitas, eaque sacra. Quod, quomodo perfectum sit, age videamus.

## §. 2.

*Hierarchia Romana.*

Quae ex parvis initiiis increverat Christianorum societas, certam ordinationem requirebat et administrationem. Crescente enim numero, cu-

ra

(1) Pontificem enim, ad indolem pristinae suae religionis, Druidæ fere loco habuisse videntur, a quo, quamdiu Pagani fuerant, plane se regi passi erant. Vid. Tacitus, Ann. XIV. 30.

ra gerenda erat conventuum, ut omnia rite peragerentur. Quae, cum maxime daretur hominibus, aut aetate, aut sanctitatis opinione excellentibus, hi, a munere, Episcopi dicti sunt. Aucto vero Christianorum numero, in primis multis gentilibus populis in Ecclesiam adscitis, operatus erat explicatione in praetextu Sacro Codice, ut etiam ab iis obscuriora intelligerentur. Quo factum, ut postea, in creandis Episcopis, in primis et doctrinae et sapientiae ratio habetur. Maximorum autem coetuum Episcopi sensim prae ceteris excellere coeperunt, adeo ut mox in Europa duo Principes essent in Ecclesia, Byzantinus et Romanus. Inter quos, cum magna illos ambitio vexaret atque aemulatio de summa in Ecclesia acquirenda potestate, vehementissimae lites, odia et bella, ita existiterunt, ut tandem Episcopus Romanus aemulum suum superaret; et Ecclesia, quae primis temporibus prorsus Democratiæ, postea vero Aristocratiae formam retulerat, plane tandem in Monarchiam degeneraret. Episcopus enim Romanus longius aberat ab imperatoria sede, atque ita liberius quam ipsius aemulus agere poterat. Urbs item Roma tanto honore habebatur, ut eam, una cum Episcoporum pompa, tum ipsi Romani, tum etiam gentes Germanicae, magis superstiosae quam Gracci cultiores, suspicerent et vene-

nérarentur. Excitavit quippe in ipsis Romanis  
increscens Episcoporum potestas reviviscentis  
quasi antiquae urbis gloriae exspectationem, qua,  
uti antea totius orbis terrarum, ita nunc Chris-  
tianorum societatis caput Roma esset futura.  
Nimirum, Episcopi suum imperium, magnam  
partem, superstruere potuerunt antiquae Romae  
ruderibus. Pontificis enim nomen jam spe-  
ciem praebebat pristinae potentiae; nomen vero  
Imperatoris mox ipsam illam revocaturum  
erat potestatem. Nam, quandiu Constantinopo-  
li et Episcopus habebatur et Imperator, Romae  
vero solus Episcopus, aequilibrium Orientem in-  
ter et Occidentem adesse poterat nullum. Hoc  
vero mox restitutum, Carolo M. Imperatore  
creato, Pontificibus praebuit praeter spiritualia,  
uti dicebantur, terrestria etiam arma. Carolus  
enim, qui ab ipso Pontifice imperatoriam acce-  
perat dignitatem, inde summam ei debebat obe-  
dientiam. Quam postea ita sibi vindicarunt Pontifi-  
ces, ut plurimi, qui secuti sunt, Imperatores ex  
eorum arbitrio veluti feudi dominorum pendérent.

Ita firma et auctoritatis et potestatis jac-  
ta fundamenta: ita Pontificum potentia, in  
populi nixa opinione, et spirituálibus armis  
et terrestribus satis fulta atque munita. Quod  
enim Imperatores armis perficiebant et militi-  
bus suis, huic praevalebant Pontifices anathe-

ma-

matibus, interdictionibus, similibusque instrumentis.

Ne vero de crescente et in dies paene invalescente Pontificum auctoritate iniquius judicemus. Lubenter concedimus, multos eorum saepius nimia ambitione et superbia ductos fuisse, imo summa nonnunquam contumacia res gessisse; at vel sicut tamen eos, barbaris illis temporibus, multum populis profuisse Europaeis, nemo facile negaverit. Qui enim in summa ista anarchia, quam in primis post Caroli M. mortem obtinuisse atque in dies increvisse supra exposuimus, moribus, justitiae et ordini prospicerent, illi profecto fuere; adeo quidem, ut eorum potissimum auctoritate et consilio factum sit, ut diversissimae etiam gentes sacro quodam continerentur vinculo, Hierachia nempe Romana. (1) Hac autem in re plurimum profecit Gregorius VII.

### §. 3.

#### Gregorius Septimus.

Considerantibus nobis et memoria repetentibus, eo pervenisse hominum improbitatem morumque perversitatem, ut, jam ante Gregorium, univer-

(1) Vid. Heeren, l. l. p. 60.

universa rerum commutatio necessaria visa es-  
set, (1) non opus est profecto, ut iterum  
ab illa parte miserrima exponatur Europæ  
**conditio.** Cujus rei causa cum maxime repe-  
tenda videretur e corrupto Clericorum statu, hinc  
etiam ordiendum esse, si quis hanc suscipere vel-  
let rerum commutationem, jam antea intellexe-  
rat **Henricus III.** et optima hunc in finem  
ceperat consilia. Et primum quidem Pontifices  
sibi submittere statuit, ut eorum vi atque auctori-  
tate pro arbitrio uti posset. Videns enim se, sine  
eorum ope et auxilio, non magnopere profec-  
turum, in Italianam magno cum exercitu venit,  
Romam adiit, ter Pontifices fugavit, tres in eo-  
rum locum suffecit; sed, quium omnes hujus rei  
eventum avide exspectabant, abripuit eum mors  
immatura.

Jam vero commutabantur omnia. Agnes enim  
vidua, quae marito successerat, rerum modera-  
mine non tantum aegre fungebatur, vixque tu-  
multuantes coercebatur Principes regni, donec fi-  
lius **Henricus IV.** rerum potiretur; verum  
Pontifices etiam per hoc temporis spatium sese  
reficere poterant, atque firmare suam potestatem,  
qua parte eam debiliorem esse putarent. Quo tem-  
pore vero **Henricus IV.** Imperator Romanus  
crea-

(1) Vid. Heeren, l. l. p. 64.

creabatur, juvenis ille atque imperitus, Pontifex erat Romae Gregorius, adultus in rebus Ecclesiae vir, neque minus sagacitate praeditus et caliditate, quam summa perseverantia constantiaque insignis. Miseram Europae conditionem prorsus sibi perspectam habebat; perceperat Henrici III. consilia; sua auctoritate uti sciebat; et, quoad ejus fieri posset, ipse Pontifex sibi perficere proposuit, quod Henricus III. sine Pontificum ope nunquam potuisset. (1) Duo igitur, quae exsequeretur, in primis haec sibi proposuisse videtur; alterum, ut Ecclesiam emendaret et mores corrigeret Cleri Romani; alterum vero, et hoc quidem magni momenti, ut omnes res politicas subjiceret Ecclesiae; quo Pontifex harum etiam summus esset Princeps et haberetur, ex quo, et Clerus, et Reges et Principes omnes prorsus penderent: ut summum adeo haberet in omnes Christianos imperium. (2) Hoc autem propositionum, si prorsus novum fuisse, cum multis fuisse conjunctum difficultibus; verum ad alterum jam tetenderat Henricus; in altero, ab antiquo inde tempore, multa Pontificium cura atque diligentia posita fuerat. Non novis igitur fundamen-

(1) Vid. Heeren, l. l. p. 64. cf. Planck, *Geschichte der Christ. Gesellschaftsverf.* Tom. IV. initio.

(2) Vid. Heeren, l. l. p. 71.

mentis opus erat , sed firmatis jam tempore altius tantummodo aedificium erat superstruendum. Et hac quidem in re , qua cooperit via **Gregorius**, variis suis et sagacissimis institutis , quaque superbia et perseverantia ea perfecerit , non hujus loci est uberius exponere. Eorum unum tantum attendamus , ut videamus , quantum valuerit hoc tempore Pontifex Romanus. (1)

Usu receptum erat , ut , quicunque muneribus fungerentur sive sacris seu civilibus , dominum agnoscerent Regem , in cuius terra habitabant. Ab hoc enim illa , solenni investitura , accepiebant , eique omnem debebant obedientiam ; non secus atque Domino vasalli ; quod genus servitutis hoc tempore unicum erat , idque feudale. Quod quamdiu locum obtinebat , res Ecclesiae non tantum cum politicis erant conjunctae , verum potius ex magna parte iis subjectae. Itaque illud mutare Pontifices debebant , siquidem Ecclesiam a Regum auctoritate sejungere , imo hanc ei prorsus subjicere vellent. Neque vero hoc fugit **Gregorium** ; qui , cum sibi , quippe Pontifici , totum Clerum subjectum existimaret , sibi item arrogandum esse putavit omne jus investiturae. Quocirca unumquemque vetuit munus alii  
quod

(1) De caeteris **Gregorii** institutis vid. **Heeren** , I. l. p. 66 sqq.

quod accipere , nisi a Pontifice Romano. Quod consilium , quamquam ipse non disertis adeo verbis significavit, peregit tamen paulo post Urbanus II. in concilio Claramontano. (1)

Principes universe , et in primis Imperatorem Germaniae , hoc et ejusdem generis plura aegre tulisse , unusquisque facile intelligit. Non enim solum hoc Pontificis instituto multis privabatur potentibusque vasallis ; verum magno etiam quaestu et lucro destituebatur , ex vendendis sacris muneribus faciendo. Ille igitur , cum non magnopere Pontificem sibi curandum esse putaret , talia admittere noluit consilia ; ea neglexit igitur , et , quo consueverat modo , perrexit. Quid mirum ? Nonne Imperator erat Romanus ? Nonne filius Henrici , qui , tanta cum laude , tres fugaverat Pontifices ? Quid igitur et ipsum impediret , quominus , si rerum exposceret conditio , Romam adiret , et , more patrio , ejiceret superbū illum Pontificem ? At non praevidebat imminens periculum. Gregorius enim iratus , quod Henricus IV. ita sese opponere auderet Ecclesiae institutis , primā quamque occasionem avide arripuit , qua , anathemate percussum , omni eum pri-

(2) Anno 1095. vid. Heeren , l. l. p. 68 nota , „ ne Episcopus vel Sacerdos Regi vel alicui laico in manus ligiam fidelitatem faciat . ”

privaret auctoritate. Quo facto, solus stabat Henricus seorsim ab omnibus amicis; qui, quamvis fortunam miserarentur, preces tamen fastidiebant, quippe piaculum habentes anathemate percussum, quod abhorrerent omnes. Necessestite igitur coactus adiit Gregorium; neque prius recuperavit pristinam auctoritatem, quam summo Pontifici obedientiam promiserat summam.

Haec autem omnia, si quid video, mirum quantopere valeant, ad propriam cognoscendam hujus temporis rationem, quippe quae, ut eam supra descripsimus, in primis hac in causa, *sacra* appareat. Ponamus, Europae conditio-  
nem prorsus aliam fuisse; ubivis adfuisse civi-  
tates rite constitutas et moderatas; cultum ita in-  
valuisse, ut homines quibusvis imbuti fuisserent libe-  
ralioribus studiis; ponamus, superbum illum Gre-  
gorium nostro vixisse tempore, eumque omnes  
nervos contendisse, ut eadem illa perficeret, quae  
sec. XI. perfecit, consilia; vehementer dubito,  
an tantum profecisset, ut regem, vel gravissi-  
mo percussum anathemate, ita supplicem genibus  
suis advolutum videret, ut vidit Henricum IV.  
Scilicet, est nostro tempore plane *politica* gentium  
conditio, quae Gregorii maxime tempore prori-  
us *sacra* erat. Nam *sacra* erat ipsa temporis ratio,  
quae nullum fere nisi sacrum admitteret regimen;

et

et omne politicum negligeret paene atque averteret, nisi arcte cum religione conjunctum esset vel potius ei subjectum. Exemplum praebent Henrici III. consilia; qui, cum videret se sine Pontificum et religionis ope nihil profecturum, illos sibi submittere vel conciliare studuit, ne frustra apud populum perseveraret, in optimis exsequendis propositis: exemplo sit et ipse Henricus IV. quo res extra dubitationem posita esse videatur.

Gregorius igitur cum tenderet ad summum orbis Christiani imperium, factum est illius in primis institutis, ut *una civitas* oriretur eaque *sacra*; cuius summus esset Princeps Episcopus Romanus, cuiusque magistratus haberentur Episcopi et Reges; cives vero omnes Christiani: verbo ut *Hierarchia Romana*, veluti communii vinculo, omnes Europae gentes continerentur. Collapso enim Romanorum imperio, disruptum fuerat vinculum politicum, quo conjunctae fuerant plurimae gentes orbis terrarum. Requirebatur igitur novum quid, quo veluti reviviscerent gentes atque denuo consociarentur. Hoc praebuit societas Christiana, se juncta illa a civili societate, suis legibus, suis institutis, suis magistratibus; quaeque aucta atque amplificata, Gregorio maxime auctore, late patuit, atque dominata est per totam fere Europam. Nor-

man-

manni enim Italiae inferiorem partem et Siciliam a Pontifice in feudum acceperant: Hungria et Hispania publice adscribebantur legitimis Pontificum possessionibus: Imperator Germaniae summam iis debebat obedientiam: Philippus, Franciae Rex, anathemate erat petitus: Demetrius a Pontifice Russorum regnum veluti dono acceperat: imo vero ad remotissimas Europae partes misit suas **Gregorius** epistolas. (1)

Europa igitur quamquam in permultas partes erat divisa, in primis cum, collabefactato regimine feudali, tot extitissent diversae regiones, quot habebantur Principes, qui, summa gaudentes anarchia, nulla politica neque agnoscebant vincula neque admittebant; omnem tamen Europam Christiani tenebant, qui omnes, aequi servi atque Domini, unum eundumque adorabant Deum, itemque omnes fere Pontificem habebant ipsius Iesu in terra vicarium. Ita demum civitas illa oriri potuit atque vigere; quippe quae, non unius hominis vel prudentia vel sagacitate, sed universa temporis ratione niteretur. Erat igitur sacra gentium Europa earum conditio; sacra erat, qua vivebant, aetas. (2)

(1) Vid. Heeren, l. l. p. 73.

(2) Ibid. p. 75.

## C A P U T II.

ERAT AETAS HEROICA GENTIUM EUROPAEARUM.

---

S. 1.

### *Heroica gentium aetas.*

Evolventibus nobis et perlegendibus historicorum scripta, ubivis occurrit eadem fere ratio eademque norma, ad quam diversae gentes compositae sunt quamque fuerunt secutae. A parvis nempe initiis exortae indies crescunt, incrementa capiunt et maturescunt, donec ad maturitatem quaeque suam perveniant. A qua tamen ubi semel recedere cooperint, ita saepius decrescunt et evanescunt, ut vix earum nomen posteritatis memoria teneatur. Quae ratio non magis singularum gentium, quam unius cuiusque hominis esse solet. Ut enim in hoc qua-

F

tuor

tuor habentur aetates , pueritia , juventus , aetas virilis et senectus ; eadem hae , iisdem affectibus et proprietatibus conspicuae et insignes , in tota etiam gente , observantur et dignoscuntur . Nos autem aetatem *juvenilem* tantum contemplemur , ne , de caeteris agendo , longius aberret oratio nostra .

Relinquit *jūvenis* et aversatur puerorum oblectamenta ; puerilia omnino studia , veluti crepundia , abjicit . Altiora spectat et meliora nugis istis , quibus anteā fuerat oblectatus . Exserere gestit , quacunque opportunitate , quas habeat animi facultates ; quibus aequi ac corporis viribus uti cupit , ut sui amori et fervido jam honoris studio satisfaciat atque indulget . Hic est juvenilis ille vigor , qui , rationis ductu , optima quaeque et honestissima cum avide solet arripere , tum persequi studiosissime ; qui vero , sibi ipse relictus et phantasiae vi correptus , saepius in extrema quaque effrenate proruit , et peragit inconsulte , quae postea ipsum admisisse poenitet atque pudet . Etenim temeritas *juvenum* est , gravitas jami constantis aetatis ; quae temeritas nec consilio prorsus frenari potest , neque oratione compri- mi ; sed progressu solum aetatis sensim sensimque minui , ut tandem frustra quaeratur . Hujusmodi autem aetatis , quomagis quis attenderit , eo plu-

plura indicia videbit in historia cuiusvis gentis. Aetas illa *heroica* dici haberique meretur, cuius fortissima et praeclarissima quaeque suscepta et gesta facinora, posteri; vel suspiciunt propter magnitudinem, vel despiciunt propter insaniam et intempestivum, quem referunt, ardorem. Honoris enim studium, quod inculta gentium aetate, quam *puerilem* merito dixeris, veluti consopierat, jam temporis progressu et cultus ope plane excitatur et exardescit. Nescio quarum rerum cupiditate inflammati, rapiuntur homines ad omnes illas tes, quibus animi quandam vacuitatem explere cupiunt. Quamvis domi maneant, non haerent in suis sedibus; sed volucri semper spe et cogitatione rapiuntur a domo longius; atque, cuncti manent corpore, animo tamen excurrunt et vagantur. (i)

Quid mirum autem, ubi talia videntur, tales primo quoque tempore adparere temporis rationem; millennos arma capere, ut vel suam agant causam, vel Principis cuiusdam, quo duce, animis et viribus conjunctis, victorias reportent? Inde repetendum, quod tota fere Graecia conveniret in Menelai auxilium: ea fuit causa Normannorum expeditionum, quibus toties concussa fuit Europa: idem denique fuit juvenilis

vi.

(i) Verba Ciceronis. de Rep. Lib. II: cap 4.

vigor et excitatus heroicus sensus, quo Europa, per duo fere secula, similitudinem quandam gessit speciemque maris aestuantis. (1) An vero haec de gentibus Europaeis, sub finem seculi XI. vera dicta sint nec ne, mox videbimus.

### §. 2.

*Pugnandi ardor universe observandus in gentibus Europaeis, maxime ante bella sacra.*

Quovis in Europam oculos conjiciamus, usque ad finem sec. XI. ubivis fere jurgia offendimus, lites, odia ex iisque orta bella gravissima. Per omne enim, quod oratione percurrimus, temporis spatium, vidimus Europam, aut internis discordiis, aut bellis externis vexatam. Erat enim armorum studium omnibus Germanicarum gentium animis insitum; cui ut obsequerentur, nisi externam invenirent occasionem, internam avide arripiebant. Si quis enim ignaviter arma ferebat, summo se, propter omnium contemtum, subjeciebat odio. Mittimus Ossiani carmina, in quibus prorsus nobis adparent haec Germanorum indoles, hi affectus; ita vero, ut mutuantur, et ne voce quidem, ducis opus sit,

ut

(1) Vid. Heeren, l. l. p. 5.

ut omnes ad arma concitentur, fortiter pugnant et, vix recedentes, fere semper victoriam reportent. Attendamus tantum regiminis feudalis indelem, siquidem ex regiminis ratione de populi indole judicare liceat, et videbimus eam, qualem in Introitu exposuimus, pro tempore, plane fuisse militarem. Tum vero internis etiam, quibus Europa agitabatur dissidiis et bellis externis, maxime alebatur illud studium, vel denuo excitabatur. Neque minus eo valuisse videntur Caroli M. res gestae. Qui, cum judicare difficile sit, utrum in eo virtus bellica an felicitas major fuerit, magnam sibi facile Europae partem armis vindicando, iis amplissimum monstraverat bellandi campum, qui ipsum ducem erant secuti. Hanc ob causam ipsius nomine conjuncti sunt, quamdiu alere et simul moderari potuit insanum hunc ardorem. Illius enim ductu Lombardorum sedaverant seditiones: fugaverant Mauros trans Pyrenaeos: repulerant saepius Normannos Europam lacesitantibus: in pluribus igitur Europae tractibus bella gesserant, in plurimis item victorias retulerant ab hostibus. Jam vero moritur C a r o l u s. Stant Germani, strictis gladiis: quaerunt ducem, Carolo fortitudine parem; adparet nemo. Quid mirum, eos tum, ferventibus etiamnunc animis, a se invicem discessisse; ita vero discessisse, ut max unius alterum aggredieretur, et

pug-

pugnando et belligerando expleret animi cupiditates?

Quae deinde in Francia obtinuit anarchia, plurimas praebuit pugnandi opportunitates; cum Principes regni, augendae potestatis cupidine et bellandi ardore excitati, alii aliorum incursarent et spoliarent possessiones; oppugnarent domos, tamquam castella vel arces satis munitas, et ita saepius omnino gravissima invicem agerent bella. Nihil enim erat, quod mentes in alias abduceret partes.

In Hispania vero semper occupati erant Christiani bellis contra Mauros gerendis. Etenim hostes illos habebant, quippe infideles, infestissimos. Verum non tantum illos aggrediebantur, ut regiones ab illis occupatas iterum sibi vindicarent; sed etiam, ut illos, quippe religionis hostes, strenue impugnarent; (1) id, quod paulo post, omnem concitavit Europam. Nec minus Germaniae Imperatorum expeditiones, ad bellorum sacrorum usque tempora, fere semper tenuerant Germanorum animos. Uberimas praebuerant bella gerendi opportunitates non minus Normanni, quam Sclavonici populi et Itali. Imperatorum enim consiliis superiorem Italiae partem sibi subjiciendi, permulta copiae eo traductae fuerunt.

(1) Vid. Hegren, l. I, p. 94 et 164.

fuerant, ibique r̄es egerant praeclaras. Nunquam intermissae discordiae, ex iisque orta bella Henricum III. inter et Pontifices Romanos, fere totam commoverant Germaniam; ita ut plurimi militaria praestare potuisserent officia. Alebatur igitur omnibus hisce rebus Germanorum bellandi ardor; nec internis opus erat discordiis atque bellis, quamdiu tales expeditiones suscipiebantur, quibus omnes, Imperatores ducēs secuti, fortiter pugnando, sibi animique sui fervori poterant satisfacere. Mox autem, ubi defecit Imperatoris fortitudo, ubi foemina rerum adiit moderamen, nec magna suscipiebantur et peragebantur, defecerunt item Germani, et, invicem excitatis bellis, omnia conturbare coeperunt, cum rapacissimus quisque haberetur glorioſissimus.

Ac praeterea, barbarum illud *jus*, quod *pugni* aut *vindictae privatae* dicebatur, quantum hoc valuerit ad homines ad pugnas excitandos, et morum augendam licentiam, nemo est, quin facile intelligat. Hoc enim omnium maxime inserviit ferocitati et insanae pecculantiae, omnesque regiones horrendis implevit facinoribus. Nam statim atque illud *jus*, ab antiquissimo inde aevo Germanis more receptum, his etiam temporibus ab omnibus exerceri coeptum est, facile cuique via inventa est, qua ad quod-

vis horrendum facinus, sub recti specie, adducatur. Etenim, si quis se aut cognatos suos ab alio quodam injuria laefos, aut contumelia offensos putabat, se suosque armis ulcisci cuivis licere rebatur. Quo saepius factum, ut plurimi, non solum justitiam et aequitatem collendi servandique, nec injurias propulsandi causa, sed etiam propter avaritiam, et opes et honores consequendi cupiditatem, pugnas inirent creberimas et crudelissima facerent bella. Cum enim fortissimus quisque in pugna, justissimus item haberetur aut suae aut aliorum causae vindex, jus semper stabat a parte fortioris. Quocirca sane non mirandum, in tali rerum conturbatione, ut maxime quisque viribus et fortitudine valeret, ita eum saepissime hoc jure abusum fuisse ad opes et potentiam augendam. (1)

Est

(1) Vid. omnino hac de re Roberti. l. l. Tom. II. p. 121. sqq. Haec autem pauca Wachteri digna sunt quae h. l. adjiciamus. „ *Faust-recht, jus vindictae pri- vatae*, quod apud veteres Germanos cuivis laefo com- petebat, ab armis naturalibus sic dictum, quasi jus „ primaeyum et cum ipso pugno natum. Quae fuerint „ judicis partes in hoc Germaniae statu, prodidit „ Tacitus, cap. XII. et XXI. et M. Quintilius „ Varus, qui alia jura Germanos docere voluit, atro- cissimas conatus sui poenas dedit, memorante Velle- „ jo, Lib. II. cap. 117. Nihil hic mutatum est in le- „ gl.

Est igitur, uti diximus, bellandi studium in Germanicis populis, maxime ad seculum XII: ubi vis conspicuum, quippe excitatum hoc tempore et auctum diversis rebus externis. At non hoc tantum, verum ardor etiam aliquis sive animi fervor, qui non unice bellorum studio cernitur, sed ad quaecunque facinora paratus esse solet perpetrandam, sive bona sint seu mala. Namque inculti erant etiam nunc Germani et moribus corruptis, adeo ut non ponderarent, utrum honestius quidam turpius, vel quo animo, eset perpetratum.

Bellandi autem virtus major adparet et generosior in Normannis. Terra relicta paterna, in omnes partes discurrere cooperant atque vagari, ut, nescio qua cupiditate inflammati, novas subigerent regiones in iisque sua conderent regna. Veruna a victoria nihil cessarunt. Primum enim Normannia a Franciac Regibus dono accepta, progressi sunt in Italiam et Siciliam. Hisce subjectis regionibus, cursum tenuerunt in Angliam; ubi, itidem regno condito, vix a novis abstinentes expeditionibus, alia exspectabant et majora

fi-

„ gibus antiquis quamvis serius exaratis; imo ne Christiana quidem religio tanti radices mali excindere potuit, nisi longo intervallo.” — Quod, ut plures per *Traugam Dei* efficere conati sint, supra vidimus,

sibi peragenda. Quarum rerum studium et ardor nusquam ita vigebat hoc tempore, ut in Normannis. Major autem erat Regum potestas, quam quod regni potentiores, ea abusi, uti in Francia fiebat et Germania, res conturbare potuerunt continuis invicem excursionibus. (1) Imo, integra eorum vita et boni severique mores pessima illa avertabant, quibus caeteras Germanicas gentes summopere vexatas fuisse exposuimus. Nihil iis susceptu arduum videbatur; quin et ipsas expeditiones sacras continuo opportunitatem sibi duxerunt, qua, evertendi Orientis imperium expugnandique Constantinopolin, consilium exsequentur, jam diu ante agitatum. (2)

Talis igitur animi fervor cum universo in omnibus observetur gentibus Europaeis, non poterat non in cultioribus multo generosior adparere humaniorque, quam in minus cultis hominibus. In iis enim regionibus, ubi cultus quodammodo invaluerat, major humanitatis sensus existiterat, et meliora excitata erant studia. Est enim ratio Equestris, in qua eosdem videmus affectus eundemque animi fervorem, de quibus supra exposuimus; verum omnia illa magis generosa, humana et ad veram etiam virtutem magis adaptata. Quae quidem ratio singulatim nobis memoranda videtur.

§. 3.

(1) Vid. Roberti l. l. Tom. II. p. 141 sq.

(2) Vid. Heeren, l. l. p. 91, cf. p. 106.

## §. 3.

*Equestris ratio.*

Quod modo diximus pugnandi bellandique studium, hoc e vigore quodam repetendum est atque animi ardore, quibus homines agitati quiescere vix posunt, sed semper se occupatos gestiunt iis negotiis, quibus animi illi appetitus voluptate afficiantur atque alantur. Talia veroрудum hominum cum bella esse soleant, caedes et devastationes ita cultiores non tantum abhorrent ab iis, quippe meliora quaeque sectantes, verum etiam se iis opponere student, ipsoque malo amoto, meliora in ejus locum proferre. Hoc fecerunt Equites, e cultioribus Europae regionibus oriundi. (1) Nobiliores enim juvenes ad septimum annum a matribus educati, inde ad vigesimum primum, aliis Equitibus in disciplinam tradebantur. Ibi armis uti, equis insidere, eosque vel ferocissimos frenare discebant; invicem se adibant, decertabant, pugnabant: cedebant alii victi, victores alii proclamabant: donec omnibus iis, quae ad institutionem pertinenterent, rebus informati atque eruditi, ipsi illi juvenes Equites crearentur. Verum priusquam abi-

(1) Vid. Heeren, l. l. p. 103.

abirent, jusjurandum iis praestandum erat ad altare gravissimum: se justitiam vindicaturos, infimos propugnaturos, alterum maxime sexum adjuturos, atque religionis et honoris sui causam semper tuituros. Quo facto, avolabant Equites, fulgentibus armis induti ferocique equo insidentes, ut laeti vota solverent. Illi enim, exculti in Equitum palatiis, ubi magis minusve literis et poësi opera dabatur, non poterant non, justitiam vindicando, legibus succurrere, eo tempore veluti sopitis. Humaniore sensu imbuti, diversis excitato disciplinis et artibus, sponte miserrimam dolebant vulgi conditionem. Quid mirum, generosos illos juvenes, Germanorum nomine dignos, in illos ira inflammatos esse, qui, vel turpi cupidine capti, vel pecuniae facienda causa, virgines violarent, vel mulierum offenderent existimationem, tanti jam eo tempore habitam, quo Germani summae etiamnunc inserviebant barbariae? (1) Nonne lubenter religionis causam vindicarent, cum nobiles essent cives sacrae civitatis? Et qui tandem recusaret Eques sui honoris causam tueri, cum juvenis esset, et juvenis adeo Germanicus? Verbo, tantis incitantis, cum fortitudinem mirifice auctam esse, tum

vc-

(2) Vid. Tacitus, *de morib. Germ.* c. 7. „Inesse „(foeminis) sanctum aliquid et providum putant.“

vero etiam saepius in protervitatem abiisse, quis est, quin, perspecto juvenili animo, et credat et ignoscat simul? Accedit magna phantasiae vis, quae plurimum valere solet, ea in primis aetate, quae media est summam barbariem inter et cultum, quoque Germanicae gentes eo tempore erant. (1) Alterius igitur sexus, justitiae, religionis, et sui honoris quoque tuendi studium et vindicandi, hujus phantasiae ope, in fanaticum fere abiit ardorem. Quid vero, tam inexplicibili rapti honoris cupiditate, ut huic indulgerent, intentatum relinquerent Equites, quidve intactum, ut placerent foeminis, tanti a se existimatis? Quin, millies mortem oppetere maluisserent, quam semel displicuisse amatae. (2)

Ita videmus Equites jurejurando non tantum adactos, verum ipsius etiam animi impulsu incitatos et inflammatos phantasiae vi, maxima illa et praeclarissima quaeque, de quibus tot in historia narrantur, et suscepisse et peregisse.

Ve-

(1) Vid. Heeren, l. l. p. 100.

(2) Vid. Heeren, l. l. p. 180. sqq. Pauca hac de re omnino lectu digna sunt Rhynvis Feithii, *Inleiding tot eene briefwisseling over het minnedicht, 4de Brief.* In primis, praeter quos citant Heeren et Feith, conferri potest Joinville, *Hist. de Saint Louis;* e quo maxime patet Equestris illa ratio: apud Petitot, l. l. Tom. II. Tum vero etiam *dissertationes* de hoc argumento, in ejusdem operis Tom. III.

Verum haec omnia, (ut tandem eo redeamus  
unde sumus egressi) quae his de Equitum et uni-  
verse de gentium Europaearum studiis disputavi-  
imus, ad quamnam referenda sunt gentium aeta-  
tem? Num propria sunt primae illi atque barba-  
rae conditioni, qua torpent homines infantium  
instar, et nullis rebus, quam quae sensus per-  
quam afficiant, moventur? An vero tale quid  
quaeras in gentibus, jam cultu valentibus, et  
gaudentibus summo politico vigore? At frustra  
quaereres, et talia excitare conareris, qualia  
sponte orta vidimus in Europae hujus temporis  
gentibus. „Idem enim de Christianis seculi XI. in  
„finem vergentis valet, quod de homine adoles-  
„centulo affirmaveris; qui, postquam ex pueris  
„excessit, sublata corporis et animi infirmitate,  
„in eam incidit aetatem juvenilem, quae petulan-  
„tia, ferocia et temeritate est insignis; atque non  
„dum pervenit ad eam morum gravitatem, quae  
„est constantis aetatis.” (1)

Erat igitur gentium Europaearum ae-  
tas juvenilis, aetas heroica, (2) quae,  
uti apud Graecos Achilles protulit, Dio-  
medes, Ulysses, ita apud Christianos vi-  
dit

(1) Quae verba cl. Regenb. lubenter h. l. nostra  
facimus, *de bello sacro*, p. 53.

(2) Vide Heeren, l. l. p. 8 et 102.

dit Tancredos, Raymundos, Bohemundos; omnes quidem juvenili ardore flagrantes, et belli duces fortissimos; singulos vero pro singulorum temporum ratione. Etenim eadem illa Europaeorum (sec. XI.) aetas heroica erat Christianorum aetas sacra; qua omnes, et infimi servi, et nobilissimi Equites cives erant unius sacrae civitatis, eodemque sacro vinculo conjuncti.

Haec autem pro viribus disputata sponte nos ad secundam quaestione partem pertractandam adducere videntur.



## P A R S   S E C U N D A.

QUID CAUSAE FUISSE VIDETUR, UT BELLA,  
EO TEMPORE, SUSCIPERENTUR SACRA?

---

### C A P U T   I.

#### C A U S A   P R I M A R I A.

*Repetenda illa ex heroïca et simul sacra  
gentium Europaearum conditione.*

Vidimus in Occidentalis Europae gentibus animi quendam fervorem et heroicum ardorem, pro diversa hominum conditione, ad diversas res fere applicantem. Gauidebant alii caedibus et devastationibus, nec aequi nec justi habentes rationem. Vindicabant alii justitiam, vel tuebantur insontes, omniaque, majore ihumanitatis sensu ducti, et suscipiebant et peragebant. Omnes enim, sua quique ratione, summo aut pugnandi et bella gerendi, aut magna facinora per-

petrandi, ut sibi suique animi satisfacerent cupiditatibus, vehementi studio ardebant. Verum, si Mauros in Hispania excipias, nihil fere aderat extra patriam, quo gentes sese verterent. Normanni enim, contra quos toties armis fuerant usi, quamvis aegre ferocitatem suam frenantes, tamen a piraticis expeditionibus abstinere coepabant. Hungri, quos saepe debellaverant, jam ad sedatiorem se adaptabant vitae conditionem. Expeditiones in Italiam post Henrici III. mortem, magnam partem cesaverant. Supererant igitur tantum Sclavonici populi; verum quicquid Henrico IV. tribuas aut Francorum hujus temporis Regibus, magnos illos belli duces se prodidisse, haud facile dixeris. Et tamen aderat, ut supra vidimus, ardens Normannorum, Francorum et Germanorum, pugnandi bellandique studium, quod, apud hos maxime diu altum atque sustentatum jure vindictae privatae, cum, illo jure per Treugam Dei multum imminuto, paulo arctioribus coerceretur limitibus, facile tamen, data opportunitate, iterum excitari, erigi et novis veluti viribus instructum produci posset.

Nec minus flagrabant Equites rerum gerendarum ardore. Quibus, quamvis ipsa patria multa praeberet peragenda, tamen alia, nova, meliora placebant et arridebant. Ardet enim juvenilis ani-

mus novarum rerum visendarum cupidine, nec potest quiescere, sed cogitatione vagatur per alias terrae tractus aliasque regiones, quas paternis facile meliores fingit et praestantiores. Vota fecerat juvenis Eques, quae magno solvenda erant studio. Justitiam vindicare, miseris succurrere, foeminas tueri, suum honorem uti et religionem defendere, haec in votis, in deliciis item habebat. Quid mirum adeo, illos proximam quamque arripuisse occasionem, qua haec omnia persequi possent?

Verum accedit aliud, quod nobis minime negligendum est. Germani, Franci, Normanni etiam, omnes summa flagrantes rerum gerendarum cupiditate, ut et nobilissimi inter eos Equites, juvenili ardore agitati, omnes, inquam, quamquam genere et indole maxime diversi, tamen erant Christiani, cives utique unius ejusdemque sacrae civitatis, qua eo tempore continebantur omnes. Omnes contra infideles, et maxime quidem Muhamedani, hostes hujus civitatis habebantur infestissimi; a quibus ejus causam strenue defendere omnium erat Christianorum officium. Prima igitur occasione omnes communem hancce causam peragere aggressi sunt. Fortissimi quique Christiani, tanquam boni cives, arma ceperunt, pro religione quasi pro re publica pugnarunt, et causam adeo defenderunt civitatis suae in summo ver.

versantis periculo. Insimil quidem, ut rerum sacrarum coeca superstitione penitus imbuti ductaque, ita nescio quo maxime consilio religionis causam tam strenue in se susciperent; alii vero iisque nobiliores, ut animi cupiditatibus indulgerent pugnando et bellis gerendis; ut vota solverent alii, et, fortis se praestando, honoris praemia reportarent cum terrestria, tum vero etiam coelestia. Alii alia consilia agitabant; ita tamen ut omnia ex heroica et sacra gentium Europaeorum conditione unice repetenda videantur. Res enim arcte sunt inter se conjunctae, tinaque ab altera disjungi vix potest, si propriam quaeramus causam bellorum sacrorum. Fac enim, omnes Europae gentes fortissimas, et honoris, et belligrandi, et magna perpetrandi facinora summo studio fuisse ductas; qui tandem explicare posses, cur omnes in Palaestinam sese converterint, atque ibi tam strenue se gesserint, post tot tantasque itineris difficultates? Quid quaeso eorum interfuisset utrum *sacrum* esset sepulchrum, nec ne? Sin vero causam solummodo e sacra conditione et superstitione gentium indole repertere velis, ni fallor, multa item restabunt explicati difficiliora. Etenim, si non animus fuisset abundandi, nec ardor Christianis arma capiendi et fortium militum instar pugnandi, imo mortem subeundi religionis causa, dubito, an tantus


numerus Equitum et principum virorum proruisset, si vel sexcentas habuisset Urbanus orationes. Nos igitur, summo Heereno duce, lubenter contendimus, primariam bellorum sacrorum causam positam esse in exercitato heroico sensu, et sacra gentium Europaearum conditione. (1)

(1) I. I. p. 8.

C A

## C A P U T II.

### O P P O R T U N I T A T E S.



#### § I.

*Capta a Turcis Hierosolyma primam dedit  
expeditionum sacrarum opportunitatem.*

*Itinera sacra.*

Uti liberis grata solet esse parentum recordatio, et dulcis sepulchri adspectus, quo, quod olim carissimum ipsis erat, continetur: uti hominibus natura proprium est, interiore quodam affectu, et magna cum reverentia, eos visere et adspicere locos, qui celebres sunt, et rerum gestarum memoria nobilitati; ita Christiani, superstитioso quodam ardore, et magna cum veneratione, terram adire solebant, „ quam humani generis Redemptor suo illustraverat ad- „ ven-

„ventu, decoraverat conversatione, sacraverat  
 „passione, morte redemerat, sepultura insig-  
 „niverat.” (1) Ad hunc locum et preces  
 fundere et vota solvere Christianis tanti habe-  
 batur momenti, ut omnium inservire crederetur  
 peccatorum redemptioni. Inde repetendum, quod  
 Hierosolyma, sacra illa urbs omniumque Chris-  
 tianorum veluti Metropolis, a longo inde tem-  
 pore, a tot frequentata fuerat sacris itineratoribus,  
 quibus, Califorum tutela usis, ibi summam exer-  
 cendi religionem concedebatur facultas. Acces-  
 sit sacras reliquias colligendi et poscidendi stu-  
 dium; quibus, superstitiosa quadam opinione,  
 singularem non tantum et divinam adeo vim ad-  
 scribebant, verum etiam, quippe rebus sum-  
 ma sanctitate imbutis, et rerum magnarum  
 memoriam conservantibus, mirifice delectaban-  
 tur.

Auctus est maximopere peregrinatorum hic  
 numerus sub finem seculi decimi, et undecimi  
 initio. Rumores enim, qui illo tempore, de  
 adventante mundi termino, per totam Ecclesiam  
 Romanam propagabantur, effecerunt, ut mul-  
 ti, aut malefactorum conscientia agitati, aut  
 nimia ducti religione, possessionibus suis et fa-  
 mi-

(1) Verba Urbani II. apud Robertum in opere:  
*Dei gesta per Francos*, p. 32.

miliis valedicerent, et primo quoque tempore Palaestinam adirent, ut ibi Salvatoris mundi redditum exspectarent. (1) Verum in Oriente obtinuerat rerum conversio. Turcæ enim, ex Asiae superioris partibus proruentes, divictis Saracenis, Syriam sibi subjecerant et simul quoque sacram Christianorum terram. Hi, proorsus barbarorum more agentes, vexabant Christianos variis modis, iisque denegabant adeo sacrorum faciendorum libertatem, lubenter iis antea a Saracenis concessam. Quod cum aegre ferrent Christiani, eo tempore in Palaestina frequentissimi, permulti in patriam suam redierunt, et ubivis conquesti sunt vim, contumelias et injurias, ipsis, et fratribus suis, et locis item sanctitate inclytis, allatas. „ Videbamus aliquando „ cives ipsius Jerusalæm, „ ait Baldricus, „ inter nos mendicos et exiles. Videbamus in „ digenas Antiochiae, casum locorum sancto- „ rum deplorantes, sibique pauperatis supplici- „ ter stipem publicam implorantes.” (2)

(1) Vid. Robert s.l. l. Tom. I. p. 45. Tom. II. p. 66.

(2) In opere: *Dei gesta per Francos*, p. 86. cf. *Guiliel. Tyrensis*, ejusdem operis p. 636.

§. 2.

Petrus *Eremita*.

In hac rerum conditione, inter eos, qui religionis causa ad loca accedebant venerabilia Petrus aliquis, *Eremita cognominatus*, (Sacerdotem illum dicit *G u i l i e l m u s T y r e n s i s* (1)). Hierosolymam venit. Qui, cum afflictam fratum videret conditionem, mox secum deliberauit et consilium cepit, quo potissimum modo iis afferretur auxilium. Itaque rediit in Europam, ubi, auctoritate munitus Pontificis Urbanii II. sollicitavit quoscunque sibi obvios haberet; iisque persuasit, ut fratres in Oriente adjuvarent, et sacra loca in fidelium redigerent protestatem. Quod ita quidem perfecit, ut permulti, eodem quo ipse incensi ardore, mox parati essent ad sacram expeditionem suscipiendam. Verum non desit Urbanus, tali veluti praecursore praemisso, sua auctoritate haec omnia fancire, et magis etiam erigere et excitare, a Petro jam preparatos, hominum animos. Itaque post Placentiae habitum, omnibus iterum ad Claramontanum convocatis concilium, sur-

te-

(1) In opere: *Dei gesta etc.* p. 637.

rexit Urbanus; et, coram innumerabili hominum multitudine, habita sub dio oratione, tantum valuit et dicendi gravitate, et argumenti suavitate, ut omnes, veluti uno animo agitati, „ Deum idem velle,” exclamarent: et, cruce in humerum suscepta, (lintea scilicet aut lanea, unde *Cruce-signati* dicti sunt,) Ecclesiae causam ab hostium vindicare injuriis aggredierentur. Quae fama increbuit per omnes regiones; adeo ut paulo post, per totam fere Europam, nihil aliud cogitarent homines, nisi crucem et sacrum sepulchrum. Tantus increvit fanaticus ille ardor, „ ut pauperes quosdam videres,” ut ait *Guibertus Abbas*, „ bobus biroto applicitis, iis demque in modum equorum ferratis, substantiolas cum parvulis in carruca convehere; et ipsos infantulos, dum obviam habent quae-dam castella vel urbes, si haec esset Iherusalem, ad quem tenderent, rogitare.” (1)

Opportunitate igitur captae Hierosolymæ, omnium excitato ardore, omnes ad eundem tendere cooperunt finem; ut nempe, tanquam boni cives, gladium cingerent et causam agerent communis omnium civitatis. Non solum loquor millesos illos plebejos homines, qui, varias ob causas properantes, nesciebant quo tenderent, sed

(1) In opere: *Dei gesta per Francos*, p. 482.

sed superstitione ardore et coeco quodam impe-  
tu, Petrum Eremitam vel Galterum (*sans  
avoir*) sunt secuti; (1) verum illum dico exer-  
citum, pro temporum ratione rite instructum;  
et Principes tantae virtutis, quantae fuerunt Hu-  
go Magnus, Robertus Flandrensis, Tan-  
credo, Godofredus, alii; (2) Equites  
illos nobilissimos Francorum et Normannorum,  
qui, sibi veluti stratam videntes et virtutis et  
honoris viam, mox conyeniebant, ut, quae  
in optatis et votis haberent, exsequerentur. Ten-  
dere Orientem versus: infidelibus repugnare:  
causam agere religionis; his omnibus quid magis  
juvenili placuisse animo, ardenti praecclare fac-  
torum cupidine, et elato phantasiae vi? Et ita  
summa religione imbutus fortique animo plenus,  
et ad eundem scopum, quamvis longissime remo-  
tum, tendens, arma cepit et sacram aggressus  
est expeditionem flos juventutis equestris. (3)

Verum quid pluribus verbis opus est? Ex  
iis, quae supra de Equitum et universe de gen-  
tium summa religione atque ardenti rerum ge-  
ren-

(1) Vid. Baldricus Archiep. in opere: *Dei ges-  
ta etc.* p. 88 seqq. et Guilielmus Tyr. ejusdem  
operis p. 642. Cf. Heeren p. 15.

(2) Enumerantur a Guilielmo, Tyr. l. l.

(3) Vid. Heeren, p. 178 l. l. et Herder, *Ideen*  
l. l. p. 278.

rendarum cupidine diximus, facile intelligitur vis et efficacitas, quam habuerit Urbani oratio. Ea enim excitati sunt omnes, et, quamvis antea aut odio, aut litibus, aut genere disjuncti, in unum veluti corpus congregati, ut ita nunc, tanquam strenui Christi milites, quales Gregorius VII. omnes jam exoptaverat fideles, (1) „ ad pugnandum essent fortissimi, pro laude illa, „ et gloria, quae omne desiderium superant; „ et per momentaneum laborem, aeternam ac- „ quirerent mercedem.”

Et haec quidem de propria causa, et primā opportunitate externa. Quae autem internae adfuerint opportunitates cæque haud minoris momenti, deinceps, pro viribus, perquirere juvat atque exponere.

## §. 3:

*Pontificum conatus de summa in omnes Christianos acquirenda potestate.*

Gregorium VII. omni studio eo tenebendisse, ut una dominaretur in omnes Christianos

Ec-

(1) In Epist. 37. Lib. II. in qua omnes hortatur Christianos, ut adjutores veniant fratribus transmarinis, „ quos,” inquit, „ Diabolus per se ipsum a fide Catholica conatur”

Ecclesia Romana, supra explicare conati sumus et probare. Vidimus, quo pervenerit variis suis institutis, quoque, in Europa nempe Occidentali, ipsarum gentium habita ratione, pervenire potuerit. Quod vero propōsitum, ut itidem in Oriente exsequeretur, magna esse cum difficultate et magno cum labore conjunctum, talem virum sugere non potuit. Ipsum autem Orientis imperium plures praebebat occasiones, quibus, si uti vellent Pontifices Romani atque in suum convertere emolumendum, magnos profecto in propositis progressus facere poterant. Saepius enim accidit, ut, quo melius se a lacesitantibus et irruentibus hostiis vindicare possent atque defendere Imperatores Byzantini, auxilium quaerent a Pontificibus Romanis. Neque Imperatores hoc tantum facere solebant, verum omnes etiam Christiani in Palaestina degentes, qui multis precibus saepius invocabant Pontifices et fratres in Europa, ut succurrerent ipsis adfictis, et terram sacram eriperent infidelium potestati. Quibus precibus permotus Gerbertus, (1) Episcopus Ravennae, jam anno 986 epistolam miserat ad

„tur avertere, et per membra sua non cessat quotidie pecudes enecare crudeliter.” Apud Labbē, Concil. Tom. X. initio.

(1) Postea Pontifex Sylvester II.

omnes Christianos, qua illos invitaverat, ut armis caperent et Hierosolymam ex omnibus rerum angustiis expedirent. Quo excitati Pisani classem ornaverant, atque, Syriam aggressi, eruptiō nem fecerant in Muhamedanorum ditiones. (1)

Idem fecit **G**regorius **S**eptimus. Rogatu enim Imperatori Byzantini et Christianorum in Oriente degentium, evocaverat **H**enricum IV. omnemque Germaniae gentem, ut magno cum exercitu Orientem adirent, et fratres liberarent ab hostibus religionis Christianae. Exercitum, quinquaginta millibus militum constantem, cui ipse, uti scribit, praefuturus eset, jam paratum habebat. (2) Pacem continuo Pisanos inter et Genueses conciliaverat, quorum classibus in Oriente uteretur. Lites tamen, quae ipsi cum **H**enrico IV. intercesserant, impedivabant eum, quominus in his, de summa Pontificum potestate, propositis exsequendis pergere potuisset. Ipsum enim, Turcis expellendis, ab iisque subactas regiones Imperatori Byzantino vindicando, siuē Ecclesiam Graecam Romanorum Ecclesiae submittere haud neglecturum fuisse, si modo potuisset, vix est quod dubitemus. (3) Cum autem hoc

(1) Vid. **R**oberts. l. l. p. 68 Tom. II.

(2) *Epist.* 31. Lib. II. Cf. Lib. I. *Ep.* 46 et 49.

(3) Vid. **H**eeren, l. l. p. 78. In illa autem, quam

hoc constans esset et perpetuum Gregorii propositum, cur omnem vim intenderit, omniue opportunitate usus fuerit ad illud peragendum, haud adeo difficile est explicatu; quod vero non peregerit, hoc partim litibus tribuendum est, ipsum inter et Henricum IV. obortis, partim fato, quod subiit, iis nondum sedatis.

Eodem modo perrexit Victor III. Gregorii successor. Policebatur enim, fore ut, qui cunqie Saracenorum subvertere vellent in Oriente potestatem, omnibus peccatis absolverentur. Aggressi sunt Genuenses et Pisani, qui duas ceperunt urbes et ingentes praedas fecerunt. (1)

Jam vero Urbanus II. denuo ab Alexio Comneno, Imperatore Byzantino, in auxilium evocatus, tanquam bonus discipulus, perficere conatus est, quae Gregorius, optimus hac in re magister, reliquerat perficienda. Capta Hierosolyma, hanc arripuit opportunatatem, ut totam comoveret et ad arma concitaret Europam. Itaque Placentiam concilium convocavit. Ibi vero rebus

non  
laudat Heerenus, Gregorii Epistola 31. suum consilium, de Ecclesia Graeca atque Armenis Catholicae Ecclesiae adjungendis, (atque ita Pontificum imperio subjicendis) disertis verbis, Imperatori Henrico indicasse mihi videtur.

(1) Vid. van Kampen, Gesch. der Kruist. Tom. I. p. 65.

non ex voto cedentibus, Alpes transgressus alterum convocavit, Claramontanum; in quo quia summo animi ardore locutus eset de rebus Ecclesiae causa gerendis, factum est, ut, quum Pontifex perorasset, summus omnium adpareret et incredibilis ardor; quippe qui variis modis, quos diximus, jami antea praeparatus et fuscitatus, Urbani verbis incitaretur tantummodo ac flectoretur ad crucem suscipiendam. Primum enim omnibus, qui fortes sese praestituri essent Ecclesiae milites, ipse Pontifex peccatorum promittebat absolutionem: unde certus per haec bella laetusque in coelum aditus pateret. (1) Tum vero, quod eo tempore in ipsa Europa penuria haberetur, victus, et terra vix suis cultoribus administrata, ret alimenta," (2) unde permulta jurgia ori-

(1) Hic originem quaerendam esse *Indulgentiarum*, omnium primum ab Urba no II. ipsis Cruce. signatis, deinceps etiam iis, concessarum, qui milites exhiberent ad sacras expeditiones, et tandem quibuscunque, Pontificum ius tu, pecuniam conferrent ad quodvis sacrum opus perficiendum, animadvertisit Robert sonus, l. 1. Tom. III. p. 125. Quod tamen minus, quam solet, accurate fecisse videtur; modo ea attendamus quae, Kampenio duce, de Victore III. cui Urbanus successit, breviter disseruimus. Sunt etiam, qui idem hoc referant ad tempus Gregorii VII.

(2) Guiberti Abbatis verba, in opere: *Dei gesta etc.* p. 481.

rentur ac bella, callide singebat Urbanus sacram illam regionem, quo tenderent, „ lacte fluere et „ melle; Hierosolymam terrarum umbilicum esse“ praedicabat, „ praे caeteris fructiferam, et quasi „ alterum paradisum deliciarum.“ (1) Incendebat porro animos, spe ingentium praemiorum: „ facultates, enim inquit, inimicorum ves- „ trae erunt, quoniam et illorum thesauros ex- „ spoliabit, et, vel victoriosi ad propria re- „ meabit, vel sanguine vestro pурpurati, pe- „ renne bravum adipiscemini.“ (2) Imo, „ omnes illos denique atroci damnavit anathe- „ mate, qui eorum uxoribus, filiis aut posses- „ sionibus, qui hoc Dei iter aggrederentur, „ per integrum triennii tempus, molestiam au- „ derent inferre.“ (3)

Ita vero Urbanus exercitum parare potuit  
et

(1) Verba Roberti, l. l. p. 31.

(2) In opere: *Dei gesta* etc. vox bravum sive brabium facta ad Graecam βραβεῖον signif. victoriae praemium. Vid. Carpentier, *Gloss. med.aevi*, voce.

(3) Verba Guiberti Abbatis l. l. p. 480; quae quidem cl. Heerenus non legisse aut alio sensu quam nos accepisse videtur, cum dicit, nulla Urbanus privilegia, Cruce-signatis concessa, inveniri. l. l. p. 124. nota. Vide praeterea, num et ipsae *Indulgentiae*, hoc tempore solummodo Cruce-signatis concessae, ad privilegia Cruciatorum referendae sint?

et magnas cogere copias Christianorum, quorum ope rem gereret sacrae civitatis, et ipsorum adeo Pontificum Romanorum. Quod exemplum quam diligenter secuti sint subsequentes Pontifices, quaque arte, Urano etiam multo sagacius et efficacius, usi sint, ad suum in omnes Christianos imperium firmandum atque augendum, hac de re deinde fusiū erit disputandi locus.

Verum miretur forte aliquis, et jure quidem miretur permagnam hominum copiam, qui, magna ex parte, aut in servitutem redacti, aut servile quoddam opus praestare coacti, primae tamen expeditioni jam interfuerint, vel ante eam, Galtero et Petro ducibus, tam coeco impetu, properaverint in terram sacram. Cujus rei quae fuerit proxima causa, paucis videamus.

§. 4.

*Patefecerunt expeditiones sacrae libertatis viam.*

De juvenili Christianorum ardore, quae supra disputavimus, aequi in ratione Equestri conspicuo, atque universe in gentium studio pugnandi, haec ad principes maxime pertinent et regni nobiliores, cultiores illos infimo hominum genere. Hujus enim generis maxima pars, gravi servitutis jugo oppressa, nullo paene cultu

H

gau.

gaudebat, nec rebus etiam externis, quibus, commode adhibitis, somno veluti sopitas suscitare potuisset atque explicare animi facultates. Apud hos igitur non eadem, quae apud cultius hominum genus, incitamenta tantopere invaluisse videntur; quoniam hi, per bella sacra viam sibi munitam credebant, qua, tum ad quaecunque praeclera facinora, tum ad gloriam praemiaque virtutis et rerum gestarum, pervenire possent. Quae vero minus cultorum et ruidum hominum ratio esse solet, ut, si quadam re occupati sint et magnopere afficiantur, non adeo rationem dum sequantur, sed coeco quodam, fanatico et superstitione ardore plane se ferri patiantur, hoc etiam tot homines ex infimo genere, ad bella sacra conduxisse, non difficile factu est probare. Quamdiu autem gravi tenebantur regimine feudali, neque concessa ipsis erat dicendi agendique libertas, parum omnino potuerant proficere. Tyrannis enim subjecti erant severioribus plerumque, quam qui sua sponte servos suos in libertatem restituissent. Verum ut hoc impedimentum amoveretur, quo et vasalli et parentes universe ab expeditionibus sacris abstinere coacti fuisserent, eo valuit ipsorum feudi dominorum vehemens ardor. Hoc enim continuo multi agitati possessionum suarum curam neglexerant, atque ita ipsis parentibus libertatis dederant recuperandae quandam facultatem: tum vero a Pontificibus

bus etiam eo fuerant adacti, qui omnes, disertis verbis, vetabant, alium quemcunque impedi-  
re, quominus sese adjungeret numero Cruciatō-  
rum. Ut primum igitur patebat libertatis via, hanc  
plurimi, servitutis vinculis excusfis, concitato  
ardore, ingressi sunt. Quid enim libertate dul-  
cius, quid carius, quid homini exspectatius? Imo  
vero exsultarunt illi servi, et ita capti sunt re-  
ceptae libertatis sensu, ut haud diutius in sua  
patria manere possent; sed ad regiones procul  
ab ea remotas novasque terras visendas, ardente  
desiderio, festinarent. Ibi vitam degere tran-  
quillam, et tutam a Dominorum impotentia: in  
itinere ingentes facere praedas: terram habitare  
lacte affluentem et melle, quin et cruce insigniri,  
ipsiusque Christi milites haberi: his omnibus,  
mihi videtur, non potuit non ita concitari coeca  
illorum hominum exspectatio atque augēti eo-  
rum ardor, ut res haud amplius in quaestione  
versetur, cur factū sit, ut hominum vulgus tam  
magno numero patriam relinqueret, et, veluti  
alis praeditum, in Palaestinam evolaret. (1) —

Quae huc usque, pro viribus, disputavimus,  
alteri quaestionis parti solvendae inserviant, ea-  
demque ad ultimam quoque partem enucleandam  
egregie nobis viam munivisse videntur. Ad hanc  
igitur nunc veniamus.

(1) Vid. Heeren, l. l. p. 238.

## PARS TERTIA.

UNDE EXPLICANDUM, BELLAILLA, PER  
DUO PROXIMA SECULA, ET TANTO  
ARDORE FUISSE GESTA?

---

### CAPUT I.

#### DE PRAECIPUIS EXPEDITIONIBUS SACRIS.

**A**ntequam procedamus, de praecepsuis sacris bellis, quamvis breviter, nonnulla tamen juvat monere. Non vero hoc pertinet ad nostrum propositum, ut singulorum historiam exponamus; haec enim a peritissimis viris saepius tractata et ab obliuione vindicata est; sed maxime, ut politicam cognoscamus Europae conditionem, ab ea parte potissimum, quae ad sacra bella pertinere videtur. Quocirca illae res illaque tempora in primis nobis attendenda erunt, quae diversis expeditionibus proxime antecesserint. Quibus perceptis, haud scio an multo facilius hanc

ul.

ultimam quoque quaestio[n]is nostrar[um] parte[m] simus  
pertractaturi.

## §. I.

*De expeditione suscepta a Ludovico VII.*

*Francorum Rege, et Conrado III.*

*Imperatore Germaniae. a. 1147.*

Uti primae expeditioni nullus interfuit aut Rex aut Imperator, ita alteram a Ludovico Franciae Rege, et Germaniae Imperatore Conrado, susceptam esse accepimus. Neque multi etiam de caeteris Europae populis, praeter Normannos, Francis sese adjunxerant et Lotharingis, primam sacram expeditionem constituentibus. Admirabantur sane Germani insanam horum multitudinem, quam, relictis patriis bonis, incerta sibi vindicatum, per suas regiones; properare videbant. Quarum rerum cum propriam causam lubenter in diversarum gentium, aut segniori, aut ardenter, indole quaerendam esse ducamus; (1) has tamen opportunitates putamus minime nobis esse negligendas.

Nimirum Petrus Eremita, h[ab]et exiguas,

proprietates, quae in aliis non sunt, videlicet

(1) Vid. Heeren, l. l. p. 32.

propter summum religionis ardorem, eloquentia valens, magnam Italiae et in primis Franciae partem percurserat, omnesque, quocunque venisset, sollicitaverat, ut sacrum ex incommodis liberarent sepulcrum; ultra vero non processerat. Pariter ab Urbanò II. in Francia quoque alterum convocatum fuerat concilium, quod ibi vehementer excitaverat motum. Jam vero, si teneamus, quam parvum esset illo tempore diversarum regionum commercium, harum rerum famam non admodum cito per reliquam Europam percrebescere potuisse, simul intelligemus. Remotiores igitur populos, si non prorsus inscii essent, primo tamen harum rerum multo minus rationem habuisse, sponte sequitur. Hinc, factum, ut Germani Francorum stultitiam primum riderent, neque illos in terram sacram sequerentur.

Praeterea, quod ad Germaniam attinet, videatur etiam animadvertisendum, Henricum IV. eodem hocce tempore, multum cum filio contentionis habuisse. Quibus discordiis, cum plurimi etiam regni nobiles agitarentur, de aliis rebus curam adhibere vix poterant. Denique, quod, per vehementes illas Pontificum et Imperatorum contentiones, excitatum erat inter utrosque odium, nisi quodammodo fuisset sedatum, uti nunc, in posterum etiam non magnopere profuisse ipsis bellis sacris. Pontifices enim, qui haec

haec bella plerumque geri jubebant, non magnam vim habuissent in Imperatores; neque hi profecto multum curassent Pontifices.

His igitur opportunitatibus nobis, magnam partem, tribuendum videtur, quod e Germania, nec populus, neque ipse Imperator aut Principes regni primo interfuerint bello sacro.

Perpauci etiam interfuerant Angli. *Guilielmus enim Secundus* majore pollebat politica prudentia, quam qui, cum frater *Robertus*, qua sese ad sacrum bellum pararet, pecunia egebat, ab hoc Normanniam parvo pretio emere, atque ita imperium ditionemque suam longius extendere, recusaret. Neque potentes etiam vasalli, quippe prorsus ex Regis voluntate pendentes, sua sponte, ut in Francia, ausi fuisse patriam relinquere. Quod enim eo tempore vigebat in Anglia regimen feudale, summatam ipsis Regibus conciliabat auctoritatem. (1)

Hispani sua cum Saracenis agebant bella sacra. In eorum enim potestate loca itidem erant sanctitate venerabilia, quae, cum antea ad ea sacra itinera facere soliti fuerant, nunc denuo Christiani sibi vindicare conabantur. (2)

Septentrionales autem gentes, quamvis nimis

(1) Vid. Heeren, l. l. p. 33.

(2) Ibid. p. 164.

remotae, ut frequentes his bellis interesse posse sent, si tamen religionis suae causa vellent pugnare, in ipsarum patria oportunas quasdam habebant occasiones. (1)

Longe vero alia res erat in Francia. Vidimus, quantopere atteinatum esset Francorum Regum imperium, atque, in nihilum fere redacta eorum in potentes vasallos auctoritate, hi effrenate perficerent, quod cuique maxime placeret. Et quoniam hoc tempore ipse quoque Rex Philippus anathemate erat percussus, quo omni plane privatus habebatur potestate, nihil erat, ab illa parte, quod Duces, Comites aliquosque regni Principes a bello sacro retineret. Quam ob rem, ut et propter modo allatas opportunitates, cur paene soli Franci primam illam suscepient expeditionem, facile quisque videbit. Anathema autem, quo Philippus erat petitus, ipsum impediebat, quominus rem sacram et divinam, una cum suis, aggredieretur.

Haec igitur si teneamus, sponte percipiamus necesse est, universe politicam Europae conditionem primo illi bello sacro et suscipiendo et rite peragendo haud magnopere opportunam fuisse. Atque idcirco magis etiam mirandum est, vel sic tamen tam magnum hominum numerum

in

(1) Vid. Heeren, l. I. p. 34 cf. p. 95.

in Palaestinam prouisso, ibique, nulla paene militari disciplina moderatum, res agere potuisse admodum praeclaras. Sed quoniam postea ipsi Reges et Imperatores his bellis praeesse, ac magnam in rebus militaribus curam ponere coeperunt, inde a secunda expeditione, bellorum sacrorum ratio magnam subiit commutationem. Quod quomodo primum factum sit, ac deinde usq; fere invaluerit, simul videbimus atque in politicam inquisiverimus Europae conditionem, proxime ante caeteras expeditiones sacras. —

Ludovicus VII. Franciae Rex, juvenis ac ferox juventute, armis petiverat Thibautum, Campaniae Ducem, hoc consilio, ut immoderatum illum et tumultuantem vasallum coerceret atque domaret. Cum vero nimio furore hunc Pontificis amicum esset aggressus, atque igne ferroque multa devastasset, imo, plurimis in templo occisis, sacra non reliquisset intacta, mox, animo sedato, ad summam pervenit desperationem. Quin etiam ita anxietate sacrilegii a se commissi motus fuit, ut continuo pacem cum inimico iniret non tantum, verum et sacram voveret expeditionem, qua suam lueret temeritatem.

Conradus III. maxime Pontificum ope Romanorum, Imperator erat Germaniae creatus. Cessaverant quodammodo contentiones Imperatores inter et Pontifices, quo res Germaniae ma.

magis tranquillae esse cooperant. Quas vero res novas ipsi Romani moliebantur, hae Imperatorum auctoritati haud parvo futurae esse videbantur emolumento. Nempe Romani, Pontificum indignati imperium, atque antiquae suae memores libertatis, a Pontifice Lucio II. flagitare non destiterant, ut, omni prorsus abdicata potestate civili, avitam ipsis redderet et restituueret Romae rempublicam. Negantem haecce Pontificem lapidibus obruerant: Eugenium III. successorem ejecerant urbe, et invocaverant Imperatorem Conradum, ut fugatum Pontificem, et ipse Romanum habitatum veniret. Conradus autem, sapiens et prudens, cum sibi, regni causa, magis convenire putaret in Germania manere, Romanorum preces non exaudiuit. Quo factum, ut Pontifex, hac se reficiendi usus facultate, multum animo agitaret, num quid, quo sedarentur ferventes animi atque in alias partes averterentur, posset invenire. (1)

Talis autem cum rerum esset conditio, fama per Europam increbuit, Edesam a Saracenis esse captam. (2) Summus igitur omnium animos metus occupavit, ne deinceps etiam ipsa Hierosolyma iterum in eorum caderet potestatem.

(1) Vid. van Kampen, l. l. Tom. II. initio.

(2) a. 1142.

tēm. Hoc autem tempus opportunum sibi duxit Eugenius, quo haec duo maxime exsequeretur: alterū, ut auxilio succurreret Christianae civitatis in Oriente civibus; alterum vero, ut simul ab Imperatore fese vindicaret, quem, ne aliquando magno esset detrimēto Pontificū potentiae futurus, summopere timebat. Neque haec profecto, eo tempore, admodum difficultia erant effectu. Lodovicus enim, Franciae Rex, suo obstrictus erat voto: *Sanctus* autem Bernardus, mira sua, pro temporibus istis, facundia atque prudentia, ita facile persuasurus erat Conrado, ut pari ardore exercitum pararet, quo sacra terra ab hostibus defenderetur. Hunc igitur sanctum virum Pontifex, praeter alios, emisit, qui omnibus Christianis praedicaret fratum in Oriente afflictam conditionem. Quo munere ita functus est Bernardus, ut, non tantum sua facundia, sed aliis etiam, quibus a Pontifice instructus erat, artibus, omnium commoveret misericordiam, et animos summa denuo, ad defendendam religionis causam, cupiditate inflammaret. Etenim, praeterquam quod omnibus plenam pollicebatur omnium peccatorum absolutionem, omnes etiam, qui cruce signarentur, exemptos fore dixit ab usuris pecuniarum, ipsis a creditoribus creditarum: tum vero iudicias iis concessit a debitis

tis persolvendis : licere denique dixit , ¶ Cruci-  
signatis terras sive possestiones suis , etiam  
sine dominorum consilio , Ecclesiae , vel eccle-  
siasticis , vel aliis quoque fidelibus , pignori-  
dare ; illarum enim curam , post crucem assum-  
tam , *Sancto Petro esse relinquendam.* (1)  
Imo et ipse Ludovicus omnes , quos ha-  
beret in bello comites , a pecuniis , quas Ju-  
daeis debebant , exemit solvendis . Quid igitur  
mirum , tot tantisque incitamentis omnium ar-  
dorem , qui jam quodammodo languescere coe-  
perat , iterum ita excitatum fuisse , ut incredibilis  
hominum multitudo Crucis signa sequeretur ?

§. 2.

*De expeditione quae suscepta est a Friderico I. (Barbarosfa) Germaniae Imperatore, Philippo Augusto, Rege Franciac, et Richardo I. Henrici II. Angliae Regis filio. a. 1189.*

A quo tempore Ludovicus et Conradus ipsi profecti fuerant in terram sa-  
cram

(1) Vid. Du Cange in *Gloss. med. et infim. Latinitatis*. voce: *Cruce-signati*. Cf. Robert. l. l. Tom. II. p. 69, et van Kampen, l. l. p. 20.

cram; Pontifices non cesabant Reges et Imperatores rogare, adhortari et omni modo incitare ad optimum illud exemplum sequendum. Quae expeditiones, quamquam iis nocerent saepius, quippe quibus magis profuisset domi manere, si suique imperii tenere moderamen, quam bella procul a patria gerentes, regnum adeo internis tradere discordiis; egregie tamen ipsis conveniebant Pontificibus, eorumque optime inserviebant consiliis; quae, ut exsequerentur, ita agere poterant, cum niterentur temporis ratione. Quo factum, ut illi in primis expeditionum essent auctores. (1) Cujus rei cum maxime nobis ratio habenda sit, aliquid etiam de ea postea dicendum. Nunc autem illa attendamus, quae huic expeditioni præcesserunt.

Praeerat hoc tempore Anglis Henricus II. Rex omnino bonus. Cum vero Angli Archiepiscopum (Thomam Becketum) trucidasset, hujus gravissimi sceleris ut ipsi poenas effugerent, sacro opus videbatur in Palaestinam itinere. Non hos enim, verum ipsum Regem spectabat Pontifex. Eum igitur jussit permagnam, pro scelere in sanctum commisso virum, solvere pecuniae vim, qua sustentarentur Christiani in Oriente: cum præterea promittere deberet, se

(1) Vid. Heeren, l. l. p. 126.

ipsum etiam sacram expeditionem suscepturnum esse, quum tempus posceret. (1) Gravissimae, quas de rebus politicis cum Philippo Augusto jam diu habuerat, contentiones, nimirum utrique magnò fuisse impedimento, quominus belli sacri participes esse potuissent; nisi sedatae, quum Pontifex illos evocabat, utrique abeundi dediscent facultatem. (2)

Fridericus Barbarossa, quamvis senex, fortis tamen atque prudens hoc tempore Germaniae Imperator, minime amicus erat Pontifici. Ejus imperium, quod sese ad Siciliam extendebat usque, quia filius Henricus IV. futuram hujus regni Reginam uxorem duxerat, veluti inclusas habebat Pontificum ditiones. Quod cum hi magnopere timerent, cumque vidissent, antea militum numerum in Italia maxime diminutum fuisse, postquam Conradus, exercitu parato, in Orientem fuerat profectus, nunc etiam omnes vires intenderunt, ut, modo tempus ipsis esset opportunum, eodem quo antea modo, sese ex hac difficultate expedirent.

Jam vero occupaverat Saladinus Hiero-

(1) Vid. Heeren, l. l. p. 131.

(2) Vid. Secreta fidelium crucis, Lib. III. Part. 10. Cap. 4. in opere: Dei gesta etc. Tom. II. p. 197.

solymam.” (1) Cujus rei fama totum percellebat Occidentem. Clerici et Equites funebribus sese tegebant vestimentis: Pontifex Urbanus III tanto affiebatur dolore, ut subito e vita cederet: „ nihil audiebatur praeter carmen lugubre, lamentationes et uhe:” (2) verbo: omnium Christianorum commovebatur misericordia, ac civitatis suae hostes debellandi summa denio omnium excitabatur cupiditas. (3)

Ex dictis autem patet, ac mox clarius apparet, quam opportuna esset ad sacrum bellum Europae, hoc tempore, politica conditio. Fridericus enim *Barbarossa*, cum iam canesceret, summa cum animi voluptate id tempus juventutis recordari solebat, quo Imperatoris Conradi rebus gestis in sacro bello interfuerat. Haec autem florentis aetatis memoria et recordatio, vi quadam aucta et sustentata virili, quae cum senem non deseruerat, semper ita jucunda ipsi fuisse dicitur, atque auxisse de bellis sacris opinionem, ut, vel sine Pontificis rogatu, crucem lubenter suscepisset. Neque minus Franciae Rex, et Richardus, qui, patre mortuo,

(1) Anno 1187.

(2) Vid. *Secreta fid. crucis*, l. l. p. 195. cf. Jacobus de Vitriaco, ejusdem operis p. 1120, cujus illa sunt verba.

(3) Vid. Heeren, l. l. p. 20.

eius vota in se susceperebat solvenda, uterque juvenis, pari flagrabat rerum gerendarum ardore. Nec Pontifices item otiosi erant et ignavi; sed, quod vix dictu opus est, suo modo ut maxime possent, ita potissimum opem tulerunt. Epistolam igitur, a Gregorio VIII. ad omnes Christianos scriptam, cuius magna erat prae rerum gravitate ad persuadendum vis, ubivis ferrebat et praelegebat Guilielmus, Archiepiscopus Tyrensis. Qui, ut Petrus ante eum et Sanctus Bernardus, permultorum misericordiam et sacrum ardorem ita movit, ut omnes fere cum Principe suo, exercitibus, quales antea nondum fuerant, paratis, cruce se signare non dubitarent, et fortis se praestarent Ecclesiae milites.

Cum vero magna opus esset pecuniae vi, qua tales pararentur exercitus taliaque bella susciperentur, Pontifex concescit Principibus, quo magis possent Saladinum Hierosolyma expellere, decumas, *Saladinas* inde dictas, a civibus exigere: hoc autem pacto, ut, quicumque ipsi Principibus sese adjungerent, iis liceret integras retinere possessiones. (1) Qua immunitate adjuncta iis, quae antea jam datae erant, ut magna iterum sollicitari potuerit sustinerique hominem

(1) Vid. van Kampen, l. l. p. 374.

num multitudo, sponte intelligitur. Est enim haud dubium, quin plures fuerint, qui, cum revera, quacunque de causa, potius domi manere maluisent, his tamen artibus, aut elicerentur ad bellum sacrum, aut etiam cogerentur.

Sic igitur factum, ut, quod ait Heerenus, major etiam in hac expeditione, quam in praecedentibus, apparuerit ardor. (1)

### *De ultimis expeditionibus.*

Jam vero, post tot expeditiones, post tanta bella tantamque sanguinis copiam, religionis causa, frustra effusam, nimis fractum videbatur Occidentis imperium, quam quod Orienti auxilium ferre diutius potuisset. Scilicet aetatis, quam per duo haec secula vixerant Christiani, non amplius vigebant heroica studia; neque tam sacra erat etiamnunc Christianorum conditio, ut, communi omnium ardore, pristina bella renovari potuissent. Sensim evanescere coe-

(1) l. l. p. 21. Jacobus de Vitriaco, in opere: *Dei gesta etc.* p. 1120 „, adeo,” inquit, quod dedecus et ignominiosum videretur, si, tanquam desides et ignavi, aliis proficiscientibus, ipse domi mansissent.

perat sacer ille ardor, et vero, nisi denuo excitatus Principis cuiusdam ope et exemplo, multo citius omnino plane fuisset extinctus. Est autem Ludovicus *Sanctus*, Franciae Rex, qui, ultimus bellorum sacrorum dux et auctor, propter hujus generis optima de societate Christiana merita, a Pontificibus dignus judicatus est, qui in Sanctorum concilio locum occuparet. Hujus enim pii ac religiosi Regis ope factum est, ut in Francia denuo, quae semper in his bellis primarias egerat partes, magnus Cruciatorum exercitus compararetur. Ludovico duce, et multo magnoque Equitum comitatu, hanc expeditiōnem suscepserunt Christiani, (1) qua ultimas suas vires in Saracenos intenderent. Quamvis enim naviter persequerentur, quae Cruce-signatores expetivisse decet, res tamen ipsis non ex voto successit. (2) Quocirca Ludovicus, vix ab hostibus in libertatem restitutus, infecta re, cum Francis suis in patriam redire coactus est. Veruntamen, non minus rerum a se ges-

(1) a. 1248. vid. *Secreta fidel. crucis*, l. l. p. 217.  
Cf. Heeren, l. l. p. 26 sqq.

(2) In Epistola, e Syria ad Franciae incolas missa, Clericos in primis hortatur Ludovicus, ut, quippe sacri viri, vel ipsi auxilio veniant, vel saltem sublidium mittant terrae sacrae. In opere: *Dei gesta etc.* p. 1196.

gestarum sanctitatis sensa commotus, quam semper mirifice delectatus juventutis recordatione, eo, quamvis jam affecta aetate, pervenit, ut alterum parat et bellum suscipere que cum hostibus. Quod tamen gerentem mors occupavit. — Tum vero nulla in Oriente Christianis speranda relinquebantur. Quum enim Muhamedani Ptolemaida capiebant, (1291) ultimum peribat Christianorum praesidium.

Haec igitur de praecepsis bellis sacris monenda esse duximus. Nam quae postea gesta sunt, aut quorum gerendorum irriti fuerunt conatus, non tanti fuerunt momenti, ut nobis, ad nostrum institutum, singulari eorum commemoratione opus esse videatur. Restat ut in eorum causam et opportunitates, quibus tam diu et tanto ardore gesta sint, paulo accuratius inquiramus.

## C A P U T II.

### CAUSA PRIMARIA.

*Quaerenda illa in eodem heroico ardore et  
gentium conditione sacra.*

**E**st haec fere ratio animi humani, ut, si quando, quavis de causa, affectus fuerit vehementius, aut sensuum quodam impulsu gravius commotus, non continuo ad otium recedat, neque pristinae se reddat tranquillitati. Ipsa vero hujus motus causa quo gravior est at majoris momenti, quoque pluribus commovetur continua rebus externis, eo diutius vim suam exercere solet, atque magnarum rerum est efficacior. Sin autem rebus externis ita aliquando coercentur ac supererent, ut prorsus excessisse videatur et evanuisse, si modo adsit, una vel altera opportunitate ita saepius excitatur denuo, ut, tanquam quiete recreata, majorem etiam vim et efficacitatem nanciscatur.

Haec

Haec autem gentium Europaeorum ratio fuisse  
videtur per omne illud tempus, quo bella sua sacra  
geserunt. Horum enim causam primariam cum  
quaerendam esse viderimus in juvenili quodam  
ardore, cum sacra illius temporis ratione conjunc-  
to, non potuit non eadem illa causa, quam-  
diu adesset, fere eosdem habere effectus. No-  
bis autem praecipuas illas, de quibus supra ex-  
posuimus, expeditiones contemplantibus idem  
ille juvenilis ardor ubivis occurrit, non tantum  
in Equitibus maxime, qui partes in his bellis  
egerunt maximas quasque et praeclarissimas, ve-  
rum et universe in omnibus Cruciatibus. Vidimus  
Richardum I. Philippum Augustum, Fri-  
dericum Barbarosam: hunc, quamvis se-  
nem, iis tamen juvenili vigore ne minimum  
quidem inferiorem; illos autem, juvenes, pari  
religionis studio ductos. Sunt haec igitur studia,  
quae, ut in prioribus maxime; ita in posterio-  
ribus quoque, licet minus clare, adparent tamen;  
expeditionibus. Primi enim Cruce-signati in Pa-  
laestinam tetenderant, ut ibi religionis suae cau-  
sam, quippe boni milites, strenue defenserent. Ho-  
rum vestigia posteriores sedulo persecuti sunt.  
Nam omnes eodem consilio eodemque sacro ar-  
dore cruce se signarunt, cum omnium eadem es-  
sent eaque sacra proposita. Attendamus modo Lu-  
dovicum Sanctum, unum ex novissimis horum  
bel-

bellorum auctoribus. Hic enim sua sponte consilium cepit de sacra expeditione suscipienda. Iterum in Orientem magno cum exercitu profectus est, ibique, cum sibi prorsus persuasum haberet, se Deo gratiam rem gessisse, summa animi tranquillitate, exspiravit. Haec autem, ni fallor, non tantum illius hominis, verum et temporis etiamnum, quo sacra illa bella ab ipso parata et gesta sunt, religiosam quandam indolem spirant et rationem. Neque vero contendimus, per omnem bellorum sacrorum tempus, tam sacram fuisse omnium Europae gentium conditionem, tamque heroicam earum indolem, quam illam sub finem seculi XI. sumus admirati: hoc stultum foret, atque cum omni fana mente non minus, quam ipse historia, pugnaret. Quis est enim, vel parum historiae gnarus, qui non observaverit, una cum temporis progressu cumque majori gentium cultu, ipsas gentes crescere, et, veluti ex juvenute excedentes, virilem quandam ingredi aetatem, cuius graviora et vero politica studia a juvenilibus istis et sacris mirifice discrepant atque discedunt? Cujus progressus cum plura jam hoc tempore adparerent indicia, (invalecebant autem quotidie politica illa vis praefixa atque religiosa opinione) non poterat in ultimis quoque bellis tam magnus omnium adesse heroicus sensus, neque tanta vigore alacritas ad sacram civitatem de-

defendendam. Imo vero gentes Europae Germanicae ab ultimis hisce expeditionibus plane abstinuerunt. Veruntamen si propriam eorum quoque bellorum *sacrorum* causam exquiramus, quae Ludovico duce, sub finem etiam seculi XIII. gesta sunt, non possumus non ad ipsam temporis, in quod incident, rationem attenerere. Non dubitamus, quin ipsius Regis exemplum multos concitaverit ad arma capienda, aliaque gravia adsuisse rerum momenta; sed tamen, cum bella essent *religionis causa* suscepta, cumque eodem illo consilio gesta sint, ut idem, quod tam diu jam omnem commoverat Europam, exsequerentur, scilicet ut Christiani Muhamedanos impugnarent, societatis suae hostes infestissimos, nobis hinc efficiendum videtur, eorum causam, non adeo in pia Ludovici indeole, verum in ipsius temporis, et maxime quidem in Franciae gentis, *sacra* conditione quaerendam esse. *Heroicum* autem ardorem, hoc etiamnum tempore, in Francicis Equitibus admodum viguisse, vix dictu opus est.

Haec autem cum ita sese haberent sub finem seculi XIII. non est quod diffusius demonstremus, sacram et heroicam fuisse gentium Europaearum conditionem, per omne temporis spatium, quo sacra sua, eaque summo ardore, bella gesserunt. Eo enim sponte ad-

adducimur, si communem omnium Cruciatorum tum finem attendamus, qui plane ficer erat, tum ipsorum bellorum indolem, quae heroicum quendam ac religiosum sensum prodit, omnium Christianorum. Ita demum explicari potest, cur Pontifices, cum harum expeditionum auctores se praefarent, tantum hac in causa valuerint, cum sua auctoritate, tum sacris suis instrumentis. Quibus non multum profecto profecissent, nisi niti potuisserent in communi omnium Christianorum opinione, ideoque in ipsa temporis, quo vivebant, ratione. Nimirum irriti fuerunt paeno omnes eorum conatus, qui, post Ludovici *Sancti* aetatem, omnes nervos contenderunt, ad facra illa bella renovanda. Et vero post sacrorum reformationem ita increvit politica gentium Europaearum conditio, ut, nec mira Bernardi facundia, nec anathemata Pontificum gravissima, aliquid valuisserent, ad Christianos, vel optimorum praemiorum spe, ad *sacram* expeditionem sollicitandos aut cogenitos.

Est autem praeterea hac in disquisitione illud probe tenendum, ipsa bella sacra, cum semel geri coepissent, permultum effecisse, ad sacrum illum ardorem, aut magis excitandum, aut excitatum sedulo fovendum atque alendum. Ut primum enim Hierosolyma expulsi erant Saraceni,

ni, condita est in Oriente civitas Christianorum. Loca, sanctitate tantopere inelyta, tantoque Christianis habita in honore, jam, a Mohamedanis vindicata, in fidelium redacta erant potestatem. Quae res effecit, ut mox innumeri elicerentur ex Europa Christiani, ad illa loca visenda, ibique sacra facienda, ubi nunc, fratrum tutela usi, summa iji pace degere posse. Inde etiam, quod, inter proprie sic dictas expeditiones, tot hominum multitudines continenter terram sacram adirent, atque tantopere augeretur sacrorum numerus itineratorum. (1) Quid? quod inermes eorum in sacra terra versantes, vel morbo graviore afflicti, summa cura ab Equitibus defendebantur, ac fraterna tractabantur benignitate. — Haec autem, et plura ejusmodi, quae horum bellorum effectibus tribuenda sunt, haud parum valuisse videntur, ad superstitesam illam opinionem firmandam, atque idcirco ad sustinendam sacram illius temporis rationem.

Accedebat quod nova illa civitas, in Oriente condita, civitas esset Christianorum. Hi vero, ex Europa eo deducti, continua cum patria communione non poterant carere. Imo, quippe mediis in societatis suae hostibus versantibus, quando hujus salus in periculum discrimenque voca-

re-

(1) Vid. Heeren, 4. l. p. 28.

retur, e patria licebat auxilium exposcere, et  
fratres tanquam defensores exspectare vindices-  
que communis salutis. Quod officium ut strenue  
per duo secula exsecutae sint gentes Euro-  
paeae, tot bella testantur et tanto ardore ges-  
ta. — Atque hoc modo, aut fallor equidem,  
aut ipsae expeditiones sacrae vim habuerunt, ut  
ita dicam, reciprocam, eamque magnam omnino,  
ad sacrum illum, quo susciperentur, ardorem et  
alendum et augendum. Effecerunt enim bella  
sacra, ut in Oriente etiam sacra civitas oriretur.  
Quam, tanto labore a profanis istis hostibus vin-  
dicatam, tantique existimatam, quam diu sacra esset  
ipsa Christianarum gentium conditio, hostibus  
concedere quis tandem Christianorum pati poterat?  
Atque hinc nobis etiam patet, per duo secula,  
quibus, cum hujus civitatis, cum totius societa-  
tis Christianae causa, bella illa ac plerumque  
tam fortiter gesta sunt, *sacram* suam vixisse  
Christianos aetatem.

Denique si Equestrem attendimus rationem,  
(est autem illa hac in disputatione omnium  
maxime nobis animadvertenda) illam ipsorum  
etiam ope bellorum sacrorum, multo magis  
informatam esse videbimus atque adaptatam,  
ad heroicum et verum illum equestrem ani-  
mum augendum, quo Equites insignes sunt  
per omne medium aevum. Illos enim jam  
an-

ante bella sacra juvenili ardore videbamus fla-  
grantes, et oculos in diversas partes conjicien-  
tes, num dignum quid sibi possent invenire per-  
petrandum, quo ea, quae in votis optatisque  
haberent, honorifice exsequerentur. Hoc au-  
tem cum bella sacra, ut supra observavimus,  
praebarent largissime. Equites eorum opportuni-  
tatem avidissime arripiebant, qua animi sui cu-  
piditatibus possent satisfacere. Inde in quibusvis  
expeditionibus tot Equites enumerantur, tamque  
praeclara dignoscuntur virtute. Profecto, colu-  
nien decusque bellorum sacrorum dici, plane  
merentur. (1) Sed quoniam haec bella effe-  
runt, ut juveniles illae vires virtutesque, antea  
aut Torneamentorum parietibus, aut patriae terrae  
limitibus, septae quodammodo et impeditae, nunc  
veluti campum invenirent, in quo exercearentur,  
planissimum, non poterat, quin nunc etiam ex-  
plicarentur mirifice, et ad multo majorem ad-  
ducerentur perfectionem. Egebat quippe socie-  
tas Christiana talibus militibus, quales Equites  
se fere praestare solebant. Quocirca huic maxime  
opera dabatur, ut illa, quae novimus, equestria  
studia quotidie ac fere ubivis exercearentur. Eo  
vero non minus valuerunt Torneamenta, atque  
Musica, eique adjuncta Poësis. Illa enim, quae  
per bella sacra multum increverant numero, et  
cœ-

(1) Vid. Heeren, l. l. p. 178.

cooperant elegantia excellere, plurimas praebent opportunitates, quibus cum fortis juvenum animus tum honoris et gloriae cupiditas excitaretur. In his, tanquam in scholis, exercebantur Equites, et veluti praeparabantur ad honorifica et gravia quaeque fortiter adeunda. Quantum vero Musica eo valuerit atque Poësis, is potissimum intelligit, qui optime novit, quanta earum sit vis in animum humanum. Musae enim quotidie majori studio colebantur. Atque hoc effecit, ut Poëtae, tam in Principum palatiis, quam in publicis quoque locis, præclaræ Equitum facinora, virtutes et terram sacram celebrantes, pariter in aliis sublimes quosque sensus facile suscitarent. (1)

Cum igitur adesent haec studia ac summi opere hoc tempore vigerent, quid mirum, illa se, data opportunitate, continuo proddidisse? Talem autem opportunitatem Palaestina subinde præbebat. Equites igitur, equestribus ludis relicts, alacres Orientem petebant, atque, quae ibi condita erat, civitatis fortissimos se gerebant defensores, quotiescumque illa in periculo versaretur. Ita vero, religionis causam arripiendo, vota solvere poterant et honoris studia coercere, quin et

iis,

(1) Vid. Heeren, l. l. p. 182. Cf. p. 191 et notæ.

iis, quas in amore haberent, placere honorifice.

Ex quibus omnibus, ut mihi saltem videtur, patet, ubi primaria causa quaerenda sit, quae bella sacra tam diu gesta sint atque tanto ardore. Hanc enim eandem esse, quae, ut primum susciperentur, effecerit, sponte intelligitur; nempe quaerendam in eodem heroicō illius aetatis ardore, et gentium conditione sacra.

De causa haec satis dicta sint; de opportunitatibus nunc porro videndum est.

which was, I think, quite enough  
to satisfy him. He, however,  
remained in this country  
during winter.

de si possidet leviter yea? Q. antequod hunc  
possidit anima ut secundum dicitur modis  
multis ostendit ut non solum istud istud  
est sed etiam aliud et aliud et aliud  
multis ostendit ut non solum istud  
est sed etiam aliud et aliud et aliud

C4-

## C A P U T III.

### O P P O R T U N I T A T E S .

#### §. I.

*Pontificum conatus retinendi, non tantum  
semel acquisitam in Oriente potesta-  
tem, verum eam in Occidente  
magis etiam augendi.*

Quod ceperat Gregorius, consilium in eo possum fuisse vidimus, ut Pontifex Romanus dominationem haberet, tam in politicis Christianorum rebus; quam in sacris. Quod propositum ut item ejus successores adsequentur, Gregorii vestigiis ipsis erat insistendum. An vero Urbanus II. quem primum novimus expeditionis sacrae auctorem, omnia illa praeviderit, quae postea inde dimanarunt Ecclesiae emolumenta, equidem vehementer du-

bi-

bito; eundem vero illas expeditiones Pontificum auctoritati egregie profuturas judicavisse, verius videtur esse simillimum. Quidquid autem hujus rei est, quae mox ex iis capiebat Pontificum potestas, plura erant incrementa, quam quae Urbanii successores, vel non animadvertisserint, vel, tanquam uberrimum commodorum fontem, saepissime adire neglexissent. Continuo enim per primam expeditionem factum erat, ut in Oriente conderetur Christianorum imperium, idque Pontificibus subjectum, quippe principibus sacrae Christianorum civitatis. Cum igitur nunc, in Occidente non solum, sed etiam in Oriente dominarentur, semel hanc acquisitam potestatem omni studio tuiti sunt, atque, quotiescunque periculum erat, ne quid nova illa civitas detrimenti caperet, quantum poterant, defendi curarunt. Unde jam continuo intelligitur, quantopere ipsorum interesset, ut bella sacra gererentur.

Praeterea, si verum est, hunc, non Gregorii VII. solum, sed subsequentium etiam Pontificum finem fuisse, ut Latinae adjungerent Ecclesiam Graecam, nihil potius praecoptandum ipsis erat, quam condere in Oriente civitatem; nihil agendum enixius, quam illam confirmare, ac semper novis munire praesidiis. Ita enim Ecclesia Graeca, ab utraque parte in angustias

re-

redacta et veluti coērcita, prorsus tandem a Romana poterat superari.

Ex his igitur rebus externis jam quodammodo explicari posse, eum Pontifices, tantam vulgo curam in suis rebus ponentes, plurimarum auctores fuerint expeditionum factarum. Inveniuntur autem in ipsa Europa, quiae huius rei haud omnino minus ansam dedisse videntur.

Novimus, ut curiosi fuerint hac in re  
Pontifices Romani, ut politicae res Eccle-  
siae suae dominationi penitus subjicerentur.  
Quem in finem nihil omnino magis condu-  
cere potuit, quam bella illa sacra. (1)  
Erant enim bella, politica quidem ope, verum  
religionis causa, suscepta. A Christianis gere-  
bantur, non suum in comitiodum, sed in com-  
munem suae civitatis salutem. Huius autem  
civitatis cum Princeps esset Pontifex Romanus,  
hic etiam bella illa indicebat, et parari gerique  
jubebat per milites suos Christianos. Nam om-  
nes, a quo tempore crucis erant signati, milites  
habebantur ipsius Christi, sive ejus in terra  
vicarii. (2) Quicunque igitur, quippe boni hu-  
jus civitatis cives, cruce se signabant, veluti  
publice Principem suum agnoscebant Pontificem

Ro-

(1) Vid. Heeren, l. l. 122.

(2) *Ibid.* 125.

Romanum, quanvis antea illum non facile tam  
alem agnovissent. Quibus rebus et magna illa  
confirmabatur de Pontificibus opinio, (in hac  
autem maximam partem ipsorum imperium fun-  
datum erat) et, quod quisque facile percipit,  
illorum auctoritas mirum in modum augebatur.  
Nimirum haud raro accidit, ut rerum publica-  
rum moderatores, per controversias, quae sae-  
pius ipsos inter et Pontifices Romanos locum  
obtinebant, aut prorsus se iis opponerent, aut  
certe non magnopere eos curarent. Quibus in  
causis eo tantum pervenire nitebantur Pontifi-  
ces, ut, aut sagacitate usi aut summa ambitione, ab  
iis, quos plurimum timebant vel odio perseque-  
bantur, id modo consequerentur, ut, si tempus  
posceret, se expeditionem religionis causa sus-  
cepturos esse, sponderent. (1) Cui sponsioni

quo-

(1) Cujus rei plura memoravimus exempla, ubi in hu-  
jus Disput. Part. III. Cap. I. de praecipuis egimus ex-  
peditionibus. Quibus adjungi potest Andreas, Hun-  
grorum Rex. Vid. Heeren, l. l. p. 25. cf. p. 129.  
Exstat hujus Regis Epistola, ad Honorium data,  
Pontificem Romanum, cuius hoc initium, quia consue-  
tam illam Pontificum agendi rationem dilucide prodit,  
hic addere juvat. „ *Sancissime Pater! A vestra non*  
„ *credimus excidisse memoria, dum adhuc vitae venera-*  
„ *bilis et immortalis memoriae praedecessor vester In-*  
„ *nocentius, summus Apostolicae sedis Antistes, —*  
„ *existeret, non tam per ipsius exhortationis frequen-*

K

„ *tiam,*

quominus sese subducere possent, impediebat et rei sanctitas, et vero maxime Pontificum politica prudentia. Hi enim omne exspectabant tempus opportunum, quo illos, vel Legatorum facundia, vel metu anathematum, aliisve, quas edocti erant, artibus, eo adigerent, ut vota solvere cogerentur. Cum primum autem cruce se signaverant, vel inviti etiam, Pontificum se dare putabant dominationi. Qui quamquam ipsi non bellis hisce interessent, intererant tamen Legati, qui, ipsorum muniti absoluta auctoritate, ex arbitrio omnia agerent. Res enim militares, quarum nihil intererat ad Pontificum summum imperium, nisi quod rite administrarentur, harum igitur curam Imperatorum et Regum prudentiae lubenter commendabant. (1)

Quoniam autem haec erat bellorum sacrorum ratio, quae tantum ad summum Ecclesiae imperium conferebant, haud profecto mirari licet, quod tam magnam iis operam dare solerent Pontifices Romani. Illis enim hoc etiam consilio saepius

usi

, , , tiam, verum etiam postmodum per vestrae paternitatis instantiam, frequentius admoniti fuimus, quatenus ad redemptionem terrae, non tantum opitulatione rerum, verum etiam praesentia personali, apponereimus animum cum effectu" etc. in opere: Dei gesta etc. p. 1192.

(1) Vid. Heeren, l. l. p. 133.

usi sunt, ut, quod supra monuimus, (1) sese ab Imperatore quodam vindicarent, quem sibi et Ecclesiae potentiae perniciosum futurum credebant. Et tales quidem artes nec apud populum neque apud ipsos regni Principes male haberi poterant, quoniam prorsus sumtae erant ex temporis ratione. Nam quotiescumque novae parabantur expeditiones, et tota fere hanc ob causam commovebatur Europa, ipsam, opinabantur omnes, Christianorum civitatem armata capere, atque, duce Pontifice Romano, bella gesturam, ad sacram terram defendendam ab hostibus religionis Christianae. In qua opinione quia nitebantur Pontifices, quoties expeditionum sese praestarent auctores, et grati erant populo, et proderant sibi.

Multum igitur intererat Pontificum, si quidem semel acquisitam in Oriente potestatem vellent conservare, eamque in Occidente magis etiam extendere, hanc, de bellis sacris, et vero de semetipsis religiosam opinionem continenter alere: denuo fuscitare, si quando languescerent, hominum animos, et omnes ita novis erigere promissis, novaque praemiorum spe, ut si quidem opus esset, satis magnum Christianorum numerum parare possent, ad sacra bella sus-

(1) Vid. v. c. p. 121 sq. 126.

fuscienda. (1) — Hunc autem in finem permul-  
tum valuerunt. varia, quae Cruciatis concessa  
sunt, jura.

### §. 2.

#### *Privilegia, quae dicuntur, Cruciatorum.*

Est hoc vulgo cuivis homini proprium, ut, si quando, in officiis fungendis languori sese dederit aut tarditati, post excitatum, quavis de causa, iterumque erectum animum, illa, veluti quiete refectus, multo alacrius exse-  
quenda aggrediatur. Quae observatio quantope-  
re in Cruciatos valeat, non uno modo doce-  
mur. Qum enim incredibili illi ardori, quo,  
priori maxime bellorum tempore, omnes fere  
flagrantes vidimus, satisfactum erat quodam-  
modo, multorum animi deseruisse videntur,

(1) Observandum quoque videtur, Pontificum non tan-  
tum, verum universi etiam Cleri opes et divitias per has ex-  
peditiones multum increvisse. Namque hi plerumque eo-  
rum bona, qui, cruce signati, patriam relinquenter,  
aut emebant, aut, pecunia mutua data, pignori acci-  
piebant; unde magnum sibi capiebant emolumentum.  
Vid. Heeren, l. l. p. 135 sqq. Qua de causa non du-  
bito, quin Clerici etiam suas adhortationes cumulare non  
neglexerint.

certe non tam vehemens apparuit omnium ardor. Hic autem tantus fuerat in prima expeditione, ut variis multisque ab Urba no promissis non opus esset magis excitari. Scilicet novae res erant quae agerentur, quarum eventus tam parum comperti erant homines, ut nescirent prorsus, utrum adversi an prospiri essent futuri. Qua de re nemo quoque cogitasse censendus est. Rerum enim sanctitatis opinio ita omnium animos occupaverat, ut, quasi rationis expertes, coeco impetu plane ferrentur. Et forte rerum novitas, ut vulgo fit, haud parum auxit illum ardorem. Praemia, coelestia illa, ut quisque acriorem se praestiturus erat Ecclesiae militem, eo grandiora beatioraque sibi habebat Crucifixatus exspectanda. Haec, uti ipsam Servatoris causam, quam ut religiosi Christiani defendendam erant aggressuri, suspiciebant et venerabantur. Nihil cogitabant nisi sacrum sepulchrum, in quo sanctissimum illud Jesu corpus fuerat conditum. Atque haec, et plura ejusmodi, quae ejus temporis inscitia, superstitionis et credulitas, sponte pepererant, tantum effecisse videntur ardorem.

Cum autem haec superstitiosa opinio et fanaticus, ut vidimus, ardor idem manserit, vel certe, si quando sedatus quodammodo, tamen, nec unquam prorsus extinctus fuerit per omne bellorum tempus,

pus, non est quod Robertsone plane assentiamur, hujus rei diuturnitatem ex variis Cruciatorum privilegiis, summaque iis concessâ libertate, repetenti. (1) Mirum profecto, quantum Cruciatorum numerus augeretur, tum maxime, quum Pontificum nuntii, vel Reges etiam, ejusmodi iis privilegia darent. Plura autem hujus rei exempla attulimus, ubi supra de praecipuis locuti sumus expeditionibus sacrâ. Veruntamen, si illa teneamus, quae de propria bellorum sacrorum diuturnitatis causa disseruimus, tam multum his privilegiis non poterimus tribuere. Scilicet hoc effecerunt saepius, cum fanaticus ille ardor relanguescere coepisset, ut hunc, aut denuo suscitarent, aut multum in Christianis augerent. Atque hanc ob causam sensim et numero aucta sunt, et majoris pretii esse coeperunt. (2) Qua de re paucâ addere libet.

Per multum, ut ex supra dictis patet, nec una de causa, intererat Pontificum Romanorum, ut bella sacra quam acerrime agerentur. Quantum igitur poterant, tantum hunc insinuem, variis pro tempore aptisque instrumentis, efficiebant studiosissime. Inde privilegia illa, quae et Cruce-

(1) I. l. Tom. II. p. 69.

(2) Vid. Heeren, l. l. p. 124, nota.

signatis, et iis etiam, concesserunt, qui bella sacra parare conarentur. Nimirum quae primum strenuis militibus promissa est omnium peccatorum absolutio, quaeque postea, tanquam tacito pacto, omnium habebatur Crucitorum, non potuit non ad omnia bella, quae gesta sunt, multos Christianos elicere. Quid enim aeternae felicitatis, armis demum acquirendae, sensu et exspectatione ad fortitudinem est efficacius? Hoc non magis Christiani testantur, quam victores Muhamedanorum exercitus.

Quod mox item edicto constitutum fuit, ut ne quis alium, cui animus esset ad participem se reddendum bellorum sacrorum, impediret, non minus magnam hominum copiam potuit sollicitare. Ita enim rumpebantur servitutis vincula, dominos inter et parentes, et discindebantur sanguinis conjunctiones amorisque; cum nec dominus servum, nec filium pater, neque uxor maritum, nisi anathemate vellent percuti, ab his bellis avocare auderent. Hoc autem Pontificum editum per omne mansit tempus bellorum sacrorum.

Ut principio, ita postea etiam, quum Orientis civitas cladem contraxerat, suis usi sunt Pontifices nuntiis, viris huic muneri maxime aptis, qui alta voce fratrum denuntiarent periculum. Horum autem facundiae atque orationis vim et efficacitatem, immensum quantum auxerunt sua  
auc-

auctoritate; cum illis potestatem darent de variis juribus immunitatibusque, quae varia tempora poscerent, et ipsis Principibus, et omnibus adeo Cruciatibus, concedendis: (1) quibus plerumque factum est, ut hominum multitudo, qui cruce se signabant, maximopere increaseret. Decumas *Saladinas* modo in memoriam revocemus, quas Principibus hoc pacto a parentibus exigere licebat, ut illi, qui ipsi arma caperent ac *Saladinum* aggrederentur, plane immunes essent ab iis solvendis. Quicunque igitur exigua sua bona, quae post crucem assumtam in tutela *Beati Petri* essent et Pontificum Romanorum, non in nihilum paene redigere volebant, his nihil potius erat faciendum, quam ut Principes in Palaestinam sequerentur.

Haec autem et ejusmodi fuere Cruciatorum privilegia, quorum ope, motis subinde et sollicitatis Christianorum animis, tantus vulgo in quavis expeditione omnium denuo excitatus apparuit ardor. Atque si has caeteris, in quas inquisivimus, adjungamus, non dicam omnes, sed plurimas tamen et primarias cognoscimus opportunitates. Quibus, una cum propria causa, e gentium duc-

ta

(1) Hic breves esse possumus, quoniam hujus Partis Cap. I. de praecipuis ejusmodi privilegiis locuti sumus. Vid. p. 123. 128.

ta conditione, conjunctim consideratis, spero fore, ut haec etiam quæstio, de bellorum diuturnitate militumque sacrorum ardore, magna ex parte, soluta habeatur. Mihi quidem, ut haec postremo addam, hanc ultimam Quæstionis partem pertractanti, Europæi Christiani visi sunt semper Godofredi precum eorumque verborum memores fuisse, quae primus ac pius ille Christianæ in Oriente civitatis moderator, fertur fuisse locutus. Quum enim complures, post victam Hierosolymam, in patriam redirent, **Godofredus**, „ diu colla suorum amplexans, „ et omnes benigne deosculans, obnixe cum la- „ crymis precasse, dicitur, ut sui memores „ existerent, et confratres Christianos admone- „ rent, quatenus ad Domini sepulchrum venire „ non dubitarent; ac sibi caeterisque consociis, „ in exilio remanentibus, auxilio de die in diem „ concurrerent, adversus tot barbaras natio- „ nes.” (1)

(1) Ita Albertus Aquensis, in opere: *Dei ges-  
ta etc.* p. 289.





CORNELII HOOYER,

IN ACADEMIA RHENO-TRAJECTINA

THEOLOGIAE CANDIDATI,

D I S P U T A T I O,

Q U A

RESPONDETUR AD QUAESTIONEM,

AB ORDINE THEOLOGICO

P R O P O S I T A M :

„ Quibusnam partibus sibi invicem similes sunt  
„ sacri lavationis et coenae ritus a Christo  
„ instituti? Quis huius comparationis est  
„ usus, in iudicio de utriusque ritus indole,  
„ legitimo usu ac fructu salutari? ”

QUAE P R A E M I U M R E P O R T A V I T.

Parceque l'homme est un être sensible, et qu'une religion, qui reduiroit tout au pur spiritualisme, pourroit ne point convenir assez à un tel être, il seroit fort dans le caractère d'une doctrine céleste, de frapper les sens par quelque chose d'extérieur. Cette doctrine établiroit donc un culte extérieur, elle institueroit des cérémonies, mais en petit nombre, et dont la noble simplicité et l'expression se roient exactement appropriées au but particulier de l'institution et au spiritualisme du culte intérieur.

Ch. Bonnet,

*Palingénésie philosophique,*

Part. XXI. Tom. II. p. 319.

# C O N S P E C T U S.

---

## I N T R O I T U S.

## P A R S P R I O R.

Q U I B U S N A M P A R T I B U S S I B I I N V I C E M S I M I L E S  
S I N T S A C R I L A V A T O N I S E T C O E N A E  
R I T U S , D I S Q U I R I T U R .

### S E C T I O P R I M A.

#### Utriusque institutio.

- §. 1. *Baptismi institutio.*
- §. 2. *Coenae institutio.*

### S E C T I O S E C U N D A.

#### Utriusque significatio.

- §. 3. *Baptismi significatio.*
- §. 4. *Coenae significatio.*

S E C

4 C O N S P E C T U S .

S E C T I O T E R T I A .

Utriusque vis ad excitandam fidem et  
resipiscentiam.

§. 5. Baptismi vis.

§. 6. Coenae vis.

S E C T I O Q U A R T A .

Utriusque cum veteris foederis ritibus  
convenientia.

§. 7. Baptismi cum Hebracorum circumsec-  
tione convenientia.

§. 8. Coenae cum Hebraeorum epulo pa-  
schali convenientia.

S E C T I O Q U I N T A .

Ad utrumque ritum admittendi.

§. 9. Admittendi ad baptismum.

§. 10. Admittendi ad coenam.

S E C -

## S E C T I O   S E X T A.

Utriusque ritūs administratio,

§. 11. Baptismi administratio.

§. 12. Coenae administratio.

## S E C T I O   S E P T I M A.

Utriusque utilitas.

§. 13. Baptismi utilitas.

§. 14. Coenae utilitas.

## C O N C L U S I O.

## P A R S   P O S T E R I O R.

COMPARATIONIS USUS, IN IUDICIO DE UTRIUSQUE  
INDOLE, USU LEGITIMO AC FRUCTU SALUTARI.

## S E C T I O   P R I O R.


Comparationis usus, in iusto de utroque  
judicio, universe.

S E C-

## S E C T I O P O S T E R I O R .

Comparationis usus , in iudicio de utriusque indole, usu legitimo ac fructu saltari , speciatim.

EPILOGUS. De *sacramenti definitione.*



## I N T R O I T U S.

---

Baptismi et Coenae ritus sacri merito, inde ab Ecclesiae incunabulis, ad nostra usque tempora, summo honore fuere habiti. Sunt enim ritus, divina auctoritate instituti, qui amabili simplicitate Euangeli summam ita oculis sensibusque exponunt atque penitus admovent, ut revocatum ab omnibus peccatis hominem ad consummatam virtutem excitent et impellant. Quo factum est, ut nunquam non Theologi, in hisce gravissimis ritibus explicandis, occupati fuerint. Sed, cum plurimi, pro diversitate ingenii, indolis et eruditionis, diversa de iis tulerint iudicia, (1) dif.

(1) Quod recte de Sacrae Coenae interpretatione observat Martinus Vitringa, (in annot. ad Doctr. Christ. relig. Campegii Vitringae, Part. VIII, Tom. I, p. 1.) vere quoque de baptismo dicitur: Innumeris fere sunt scriptores, qui de Sacra Coena commentariis

difficilis facta est utriusque interpretatio. Quam ob rem Theologis, in hac causâ versantibus, diligenter circumspiciendum est, numquid in Christi Apostolorumque dictis reperiatur, quo, quae in alterutro ritu, vel dubia et incerta videantur, vel in dubitationem trahantur, illustrari possint et confirmari.

Huiusmodi interpretationis subsidium, quo gravissima baptismi et coenae capita illustrari et sta-

sunt, et de nullo fidei articulo tot prodiere scripta, in primis Reformatorum, Romano-Catholicorum et Lutheranorum Theologorum, quot de hoc Sacramento. — Ab una parte mirandum sane est ingens divortium sententiarum de sensu simplicium, et clarorum verborum institutionis Eucharistiae apud tres Evangelistas et Apostolum Paulum, non solum inter doctores diversarum Ecclesiarum, verum etiam eiusdem coetis. Ab altera parte non satis deplorari potest, Epulum hoc a Principe pacis institutum in memoriam immensi amoris sui, et in sigillum communionis et unionis arctissimae fidelium cum ipso; ut et in figuram communionis et unionis credentium inter se; nec non ut esset vinculum dilectionis, pacis et concordiae, ansam praebuisse ingenti numero scriptorum eristicorum, atque infelici et funesto disfido inter capita primorum Reformatorum; quod postea, ut tristis experientia omnium temporum edocet, mater fuit aliarum controversiarum ab utraque parte magno animorum aestu et acerbitate agitatarum, quae effecerunt, quod omnia media concordiae fuerint invita, atque schisma, proh dolor! adhuc duret, tamque altas radices egerit, ut Theologi pacifici de exoptata reconciliatione penes desperent.

stabiliri commode possunt, indicasse mihi videtur summe venerabilis Theologorum Ordo Rhe-  
no-Traiectinus, in quaestione, iuvenibus ad dis-  
ceptandum propositâ: *Quibusnam partibus sibi  
invicem similes sunt sacri lavationis et coenae  
ritus a Christo instituti? Qui⁹ huius compara-  
tionis est usus, in iudicio de utriusque ritus  
indole, legitimo usu ac fructu salutari?* Quae  
quidem quaestio eo magis sese commendat et  
accusatori indagatione digna videtur, quo plu-  
res sunt semperque fuerunt, qui hac compara-  
tione ita abuterentur, ut magnam obscuritatem  
ritibus offunderent, quum contra bene pruden-  
terque instituta comparatio utriusque ritui illustran-  
do quam plurimum proficit. Atque hinc fac-  
tum est, ut multi, hunc abusum animadverten-  
tes, in contrarias abirent partes, et, vel mino-  
rem, quam decet, vel omnino nullum compa-  
rationi inesse usum, iniusto de utroque iudicio,  
sibi persuaderent.

Inquirentes in similes baptismi et coenae par-  
tes, sponte in *Sacramenti* vocabulum, quo uter-  
que hic ritus appellari solet, incidimus. Quapropter,  
de huius vocabuli notione, nonnihil  
subiungendum esse duximus. Nisi enim huius vo-  
cis, diuturno Ecclesiae usu tritae, cognoscamus  
significationem, ad inanem facile dilabimur lo-  
gomachiam.

In

In hac igitur quaestione tractandâ, hanc mihi viam ineundam iudicavi, ut, ipsa quaestione duce, in *priori* parte, exponerem similes baptismi et coenae partes, in *posteriori* vero, de huius comparationis usu, in iudicio de utriusque indole, usu legitimo et fructu salutari, differerem: quibus subiunxi disquisitionem, de *Sacramenti* vocabulo recte definiendo.

## PARS PRIOR.

QUIBUSNAM PARTIBUS SIBI INVICEM SIMILES  
SINT SACRI LAVATIONIS ET COENÆ.  
RITUS , DISQUIRITUR.

---

### SECTIO PRIMA.

Utriusque ritus institutio.

§. I.

#### Baptismi institutio.

Christus , postquam in vitam redierat , ante-  
vero quam in coelum abiret , summamque au-  
toritatem sibi destinatam nancisceretur , haec ius-  
sit Apostolos suos : Πορευθέντες εἰς τὸν κόσμον  
ἄπαντα , κηρύξατε τὸ εὐαγγέλιον πάσῃ τῇ οντί .

σει ,

σει, μαθητεύσατε πάντα τὰ ἔθνη, βαπτίζοντες αὐτοὺς εἰς τὸ ὄνομα τοῦ πατρὸς, καὶ τοῦ νιόυ, καὶ τοῦ ἀγίου πνεύματος, διδάσκοντες αὐτοὺς τηρεῖν πάντα, ὅσα ἐνετειλάμην ὑμῖν. ὁ πιστεύσας καὶ βαπτισθεὶς σωθήσεται· ὁ δὲ ἀπιστήσας κατακριθήσεται (1)

Sunt, qui temere huius loci αὐθεντίαν in dubium vocant, (2) quamvis in omnibus Codicibus et versionibus inveniatur et ab antiquissimis patribus laudetur. (3) Quae vero ad hanc conjecturam stabiliendam afferunt argumenta, ea tam levia sunt et futilia, ut refutatione vix digna videantur. In eo enim dubitationis praesidium quaerunt, quod unus Matthaeus ea retulerit verba; sed nemo nescit, Marcum, brevius et constrictius scribentem, plura a Mattheo narrata omittere, imprimis ubi ad libri finem properat,  
uti

(1) *Matth.* XXVIII: 19. 20a. coll. *Marc.* XVI: 15, 16.

(2) Schmidt, *Bibl. für Kritik und Exeg. des N. T.* I. p. 144. Eichhorn, *Eint. ins N. T.* I. p. 509. Bertholdt, *Kritische Eint. etc.* III. p. 1267. et imprimis Tellerus, *Exc. II. ad Burneti librum de fide et officiis Christ.* p. 262. alibi. Halaë, 1786.

(3) Griesbachii *N. T. Gr.* ad h. l. Kuinoel, in *Comment in libr. N. T. hist. Part.* I. p. 811, 812. Io. van Voorst, in *Diss. Soc. Hag. pro vind. relig. Christ.* a. 1788. p. 361 seqq. et W. A. van Hengel, in eiusdem *Soc. Diss.* a. 1811. p. 20 - 29.

uti et satis probabiles dari causas, quare Lucas et Iohannes baptismi institutionem silentio praetermisserint. (4) — Dicunt porro: si Christus Apostolos iussisset, omnium gentium homines, ( $\piάντα τὰ ἔθνη$ ) sacro ritu initiandos, discipulos facere, fieri non potuisse, ut Apostoli aliquamdiu opinarentur, sibi non licere, alienigenis Christi doctrinam tradere, eosque in coetum Christianorum recipere. At, quamvis Apostoli initio quidem Christi verba parum perspexisse videantur, postea tamen, religionis Christianae indolem melius edocti, omnes cuiuscunque tandem gentis homines baptismo in Christianorum numerum susceperunt. — Afferunt quoque hoc, quod formulae  $\betaαπτίζειν εἰς τὸ οὐρανόν τοῦ πατρὸς καὶ τοῦ υἱοῦ καὶ τοῦ πνεύματος ἄγιου$ , nullum in Actis Apostolorum reperiatur indicium, cum tamen non pauca baptismo initiatorum existent exempla. Sed ex eo colligeat licet, Christum quidem formulam, vere sic dictam, non praescripsisse, baptismum vero ipsum omnino instituisse. Coniiciunt tandem, hanc formulam esse senioris originis, et dogmaticarum litterarum opportunitate interpolatam. At vero Arianorum litteres, quae huius criminis ansam dare potuerunt, exeunte demum saeculo III. et ineunte IV. exar-

se-

(4) Cl. van Hengel, *Diss. Lxxd.* pag. 52-56.

serunt, cum huius formulae iam apud Iustini-  
num (5) et Tertullianum (6) mentio  
fiat. — Praeterea mature iam tantus erat  
codicum versionumque, in disitas regiones di-  
spersarum, numerus, ut eodem omnes inquinari  
vitio haud potuerint: atque isti crimini oberat  
frequens huius formulae usus, in omnibus Chri-  
stianorum coetibus. Tandem Arianorum nemo  
hanc formulam, quoad equidem scio, in du-  
biū vocare unquam ausus est.

Christus igitur hisce, quae Matthaeus retulit,  
verbis allocutus fuit Apostolos suos, in quodam  
Galilaeae monte congregatos, ubi promiserat se  
eos esse conventurum. Plures quidem Christi  
discipulos in hunc montem sese conculisse con-  
stat; at vero Matthaeus diserte hic de Apostolis  
mentionem facit; (7) et Paulus Apostolus huius  
rei commemorationem distinguit ab illa, qua  
Christus primum Apostolis apparuisse dicitur;  
scribit enim: εἰτα τοῖς δώδεκα, ἔπειτα ὥφθη  
ἐπάνω πεντακοσίοις ἀδελφοῖς ἐφάπαιξ. (8)

Itaque Christus suos iussit Apostolos, in to-  
tum terrarum orbem proscisci, omnibus Euan-  
ge.

(5) *Apol.* I, 61. p. 79.

(6) *Contra Prax.* c. 26.

(7) C. XXVIII: 16, 17, 18.

(8) *1 Cor.* XV:6.

gelitum annuntiare, et e singulis gentibus disciplinae ab ipso traditae alumnos facere, (9) solennique ritu lavare.

Scilicet *βαπτίζειν* est lavare vel *immergere*, (10) ac de quacunque lavatione usurpatur, sive illa sit vulgaris vasorum lotio, (11) sive quae olim sacro ritu fiebat apud Hebracos, (12) sive ritus, homines aqua lavandi ab Iohanne Baptista et Apostolis administratus. (13) Quamvis autem Christus huius ritus administrandi modum non describat, propterea quod Apostolis ea admonitione non opus erat, quippe qui baptismum ab Iohanne administratum viderant ipsique eius-

(9) Μαθητεύειν non est docere; distinguitur enim αδιδάσκειν, (sect. 20.) sed μαθητὰς ποιεῖν, (Ioh. IV: 1.) disciplinae alumnos facere.

(10) *Βαπτίζω* et *βαπτισμός* respondent Hebr. et τριτη. Latini vocabulis *baptizo* et *baptismus* utuntur, quibus, vel *adspersionem*, vel *immersionem*, vel *utramque*, significant. Sebast. Castellio ab hisce verbis abstinendum duxit, in sua Bibliorum versione Latina, pro Graecis verbis substituens haec: *lavo*, *abluo*, *lotio*.

(11) Marc. VII: 4.

(12) Hebr. IX: 10.

(13) Matth. III: 6. Luc. III: 16. Ioh. III: 23. Act. I: 5. VIII: 38. X 47. De Iohannis Christique baptisma. te conf. G. C. Knappii scripta varii argumenti, maxima partem exegeticici atque historici, Comm. V. p. 162 seqq.

eiusmodi ritum iam administraverant, (14) vel sic tamen eum hanc solennem et externam lavandi caerimoniam spectasse, nec de inauguratione interna, quae tantummodo docendo fiat, locutum esse, (15) ex eo constat, quod haec *docendi significatio*, quam ante Socinum τῷ βαπτίζειν tribuit nemo, male conveniat cum Christi verbis proxime subsequentibus: διδάσκοντες αὐτοὺς τηρεῖν πάντα ὅσα ἐνετειλάμην ὑμῖν, et quod Apostoli, hoc exsecuti mandatum, aqua homines lavarint, idque iussu et auctoritate Christi fieri, professi sint. (16)

Agen-

(14) *Ioh.* III: 22. IV: 1, 2.

(15) Ex Socini schola nonnulli, Christi verba distorquentes, hoc volunt. Cf. M. Vitringa, *Annot. ad C. Vitringae lib. I. Part. VII. p. 303.*

(16) *Act.* II: 38. X: 48. Evidem scio, plerosque formulam ἐπὶ et ἐν τῷ ὄντει confundere, in his Morum, *Comm. Exeget. hist. in Theolog. Christ. epitomen*, Tom. II. pag. 406 et 407. Kuinoelium *Comm. laud.* Vol. I. p. 811. Rosenmullerum, *Schol. in N. T.* Tom. III. p. 25. Verumtamen mihi persuadeo, priores formulas ἐπὶ et ἐν τῷ ὄντει in Novi Foederis libris semper significare, iussu ei auctoritate, *Act.* III: 6. IV: 10, 18. V: 28. *Marc.* IX: 38, 39. XVI: 17. *Luc.* X: 17. alibi; contra vero εἰς τὸ ὄντει hanc significationem nospiam habere. Quae pro sua sententia assert Morus, l.l. facile refelluntur, si teneamus, in ipso baptismo nihil quic.

Agentes autem de externo illo lavandi ritu non aliter possumus, quin afferamus aliquid de summa ipsis simplicitate, quae, quanta sit, continuo perspiciemus, si ritus veteris foederalis attendamus, qui, ab initio iam satis onerosi, deinceps per Phariseorum superstitionem multo molestiores facti, tempore Christi, tanquam grave et **vix** ferendum onus, Iudeorum cervicibus incunibabant. (*Matth. XXIII: 4. Act. XV: 10.*) Nimirum baptismus simplici administrandus est aqua, (17) qua nusquam carere possunt terrae incolae, et cuius copia erat in Israëlitarum regione, lacubus,

quicquam mutari, sive haec formula adsit, sive desideratur. Ac facile dari possunt causae, quare Petrus, (*Act. II: 38.*) baptismum εἰς ἀφεσίν ἀμαρτιῶν, iussu et auctoritate ipsius Christi, quem Iudei in effecerant, administrari dixerit, si timentium animadvertisimus turbam, quae ab omni salutis et condonationis spe defelicta sibi videbatur. *Conf. I. I. Hesz, Geschicht und Schrifte der Apost. Jesu.* Vol. I. c. I. p. 23. Atque id ipsum in omnium oculos cadit, si locum *Act. X: 48.* inspiciant et miras illas περιστοσεῖς, miratam Petri opinionem, ejusque orationem legant et perpendant. *Conf. I. I. Hesz I. I. Vol. II. c. III. p. 144-146.* P. Bosveld in nostra praevisse sententia videtur. *Vid. Verkla van Paulus brief aan de Rom.* Vol. I. pag. 243. *Conf.* quoque C. G. Bretschneideri *Lex. in libb. N. F.* in voce θύμως.

(17) *Matth. III: 6. Ioh. III: 23. Act. VIII: 38.*

būs, fluminibus, rivulis fontibusque perennibus abundante. (18) Est praeterea res communi usū recepta, quam omnes facile sibi comparare possunt, et qua saepius uti amant, imprimis Iudei populi que sub calidiori coelo viventes, qui adeo ad humanitatis officia referunt convivarum lavationem. (19) Hanc fortasse iucunditatem ipse spectavit Christus, qui, ritum circumfessioni simillimum instituens, molestam istam ac saepe periculosam caerimoniam non retinuit, verum faciliorem et iucundiorēm lavationem in eius locum substituit. Est denique aquae lavatio sanitati utilissima et vitae bene curandae necessaria, tollit enim fordes et immundiciem, quae corpori semper adhaerent, eique nocent, et cunctem reddit leniorem atque ad evaporandum aptiorem: quae res, iudicibus medicis, tam necessaria est, ut, si impediatur, pericitetur sanitas ipsaque adeo vita. Hanc lavationis utilitatem et necessitatem spectarunt Persae, Aegyptii, Graeci Romanique, quorum consuetudo ferebat et religio praecipiebat, saepius adhibendas

es-

(18) Clar. Pareau, *Ant. Hebr.* Part. I. Sect. II. c. IV. §§. 5, 6, 7. et H. E. Warnektos, *Emper. der Hebr. Alterth.* c. V.

(19) *Luc.* VII: 44.

esse lavationes. Nec minus proficie (20) Moses plurimas Israëlitis intinxit lotiones. (21)

Hunc quidem ritum simplicem, iucundum, utilem et necessarium, summe nos veneremur, qui Christo nomen dedimus Arctissimo enim vinculo cum religione Christiana coniungitur. Nec tantum fidei profienda inservit; verum etiam, nisi eam suscipiamus, fieri non potest, ut regni divini cives habeainur. (22) Denique divina auctoritate est institutus (23) omnibusque in-

(20) J. G. Reiche, *Diss. de baptismatis origine et necessitate, nec non de formula baptismali.* Goett. 1816. Sect. I. §. 1-4.

(21) Clar. Pareau, l. l. Part. II. Sect. II. c. VII. §. 2.

(22) Ioh. III: 5:

(23) Sunt, qui Iohannis et Christi ritum e Proselytorum baptismo Iudeis usitato ducant, ut Grotius, (*ad Matth. III: 6.*) Danzius, (*Diss. de bapt. proselytorum Iudico*, *ad illustrandum bapt. Iohannis* (*Matth. III: 5. 6* Ien. 1699 et de *Antiquitate bapt. initiationis Israëitarum vindicata.* Ien. 17 o.) E. G. Bengel, *Untersuchungen zur Jüdischen und Christlichen Religionsgeschichte, über das Alter der Jüdischen Proselytentaufe.* Tüb. 1814.) alii. Quamvis vero Proselytorum baptismus lavandi ritu, ab Iohanne Christoque acharbito, sit antiquior, quod negant Wernsdorffius, (*Recent. de bapt. controv. et de bapt. Christ origine mere divina.*) Paulus (*Comm. ad Matth. III: 6.*) et I. G. Reiche, l. l. vel sic tamen baptismi a Christo instituti auctori-

iniunctus et praescriptus. Christus enim, suo arbitrio nihil quicquam agens, (24) sed, ut erat Patri coniunctissimus, (25) ita etiam quaecunque ei placebant perficiebat, (26) hic igitur, quem Deus, e mortuis in vitam revocatum, vindicaverat et paulo post in coelum extollendum vindicaturus erat, hic, inquam, Christus sacrum baptismi ritum instituit, professus: ἐδόθη μοι πᾶσα ἔξουσία ἐν οὐρανῷ καὶ ἐπὶ γῆς.

Atque adeo mirum nobis non accidit, Apostolos, quibus Christus huius ritus sacri administrandi provinciam dederat, ita mandata exsecutos fuisse, et hunc ritum, a Christianis tam avide acceptum, omniisque aevi tanto honore habitum fuisse, ut, a primis inde temporibus, ad nostra usque tempora, non intermisus perverterit.

## §. 2.

tas divina minime impugnatur, quod docent Danzius, (*Antiquitas bapt. init. Isr. vind. §. 99-102.*) et Zeltnerus (*de initiis bapt. init. Iud. p. 51. seqq.*) et quod affirmat Bengel, l. l. p. 36.

(24) *Ioh. V: 19.*

(25) *Ioh. XVII: 22.*

(26) *Ioh. VIII: 29.*

## §. 2.

*Sacrae coenae institutio.*

Christus, ultima vitae nocte, coenam, in sui mortisque suae memoriam, instituit sacram: quam institutionem nobis sic referunt Euangelistae Matthaeus, Marcus et Lucas, uti et Apostolus Paulus: Ὁ κύριος Ἰησοῦς, ἐν τῇ νυκτὶ ἡ παρεδίδο-  
το, αὐτοῦ τε καὶ τῶν μαθητῶν αὐτοῦ ἐσθιόντων,  
ἔλαβεν ἄρτου, καὶ εὐλογήσας ἔκλασε καὶ ἔδωκεν  
αὐτοῖς, λέγων· λάβετε, Φάγετε, τοῦτο ἐστι τὸ  
σῶμά μου τὸ ὑπὲρ ὑμῶν κλώμενον (διδόμενον)  
τοῦτο ποιεῖτε εἰς τὴν ἐμὴν ἀνάμνησιν. Ωσαύτως  
καὶ τὸ ποτήριον, μετὰ τὸ δειπνῆσαι, εὐχαρι-  
στήσας, ἔδωκεν αὐτοῖς<sup>1</sup>, λέγων· πίετε ἐξ αὐτοῦ  
πάντες· τοῦτο τὸ ποτήριον ἡ καὶνὴ διαθήκη ἐν τῷ  
ἀίματί μου. τοῦτο γάρ ἐστι τὸ αἷμά μου, τὸ  
τῆς καὶνῆς διαθήκης, τὸ περὶ πολλῶν ἐκχυνόμε-  
νον εἰς ἄφεσιν ἀμαρτιῶν· τοῦτο ποιεῖτε, ὅσάκις  
ἄν πίνητε, εἰς τὴν ἐμὴν ἀγάμνησιν. Λέγω δὲ  
ὑμῖν, ὅτι οὐ μὴ πίω ἀπ' ἄρτου ἐκ τούτου τοῦ  
γεννήματος τῆς ἀμπέλου, ἕως τῆς ἡμέρας ἐκεί-  
νης, ὅταν αὐτὸς πίνω μεθ' ὑμῶν καὶνὸν ἐν τῇ βα-  
σιλείᾳ τοῦ πατρός μου. (1)

Ne-

(1) Cf. Matth. XXVI: 25-28. Marc. XIV: 22-24.  
Luc. XXII: 19, 20. i Cor. XI: 23-25. Cf. Döct. H.

Nemo facile in dubium vocabit horum verborum *αὐθεντίαν*, quam plurimi iisque optimi codices et versiones tacentur. Qui vero singulorum vindicationem verborum desiderat, adeat scriptores, qui de industria huic quaestioni tractandae operam dederunt (2).

Dissimilitudo, quae in Euangelistarum et Pauli narrationibus deprehenditur, nullam nobis dubitandi ansam praebet; huius enim discriminis causa in eo videtur quaerenda, quod Iesus interea, dum panem porrigebat Apostolis, hique vinum alii post alios bibeant, mox haec dixerit, mox vero alia horum dissimilia. Quapropter singulorum comparatio valde iuvat, ad Christi mentem rite interpretandam, minime vero nos eo adducit, ut verba dicamus negligenda. (3) Neque Iohannis Apostoli silentium impedit, quominus statuamus, haec a Christo esse

pro-

I. Tol, *Spec. Acad. quo Euangelistarum et Pauli de instituto a Iesu Christo epulo sacro comparatae inter se narrationes illustrantur.* Lugd. Bat: 1819. cuius narrationum collationem p. 132. secutus sum.

(2) Doct. Tol. I. I. c II. Sect. I. Cl. van Hengel, *Diss. laud* p. 36-38.

(3) Quod non satis considerate defendit Cl. Dav. Schulz, in libro: *die Christ. Lehre vom heiligen Abendmahl nach den Grundtexten des N. T.* p. 278 et 279.

profecta, quia ille in suo Euangelio praetermittere solet, quae iam satis diligenter videbat perscripta in prioribus Euangeliis, contra diligentius ea referebat, quibus Iesu, Dei filii, eodem cum Patre honore venerandi, auctoritatem posset vindicare, atque obviam ire perversis de Iesu opinionibus, quos sovebant, cum alii, tum imprimis Iohannis Baptiste discipuli.

Christus, vespera diei antecedentis diem, quo erat mortem pro nobis subiturus, una cum Apostolis suis festum Paschale celebrans, in liberationis e servitute Aegyptiaca memoriam, similem ritum instituit, in memoriam liberationis a peccatis eorumque poenis, quam nos ipsi debemus.

Postquam igitur convivae agnum Paschalem comederant, (4) ante vero quam cantici, *magnum*

(4) Epulas illas Paschales fuisse peractas, notant Matthaeus et Marcus, ubi dicunt: ἐσθίονταν δὲ αὐτῶν. Quod non vertendum est, uti nonnulli volunt: *iis coenantibus, inter coenandum*; hoc enim cum Christi, novum ritum instituentis, consilio non convenit. Vid. Kuinoel, *Comm. Part. I.* p. 708, 709. Quodsi haec, quae de S. Coena narrant Euangelistae, ad epulas Paschales pertinuisserint, non opus fuisse Christo illa cohortatione: λέβετε, Φάγετε, πίετε πάντες, quia in Paschatis epulis recusare illicitum erat. Vid. Lightfoot, *Hos. Hebr. et Talm.* p. 476 et 478 seqq. Sed, cum epulse Paschales iam essent peractae, hacce cohor-

*num hallel dicti, partem posteriorem (5) cantaverant, (6) sumvit Christus panem, actisque Deo gratiis, (7) distribuit, dicens: Accipite, comedite, hoc est corpus meum, quod pro vobis morti traditur: hoc facitote in mei memoriam.* Similiter, sumto poculo, actisque Deo gratiis, porrexit vinum Apostolis, dicens: bibite ex eo omnes, hic enim est sanguis meus, sanguis Novi Foederis, (8) qui pro multis effunditur; hoc facitote, quotiescumque biberitis, in mei memoriam.

Haec instituit Christus, non quidem ut memoriam τῶν ἀζύμων excitaret, quos olim ederant hortatione opus erat, ne quis satietatis causa edere aut bibere detrectaret.

(5) Matth. XXVI: 30. Marc. XIV: 26.

(6) Cf. Doct. Tol. I. l. p. 137. et legantur varia de institutae coenae tempore iudicia, quae affert Mart. Vitrina, ann. laud. Part. VIII. Tom. I. pag. 12 seqq.

(7) Paulus et Lucas habent εἰχαριστήσας, a quo non differt Matthei et Marci verbum εὐλογήσας nam ut synonyma permutantur Matth. XV: 36. coll. Marc. VIII: 6, 7. et in ipso nostro Matthei textu, sect. 26, 27. et Marci sect. 22, 23. Conf. Lightfooti Hor. Hebr. ad h. Matth. l. et Morus, in Comm. Exeg. Hist. p. 600.

(8) Apud Paulum et Lucam, simili proposita sententia, legitur: hoc poculum est Novum Foedus, quod fit per meum sanguinem.

rant patres, verum ut fructus significaret, quos percepturi erant ex optimo magistro, semetipsum morti tradente, ὑπὲρ τῆς τοῦ κόσμου ζωῆς.

In hoc quidem ritu instituendo, Christus neglexit, et agnum paschalem, et hebas illas amaras, sed simpliciter panem, qui ad manus erat, et vinum, quod poculo erat infusum, sumvit, et comedendum bibendumque dedit. In hoc igitur ritu iterum observamus miram illam simplicitatem, quam in aliarum gentium ritibus sacris frustra quaeras. Quotidie enim quisque edit et bibit; pane et vino assueti erant Iudei: (9) ac, licet vinum panemque non singulae regiones suppeditent, utrumque tamen cuivis homini facile comparatur. Sunt praeterea res utilissimae, ab omnibus desideratae: quocirca Iacobus Patriarcha, morti proximus, vinum laudavit rem maxime desiderabilem et eximiae praestantiae; et Davides panem una cum vino carminibus celebravit. (10) Denique Iudei haec utilissima dona

a

(9) H. E. Warnekros, lib. I. c. XXVI. §. 2. Pareau, lib. I. Part. IV. C. III. §§. 9-16.

(10) Gen. XLIX: 11, 12. Ps. CIV: 14, 25. Graeci Remanique has res tanto habuerunt pretio, ut ob eorum inventionem Cererem et Bacchum in Deorum numerum collocarint. Vid. Diodorus Siculus, L. IV. C. III.

(a Deo accepta Iehovae solenni ritu offerre solebant. (11)

Iccirco simplicissimum convivium Dominus noster eadem, qua baptismum, auctoritate instituit divina, et Apostolis mandavit, ut in suam memoriam id celebrarent; diserte enim dicit: *τοῦτο ποιεῖτε εἰς τὴν ἐμὴν ἀνάμνησιν.* Neque enim hoc mandatum restringere possumus ad id, quod hac ipsa vespera esset faciendum, quia *ἀνάμνησις* numquam de re praesenti dicitur, et quia adiicit Christus: *hoc faciōte in memoriam mei, ἐσάνες ἀν πίνυτε.* Cui magistri mandato obtemperantes Apostoli, una cum Christianae Ecclesiae sociis, hanc Christi memoriam pie coluerunt, et sacram coenam omnibus valde commendarunt, (12) cuius celebrationem omnes omnis aevi Christiani summo, saepissime superstitioso, honore habuerunt, quo factum est, ut sacrum hoc convivium ad nostra usque tempora sit propagatum.

Haec

(11) Conf. Cl. Pareau, lib. I. Part. II. Sect. II. c. 4.

(12) 1 Cor. X: 16, 17, 21. XI: 20-34. Conf. Cl. van Hengel, Diss. laud. pag. 83-90.

Haec qui reputat de sacrae lavationis et coenae institutione dicta, sibi facile persuadebit, hos ritus in eo convenire, quod sint ritus externi, iucundi, sanitati ac vitae utiles et necessarii, a Christo divina auctoritate instituti, Apostolis mandati, a Christianis, ab Apostolorum inde aetate ad hunc usque diem, summo honore habiti et celebrati.

---

### SECTIO SECUNDA.

#### Utriusque ritus significatio.

Quemadmodum saepissime parabolis in docendo usus est Christus, ita etiam ritus symbolicos adhibuit, (1) ad res, quae mente et animo percipiuntur, ante oculos ponendas et ita depingendas, ut sensibus viderentur subiectae, faciliusque ab omnibus intollerentur, quibus eo clarior et certior videtur res, quo magis ad sensus referuntur aut sensuum ope percipitur.

Maxime cum parabola convenit ritus symbolicus;

(1) Matth. XVIII: 1-6. Mare. IX: 36, 37. Luc. IX: 47, 48. Ioh. XIII: 3-6. XX: 22.

cus; in eo vero discrepant, quod hic ipsas actiones instituit, illa vero has non nisi fingit et narrat: quapropter merito symbolicis actionibus maior tribuitur in hominum animos vis et efficacitas. Ut res, quas parabola tradit, non curramus, num vere acciderint, quia eo tantum valent, ut res graviores nobis significant, sic etiam symbolicae actionis non nisi eatenus nostra interest, quatenus haec rem sublimiorem, quae sensibus externis non percipitur, indicat atque effingit.

In horum igitur rituum symbolicorum numerum referimus, et baptismum, et sacram coenam, quibus significatur liberatio a peccatis eorumque poenis, quae fidentibus et resipiscientibus promittitur et datur. Verum de singulis videamus, et non nihil quoque moneamus de utriusque significandi modo.

### §. 3.

#### *Baptismi significatio.*

Christus, qui, divina imbutus sapientia, cuncta sua praecepta et monita ad animi morumque emendationem semper dirigebat, eumque in finem symbolicis subinde actionibus utebatur, si ritum voluiset instituere perpetuo celebrandum, non

non eum instituisset, qui mera veluti caerimonia ad corpus tantummodo pertineret, animum vero ieiunum et vacuum relinquaret. Quodsi vero lavatione solenni aliquid spectaverit sublimius, quid, quaeſo, aptius significare potuit, quam liberationem a peccatis eorumque poenis? Huius enim effigies erat vulgaris lavatio apud plurimas gentes veteres, ut Aegyptios et Persas. (2) Graeci quoque et Romani, institutis ad religionem pertinentibus lavationem praemittentes, huic inesse emendandi placandique et significationem, et vero etiam vim, sibi persuadebant. (3) Apud Israëlitas porro eadem iustificationes, in religiosis negotiis, erant consuetae, (4) non tantum ad populi munditiem adhibitae, verum eo etiam valentes, ut Israëli animi puritas significaretur, qua Deum adire sanctissimum deceat; quare animi sanctitas corporisque puritas, et arcte coniunguntur, (5) et ita aliquando permutantur, ut, in ipsa lavatione, animi emendationem

(2) Conf. Diodorus Siculus, I. p. 63. Herod. II. 27. Porphy. de abst. IV. 7. et vid. I. G. Reiche, de bapt. orig. et necess. Part. I. Sect. II. §. 3.

(3) Conf. Iōea, quae afferunt Reiche, 1. 1. et Kui-noel, lib. I. p. 56.

(4) Gen. XXXV: 2. Exod. XIX: 10, 14. XXIX: 4. XXX: 19 21. Lev. VIII: 6. XVI: 4.

(5) Exod. XIX: 10, 14.

peccatorumque veniam quaevisisse videantur impii Israëlitae. (6)

Hanc ob rem frequens est in S. libris *lavationis* metaphorā, ad animi emendationem poenarumque remissionem designandam. Vitiosi enim dicuntur *sordidi*, *commaculati*, (7) emendati vero, mox a Deo, mox a Christo *purgati*, (8) ac per Spiritum S. *lavati*. (9) Emendationē operam dantes se ipsi *purgare* dicuntur. (10) Qui denique poenis digni sunt, dicuntur *sordidi*, (11) et a peccatorum poenis liberati vocantur *purgati*. (12)

Non igitur est, quod miremur, omnes Iudeos probe intellexisse Pilati mentem, cum manus suas lavando, se necis insontem profiteretur; (13) nec mirum nobis accidere potest, Christum, Apostolorum pedes lavantem, hanc purgationis imaginem adhibuisse, (14) et com-

mu-

(6) *Ier.* II: 22, 23.

(7) *Ioh.* XIV: 4. *Ies.* LXIV: 6. *Ps.* CVI: 39. *Ier.* II: 23. *Ezech.* XX: 7. XXXVII: 23.

(8) *Act.* XV: 9. *Ier.* XXXIII: 8. *Ezech.* XXXVI: 33. XXXVII: 23. *Eph.* V: 26, 27. *Tit.* II: 14.

(9) *1 Cor.* VI: 11.

(10) *Ies.* I: 16. *Ier.* IV: 14. *1 Cor.* VII: 1.

(11) *Ps.* LI: 4.

(12) *1 Ioh.* I: 7. *Apoc.* I: 5.

(13) *Matth.* XXVII: 24, 25.

(14) *Ioh.* XIII: 3-16. *imprimis* 10, 11.

muni usū receptam emendationis et véniae significationem baptismi ritui tribuisse. Huius autem significationis certiores etiam reddimur eo, quod Christus Euangeli nuncium arcte cum baptismō cōiunxerit, ita ut Apostoli nemini hunc administrarint ritum, nisi Euangelio sincere fidem habenti Euangeli autem argumentum in eo est, ut nobis, interposita certa lege ac conditione, liberatio a peccatis eorumque poenitentia promittatur. (15) Haec liberatio nunciabatur ab Apostolis: quibus qui cunque fidem haberent, solenni ritu lavabantur Christianae socii Ecclesiae. Iam vero baptismō quid commodius et apertius indicare potuit Christus, quam argumentum ipsis Euangeli, quo i annunciarī audiverant, cuique fidē n̄ praebuerant initiandi? Praeterea vero Christus eos etiam iniciari iussit, εἰς τὸ ὄνομα τοῦ πατρὸς, καὶ τοῦ υἱοῦ, καὶ τοῦ πνεύματος ἀγίου, (16)

ad

(15) *Ioh.* III: 16-18. 2 *Cor.* V: 19 — VI: 2. *Tit.* II: 11-15.

(16) Hic disceptare nolumus de eo, utrum ὄνομα, *Hebr.* οὐ per περιφερσίν, Hebraicis cōsuetām, abundet nec ne: (*Kuinoel*, l. l. Tom. I. p. 809. et J. G. *Reiche*, l. l. p. 140. nota a.) rēs enim eodem redit. Quodsi aliquis nōmen profitemur, hunc talem prospicimus, qualem semet ipse nuncupat, aut qualis nomine suo haberi vult. De bapt̄ismi formula legi merentur *Ioannes Dileberge*, *de bapt̄ismo et S. cocta*, c. i.

de

ad profitendam adeo Euangelii summam, hoc est, Deum, Christi hominumque Patrem benignum, (17) et Filium eius dilectissimum, in mundum misum, ἵνα σωθῆ ὁ κόσμος, (18) et Spiritum Sanctum, a Deo Christoque profectum, Apostolis Ecclesiaeque sociis datum: (19) cui merito tribuuntur singula emendati animi effecta, omnisque Christianorum renovatio. (20) Christus igitur Euangelii summam, quae in liberatione a peccatis eorumque poenis consistit, paucis hisce verbis una comprehendit. Ad hanc igitur summam profitendam, sacra illa lavatione initiantur alumni. Quid vero illis, Ecclesiam ingressuris, ope baptismi, aptius, intellectu facilius et uberior, significare oculisque exponere potuit sapientissimus noster Dominus et Conservator?

Sed,

*de bapt. instit.* §§. XII.-XXII. Doederlein, *Inst. Theolog. Christ.* §. 347. Obs. II. Morus, *Epit. Part. V. c.* XIV. §§. 3-7. I. G. Reiche, lib. I. Part. III. §. 2. Doct. Hugenholtz, ad *Cap. VI. Epist. Pauli ad Rom.* p. 22 seqq.

(17) *Ioh. XX: 17. Eph. III: 14.*

(18) *Ioh. III: 17. Matth. III: 17. XVII: 5.*

(19) *Ioh. XIV: 16, 17, 26. XVI: 7-15. XX: 22. Act. VIII: 14-16. X: 45-47. coll. XI: 15-17. XIX: 6.*

(20) *Eph. I: 17, 18. 2 Cor. IV: 13. Rom. V: 5. Gal. V: 22. Rom. VIII: 26, 27. Act. IX: 31. 1 Thess. I: 6. Ioh. III: 5, 6. Tit. III: 5. 1 Cor. VI: 11.*

Sed ad ipsam quoque sacrorum scriptorum doctrinam attendere nos oportet, qua baptismum describunt, aut ad eum respiciunt.

Iohannis baptismus dicitur βάπτισμα μετανοίας, et, aequo ac Christi baptismus, εἰς ἄφεσιν ἀμαρτιῶν. (21) Unde colligimus, lavatio ne significari, et τὴν μετανοίαν, et τὴν ἄφεσιν τῶν ἀμαρτιῶν.

Hac de causa Christus baptismi ritum et ani mi emendationem arcte copulat, dicens, (22) neminem regni divini civem fieri posse, nisi divinitus renascatur, (ἄνωθεν vel ἐκ τοῦ Θεοῦ) (23) corpore aqua abluto, solenni baptismo ritu, (ἐξ ὑδατος) et animo vitiorum sor dibus purgato, Spiritus sancti efficacitate. (ἐκ πνεύματος) Et Paulus ἐν ἐγώ πνεύματι baptizatos dicit Christianos, quia in baptismo ima-

go

(21) *Marc.* I: 4. *Act.* II: 38. Iohannis baptismum, quem Christus comprobavit, *Matth.* XXI: 25. coll. *Luc.* VII: 29, 30, cui et sese submisit, *Matth.* III: 14, 15. baptismo, quem deinceps ipse instituit, fuiste simillimum, apud omnes constat. Cf. G. C. Knappii *Scripta varii argumenti*, pag. 162 seqq.

(22) *Ioh.* III: 5.

(23) Vid. C. W. Stronckii *Specimen, de doctrina et dictione Iohannis Apostoli ad Iesu magistri doctrinam dictionemque exacte composita*, Traj. ad Rhen. 1797. p. 105.

go est animorum Spiritu divino expurgatorum. (24) Docet quoque, (25) Christum Ecclesiam doctrina sua (*ἐν ῥήματι*) emendare sanctamque facere, cuius signum et documentum sacrae lavationis inest. (*τῷ λούτρῷ τοῦ ὄδατος*) Hanc ob causam, Christianis Corinthiacis scribens baptismumque innuens, (26) ἀπελούσασθε, inquit, mox vero adiungit *ἡγιάσθητε, ἐδικαιώθητε.* Neque aliter, in epistola ad Hebreos, (27) docemur, oportere Christianos confidenter adire Deum; *ἔργαντισμένους τὰς καρδίας ἀπὸ συνειδήσεως πονηρᾶς, καὶ λελουμένους τὸ σῶμα ὄδατε καθαρῷ.* Porro emendationis poenarumque remissionis et felicitatis imaginem baptismo inesse, docet Apostolus, ubi, ad baptismi immersionem alludens, Christianos *βαπτίσθεντας* dicit. *εἰς Χριστὸν Ἰησοῦν, et εἰς τὸν θάνατον αὐτοῦ.* (28) Denique Ananias propterea Paulum ad baptismum suscipiendum excitavit his verbis: *ἀναστὰς βάπτισαι, καὶ ἀπόλουσαι τὰς ἀμαρτίας σου.* (29)

## §. 4.

(24) *1 Cor. XII: 13.* Cf. *Matth. III: 11.* *Act. I: 5.*(25) *Eph. V: 26, 27.*(26) *1 Cor. VI: 11.*(27) *Cap. X: 22, 23.*(28) *Rom. VI: 3-6.* Vid. Clar. Heringae, E. F. Bijbeloef. ad h. l. et Doct. Hugenholtz, *Disput.* pag. 22 seqq. Conf. quoque *Colos. II: 11, 12.*(29) *Act. XXII: 16.*

## §. 4.

*Sacrae coenae significatio.*

Christus, novum instituens convivium, res speciavit et significavit gravissimas, quas, prout in baptismi ritu, mira simplicitate et gravitate, omnium exposuit oculis; pane enim fracto, poculo sumto, invitatisque ad edendum ac bibendum convivis, semet ipse significavit violentia morte interimendum, eoque ipso omnibus, ipsi fidem habentibus et obtemperantibus, liberationem a peccatis eorumque poenis praebentem.

Apostolis suis porrexit Christus panem, vitrumque bibendum dedit, dicens: τοῦτό ἐστι τὸ σῶμα μου· τοῦτό ἐστι τὸ αἷμα μου.

Hisce verbis, perspicuitate sese commendantibus, nulla opus fuisset explicatione, nisi acriter de iis disputasent Theologi, qui, vocabulum ἐστί propriè interpretantes, vel panem et vinum in Iesu corpus et sanguinem mutatum esse perhiberent, vel Iesu corpus et sanguinem, modo quodam proprio, in iis praesentem existimarent. (1) Horum argumenta nunc refellere no-

(1) Romanae Ecclesiae sententiam discimus e Conc. Trid. Sess. XIII. Cap. I. et Catech. Rom. Quaest. 26.

lumus, sed ea tantum afferre constituimus, quae probent, verbo εἰναὶ hīc notionem esse tribuendam *significandi*, ut adeo de sacrae coenae significatione constet.

E duabus significationibus, quas, per sermonis indolem, ferre posunt verba ac formulæ, ea est eligenda, quae universo horum librorum argumento et rei indoli maxime conveniat.

Hanc legem, quam omnes, in sacrī libris interpretandis, admittunt, nos secuti, facile ostenderimus, verbum εἰναὶ impropre esse intelligendum. Saepe enim ita occurrit, in his ipsis Novi Foederis libris. Quae res tam manifesta est, ut nemo interpretum, in illis locis interpretandis, propriam significationem τῷ εἰναὶ tribuere possit. (2) Nominatim frequens est

Lutherus, in *Catech. maiori*, profitetur: *Sacramentum altaris est verum corpus et verus sanguis Domini nostri Iesu Christi sub pane et vino nobis Christianis ad manducandum ac bibendum ab ipso Christo, institutum.* Conf. de praesentiae modo, quam Lutherani volunt, Mart. Vitringae annot. laud. Part. VIII. Tom. II. p. 803 seqq. item Ioan. Drieberge, lib. I. c. VII. et Cl. Muntinghe, *Theol. Christ.* Tom. II. §. 626.

(2) *Matth.* V: 13, 14, 18. *IX:* 13. *XII:* 7, 50. *XIII:* 38. *XVI:* 18. *Marc.* III: 17, 35. *IV:* 15 seqq. *VII:* 2, 11, 34. *XII:* 42. *Luc.* VIII: 11 seqq. 21. *XII:* 1. *XX:* 17. *Ioh.* I: 23. *V:* 35. *VI:* 35, 41, 48, 51. *VIII:* 12. *X:* 7, 9, 11, 14. *XIV:* 6. *XV:* 1, 5. *XVI:* 17. *Act I:* 19.

est in sacris caerimoniis hic verbi εἰναι usus. Sic Deus, de circumsectione, *hoc*, inquit, *est foedus meum*: (3) et Moses, de epulo paschali: *Est*, inquit, *Iehovae ΠΩΦ*. (4) Quin ipse etiam Christus, quum paschale celebraret convivium, eandem huic verbo notionem tribuit. Iudaei enim in eo hanc formulam pronuntiare consueverant: *hic est panis, quem comedenter patres nostri in Aegypto*. Praeterea plurimi viri eruditi iam monuerunt, in Syro-Chaldaica lingua non inveniri significandi verbum; (5) qua-  
prop-

I: 19. Rom. XII: 5. 1 Cor: III: 16, 17. V: 7. VI: 15 seqq. X: 4, 17. XI: 7. XII: 27. XVI: 15. 2 Cor. II: 15. VI: 16. Gal. IV: 26. Eph. I: 23. IV: 25. V: 8, 30. Col. I: 18. Hebr. VII: 2, 5. IX: 11. X: 20. Iac. IV: 14. 2 Petr. II: 17. 1 Ioh. II: 2. Iud. 12. Apoc. I: 8, 11. XXI: 6. XXII: 13, 16. Conf. Bretschneideri, Lex. in N. F. libros, in voce n. 3. b et c. et D. Schulz, lib. I. p. 118-130, qui etiam docet, a Christo, si corpus suum in panem et vinum mutasset, adhibendum fuisse verbum μεταμορφοῦσθαι, vel μετατρυπάζεσθαι, vel μεταστρέφεσθαι, vel tandem γίνεσθαι. Vid. pag. 136.

(3) Gen. XVII: 10.

(4) Exod. XII: 11.

(5) Vid. Kuinoel, I. p. 711. et auctores ab eo citati. Cf. Doct. Tol, l. l. p. 152. qui animadvertisit, Iesum, vernacule locutum, procul dubio verbum ἐστι non expressisse, cum tam Hebr. υἱός, quam Syr. Δαλ, et Chald. בֶּן saepius in tali constructione reticeantur.

propter Christus, sermone usus vernaculo, non aliud potuit adhibere, nisi quod per Graecum εἶναι esset vertendum.

Hisce monitis, satis constat, verbum εἶναι e sermonis indole ferre posse significandi notionem, quam propriae notioni praeferendam videbimus, nisi in absurdā quaeque velimus dilabi. Panis enim a corpore humano, vīnum a sanguine, tam longe disstant, ut unum idemque esse prorsus nequeant; attamen, si verbum εἶναι propriè interpretēmur, in eum incidimus errorēm, quo panem et vinum dicamus simul carnem et sanguinem. (6) Neque panis et vinum in Christi corpus et sanguinem commutata dici possunt, quia Christus, haec dicens, integrè et incolūmis ipse aderat. Ex Christi carne et sanguine nullum etiam redundare fructum, ipse docet Conservator, ubi: τὸ πνεῦμα ἐστι, inquit, τὸ ζωοποιῶν, (vis divina, qua ego vivo et ago, vitam confert:) οὐ σὰρξ οὐκ ὡφελεῖ οὐδέν. τὰ ρήματα, οὐ ἔγὼ λαλῶ ὑμῖν, πνεῦμα ἐστι καὶ ζωή ἐστι. (caro mea humana nihil in eo prodest, ipsis iis verbis, quae vobis dico, vis inest divina ac vita.) (7) Praeterea, si panis vere est caro, et vinum vere sanguis, Christus humanae naturae ma-

(6) D. Schulz, lib. I. p. 132-136.

(7) Ioh. VI: 63.

male consuluit; quicunque enim non prorsus est inhumanus, ab humanae carnis sanguinisque humani usu abhorret: nec potuisent non vehementer abhorrere Apostoli, quippe qui tenerissimo amore suum Dominum amplecterentur, et quia sanguinem bibere Iudeis hominibus non licet. (8) At, cum panem vinumque sibi propositum viderent, teste Marco, omnes Christo invitanti obtemperarunt. Tandem, nisi per σημαίνειν verbum εἶναι interpretetur, absurdum existit verborum sententia, in iis locis, quae eandem huius verbi interpretationem postulant; Paulus enim dicit: τὸ ποτήριον — οὐχὶ κοινωνία τοῦ αἵματος τοῦ χριστοῦ ἐστι; τὸν ἄρτον, δὲν κλῶμεν, οὐχὶ κοινωνία τοῦ σώματος τοῦ χριστοῦ ἐστι; (9) immo vero Christus testatur: τοῦτο τὸ ποτήριον ἡ καίνη διαθήκη ἐστὶν ἐν τῷ ἐμῷ αἵματι. (10)

Hisce igitur inducimur, ut, e lege hermeneutica, huic disquisitioni praemissa, statuamus, verbum εἶναι voce σημαίνειν esse interpretandum, atque adeo Christum pane et vino suum corpus et sanguinem significasse. (11) Imprimis vero

mor-

(8) Lev. III: 17. VII: 26. XVII: 10, 11, 12. Deut. XII: 16, 23. XV: 23.

(9) 1 Cor. X: 16.

(10) 1 Cor. XI: 25.

(11) Christus vino egregie sanguinem suum significare  
p.o.

mortem suam cogitavit Iesus, quod constat ex repetita cohortatione: *τοῦτο ποιεῖτε εἰς τὴν ἐμὴν ἀνάμνησιν*, et e corporis sanguinisque disiunctione, quae mortem violentam indicat. Id ipsum quoque ex eo intelligitur, quod Christus panem corpus suum dixit *τὸ ὑπὲρ ὑμῶν διδόμενον*, (*idem ac παραδιδόμενον, morti traditum*) *κλάμενον*, et vinum sanguinem significare dixit, *τὸ περὶ πολλῶν ἐκχυνόμενον*, (*12*) quibus adiecit *εἰς ἄφεσιν ἀμαρτιῶν*, quod beneficium Christus et Apostoli morti illius semper tribuere solent.

At vero unicuique apparet, Iesum semet ipsum morti traditum eatenus tantum cum pane fracto vinoque effuso comparasse, quatenus uberrimos fructus ex utroque accipimus, atque adeo mortis imprimis suae fructus hominibus percipiendos intellexisse; alibi enim, ubi eadem de re agit, quamvis facram hanc coenam non spectet, (*13*) eatenus semet dicit *τὸν ἄρτον*, qua-

te-

potuit, quoniam vinum in Oriente rubri fuisse coloris probabiliter dicitur. *Prov.* XXIII: 31. *Gen.* XLIX: 11. *Deut.* XXXII: 14.

(12) Hic praesens pro futuro poni, quemadmodum saepius fit, (*Matth.* III: 10. V: 23. VI: 6.) inter omnes constat. Cf. Rosenmulleri Scholia in *Matth.* XXVI: 28. et F. A. G. Krause, ad *1 Cor.* XI: 24.

(13) *Ioh.* VI: 27-58. Christum ad S. Coenam non  
re-

tenus ille, aequē ac panis, utilissimum ac necessarium nutrimentum, ad vitam sustentandam praebet. Quare semet ὑρτον τῆς ζωῆς dicit, (14) atque ἀληθῶς βρῶσιν καὶ ἀληθῶς πόσιν, quia ipse, interveniente morte sua cruenta, beatam vitam procurat hominibus. (15) Sed ipsius Christi, coenam instituentis, verba nobis persuadent, eum fructus imprimis cogitasse, quandoquidem, panem porrigens et vinum bibendum praebens, fructuum continuo mentionem facit; dicit enim, panein praebens: *significat corpus*, ὑπὲρ ὑμῶν διδόμενον quod, qualicunque tandem modo illud

ὑπὲρ

respicere, docent Hoadly, *klaar berigt van de natuur en het oogmerk van des Heeren Avondmaal*, p. 130-133. Tittmannus, in *Comm.* p. 276. Kuinoel, in *Comm. P. III.* p. 343.

(14) Vid. Doct. C. W. Stronck, *Spec. Herm. Theolog. de doctrina et dictione Iohannis Apostoli ad Iesu magistri doctrinam dictioinemque exakte composita*, pag. 197 sq. et Doct. H. H. Donker Curtius, *Spec. Herm. Theol. de Apocalypsi*, ab inde, *doctrina et scribendi genere Iohannis Apostoli non abhorrente*, ibid. 1799. p. 82 et 83. Cf. *Ioh. VI: 27, 32, 33. coll. 35, 58.*

(15) Vid. Mori Recitationes in *Evang. Ioh. ad h. I.* Videlimus, inquit, *hoc non dici corpus, quoad corpus est, sed quatenus morti traditum in emolumentum hominum etc.* Cf. Ernesti, *summa religionis Christi ab ipso tradita, Ioh. VI. p. 24, 25. in Musea Duisburgensi*, Tom. I. Part. I. et Kuinoel, lib. I. ad h. I.

ὑπὲρ interpretetur, semper tamen de mortis fructibus a nobis percipiendis erit intelligendum; item, vinum *sanguinem suum* dicens, περὶ πολλῶν εἰς ἄφεσιν ἀμαρτιῶν ἐκχυνόμενον, iterum fructus memorat; atque tandem mortis utilitatem, in convivas redundantem, antē oculos habet, ubi poculum τὴν καίνην διαθήκην dicit; (16) et hanc quidem ob causam Paulus pane et vino nostram cum Christi corpore et sanguine *κοινωνίαν* significari testatur. (17)

Christus igitur, pane fracto vinoque fuso, fructus spectavit, e morte imprimis sua violenta nobis saluberrimos; atque ita unicuique perspicuum est, *emendationem* et *peccatorum veniam* hisce symbolis designari, quia utrumque hoc beneficium ad mortis effectum refertur. (18) At dixerit fortasse quispiam: Christus tantum de τῇ ἄφεσι τῶν ἀμαρτιῶν mentionem facit. Hoc concedimus, quamquam universe dicit ὑπὲρ ὑμῶν.

(16) Conf. de huius διαθήκης καίνης interpretatione. Ioan. Drieberge, lib. I. c. V. de inst. S. Coenae, §. XII., XIII. Mori Epit. Theol. Christ. p. 159, 160.

(17) 1 Cor. X: 16. corporis et sanguinis participes dicimus, quoad fructum salutarem violentiae Christi mortis animo percipimus.

(18) Eph. V: 25-27. Tit. II: 14. 1 Petr. I: 18, 19. Rom. IV: 25. V: 9. VIII: 32-34. 2 Cor. V: 15-21. alibi.

*ὑπὸν διδόμενον, περὶ πολλῶν ἐκχυνόμενον;*  
 et tenendum quoque, nulla nobis frui licere  
 peccatorum condonatione, nisi resipiscamus, (19)  
 atque adeo Christum mentis animique emenda-  
 tionem intellexisse, quum nos peccatorum con-  
 donationē frui significaverit; et vero etiam, cum  
 Novum Foedus sanciri dicat, necessario emen-  
 dationem, quae est foederis lex et conditio, una  
 comprehendit.

Restat, ut dicamus, de modo significandi  
 utriusque ritui proprio. Itaque singulatim spectan-  
 dus est Christus, cuius auctoritate ritus admini-  
 strantur, et vero etiam quicunque hos ritus ul-  
 tro et libenter adhibent.

Christus, utrumque ritum instituens, Euange-  
 lii beneficia significat, et divina, qua erat a Deo  
 Patre instructus, auctoritate quoque promittit.  
 Ex baptismi institutione luculentissime cernimus,  
 haec beneficia offerri et promitti, quoniam Chris-  
 tus baptismum, ipsius Euangelii effigiem, sensibus  
 expositam, instituens, promittit: *ὅπισεν-*  
*τας καὶ βαπτισθεὶς σωθήσεται*: quare Ananias,  
 baptismo peccata ablui, summo iure affirmare pos-  
 terat Paulo fidenti et resipiscenti. E coenae ri-  
 tū

(19) Hoc docent *Iesaias*, LV: 7. LIX: 20. *Ieremias*,  
 III: 12. *Iohannes Baptista*, *Marc.* I: 14. *Christus*, *Luc.*  
 XXIV: 47. et *Apostoli*, *Act.* II: 38. XXVI: 18.

tu idem hoc intelligitur; Christus enim panem et vinum, quibus summa illa beneficia significantur, ἐδίδου τοῖς μαθηταῖς, iubens: λάβετε, φάγετε, πίετε πάντες atque ita significat, promitti et dari beneficia, quae laudaverat, interea dum panem et vinum porrigeret. Similiter poculum dixit Novi Foederis signum, et convivas adeo, ex hoc poculo bibentes, certiores fecit, de omnibus beneficiis, foedere divino promisis.

Qui hos ritus ultrò et libenter adhibet, aperente declarat, se Christum habere unicum suum Conservatorem et Dominum, et magni aestimare beneficia, quae symbolis depinguntur et promittuntur. Qui Baptismo sese initiandum praebet, eo significat, se desiderio esse affectum beneficiorum, quae a Christo fidentibus et resipiscientibus tribuuntur, se grato animo accipere beneficia, quae Baptismo significantur, denique se velle praestare conditionem interpositam. Neque aliter, quicunque sincere sacram celebra Coenam, panem edit vinumque bibit, hac actione symbolica significat, se desiderio esse affectum beneficiorum, foedere divino promissorum, velle se ea grato percipere animo, et legi fidei ac resipiscientiae obtemperare.

Haec si consideremus, perspicuum fit, utroque hoc Baptismi et Coenae ritu sacro significari liberationem a peccatis eorumque poenis, fidentibus

bus et resipiscentibus promissam et datam. Quae animi emendatio peccatorumque condonatio omnibus omnino hominibus fontibus peccatisque commaculatis, (20) ad vitam beatam et aeternam consequendam, aequo necessariae sunt, ac cibis, aqua et potus, ad vitam curandam et sustentandam requiruntur.

~~~~~

### SECTIO TERTIA.

**Utriusque vis ad excitandam fidem  
et resipiscentiam.**

Ex iis, quae de Baptismi et Coenae significacione significandique modo diximus, facile efficitur, omnes, qui his intersunt ritibus, ad fidem et resipiscentiam obstringi, cum ipsi declarent, symbolis uti se velle eo modo ac ratione, qua divinitus destinantur, hoc est, confidendo et resipiscendo. Verum, quo magis hoc constet, haec addi possunt.

§. 5.

(20) *Rom. III: 9, 23. Ioh. III: 6.*

## §. 5.

*Baptismi vis.*

Baptismus est ritus externus, quo suscepto, Christi sumus μαθηταὶ, (1) qui adeo solenni ritu lavatos devincit Christi doctrinae disciplinaeque: quapropter nemini Baptismum administrarunt Apostoli, nisi Christo assensum praebenti atque fidem habenti. (2) Baptismo igitur sincere suscepto, cives sumus sacri illius regni divini, atque ad Dei populum et gregem pertinemus, quin etiam domestici sumus familiae, cuius Pater est Deus sanctissimus; (3) socii sumus ἐκκλησίας μὴ ἔχούσης σπίλου, οὐ ρυτίδα, οὐ τι τῶν τοιούτων, ἀλλ' ἀγίας καὶ ἀμώμου, (4) καὶ ζηλώτου καλῶν ἔργων (5) et membra dicimur ipsius sancti σώματος, cuius caput est Christus. (6) Hanc igitur Ecclesiam ingredi-  
mur,

(1) Matth. XXVIII: 19. Ioh. IV: 1.

(2) Vid. Mori Comm. Exeg. Hist. in suam epitomen Theol. Chr. Part. II. de Baptismo, §. 3.

(3) Eph. V: 5. Matth. XI: 11. Act. XV: 14. 1 Petr. V: 2. 1 Tim. III: 5.

(4) Eph. V: 27.

(5) Tit. II: 14.

(6) 1 Cor. XII: 27.

mur, quam primum Baptismo iniciati sumus. Cum igitur ea, quae de hac Ecclesia eiusque sociis Christus et Apostoli docent, (7) eiusmodi sint, ut non nisi in societatem Deo Christoque fidentium et obedientium convenient, nobis facile persuasum erit, Baptismo nos ad fidem et resipiscientiam obstringi, quo circa Christus, Baptismum instituens, Apostolos iussit: μαθητεύσατε πάντα τὰ ἔθνη, — διδάσκοντες αὐτοὺς τηρεῖν πάντα, ὅσα ἐνετειλάμην ὑμῖν. (8)

## §. 6.

## Coenae vis.

Sacrae Coenae si intersumus, ipsi ad fidem et pietatem obstringimur: id quod luculenter do-

(7) *Ioh. XXI: 15-17. coll. X: 26-28. 1 Cor. I: 2, 30. VI: 11, 19, 20. Contra Apostoli, aequa ac Christus, ceteros, a fide et pietate alienos, Ecclesiae socios esse negant, Matth. XIII: 38. Rom. VIII: 9. 1 Cor. XVI: 22. 1 Ioh. II: 19.*

(8) *Matth. XXVIII: 20. Marc. XVI: 6. Ioh. III: 5. Rom. VI: 3-11. 1 Petr. III: 21. Conf. Doederlein, Instit. Theolog. Christ. §. 349. Obs. II. p. 709. et F. V. Reinhard, Christelijke Zedenleer, Vol. VIII. pag. 82-84. C. F. Staedlin, Neues Lehrbuch der Moral für Theologen, p. 441.*

docet illa foederis ratio, quae in solenni hoc epulo est conspicua.

Orientales, quoties sibi invicem aliquid in rebus gravioribus promittebant, signo quodam, in sensus incurrente, utebantur, quo foedus sancirent, seque mutuo ad datae fidei promissa exsequenda obstringerent. Deus, ad hanc consuetudinem sese componens, Abrahamo eiusque genti foederis quoddam dedit signum externum, quod iis perpetuo in mentem revocaret, cum divinorum promissorum fidem et constantiam, tum officiorum ab ipsis praestandorum necessitatem. (1) Eadem ratione Deus, post Sinaiticam legislationem, solenni sacrificio, et promissionibus et legibus latis, vim addidit perpetuam. (2) Ad similem rationem, in sacra Coena, Novi Foe-deris datum nobis est signum, quo non tantum de divinis promissis certiores sumus, verum etiam lege et conditione, his promissis adiuncta, ob-stringimur, ad fidem et resipiscientiam, ita ut, quemadmodum pane et vino nutritri non possumus, nisi utrumque accipiamus, edamus et bibamus, ita quoque beneficiorum, quae pane et vino depinguntur, participes fieri nobis non licet, nisi Christo fidem habeamus et resipisca-mus;

(1) Gen. XV.

(2) Exod. XXIV: 1-8.

mus; quare Paulus docet, sidenti pioque animo ad hanc Coenam esse accedendum. (3)



#### SECTIO QUARTA.

*Utriusque ritus cum Veteris Foederis ritibus convenientia.*

§. 7.

*Baptismi cum Hebraeorum circumsectione convenientia.*

Deus, quo certioremi redderet Abrahamum de omnibus suis promissis, et quo fortius eum eiusque posteros ad fidem et obedientiam impelleret, foedus instituit, solenni modo sanctum et iureiurando confirmatum, quo, et ipse promissorum suorum fidem faceret, et illi obligarentur (1) ad id praestandum, quod foedere promiserant. Huius foederis signum externum dedit circumsectionem, Abrahamo eiusque fa-

(3) 1 Cor. XI: 20-34.

(1) Gen. XV. XXII: 16. XXIV: 7.

miliae, (2) omnibus Israëlitis eorumque infantibus masculis, (3) uti et servis ac peregrinis, qui ad eorum sacra transire vellent, (4) administrandam. (5)

Huius ritus rationem habuisse videtur Christus, Baptismum instituens. Prudenter enim Dominus noster veteris religionis instituta, quae sibi, perfectiorem omnibusque gentibus et aevi accommodatiorem religionem condenti, non obserant, vel retinuit, vel leviter immutavit: quo factum est, ut Iudei facilius nova sacra amplecterentur. Cum igitur circumsectio Hebraeis imprimis esset accommodata, eius in locum initiandi ritum constituit baptismum, cunctis hominibus idoneum. Uterque ritus, divina auctoritate institutus, corpus humanum afficit ad eiusque puritatem conducit. (6) Uterque etiam ad ani-

(2) *Gen. XVII: 9-13.*

(3) *Gen. XVII: 12. Lev. XII: 3.*

(4) *Exod. XII: 44, 48.*

(5) *Conf. Clar. Pareau, I. I. Part. II. Sect. I. c. 2.*

(6) Circumsectionem in calidis regionibus ad maiorem corporis puritatem conducere, affirmat Philo Iudeus, in initio libelli *de circumcisione*, *Opp. T. II.* p. 211. *Conf. Michaëlis*, in *Iure Mōs.* §. 186. et *Niebühr*, in *Descript. Arab.* p. 74, 75. belg. edit. Notatu etiam dignum est, quandam circumsectionis speciem, in nonnullis insulis maris australis, praesertim in Orahita, apud incolas, ad puritatem procurandam, invasis

mi emendationem transfertur, (7) et divina promissa in memoriam revocat eaque confirmat. Circumsectio dicitur sigillum τῆς δικαιοσύνης τῆς πίσεως. (8) circumcisus enim persuadet, ipsos, prae ceteris omnibus gentibus, cum Deo coniunctos esse et participes omnium beneficiorum; Abrahamo eiusque posteris promissorum. (9) Neque aliter Baptismo initiatis certa spes et expectatio est beneficiorum, quae Deus Abrahamo omnibusque fidem et pietatem Abrahami imitantibus promisit, qui proinde etiam dicuntur Ἰσραὴλ τοῦ Θεοῦ, (10) νιὸς καὶ σπέρμα τοῦ Ἀβραὰμ, καὶ κατ' ἐπαγγελίαν κληρονόμοι. (11)

Uterque etiam ritus, arctissimo vinculo, cum fide et resipiscientia coniungitur: ut adeo, si virtus et fides absit, nihil initiatis prosint. Paulus docet, (12) Abrahamum εὑρηκέναι, vel καύχησιν, vel δικαιοσύνην, non κατὰ σάρκα, hoc est, ideo quod circumcisus erat, sed ob fidem suam,

quam

luisse. Conf. Cookii *Itinerarium*, Part. I. p. 384. coll. Part. X. p. 251. vers. Belg.

(7) *Deuter.* X: 16. *Rom.* II: 29. *Coloss.* II: 11 - 13.

(8) *Rom.* IV: 11.

(9) *Exod.* XIX: 5, 6. *Deuter.* VII: 6. XIV: 2. XXVI: 18, 19.

(10) *Gal.* VI: 16.

(11) *Gal.* III: 7, 29.

(12) *Rom.* IV: 1, 2.

quam Deus pro iustitia reputavit. (13) Dicit etiam, (14) iustum et salutarem esse circumsectionem, non eam, quae fiat ἐν τῷ Φανερῷ, ἐν σάρκι, sed περιτομὴν καρδίας. Similiter Petrus (15) monet, servari Christianos baptismo, non eo quidem, quo sordes corporis abluantur, sed eo, quocum iuncta sit συνειδήσεως ἀγαθῆς ἐπερώτημα εἰς Θεόν. Tandem initiati, hoc et illo ritu, a dissidentibus et impiis se junguntur, ut coniuncti unum verum Deum collant.

*Coende cum Hebraeorum epulo paschali  
convenientia.*

Qualis Baptismo cum circumsectione intercedit convenientia, talis etiam locum habet epulum inter paschale et sacram Coenam.

Dominus noster paschatis epulo, quod una cum amicis suis celebrare valde desideraverat, (1) ita intersuit, ut animus eius spius (2) in-

(13) Rom. IV: 3, 5, 9, 11.

(14) Rom. II: 28, 29.

(15) 1 Petr. III: 21.

(1) Luc. XXII: 15.

intime commoveretur, hoc convivio sacro, instituto in memoriam beneficiorum, quae Deus Israëlitarum genti, ex Aegyptiorum servitute crepta, præstiterat. Quo facto, simile convivium instituit μνημονευτικὸν, verbis etiam usus alludentibus ad ea, quae in epulo Paschali pronunciare solebant Iudei: **הוּא לְחַס עֲנֵי אָשֶׁר אָכְלָו אַכְתִּינו בָּאָרֶץ מִצְרַיִם**. Utrumque enim ritu sacro, divina auctoritate instituto, fit, ad familiaris convivii rationem. Utrumque convivis in memoriam revocat liberationem a peccatisorumque effectibus perniciosis. Israëlitas enim peccatorum liberationem paschalibus epulis celebrasse, ex eo coniicimus, quod in Aegypto idolatriæ aliisque vitiis dediti fuere, quorum e servitute liberabantur, (2) quum ex Aegypto educerentur. Deum enim hanc maxime salutem, cum vera religione coniunctam, spectasse, manifestum sit e Mosis, Israëlitarum liberationem a Pharaone postulantis, verbis: **שְׁלַח אֶת עֲמִימִי וַיַּעֲבֹד נִי** quae, quoties liberum Israëlitarum abitum posceret, addidit. (3) Atque hanc ipsam salutem, nobis Christi morte comparatam, celebramus Christiani in S. Coena. Porro, prouti agnus mac-

(2) Conf. Ioh. VIII: 32, 34. Rom. VI: 16, 17, 18.

(3) Exod. VII: 16. VIII: 1, 20. IX: 1. X: 3.

mactatus, vitii expers, signum erat huius libe-  
rationis, ita quoque Christus est τὸ πάσχα ἡ-  
μῶν, ὑπὲρ ἡμῶν τεθύμενον, (4) a quo irrepre-  
henso et integro liberați sumus ἐκ ματαίας ἀνε-  
ξροφῆς. (5)

### SECTIO QUINTA.

Ad utrumque ritum admittendi.

#### §. 9.

#### *Admittendi ad Baptismum.*

Sunt qui negent, Baptismi mandatum pertine-  
re, vel ad quascunque gentes, vel ad omnes e  
Christianis parentibus natos. (1)

Chris-

(4) I Cor. V: 7.

(5) I Petr. I: 18, 19.

(1) Fausti Socini Disp. de bapt. aquae, Operum Tom. II. c. II. Hunc refutant Ger. Ioan. Vossius, Disp. de necessitate Bapt. Thes. VI-XVI. et Ioan. Drieberge, l. l. c. II. Inter recentiores, baptismi necessitatem negavit Reiche, die Taufe der Christen ein ehrwürdiger Gebrauch und kein Gesetz Christi. 1774. ad cuius argumenta respondeunt Dietelmayer, in Theol. Betrachtungen, 1774. Tom. II. p. 438. Troschel, die Wassertaufe der Christen, ein Gesetz Christi und kein willkürlicher Gebrauch.

Christum, Baptismum Apostolis mandantem, omnes omnino gentes spectasse, nemo iure potest negare. Etenim mandato, de populis initandis, haec verba praemittit: ἐδόθη ἐμοὶ πάσα εἰσουσία ἐν οὐρανῷ καὶ ἐπὶ γῆς, docens, sibi, non in solam gentem Iudaicam, sed in omnes gentes, ius imperii datum esse. Praeterea diserte iubet: μαθητεύσατε πάντα τὰ ἔθνη, βαπτίζοτε αὐτοὺς (2) quae verba πάντα τὰ ἔθνη,

non

1774. Defendit Reiche suam sententiam, in libro: über die Taufe der Christen, eine nähere Erklärung und Zurechtweisung für Herrn Troschel. 1774. Denuo responsum ei est in: Die Taufe der Christen, ein Gesetz und Verordnung Christi, und kein bloß ehrwürdiger Gebrauch.

1775. Die Taufe der Christen, ein herrliches Gnadenmittel und kein bloß ehrwürdiger Gebrauch. 1804. Sunt et alli, qui baptismi necessitatem in dubium trahunt, ut Hencke, in Lineament. Theol. Chr. Kannabich, Kritik älterer und neuerer Christl. Lehren. Riem, reines Christenthum, Tom. IV. p. 230. Quibus feliciter sese opposuerunt Eisenlohr, historische Bemerkungen über die Taufe, et Schützschrift für die Beibehaltung der Taufe. Berl. 1802. Lehmus, über die Taufe. Heidelb. 1806. et Schenck, Taufbuch. Weimar, 1803. quorum scriptis usus est I. G. Reiche, de bapt. orig. et necess. Goett. 1816. Part. II. p. 92-119.

(2) Αὐτοὺς, non genere, sed sententia, cum vocabulo ἔθνη cohaeret: quae generis enallage admodum frequens est in N. F. libris. Vid. Rom. II: 14, 15. IX: 23, 24. Marc. V: 41. Gal. III: 16.

non ad unum alterumve populum restringi posse, docent ea, quae eadem opportunitate pronuntiavit Christus: πορευθέντες εἰς τὸν κόσμον ἀπαντά, ηγρύζατε εὐαγγέλιον πάσῃ τῇ ιτίσει. Neque Apostoli, optimi Iesu interpretes, ullum unquam discrimen fecere; verum Petrus omnes Iudeos ad Baptismum suscipiendum invitat, (3) et alienigenas hoc ritu in Christianorum coetum suscipit: (4) quod et Paulus fecisse videtur, quandoquidem, ut Galatis persuaderet, ipsos esse υἱοὺς τοῦ Θεοῦ, et Romanos ad sancte inculpatique vivendum incitaret, non dicere potuisse, ὅτοι εἰς Χριστὸν ἐβαπτίσθητε, (5) vel ὅτοι ἐβαπτίσθημεν εἰς Χριστὸν Ἰησοῦν, (6) nisi singuli Baptismo essent initiati.

Neque est, quod miremur, omnes Christo nomen dantes, cuiuscunque gentis, regionis, ordinis et auctoritatis, utriusque sexus, Baptismo initiatos fuisse ab Apostolis horumque adiutoribus; (7) nam in Christi verbis nihil est, quod exceptionis aut limitationis vim habeat. Praeterea Baptismus arctissime, cum Euangelii annunciatione et fide Euangeliō habenda, con-

jun-

(3) *Act. II: 38, 41.*(4) *Act. X: 47, 48.*(5) *Gal. III: 27, 28.*(6) *Rom. VI: 3.*(7) *Act. VIII: 36, 37. X: 48. XVI: 15. VIII: 12.*

iungitur: utramque autem ad quascunque gentes pertinere, non nesciebant Apostoli. (8)

Et hanc quoque ob causam Baptismum omnibus e *Christianis parentibus natis* administrandum dicimus; quia in Christi verbis nihil est, quod communī beneficio quēpiam excipiatur; et quia Apostoli omnibus Baptismū comīndarunt eumque multis ornarunt laudibus. Quin etiā hoc institutū probasse videntur Apostoli; scilicet, a primis inde Ecclesiae temporibus, Baptismus omnibus, qui *Christianis parentibus es- sent nati*, administrabatur. (9) Quod si impro- bāsent Apostoli, huius ref aliquod certe indi- cium in eorum scriptis reperiretur. Nam Pau- lus, pér complures annos, cùm plurimis Chris- tianorum ecclesiis commercium habuit: et Io- hannes vitam, in coetibus Asiaticis, ad senectū- tem usque egit. Hi igitur, epistolis mittendis, la- boratūri fuissent, ad impediendum aut obrogan- dum illū Christianorum Baptismū, quem in morem abiisse viderent.

### Quo-

(8) *Ioh. I: 4, 5, 7, 8, 9. III: 19. Marc. XIII: 10.*  
*Ioh. XVII: 2. I Cor. XV: 24, 25. Eph. I: 9, 10. Phil. II: 6-11. I Tim. II: 4.* Cf. H. Woerman, *Comm. de libr. Vet. F. praestantia et usu, in doctrina Christiana intelligenda, aestimanda, tuenda et ad virtutis studium adhibenda*; p. 117-120.

(9) *Clar. van Hengel, Diss. I. p. 123-133.*

Quocirca nos omnibus etiam, e Christianis parentibus natis, quippe qui e mortalibus, pravitate infectis, nati sunt, atque adeo eadem, qua parentes, laborant imbecillitate et vitiositate, (10) Baptismum, quo peccatorum liberatio poenarumque remissio significantur et promittuntur, administrandum esse, nobis persuaderemus.

At vel sic tamen Baptismum, si quidem adulteris administretur, aliquid antecedat, necesse est. Quod quale sit, ipse indicat Christus, ubi omnes initiandos dicit, *εἰς τὸ ὄνομα τοῦ πατρὸς καὶ τοῦ νιοῦ καὶ τοῦ ἁγίου πνεύματος*, et ubi dicit: *μαθητεύσατε βαπτίζοντες*, et promittit: *ὁ πιστεύσας καὶ βαπτισθεὶς σωθήσεται*. Dicimus igitur, Baptismum adulto non nisi vere fidenti et resipiscenti esse administrandum: qua in sententia Apostolos habemus praeeuntes, quos neminem nisi fidentem et resipiscentem Baptismo initiasse, constat, ex omnibus initiatorum exemplis, in Actis obviis. Sic Eunicho, (11) *τὴν κωλύει με βαπτισθῆναι*; roganti, respondet Philippus: *εἰ πιστεύεις ἐξ ὅλης τῆς καρδίας, ἔξεστι*. Petrus, (12) Iudeos ad Baptismum invi-

(10) Joh. III: 5, 6.

(11) Act. VIII: 36, 37.

(12) Act. II: 38, 41.

vitans, praemittit: μετανοήσατε' initiantur vero οἱ ἀσμένως ἀποδεξάμενοι τὸν λόγον αὐτοῦ. Samaritani sacro rītu lavabantur, postquam fidem dederant τῷ Φιλιππῷ εὐαγγελιζομένῳ τὰ περὶ τῆς βασιλείας τοῦ Θεοῦ, καὶ τοῦ ὄνόματος τοῦ Ἰησοῦ Χριστοῦ. (13) Ita quoque Petrus tum deum Baptismum administravit Cornelio eiusque familiae, postquam eos eodem, quo ipsi gaudebant Apostoli, spiritu actos viderat. (14) Et Paulus Lydiam in Christianorum numerum solenniter suscepit, postquam ὁ κύριος διῆνοιξε τὴν καρδίαν, προσέχειν τοῖς λαλουμένοις ὑπὸ τοῦ Παύλου. (15) atque fidens ille δεσμοφύλαξ, (16) et qui ei assensum praebuerant (17) Ephesi, ἐβαπτίσθησαν. Tandem, Crispum ceterosque Corinthios (18) fidem habuisse Christo, cum iniarentur, Lucas docet: ἐπίζευσε (Κρίσπος) σὺν ὅλῳ τῷ ὄντι αὐτοῦ, καὶ πολλοὶ τῶν Κορινθίων ἐπίστευον. Vix autem opus est monere, Apostolos, ubi πίστιν postulant, simul etiam μετάνοιαν intelligere; mentis enim persuasionem et animi

as-

(13) Act. VIII: 12.

(14) Act. X: 47, 48.

(15) Act. XVI: 14, 15.

(16) Act. XVI: 30-34.

(17) Act. XIX: 5. Conf. Böttcher Schneideri Lexic. in voce ἀκούω.

(18) Act. XVIII: 8.

assensionem non ita distinguere solent homines Orientales; quare saepius, utramque complectentes, sive τῆς πίστεως, sive τῆς μετανοίας, vocabulo utuntur; (19) quandoquidem, qui tum credebant, eo ipso resipiscebant, qui autem resipiscebant, hoc ipso fidem suam probabant.

Hisce igitur exemplis inducimur, ut Baptismum adultis non nisi fidentibus et resipiscentibus administrandum dicamus. (20) Itaque tum demum Christiani Baptismo ita cum Christo coniuncti dici posunt, ut, τῷ Χριστῷ συνταφέντες, in novam inculpatamque vitam redeant, idem cum eo iudicent, sentiant, velint, Christique veluti animum induant: (21) atque tum demum Baptismo servantur, quando Baptismus iis est animi, suae sibi sinceritatis consci, rogatio, (*invocatio, imploratio*) qua ad Deum consugiunt, spe sibi facta per redditum Iesu Christi in vitam. (22)

(19) *Act. III: 19. XVI: 31.*

(20) *Calvinus, Inst. Christ. relig. L. IV. C. XVI. §. 23.* dicit: *Tales, (adulti ad poenitentiam meditandam fidemque concipiendam idonei,) nisi perspecta eorum conversione et fide, (saltem quantum hominum iudicio explorari potest) baptizandos esse, fortiter negamus.*

(21) *Gal. III: 27. Rom. VI: 3, 4. Colosf. II: 12.*

(22) *I Petr. III: 21.* Videantur, de huius loci interpretatione, *Leerredenen van Jacobus Hinlopen, Leerr. XIV.*

S. 10. *Admittendi ad Coenam.* Quemadmodum Christus sacram epulum, in sui memoriam institutum, ab omnibus Christianis esse celebrandum, indicavit; dixit enim, nullo gentis temporumve discrimine facto, panem Apostolis porticens: *τοῦτο ποιεῖτε εἰς τὴν ἐμὴν ἀνάμνησιν,* et, vinum bibendum praebens: *τοῦτο ποιεῖτε,* *ὅσαντις ἀν πίνετε, εἰς τὴν ἐμὴν ἀνάμνησιν.* Nulla enim est causa, quare hoc mandatum non nisi ad Apostolos pertinere putemus. (1) Quemadmodum omnes Israëlitas Paschale epulum celebrare oportuit, ita etiam sacra Coena, ab omnibus est celebranda, qui Christum suum profitentur Dominum et Conservatorem. (2) Iccireo Paulus Apostolus iustum et perpetuum huius Coenae celebrationem valde omnibus Christi asseclis commendavit, et vero iussit eos: *ὅσαντις γὰρ ἀν ἐσθίητε τὸν ἄρτον τοῦτον, καὶ τὸ*

(1) Vid. G. C. Knappii scripta laudata, p. 274, 275.

(2) Conf. de hoc ritu μνημονικῷ, Suskindii Abhandlung: *Hat Jesus das heilige Abendmahl als einen mnemonicischen Ritus angeordnet?* et Cl. van Hengel, Diss. laud.

ποτήριον τοῦτο πίνετε, τὸν θάνατον τοῦ κυρίου καταγγέλλετε, ἄχρις οὗ ἀν ἔλθῃ. (3) Omnes etiam Christianorum coetuum socii, inde a primis temporibus, hanc Coenam summo honore habuerunt, eique interfuerunt: id quod diserte docent, in scriptis suis, Ecclesiae Patres; uti et haeretici et qui a Christianorum sacris erant alieni. (4)

At vero ab huius Coenae celebratione arcendi sunt omnes ἀπιστοι, et non nisi fidentes et resipiscentes admittendi, quia non nisi his panis fractus et vinum effusum τὴν κοινωνίαν corporis sanguinisque Christi significare potest. Tum etiam nemo, nisi Christum veneratus, pie celebrat Coenam, in recordationem mortis, quam Christus obiit, ut nobis existeret auctor vitae ac salutis. Nemo etiam aliis assentitur conditionibus foederis divini, cuius symbolum est in calice, e quo bibitur. Denique nemo aliis a Christianis, honorifico fratri aut sororis nomine,

ap-

67

(3) 1 Cor. X: 16, 17, 21. XI: 20-34.

(4) Cl. van Hengel, in Diss. I. p. 123-138. varia affert loca Patrum, in primis Iustini Martyris, Irenaei et Tertulliani: neque ea negligit, quae traduntur de perversis haereticorum sententiis, et de Paganorum calumniis, Thyesteas epulas Ecclesiae Christianae obliicientibus.

appellari potest, haberique socius Ecclesiae, τοῦ  
έρως σώματος τοῦ Χριστοῦ. (5)

Hac de causa Paulus Corinthios admonet, ut diligenter sese explorent, animumque emendent, antequam ad Coenam congregentur, et ut, amoris pacisque vinculo iuncti, hanc, cum vulgaribus epulis minime confundendam, sancte habeant, dignoque modo celebrent. (6)

Ne vero nobis obiciant, impium istum Iudam huic convivio interfuisse, animadvertisamus, Lucam temporis notas saepius negligere, in referendis, quibus ipse non intersuit, negotiis, atque adeo Iudee abitum post Coenae institutionem tradere potuisse, (7) quamvis accuratisimus Matthaeus hoc ante Coenam sacram accidisse doceat, (8) quocum ea consentiunt, quae tradit Marcus, (9) et comparanda est Iohannis narratio. (10)

Om.

(5) *1 Cor.* X: 17.

(6) *1 Cor.* XI: 17-34. *Conf. Calvinii Inst. relig. Christi.* L. IV. Cap. XVII. §. 40. et *Catech. Eccl. Geneva.* Opp. Tom. VIII. pag. 27.

(7) *Luc.* XXII: 21 seqq.

(8) *Math.* XXVI: 23-30.

(9) *Marc.* XIV: 18, 26.

(10) *Ioh.* XIII: 21-31. Iudam ante institutam sacram coenam abiisse, docet Herm. Venema, *Disf. Sacrae Lib.* II. Cap. XVII. p. 44 seqq. *Conf.* quoque Doct. Tol, *Disf. Iaud.* §. 3. pag. 141, 142.

Omnis igitur homines ad Baptismum et Coenam admittendi sunt, dummodo fidem habeant Christo, eique pareant. Sed praeterea libera sua voluntate ad ritus hosce accedant, necesse est. Quemadmodum enim nemo vi cogitur, ut sanctus sit, sed, qui sanctus esse cupit, fide servatur, ita etiam neminem invitum ad hos ritus trahere licet, quare Apostoli semper ad Baptismum fuscipiendum invitarunt, neminem vero vi coegerunt; et in Coenae administratione panis et vinum offeruntur, minime vero obtruduntur.

### S E C T I O . S E X T A .

#### Utriusque ritus administratio.

§. II.

#### Baptismi administratio.

Baptismi administrationem Christus Apostolis demandavit, (1) Apostoli suis in denuncian-

do

(1) Conf. quae hac de re Sect. I. §. I. monuimus.

do Euangeliō adiutoribus. (2) Postea vero antiquitas Christianā, Apóstolorūm aetati proxima, hunc solennem ritum Episcopis et Presbyteris administrandum dedit, (3) quia Dominus iisdem Baptismi administrationem mandaverat, quibus Euangeliū annuntiandum commisit, utpote aptissimis, qui fidem et resipiscētiam, cum Baptismo coniunctam, (4) in alumnorum animis excitarent et confirmarent. Hanc igitur ob causam Baptismi administrationem Ecclesiae doctribus et antistitibus mandare solemus. (5) Hosce doctores in id inquirere oportet, utrum initian-  
dus fidem habeat, resipiscat et Baptismum de-  
sideret, atque tum, sine ulla alia praeparatione,  
in Christianorum numerum suscipiendus est alumnus: quod, in ecclesiae convēntu publico, recte  
sit, *cum* ipsorum alumnorum, *tum* Christiano-  
rum, hunc ritum pie contemplantium, gratia.  
In iis autem initiandis eadem, quoad eius fieri  
potest.

(2) Conf. *I Cor.* I: 14-17. coll. *Act.* XVIII: 8. uti et c. VIII: 12.

(3) Conf. *Doederlein*, lib. I. §. 374. Obs. 3.

(4) Conf. *Calvinus*, *Oper.* T. IX. c. 14. *de sacra-  
mentis.*

(5) Legatur Ger. *Joan. Vossii Disp.* IX. *de bapt.*  
quae est *de ministris bapt. a Christo instituti*. Ibi illos  
refutat, qui baptizandi ius ad perpaucos nimis restrin-  
gunt, vel illud omnibus sine discriminē tribuunt.

potest, teneatur ratio, necesse est, quam ipse Christus praescripsit et Apostoli tenuerunt. Minime vero negligendum est, sacram lavationem esse ritum simplicem, non sumtuosum, iucundum et utilem, quare pura aqua est adhibenda et corpus immergendum vel lavandum, prouti ab Apostolis factum est. Immergendi ritum retinuerunt Graeci, (6) et revocarunt Rhenoburgen-ses. Latini vero pro eo substituerunt capitis vel faciei lavationem, nobis, qui balneis non sumus asfueti, commodiorem. (7)

(6) Rom. VI: 3. coll. II: 12. Hebr. X: 23. et conf. F. V. Reinhard, *Christ. Zedeleer*, Part. VIII. p. 82. n. 89.

(7) Causa huius mutationis, quae sensim sensimque in omnibus fere ecclesiis invalere coepit, in eo videtur quaerenda, quod infantibus, in regionibus praesertim frigidioribus, valetudinis periculum imminebat, vel adulorum corpora nudare honestas et pudor vetabat. Adspersionem sufficere, negant nonnulli: nos vero, cum Calvinio, (*Inst. Christ. relig.* L. IV. C. XV. §. 19.) profitemur: *an infusa tantum aqua adspergatur, minimum refert, sed id pro regionum diversitate liberum esse debet. Quamquam et ipsum baptizandi verbum mergere significat, et mergendi ritum Veteri Ecclesiae observatum fuisse constat.*

## §. 12.

*Coenae administratio.*

In omni convivio quempiam convivatoris partibus fungi oportet: quare in sacra Coena semper adest, qui huic ritui administrando praesit. Cum vero huius Coenae convivae omnes sint fidentes et resipiscentes, necesse est, ut convivator Christo fidem habeat et obtemperet, quia ipse et est conviva et summas inter convivas partes agit. Hanc ob rem ecclesiae antistitibus huius Coenae administrationem mandare solemus, quippe qui eius rationem probe cognoscunt, et sociis exemplo praeire solent. Nihil autem impedit, quominus ipsi Ecclesiae socii, antistitibus destituti, hoc convivio fruantur, sine eo, qui convivatoris partibus fungatur. Ecclesiae porro antistites sociorum fidem et resipiscentiam diiudicare, e dictis factisque, decet. Quodsi fidem profiteantur vitamque agant, homine Christiano non indignam, admittendi sunt ad sacram epulum. Convivis porrigenda sunt symbola, addita admonitione edendi et bibendi in memoriam Christi pro nobis mortui. (1) Ceter-

(1) Conf. Calvinus, *Opp. Lib. IV. c. 17. §. 47 seqq.*  
E 2

terum, in omni ritus administratione priscam simplicitatem imitari nos oportet, Coenamque ita instituere, ut ritus existat minime sumtuosus aut celebratu difficilis, sed iucunditate potius et utilitate sese commendans.

Tandem hicce ritus solenniter, et, quoad eius fieri potest, in publico coetus conventu, est celebrandus. Paulus certe huiusmodi celebrationem Corinthiis iniunxit. (2)

Uterque igitur ritus ab hominibus, fide ac pietate conspicuis, ita est administrandus, ut sit ritus simplex, non sumtuosus, vitae curandae utilis et necessarius, qui nihil in alumnis et Christianis requirit, nisi fidem et resipiscentiam, et, quoad eius fieri possit, publicam solennitatem postulat.

seqq. Vossius, Disp. XXIII. de sacris coenae dominicae Symbolis. Mart. Vitringae, lib. I. Part. VIII. Tom. I. p. 93 seqq.

(2) 1 Cor. XI: 22, 34.

## SECTIO SEPTIMA.

Utriusque ritus utilitas.

§. 13.

Baptismi utilitas.

Baptismus sane multis modis utilis esse potest, ad fidem et pietatem excitandam, augendam ac confirmandam. Nos, pro instituti nostri ratione, non nisi eam laudamus utilitatem, quae similis censeri poterit utilitati, e Sacrae Coenae celebratione redundanti. Itaque attingere nobis non licet salutarem fructum, ex infantum Baptismo, sive ipsis, sacro ritu lavatis, sive horum parentibus et susceptoribus, sperandum. Sufficiat nobis indicasse, quomodo Baptismus profit, cum universe omnibus, Christi institutum in cognoscentibus, tum nominatim ipsis initiatis, Baptismum sibi expertentibus, certe administratum non repudiantibus.

Universe quidem omnibus, serio ad Baptismi ritum attendantibus, eo persuaderi potest de his, quae in historicis Novi Foederis libris traduntur, de religione Societateque Christiana, a

Chris-

Christo instituta et ab Apostolis propagata. Quomodo enim Baptismi ritus potuisset oriri, tantam auctoritatem nancisci, a primis inde Ecclesiae incunabulis ad nostram usque aetatem, a tot hominum millibus perpetuo conservari, tantoque studio celebrari, nisi adfuissent Apostoli, Euangelium annuntiantes, et sacro hocce ritu initiantes, ad id inducti auctoritate Christi, qui, doctrina sua, rebus mirifice gestis, morte ac reditu in vitam, abitu in coelum, donisque misericordiis in ipsos collatis, sese praestiterat hominum Conservatorem et Dominum?

Deinde vero nominatim sacra lavatio proficia est ipsis initiatis, Baptismum sibi expetentibus, certe administratum non repudiantibus.

Baptismi enim ritus apte et perspicue Dei dona, Euangeli promissa, nobis depingit, eorumque memoriam et intelligentiam adiuvat. Cum autem homo, sensibus praeditus, iis afficiatur, quae in sensu incurrit, eaque sibi certiora habeat, quae oculis ipse videat, hic profecto ritus certiorem et vividiorem excitat persuasionem et fidem earum rerum, quas, imagine expressas, uno veluti intuitu videt, uno actu sentit, intelligit.

Quae vero Baptismi ritus exhibet, ea ita sunt comparata, ut animum valde afficiant, commoveant et miram in eo, peccatis misero, excident

tran-

tranquillitatem et gaudium, spe nobis data, fore, ut animi expurgationem poenarumque remissionem consequaniur.

Iucundo hoc beneficiorum sensu sponte eò ducitur initiandus, ut grato amplectatur animo Dei Patris, Filii Spiritusque sancti, beneficia, eos redamet, pie colat, in iisque spem omnem et fiduciam collocet, a quibus tanta immerito accipit beneficia.

Itaque aliter fieri non potest, quin animus ita affectus tangatur dolore et poenitentia peccatorum, eaque abhorreat et fugiat, virtutem contra diligit, et Conservatoris sanctissimi exemplum sibi ad imitandum proponat.

Quodsi Baptismus publice et solenniter administratur, maiorem etiam vim habet, ad animum hoc sensu afficiendum: ea enim est hominum natura, ut solennia vota privatis multo sanctiora iudicet, eorumque religione fortius se se obstringi fateatur. (1)

Fide igitur Baptismo confirmata, laudabili amoris, reverentiae et fiduciae sensu virtutisque desiderio excitato, ita cum Christo coniungimur, ut idem cum eo iudicemus, sentiamus, velimus, eius veluti animum induamus, (2) atque adeo

(1) Conf. Doederlein, I. l. p. 711.

(2) Gal. III: 27, 29. IV: 4-7.

simus *νιοὶ Θεοῦ* et *κατ' ἐπαγγελίαν κληρονόμοι.*

Hicce porro ritus, quo Baptismo initiatus cum Christo iungitur, hanc etiam vim habet, ut eum amoris pacisque vinculo, cum omnibus piis ecclesiae sociis, cuiuscunque gentis et ordinis, coniungat: uno enim eodemque Baptismo omnes initiantur; una omnium est fides, quam profitentur; iisdem omnes beneficiis gaudent; eandem omnes spem fovent, atque Christum, qui omnes genuinos ecclesiae socios eodem amplectitur amore, diligunt, eique una cum ceteris obtemperant, (3) atque adeo omnes in ecclesiae corpus coalescunt, cuius caput est Christus, in quo unus habitat Spiritus, qui omnia regit membra, ut singula corporis humani membra, uno in corpore coniuncta, uno animo reguntur. (4)

Quodsi ita cum Christo eiusque aseclis coniungatur Baptismo initiatus, sponte etiam sequitur, illum ab *ἀπίστοις* seiungi, qui Christum Conservatorem non admittunt, ei resistunt eiusque beneficia spernunt, quibuscum adeo minime consentire potest homo Christianus. Haec

(3) Conf. Doct. I. F. van Oordt, I. G. fil. Disp. de religione Christiana, ad coniunctionis et societatis studia alenda et promovenda cum aptissima tum efficacissima. Trai. ad Rh. 1821. p. 160-163.

(4) 1 Cor. XII: 13. Eph. IV: 5.

sciunctio et Christianorum inter se coniunctio, quae Baptismi ritu publico fit, eo imprimis valuit, ut Christiani a profanorum contagione sevocarentur, eorum malitiae coniunctis viribus resisterent, (5) atque eorum vexationes constanter perferrent, quia Baptismo tantorum beneficiorum certiores reddebantur, ut istos vilipendarent cruciatus.

Nec negligendum est vinculum, quo fides et obedientia, suscepto Baptismo demonstrata, iungitur certae spei salutis, a Christo promissae, consequendae. Etenim Conservator noster salutem hanc promisit Euangeliō fidem habentibus eamque profitentibus, accepta lavatione sacra: (6) Petrus Apostolus poenarum remissionem sanctique Spiritus dona promisit resipiscentibus Baptismumque accipientibus. (7)

§. 14.

(5) Vid. I. I. Hesz, *Gesch. u. Schrift. der Apost. Jesu*, Vol. I. c. I. p. 24, 25. et Cl. van Hengel, *Diss. I.* p. 173, 174.

(6) *Marc. XVI: 16.*

(7) *Act. II: 38. Adde I. Petr. III: 21.*

## §. 14.

*S. Coenae, utilitas.*

Sacrae Coenae celebratio prodest Ecclesiae Christianae universe, non uno modo. Simplici enim hoc convivio, Iesu Christi, et mortis, quam pro salute hominum passus est, memoria propagatur in Societate Christiana: quin et omnibus veri amantibus argumentum praebetur historicum, pro veritate eorum, quae, de Conservatore nostro, in libris Novi Foederis, traduntur. Praeterea celebratio huius Coenae, quae publice fit, allicere potest homines, Christo nondum fidem habentes, eosque commovere, ut, una cum eius cultoribus, hunc profiteantur et pie colant humani generis Redemptorem.

Sed imprimis Sacrae Coenae ritus utilis est Christianis, pie eum celebrantibus.

Qui enim in memoriam revocant perpessiones et mortem violentam, quas Iesus Christus, expiandorum peccatorum causa, subiit, non possunt non turpitudinem eorum animadvertere, sua dolere crimina ac vitia, horumque condonationem ardenter expetere.

Mox etiam contemplatio et usus panis. fraci-

ti

ti et vini uvis expressi, quibus depingitur corpus Christi pro nobis fractum et sanguis eius pro nobis effusus, valde prodest excitandis in animis convivarum sensibus venerationis et amoris, quibus prosequi eos oportet benignissimum Conservatorem, Patremque coelestem.

Porro fiducia Christianorum in Dei promissis posita, et spes beneficiorum per Christi mortem comparatorum, egregie confirmantur, accepto Novi Foederis poculo.

Praeterea, hoc ipso ritu, obstringunt se Christiani, ad ea fugienda, quae Deo Christoque displicant, ad eaque diligenter curanda et agenda, quae Euangelii lege sunt praescripta.

Accedit vis exempli, quod Christus suis praebeuit discipulis, obediendo Patri suo usque ad mortem, dirissimumque adeo crucis supplicium, praestitis eximiis pietatis, constantiae, patientiae, lenitatis, omnisque humanitatis, virtutibus, cum in finem, ut, qui ipsam profiteantur magistrum suum ac dominum, ipsius etiam vestigiis insisterent. (1)

Quodsi igitur convivae eo sint animo, ut pie frui velint beneficiis, e Christi morte ad eos redundantibus, tam arcto vinculo cum Conservatore suo coniunguntur, ut participes siant τοῦ αἰ-

(1) Ioh. XII: 26.

αἵματος καὶ τοῦ σώματος τοῦ Χριστοῦ, (2) hoc est, salutarem mortis violentae, quam sustinuit Christus, fructum animo percipient.

Denique pii convivae inter se invicem coniunguntur, et amoris concordiaeque vinculo ita constringuntur, ut nullius gentis et dignitatis discrimen cernatur, sed summa aequalitas fraternaque ratio dominetur. (3) Sunt enim omnes unius panis et calicis participes, unius eiusdemque corporis membra, (4) cuius caput est Christus, qui, ut erat amoris plenus, discipulos iussit: ἀγαπᾶτε ἄλλους, καθὼς ἡγάπησα υμᾶς. (5) Ita igitur convivae, cum ecclesiae sociis coniuncti, se iunguntur ab impiis hominibus, Christo fidem non habentibus, et una cum ceteris istorum vexationes spernunt easque constanter perferunt, quia Christi fors miserrima atque mors violenta, quam, dum Coenae intersunt, reputant, eos docet, terrestria bona non esse affectanda, verum

(2) *1 Cor.* X: 16.

(3) *Conf. Doct. van Oordt, Diss. laud.* p. 163 sqq.

(4) *1 Cor.* X: 17.

(5) *Ioh. XV: 12.* — Ipsum Christum hanc convivarum coniunctionem spectasse, probabiliter efficitur, ex verbis eius: πιετε ἐξ αὐτοῦ πάντες. Quod πάντες ursisse mihi videtur Dominus, ut discipulos suos, qui de summo loco et dignitate inter se contenderant, ad mutuum amorem, ab omni fastu alienum, excitaret.

rum coelestia illa, quibus fruentur aliquando, qui Christum, omnes istos cruciatus summa constantia passum, imitantur.

Haec sunt emolumenta, in genuinae Ecclesiae socios, pie hoc convivium celebrantes, redundantia, quae omnia oriuntur e morte Iesu Christi, cuius symbola ipse nobis praebet. Conferuntur autem salutari Spiritus sancti ope, a quo omnia profiscuntur nobis utilia, sive doctrinae Christianae sive rituum sacerorum ope, in animis nostris procurata. Non adeo singulari panis vinique efficacitati, eorumque usui hosce fructus debemus, qui non in corpus redundant, verum animo, eoque fidenti, percipiuntur. (6).

### C O N C L U S I O.

Hisce, de singulis sacerorum Baptismi et Coenae rituum partibus, monitis, omnia utrique communia comprehendere constituimus, quo melius, uno quasi intuitu, similitudinem in utroque ob viam cognoscamus.

Est eterque ritus externus, simplex, communius uisu receptus, celebratu facilis, iucundus, sanitati ac vitae utilis et necessarius; cum reli-

(6) Conf. Doederlein, Libr. II. Part. II. C. III. Sect. II. App. I. §. 356. OEL 2.

gione Christiana arctissimo vinculo coniunctus; Veteris Foederis ritibus, circumsectioni et epulis paschalibus, simillimus; a Christo divina auctoritate institutus, Apostolis mandatus, omnibus gentibus iniunctus, et a Christianis, ab Apostolorum inde aetate ad nostra usque tempora, summo honore habitus et celebratus. Significat et depingit beneficia Euangilio promissa, ad percipiendam beatam aeternamque vitam necessaria, liberationem a peccatis eorumque poenis, omnibus Christo fidentibus et obtemperantibus promissam atque datam: quare uterque ritus omnes fidei et resipiscentiae legi ac conditioni, a Deo praescriptae, devincit. — Praeterea uterque ritus sacer a viris, fide et resipiscentia conspicuis, administrandus est, omnibus quibuscumque hominibus, nulla gentis, regionis, ordinis, auctoritatis vel sexus ratione habita, dummodo hanc desiderent ritum, Christo fidem habeant eique obedire velint. — Uterque ritus rerum, Euangilio traditarum, memoriam et intelligentiam adiuvat, earumque fidem certiorum vividiorumque reddit; et miram in animis, peccando miseris, excitat tranquillitatem et gaudium. Grati praeterea erga Deum Christumque animi sensus, amorem, fiduciam et reverentiam, acuit, ad peccatorum poenitentiam et odium, ad virtutis amorem atque studium impellit, atque

que adeo arctissimo cum Conservatore vinculo nos coniungit, omnisque salutis, Euangelio promissae, participes reddit, omnibusque nos ecclesiae sociis, etiamsi ad varias pertineant gentes et ordines, amoris pacisque vinculo conciliat, et ab *ἀπίσους* separat, quorum vexationes constanter perferre discimus. Hos omnes utriusque fructus, hominum mente et animo, non vero corpore percipiendi, Dei curae rituumque significationi, non vero ipsi externae formae, debemus: quare nonnulla etiam emolumenta in illos redundant, qui pie utrumque ritum contemplantur. Est tandem uterque ritus aptissimus, quo Christiani Deum Christumque publice profiteantur atque solenniter colant; et ita quidem, ut ipsos etiam *ἀπίσους* alliciat et ad Christianorum sacra amplectenda commoveat, quippe omnibus persuadens, de veritate rerum, a Christo eiusque Apostolis gestarum, et religionis Christianae, ab eo institutae et ab his propagatae.

## PARS POSTERIOR.

COMPARATIONIS USUS, IN IUDICIO DE UTRIUS-

QUE INDOLE, USU LEGITIMO AC  
FRUCTU SALUTARI.

---

### SECTIO PRIOR.

Comparationis usus in iusto de  
utroque iudicio, universe.

**I**nde a primis fere Ecclesiae incunabulis ad nostra usque tempora, laborarunt Theologi, in Baptismi et Coenae ritu comparando, eaque comparatione suam de utraque sententiam illu- strando, confirmando, probando. Fuerunt, qui huic comparationi non nisi illustrandi et expli- candi vim tribuerent; fuerunt item, qui in eo inesse affirmarent, non tantum vim confirmandi,

ve-

verum etiam probandi, ita quidem, ut considerer transferrent omnia, quae in uno ritu sibi videbantur invenire, cum eadem tamen in altero desiderarentur. His contradixerunt alii, qui, vel comparationem non curarent, vel omnem ei abnegarent usum in legitimo de utroque iudicio.

Ecclesiae patres, in utroque ritu comparando, sibi in primis placuerunt, ita ut, quaecunque in uno ritu deprehenderent; alteri quoque tribuenda esse putarent. Sic; cum animadverterent, Spiritus S. dona, una cum Baptismo, Apostolorum aetate, tributa fuisse, (1) peculiarem aquae trubuerunt vim, quam a Spiritu S. cum aqua coniuneto, ei addi opinabantur. (2) Cum igitur Sacram Coenam pro simili haberent ritu, eandem vim mirificam pani vinoque affinxerunt. (3) Dicen-

(1) Conf. quoque causa, quas assert W. Müncher, Handb. der Dogmengesch. T. II. p. 227.

(2) Conf. Tertull. de Baptismo, C. IV-VI.

(3) Justinus Martyr, Apol. Maj. p. 82. 83. Cf. Müncher, lib. I. T. II. §. 240. 242. 244. et J. Driēberge; L. I. c. XII. §. 13. p. 167. qui: Illud, inquit, magnam obscuritatem huic ritui (S. Coenae) offudit, quod Patres, eum cum baptismo comparantes, per quem remissio peccatorum adumbratur vel confirmatur, quod credenti contingit, existimarint, coenae celebrationem non minora bona sequi. Hinc de speciali quadam efficacia Spiritus vel praesentia corporis et sanguinis Christi cogitarunt, quae per processus consecratorias panis et vino acce-

centes vero, Sacrae Coenae symbola vere mutari, id ipsum de Baptismi aqua praedicarunt, atque adeo symbola, ad Catechumenorum baptizationem destinata, aequè ac Eucharistiam, per preces consecrarunt. (4) Existimantes dein cœps Christi corpus et sanguinem vere esse in pane et vino præsentem, existiterunt nonnulli, qui in Baptismi aqua quoque, post consecrationem, mystice Christi sanguinem adesse affirmarent. Hinc veteres illi, quemadmodum Eucharistiam Φρικτὸν μυσῆριον appellarent, Baptismum quoque μυσῆριον dixerunt, et tremenda, quae in eo fiunt: atque nondum initiatos Baptismo adesse veterunt, aequè ac omnes Catechumenos, ante Coenæ celebrationem, templo exedere iuberent. (5)

Reformationis vero tempore, cum utrumque ritum ad priscam suam simplicitatem redigere velens illa bona inter edendum et bibendum fidelibus communicat.

(4) Conf. Cyrillus Hierosol. Catech. XXI. §. 3. coll. XIX. §. 7. Gregorius Nyss. Orat. in Bapt. Chr. Opp. T. III. p. 370. Drieberge, I. p. 150, 151. Munscher, lib. I. T. II. §. 245. T. IV. §. 141. 143.

(5) Conf. Drieberge, I. p. 150, 151. et auctores ab eo citati. Add. F. Brenner, Geschichtliche Darstellung der Verrichtung und Auspendung der Sacramente, T. I. et II. coll. III.

vellet Ecclesiae emendatores, multa in utraque communia animadverterunt, et, in probanda alterius ritus quadam significatione, ad alteram interdum provocarunt, ut eo suam stabilirent sententiam. Ita Lutherus, ubi negat, illos bonum opus, quod dicitur, facere, qui ad sacram Coenam accedant, dicit: *quis vero unquam fuit tam demens, ut Baptismum diceret esse bonum opus? aut baptizandus crederet, se opus facere, quod professe et aliis Deo offerret, et communicaret?* Si ergo in uno aliquo sacramento et testamento nullum est bonum opus communicabile aliis, nec in missa erit, quae et ipsa non sit, nisi testamentum et sacramentum. (6)

Zuingleius eo, quod Baptismus est foederis signum, probare studet, Eucharistiae quoque inesse tantum significationem. (7)

Anabaptistae statuerunt, ad Baptismum non esse admittendos infantes, cum non admittantur ad S. Coenam. (8) Cui argumentationi calculum adiicere videtur Menno Simonis. (9)

Alii

(6) *Capt. Babyl. in Opp. II. p. 72<sup>o</sup>.*

(7) In libro suo: *Subsid. sive coronis de Eucharistia.*

(8) Calvinus, *Inst. de Bapt.* Cap. XVI. §. 30. *Diss. T. IX. p. 362.*

(9) *Verklaringe des Christelycken doopsels in den Water, uyt het woord Gods, door M. S.*

Alii contra hanc comparationem non magnopere curarunt, ut Calvinus, qui diserte utriusque ritus discrimen indicat. (10)

Bellarminus autem hunc comparationis usum negat: ubi enim eos reprehendit, qui statuunt, Baptismi sacramentum in actione consistere, atque igitur Eucharistiae quoque sacramentum ex utriusque dissimilitudine probari posse, contendit, falsa esse, quae alii ex similitudine efficere sibi videantur. (11)

Neque Driebergius favet comparationi, ubi scribit: *quodsi Christianorum solennitas (S. Coena) per comparationem alterius solennitatis illustranda sit, id multo aptius ex Paschali epulo, quam ex Baptismo fieri posse puto.* (12)

Nec multi, quoad equidem scio, Theologi hodie comparationem inter utrumque instituerunt, aut ad comparationis usum, in iudicio de utriusque indole, usu et fructu, attenderunt.

D. Schulzius tamen, comparatione instituenda, suam de Sacra Coena sententiam confirmare voluit, postquam professus fuerat, ex S.

Scrip-

(10) Opp. Tom. IX. p. 362<sup>b</sup>. Tom. VIII. p. 521<sup>b</sup>.

(11) Bellarmini Disp. de controversiis Christ. fid.

(12) Drieberge, L. I. C. XII. Sect. III. p. 167.

Scriptorum collatione haud facile Coenae indolem cognosci posse. (13)

Cum igitur, in iudicio de comparationis usu, dissenserint Theologi, operae pretium nobis facturi videmur, si in huius comparationis vim accuratius, quoad eius fieri posit, inquiramus, ut adeo constet, quantum valeat comparatio, ad Baptismi et Coenae ritus recte diiudicandos.

Ex duabus rebus, si una est luculentior et explicati facilior, altera, quae minus est luculenta, instituta comparatione, illustrari potest, dummodo constet, in utraque de eodem vel simili agi negotio. Sic, in Codicis Sacri loco aliquo interpretando, alium saepius locum similem et ampliorem citamus; ut, comparatione inter utrumque instituta, illustrentur verba, in quibus explicandis versamur.

Quodsi igitur, vel in Baptismi, vel in Coenae ritu, habeantur partes, quae maiori evidentia et perspicuitate apparent, utroque comparando, ea, quae in alterutro minore gaudeant luce, iure illustrare possumus, si ex caeteris similibus partibus probaverimus, in utraque parte, quamvis una altera sit clarior, de re tamen eadem vel simili sermonem fieri.

Ali-

(13) *Die Christliche Lehre von H. Abendmahl, nach dem Grundtexte des Neuen Test. Lips. 1824. p. 279 seq.*

Quando duae res, a viro prudente profectae, in multis convenienter partibus, probabile sit, easdem quoque, in caeteris, quoad per utriusque indolem diversam coniicere liceat, similes fore, quoniam prudenti viro cogitandi agendique rationem sibi constantem inesse confidimus.

Haec autem probabilitas, quae saepenumero exigua est, maior sit, quo maior est numerus partium similium vel parium; quo magis hae partes, ut primariae, ad rerum indolem et naturam pertinent, et inter se invicem sunt conjunctae; et quo certius constet, utriusque rei auctorem, in utraque tradenda, eandem secutum fuisse cogitandi agendique rationem. Quare vindendum est, utrum ille sit sapiens sibique constans, an minus; utrum duae res eodem fere tempore, an multum remoto, sint institutae; utrumque denique in περισάσει mutati consilii causa aut opportunitas deprehendi possit, nec ne.

Quod si haec ad Baptismi et Coenae comparationem referamus, videntur nobis hac ratiocatione plurimae utriusque partes confirmari, imo vero probari. Qui enim utrumque ritum, et unum quidem brevi post alterum, instituit, fuit Christus, Dei Filius, coelestis legatus, qui consilium suum nunquam mutat, sibique semper constat, qui utriusque ritus administrationem

Apo.

Apostolis mandavit, et utrumque omnibus sidentibus et resipiscentibus celebrandum dedit.

Si porro ipsos attendamus ritus, continuo magnus ille numerus similium partium, et earum quidem, quae praecipuae sunt censendae; in oculos incurrit; cuiusmodi sunt institutio, significatio, usus legitimus atque fructus salutaris. Accedit, quod nemo non videt, partes illas arctissimo vinculo inter se esse coniunctas: institutio enim ritusque externus cum significatione quam maxime coniunguntur; et significatio officia imponit omnibus, qui ritui intersunt; atque haec quoque usum definiunt legitimum et fructus præbent illos salutares.

Vidiimus igitur, huic argumentandi rationi, quae, ex quibusdam Baptismi et Coenae similibus partibus, caeterarum partium similitudinem coniicit, eandem vim et evidentiam esse tribuendam, quam argumentis, ex rerum analogia ductis, adscribere solemus.



## SECTIO POSTERIOR.

Comparationis usus, in iudicio de Baptismi et Coenae indole, usu legitimo ac fructu salutari, speciatim.

Ex iis, quae §. 1. disputavimus, satis intelligitur, Baptismi et Coenae ritus comparatione illustrari posse et confirmari. Nunc igitur ad ipsas rituum partes est attendendum, ut, quae nam illustrentur et confirmentur, nobis innotescat. Liceat vero praemittere leges quasdam vel cautiones paucas brevesque, sponte prodeentes ex iis, quae iam probavimus, et, ad comparationis usum bene regundum, ni fallar, compositas.

1. Comparationis usus, in iudicio de Baptismi et Coenae indole, legitimo usu et fructu salutari, minime est contemnendus.

2. Quod his ritibus inter se invicem comparandis assequimur, id non quidem ad mathematicam dicit evidentiam, attamen plusquam illustrationem praebet.

3. Ex uno ritu in alterum nihil transferre licet, quod huius ritus partibus singularibus est contrarium, certe non congruum: quia uterque ritus, quam-

quamvis maximam partem similis, non tamen omnino par est dicendus.

4. Res, quae non omnino pares sunt, in alterum ritum ex altero transferre minime licet.

5. Comparationis usui, in iudicio de aliqua Baptismi vel Coenae parte, non semper eadem vis et evidentia est tribuenda, quia non omnes partes, eodem arcto cum caeteris similibus partibus vinculo, coniunctae sunt.

6. Si, in comparandis duobus ritibus, in altero aliquid non invenimus, minime, propter caeterarum partium similitudinem, statuere licet, hoc in altero quoque deesse; quia non haec est vis similitudinis, in plurimis rituum partibus obviae, ut nihil omnino amplius in altero ritu possit inesse.

7. Omnes utriusque ritus partes, quae, nulla alterius ritus ratione habita, probatae sunt, accurate inter se comparentur, ita ut appareat, quae-nam in utroque ritu partes, summa cum eviden-tia, prabari possint, quaenam in altero ritu ma-iori, quaenam in altero minori luce et eviden-tia, gaudeant; quaenam pari probabilitate va-leant; quantus sit similium partium numerus; num sint partes primariae, et quinam sit earum-dem consensus, quodnam vinculum.

8. Partes unius ritus, quae copiosius ac fusius a Christo aut Apostolis traditae sunt, inserviant al-

alterius partibus illustrandis: ut autem constet, in utraque parte, quamvis altera sit clarior et amplior, eadem de re agi, oportet nos, ad caeteras quoque similes partes, cum ea, de qua quaeritur, coniunctas, attendere.

9. Partes, quae in uno ritu maiorem habent evidentiam, adhibeantur, ad alterius partes, quarum interpretatio dubia esse possit, confirmandas, cum probent, nostram interpretationem cum Christi cogitandi agendique ratione congruere.

10. Quodsi duas utriusque ritus partes, quae non nisi ad probabilitatem adduci possunt, eo confirmare velimus, quod nec in hoc, nec in altero ritu, deprehendatur quicquam, cum nostra interpretatione pugnans, oportet nos in primis ad discrimen attendere utriusque περιστατεῶν, quoniam eo ipso facile fieri potuit, ut aliquid adderetur, quod cum nostra interpretatione non congruat.

11. Quodsi, ex quarundam partium similitudine, caeterarum similitudinem coniicere velimus, sedulo in similiū partium indolem et numerum inquirendum est: in primis vero attendendus est earundem consensus, et inter se, et cum re, de qua quaeritur, quoniam ex iis maior minorve penderat probabilitas.

12. Cum omnis hacc argumentandi vis, et majori minorive partium similitudine earumque nu-

me-

mero pendeat, vis comparationis Baptismum inter et Coenam anteponenda est efficacitati comparationis, quae hos ritus inter et similes Veteris Foederis instituitur; maior enim similitudo locum obtinet inter ritus N. F. quam hos inter et V. F. ritus.

Sed age, videamus, de singulis Baptismi et Coenae partibus, quo accuratius comparationis usum, in iudicio, de utriusque indole, usu legitimo et fructu salutari, cogitum habeamus.

### I. Comparationis usus, in iudicio de indole.

Christo, suae gentis indolem consideranti, satis apparuit, multiplices caerimonias pietati minime prodesse, contra vero multos iis induci, ut in ritibus externis acquiescant; graviora vero pietatis humanitatisque officia post habeant, nec nisi vanam pietatis speciem sectentur. Nec circa vix quicquam eorum, quae in externo cultu et solennitate consistunt, praestandum imposuit, et non nisi duo ritus sacros instituit, qui veram animi fidem et pietatem excitant et confirmant. Uterque enim nihil omnino habet, quod homines a seria rerum gravissimarum meditacione avocat, aut ad inanem sensuum et phantasiae oblectationem abripit, sed tam evidenter omnem

Eu-

Euangelii summae depingit, ut in ipso ritu subsistere non possumus, verum pulra hac imagine, ad res, quae depinguntur, gravissimas cogitatione et animo evehamur. Dum enim Baptismi ritu lavamur, animi illam a peccatorum fardibus et poenis ablutionem, quam Christo nos debere profitemur, non cogitare non possumus. Haec enim imago in libris sacris est per frequens, et apud omnes gentes usitata. Dum panem fractum vinumque uvis expressum videimus, Christi mortem cogitemus necesse est; et, dum hoc cibo et potu nutrimur, huius mortis fructus, a nobis percipientes, grato recordamur animo. Nec mirum. Nihil enim his inest ritibus, quod hanc significationem incertam reddat aut dubiam, contra vero omnia eam indicant. Sunt enim ritus simplicissimi, quemadmodum Christi doctrina mirae simplicitatis nota commendatur. Omnibus terrae gentibus sunt accommodati, prouti doctrina, quam depingunt, universo generi humano apta est. Sunt praeter ea iucundi, vitaeque utiles et necessarii: quemadmodum Euangelii beneficia, iis significata, nobis, peccando commaculatis et fontibus, grata sunt et valde necessaria.

Cum igitur hae notae egregie rebus, quae significantur, congruant, facile nobis persuaderemus, has ab ipso Christo, utrumque ritum ins-

stituente, fuisse spectatas. Quod ut facilius credamus, facit utriusque ritus collatio. Etenim multa quidem in utroque sunt dissimilia: in Baptismo aqua, in Coena panis et vinum, in Baptismo lotio, in Coena convivium, cibatio, potio; attamen easdem in utroque cernimus notas, ut adeo vix dubitare possimus, quin has ipsas spectaverit Christus, hos ritus externos instituens. Conf. Lex nostra 10. Quae quidem sententia porro commendatur, instituta utriusque ritus comparatione, cum similibus, antea apud Israëlitas usitatis. Christum enim, Sacram Coenam instituentem, Paschalium epulorum rationem habuisse, neino facile in dubium vocabit, nec tamen, quae ad Paschatis convivium pertinebant, olera amara in sacram transtulit Coenam. Haec quidem Christus consulto omisisse videtur, quemadmodum a Baptismi ritu ea abesse voluit, quae in circumsectione erant molesta et dura, nec sequiori sexui apta.

Quicunque in Baptismo agnoscit symbolum, quo significetur animi purgatio, facile etiam agnosceret, in Sacra Coena esse symbolum, quo significetur beneficium ad animum pertinens. Quicunque agnoscit, aquam non esse nisi signum externum in lavationis ritu, pronior erit in eam sententiam, qua credit, panem et vinum in S. Coena non nisi signum esse externum. Quicunque

que negat, aquam in sacro ritu mutari in Christi sanguinem, quo animi nostri expurgentur, non facile etiam admettit eorum sententiam, qui ex verbo εἰναι colligunt, panem et vinum in S. Coena mutari in Christi carnem et sanguinem, aut cum illis symbolis Christi corpus et sanguinem accipi a piis convivis. Conf. Lex q. i. (1) Qui denique negat, in Baptismo Deo offerri sacrificium, ex Christi verbis τοῦτο ποιεῖτε non colligit, in Sacra Coena repeti sacrificium, quod Conservator noster semel in cruce Deo obtulit. Quicunque credit, Baptismum non nudam esse caerimoniam, sed significationem beneficiorum Euangeli promissorum, uti et officiorum Christianis impositorum, non facile negabit, utrumque etiam fieri Sacra Coena celebranda, neque ei placere poterit eorum sententia, qui sacrum hoc convivium pro nuda habent caerimonia, ad Christi morientis memoriam recolendam instituta.

Quicunque Sacra Coena confirmari dicit divina promissa, de peccatorum condonatione, Christi morte nobis comparata, facile etiam creder, huius beneficii spei nobis similiter factam esse Baptismi caerimonia. Utrique enim ritui multo

(1) Conf. Catech. Palat. Quaest. 78. et J. A. L. Wegscheider, Inst. Theol. Christ. Dogm. §. 174.

ta sunt communia, in iis quoque partibus, quae cum animi emendatione poenarumque remissione arcte cohaerent. Conf. Lex 11.

Baptismi autem ritus, indole sua, hanc poenarum remissionem significare potest: nec quam huic caerimoniae inest, quod difficultatem movere possit. Conf. Lex 3.

Quando Coenae ritum cum Paschali Israëlitarum épulo comparamus, ac temporis, quo illa instituta est, rationem habeamus, facile inducimur, ut credamus, Christum, in Coena S. instituenda, Paschale convivium spectasse, ut adeo S. Coena ex hoc sponte prodierit. Itaque fatebimur, a Christi agendi ratione non abhorrere, quod Novi Foederis caerimoniam ex Veteris Foederis ritu ducat, atque adeo Baptismum quoque in circumsectionis locum, substituat.

## II. Comparationis usus, in iudicio de utriusque ritus usu legitimo.

E Baptismi indole et ex initiatorum exemplis, quae in Apostolorum actis sunt obvia, facile colligimus, perfectam consummatamque pietatem in initiandis non requiri. Quae res non nihil valere videtur, ad compescendam eorum severitatem aut timiditatem, qui, vel in aliis, vel in se-

semet ipsis, ad sacram Coenam accessuris, eam fidei integratatem et pietatis constantiam exigunt, quam paucissimi hac in vita assequuntur. Sacram Coenam omnibus terrae gentibus esse iniunctam, veri simile fit ex eo, quod Christus, Baptismum instituens, diserte dicit; hunc esse administrandum πάσι τοῖς ἔθνεσι; πάσῃ τῇ ιτίσει. Vicissim, e Pauli doctrina de S. Coena, colligas, Baptismum perpetuo esse celebrandum; iubet enim Coenae convivas: τὸν θάγατον τοῦ Κυρίου καταγγέλλετε, ἀχρις οὐδὲν ἔλθη. Quod cum de Sacra Coena constet, quidni etiam de Baptismo valeat, cum nihil quicquam in Baptismi ritu reperiatur, quod obstat, contra vero ipsa eius institutio illud suadeat?

### III. Comparationis usus, in iudicio de utriusque fructu salutari.

Paulus Baptismo initiatos νιοὺς dicit τοῦ Θεοῦ, (1) quia, Baptismo pie suscepto, ipsum Christum induerant: atque ita pulcre complectitur omnes omnino fructus, qui ex Baptismo, Euangelii summā depingente animoque admovente, in nos redundant, ac prorsus, ad Christi iudicandi, sentiendi volendique rationem,

(1) Gal. III: 27.

nos componunt. Cum vero Sacra Coena eadem atque Baptismus ante oculos ponat, atque eosdem homines fidentes et resipiscentes admittat, et, maximam partem, Baptismo sit similis, nulli dubitamus, eosdem hosce fructus quoque vindicare piae Coenae celebrationi, atque ita illustrare, quae Paulus, dum Coenae fructum ante oculos habeat, testetur: *τὸ ποτήριον τῆς εὐλογίας — κοινωνία ἐσι τοῦ σώματος τοῦ Χριστοῦ τὸν ἄρτον ὃν κλῶμεν, καινωνία τοῦ σώματος τοῦ Χριστοῦ ἐσι.* (1)

Qui utriusque ritus significationem gravissimam considerat, non miratur sane, illos, qui pie iis interessent, sacro fuisse Spiritu actos, praesertim si hominem cogitet, Baptismo e profanorum numero in sanctam illam et beatam Christianorum societatem transeuntem: et nemo fere est, qui hosce fructus efficacissimos, ad animum unice referendos, ipsi aquae infusioni externae tribuat. Quid igitur est, quod Coenae symbolis, pani atque vino, peculiarem quandam vim inesse dicamus, cum sint res ex eadem natura de promtæ, quibus eodem solenni modo utamur, quae eadem prorsus significant eosdemque fructus salutares nobis praebent pie iis utentibus? Nimirum haec similitudo, quae inter eas quoque par-

tes

(1) *1 Cor. X: 16.*

tes intercedit, quibuscum mirifice convenit et cohaeret res, de qua quaeritur, non tantum probat, eosdem fructus, absque panis viniique peculiari illa vi, Coenae piae celebrationi tribui posse; verum etiam haec, quae intercedit inter utrumque similitudo, quam maxime suadet, eandem hanc in Coenae fructibus interpretandis rationem tenendam esse, atque rem, caeteris adiunctis argumentis, ex ipsa rerum natura desumptis, extra omnem ponit dubitationem.

## E P I L O G U S.

**COMPARATIONIS USUS, IN VOCABULI SACRAMENTI SIGNIFICATIONE DEFINIENDA.**



**N**ulla facile res magis diversa, in utramque partem, iudicia subiit, quam hoc Sacramenti vocabulum. Fuerunt, qui multis laudibus id extollerent, et in vocabuli definitionem sedulo inquirerent. Fuerunt item, qui, certi nihil de eo doceri posse existimantes, nullum eius usum esse affirmarent et ab eo abstinendum esse docerent. Cum vero diuturno usu tritum sit in formulis nostris, et in disputationibus cum Pontificiis difficulter evitetur, et neminem posit offendere, si quidem rite definiatur, operae pretium videtur, in huius vocabuli significationem

accuratius inquirere, ut appareat, quid tandem de ea sit iudicandum.

Ante omnia autem ipsum *sacramenti* vocabulum est attendendum, explorandaeque Theologorum sunt *fententiae*, de eius usū, *dēfinitionib⁹*, rebusque, quas eo complectentur, ut perspicuum fiat, inde nihil certi posse effici, sed circumspiciendum esse, num via alia reperiatur, quam ingredi nos oporteat, ut ad probabiliorem de eo sententiam perveniamus.

*Sacramentum* dicitur a *sacrando*: significatur autem hac voce omne id, quod *consecratum est*, vel *actio* qua aliquid *consecratur*. Romani hoc vocabulo utuntur, ubi de pecuniae summa a litigantibus deposita, de iureiurando quovis, in primis vero militum, agunt. (1) Patres Ecclesiastici hoc nomine designarunt omnis generis rem arcanam, *tum* dictum aliquod obscurum, allegoricum, *tum* symbolum rei cuiusdam sacrae, *tum* actionem certo modo consecratam et cum promissione quadam coniunctam, maxime Baptismum et sacram Coenam. (2)

Va-

(1) Conf. Ernesti, *Clavis Ciceron.* hac voce.

(2) Tertullianus, *Apol.* c. 47. *de Praescript. Haeretic.* c. 40. *de anima*, c. 9. et Hieronymus, *Ep.* 38 et 110. Conf. Wegscheideri *Inst. Theol. Christ.* *Dogm.* P. III. C. IV. §. 166. et Munscheri *Handbuch der Dogmengesch.* T. IV. §. 135. — Qui vero plu-

Varius hic et multiplex usus Theologis multorum atque diversorum de sacramento iudiciorum ansam dedit, in primis cum dubitaretur de eo, utrum vocabulum a Romanorum militum iureiurando, an vero a Graeco verbo *μυστήριον*, esset ducendum. Fuerunt enim, qui *sacramenti* vocabulum de promtum existimarent ex hoc loquendi usu, atque ita, constrictiorem significationem ei tribuentes, ritus sacros *sacramenta* vocari affirmarent, quia hisce Christum profitemur Conservatorem et sub eius signis nos militare testamur, quemadmodum milites Romani, sacramento hoc militari intercedente, fident suam imperatori obstringebant. (3) Alii vero, iisque plurimi, *sacramenti* vocem e versione vulgata τοῦ μυστηρίου (*Eph.* V: 32. *1 Tim.* III: 16. *Apoc.* XVII: 7.) in Latinitatem ecclesiasticam translatum perhibentes, ampliorem huic voci tribuerunt significationem.

Hanc igitur ab causam, aliter fieri non potuit, quin de vera sacramenti notione varia et di-

plura de vocabuli *sacramenti* origine iudicia legere cupit, adeat Mart. Vitringam, libr. laud. Part. VI. c. XX.

(3) Conf. Z. Ursini, *Explic. Catech.* Part. II. p. 6. Calv. *Inst.* Libr. IV. c. XIV. §. 13. et Vossii, *Disp. πρόδρομος*, de *sacram.* nat. ac in primis xi. et effici.

diversa extiterint iudicia, quorum praincipia tantum commemorare lubet.

Augustino sacramentum est *visibile verbum et invisibilis gratiae visibilis forma*. (4) Scholasticorum et Iesuitarum nonnulli negarunt, sacramentum definiri posse, certe non nisi imperfecte describi posse contenterunt. (5) Alii *Sacramentum dixerunt signum visibile eius rei, quam invisibiliter operatur*. Alii *signum efficax gratiae, divinitus institutum*. Alii *signum sensibile et visibile, significans rem sacram, cum aliquā analogiā*. Alii *actionem verbis iunctam solennibus, qua significatur et exhibetur effectus gratosus*. (6)

Ab his denuo definitionibus decesserunt sacrorum emendatores, quorum quisque fere suo iure dedit definitionem, ab aliis diversam. Sic

Lu-

(4) Libro XIX. cap. 16. *contra Faust.* et Lib. II. C. I. *de doctr. Christ.*

(5) Videantur *Disput. Bellarmini, de Controy. Christ. fidei, adv. huius temporis haer.* T. II. L. I. c. X. *Conf. Dav. Parei Praef. in Explic. Catech. Z. Ursini.*

(6) Thome Aquinatis *Summa Theol.* P. III. — Hugo de S. Victore, L. I. Part. IX. c. 2. — *Conc. Trid. Sess. VII.* — Petavius, *Opp. Theol. Dogm. de Hierarch. Eccles.* Opp. T. III. Lib. I. c. X et XI. — Lutherus, *Capt. Babyl.* pag. 86a. Opp. T. II. — *Dav. Parei Praef. laud.*

Lutherus sacramentum dixit testimonium, ad excitandam vel nutriendam fidem institutum, quod miraculi instar confirmat, et sigilli instar obsignat promisionem gratiae. Zuinglius vero signum tantum dixit gratiae divinae, quo se homines Christo et ecclesiae fideles fore, publice profitentur. (7) Calvinus, utriusque definitiones coniungens, sacramentum dixit externum symbolum, quo benevolentiae erga nos suae promissiones conscientiis nostris dominus obsignat, ad sustinendam fidei nostrae imbecillitatem, et nos vicissim pietatem erga eum nostram, tam coram eo et angelis, quam apud homines, testamur. (8) Ab his denuo differt Andreae Carolostadii sententia, qui nihil aliud esse Christianorum sacramenta asseruit, nisi symbola quedam ac teseras, quibus internoscuntur Christiani ab aliarum religionum cultoribus.

Cum eo consentire quodammodo videntur Saciniani (9) et Arminiani. (10) Theologi denique plurimi recentiores in eo substiterunt, quod sacramentum ritum sacrum a religionis Christianae

(7) *Comm. de vera et falsa relig.* Opp. T. II. p. 198.

(8) *Inst. Libr.* IV. c. 14. §. 1.

(9) *Cateches. Racov.* VI: 3.

(10) *Conf. Remonstr.* XXII: 3.

*nae auctore sapienter institutum, celebrantibus  
salutarem, docuerint.* (11)

Quodsi singulorum fere Theologorum dissensum, in definienda *sacramenti* notione, obser-  
vaverimus, mirum nemini accidat, eosdem, in  
iudicio de sacramentorum indole, usi legitimo  
et fructu salutari, quoque inter se disensissem.  
Quin et alias atque alias res *sacramenti* nomine  
appellassem. Ioh. Damascenus duo tantum  
recenset sacramenta, Baptismum et sacram Coe-  
nam. Pseudo-Dionysius vero, et Theodo-  
dorus Studita sex enumerant sacramenta. E  
Latinis Rabanus Maurus et Paschalius  
Radbertus quatuor adesse contendunt, quibus  
S. Bernardus pedum lavationem, Hugo de  
Sancto Victore aquam lustralem, campan-  
narum consecrationem aliaque adiecit. Petrus  
Damianus duodecim sacramenta adesse testa-  
tur. Denique, praecuntibus Ottone Bambergensi  
et Petro Lombardo, factum est,  
ut septem Ecclesia Romano-Catholica recenseat  
sacramenta. (12)

Sa-

(11) Mori, *Epit.* p. 250. Doederlein, *Inst. Theol. Chr.* II. 814.

(12) Münscher, *Lchrbuch der Christ. Dogm.* et  
Wegscheider, lib. I. §. 166. uti et auctores, ab eo  
laudati.

Sacrorum emendatores, ut erant incerti de sacramentorum definitionibus, ita quoque dubii fuerunt, in numero sacramentorum constituendo. Lutherus et Melanchton primum tria recensuerunt, Baptismum, sacram Coenam et absolutionem seu poenitentiam, postea tamen in binario acquiecerunt numero. (13)

Sic etiam Zwinglius et Calvinus Baptismum et sacram Coenam sacramenta vocarunt; verum alter interdum matrimonium, alter ordinationem his annumeravit. (14) Tandem Philippus, licet primum tria habuerit sacramenta, quartum tamen, ordinationem, his adiunxit, atque se propensum profitetur ad matrimonium quoque in sacramentorum numero recipiendum. (15) Postea vero emendatae Ecclesiae familiae (16) in binario numero acquiecerunt, et Baptismi atque Coenae ritus sacros unice sacramenti nomine designandos dixerunt.

Haec, de *sacramenti* verbo eiusque usu va-

rio,

(13) *Capt. Babyl.* p. 65. *Opp. T. II.* et in fine huius *Disp.* p. 86a. *Melancthon, Apol. V.* 167. VIII. 200.

(14) *Zwinglius, de vera et falsa relig.* in cap. de *sacramentis et de matrimonio.* *Calvin. Inst. Libr. IV.* c. 18. §. 19. 20. cap. 19. §. 31.

(15) *Testante Bellarmino, lib. I. L. II. cap. XXIII,* sqq. *Philippi loca citet ai XXXVI. LII et LVIII.*

(16) *Catech. Pal. Quaest. 61. Conf. Belg. art. 33.*

rio, breviter disputata, quicunque attendat, sibi facile persuadebit, nos ex iis, quae dubia sunt et incerta, certam et accuratam definitionem haud efficere posse. Si enim vocis, quae in libris S. nusquam legitur, vim et significationem ab ipsa eius origine repetere velimus, vagam habemus et dubiam significationem. Si vero usum attendamus, qui in verborum significatione in primis est spectandus, et etymologiae anteponendus, incerti prorsus sumus, quid nobis eligendum sit. Quodsi tandem definitiones, a Theologis prolatas, animadvertiscas, atque res indagemus, quas *Sacramenti* nomine designarunt, incerti iterum relinquimur, cum tot fere habeantur variae definitiones, quot Theologi de sacramentis disputatione fecerint.

Quodsi igitur nobis *Sacramenti* vox, in religionis Christianae causa, sit adhibenda, eam ita usurpandum arbitramur, ut conveniat in utrumque illum ritum, quem Christiani a Christo institutum venerantur, h. e. *Baptismum* et *Cœnam*. Itaque *Novi Foederis Sacramentum* dicimus ritum externum, a Christo divina auctoritate institutum, in perpetuum Societatis Christianae usum, significantem et confirmantem beneficia divina, Euangelio promissa, in remissione poeniarum animique emendatione conspicua.

Si vero eandem vocem adhibeamus, ad designan-

nandos ritus Foederis, cum Novi, tum etiam Veteris Israëlitici, hoc est, circumsectionis et epuli paschalis, eius definitio erit ita instituenda, ut dicamus, *Sacramenta esse ritus sacros, ad religionem pertinentes, divina institutos auctoritate, quibus, ope signorum sensibus expositorum, significentur et confirmentur beneficia divina, singulare patefactione promissa.*

